

Kalaallit Nunaanni eqqartuussisarnermik inatsit

UAGUT MARGRETHE APPAAT, Guutip saammaanneranik Danmarkip Dronningia,
imaaliorpugut:

Folketingip akueraa aamma Uagut akuersinitsigut inatsit manna aalajangersarpaa:

Immikkortoq I

Eqqartuussisut il.il.

Kapitali 1

Eqqartuussisut aaqqissugaanerat il.il.

Aaqqissugaaneq

Eqqartuussiviit

§ 1. Eqqartuussiviit nalinginnaasut tassaapput najukkani eqqartuussiviit, Kalaallit Nunaanni Eqqartuussivik, Kalaallit Nunaata Eqqartuussisuuneqarfia aamma Eqqartuussiviit Qullersaat.

§ 2. Kalaallit Nunaat eqqartuussisoqarfinnut 18-inut aggornilersugaassaaq.

Imm. 2. Eqqartuussisoqarfiiit annertussusaat inatsiseqarnermut ministerip aalajangersassavai, taannalu taakkunanna allanngortitsisinnaavoq, allanngortitsinerup eqqartuussisoqarfimmik pilersitsineq atorunnaarsitsinerluunniit nassatarissanngippagu.

Imm. 3. Inatsiseqarnermut ministereqarfik saqqummiussisassaaq eqqartuussisoqarfiiit nalunaarsorneqarfiannik, eqqartuussisoqarfiiit annertussusaat ilanngullugu oqaatigalugu.

§ 3. Najukkani eqqartuussiviit tamarmik ataatsimik arlalinnilluunniit eqqartuussisoqassapput, Eqqartuussisut Siunnersuisoqatigiit inassuteqaateqarnerisigut Domstolsstyrelsimit toqqarneqartussananik, tak. § 12. Inuk ataaseq najukkani eqqartuussivinni arlalinni eqqartuussisussatut toqqarneqarsinnaavoq. Tamatuminnga aalajangiinermi suliassat amerlassusaasa saniasigut annertuumik pingartinneqartassaaq taamatut aaqqiinissaq eqqartuussisoqarfiiit immikkullarissusaannut aamma angallannikkut pissutsinut isumannaatsuunersoq.

Imm. 2. Najukkami eqqartuussivik eqqartuussisumik ataatsimik arlalinnilluunniit aalajangersimasumik utaqqiisaagallartumilluunniit sulisoqarpat Kalaallit Nunaanni Eqqartuussivimmi eqqartuussisup, eqqartuussisunik pineqartunik isumaqatiginminniaqateqareernerup kingorna, aalajangiiffigisassavaa suliassat taakkua akornanni qanoq agguataarneqassasut.

§ 4. Najukkani eqqartuussiviit eqqartuussisarfigisassaaat Domstolsstyrelsimit aalajangersarneqassaaq.

Imm. 2. Najukkani eqqartuussiviit ataasiakkaat allaffiisa ammasarfissai ammasarfisiisalu sivisussusissaat Kalaallit Nunaanni Eqqartuussiviup eqqartuussisuata aalajangiiffigisassavai.

Imm. 3. Najukkami eqqartuussiviup aalajangersinnaavaa eqqartuussivik nalinginnaasumik eqqartuussisarfigisami avataatigut eqqartuussitinneqassasoq.

§ 5. Kalaallit Nunaanni Eqqartuussivik ataatsimik eqqartuussisoqassaaq, kunngimit toqqarneqarsimasumik, tak. § 13.

Imm. 2. Kalaallit Nunaanni Eqqartuussivimmi sulisorineqassapput fuldmægtiget aalajangersimasumik amerlassusillit, tak. § 15.

Imm. 3. Fuldmægtigi suliassanik, Kalaallit Nunaanni Eqqartuussiviup suliassaanik, suliassaqarsinnaavoq eqqartuussisup aalajangiineratut annertussusilimmik.

§ 6. Kalaallit Nunaanni Eqqartuussivik Nuummi eqqartuussisarfeqarpoq, kisianni pisariaqartitsineq naapertorlugu najukkani eqqartuussiviit eqqartuussisarfiini aamma sulisinneqartassaaq.

Imm. 2. Kalaallit Nunaanni Eqqartuussivik aalajangiisinnaavoq eqqartuussivik nalinginnaasumik eqqartuussisarfiit avataanni sulisinneqassasoq.

Imm. 3. Eqqartuussutissamik aalajangiiniarnerit sumiiffimmi, uppernarsaatinik saqqummiussinissaq eqqarsaatigalugu, tulluarnerpaami ingerlanneqartassapput.

Imm. 4. Imm. 3 malillugu aalajangiisoqartinnagu illuatungeriit oqaaseqarnissaminut periarfissinneqartassapput.

§ 7. Kalaallit Nunaata Eqqartuussisuuneqarfia ataatsimik nunap eqqartuussisuuneqassaaq, kunngimit toqqarneqarsimasumik, tak. § 13.

Imm. 2. Suliassat, Kalaallit Nunaanni Eqqartuussiviup suliardinneqqaarfiusutut aalajangiiffigisimasai, Nunatta Eqqartuussisuuneqarfiani eqqartuussissutigineqarneranni eqqartuussisunernik marlunnik allanik Danmarkimeersunik peqataasoqartassaaq, tak. § 14. Nunatta Eqqartuussisuuneqarfiani eqqartuussisuuneq, eqqartuussisunut siulittaasuusoq, aalajangiisinnaavoq eqqartuussutissap isumaqatigiinniutigineqarnerata avataatiguttaaq nunatta eqqartuussisuuneqarfia eqqartuussisuunernit marlunnit peqataaffigineqassasoq.

Imm. 3. Kalaallit Nunaata Eqqartuussisuuneqarfiani sulisorineqassapput fuldmægtiget aalajangersimasumik amerlassusillit, tak. § 15.

Imm. 4. Fuldmægtigi suliassanik, Kalaallit Nunaata Eqqartuussisuuneqarfia suliassaanik, suliassaqarsinnaavoq eqqartuussisup aalajangiineratut annertussusilimmik.

§ 8. Kalaallit Nunaata Eqqartuussisuuneqarfia Nuummi eqqartuussisarfeqarpoq, kisianni pisariaqartitsineq naapertorlugu najukkani eqqartuussiviit eqqartuussisarfiini aamma sulisinneqarsinnaavoq.

Imm. 2. § 6, imm. 2, 3 aamma 4 nunatta eqqartuussisuuneqarfianut taamatulli atortuutinneqassapput.

§ 9. Najukkani eqqartuussivinni aamma Kalaallit Nunaanni Eqqartuussivimmi allatsit suliassaqarsinnaatitaapput akiligassanik naammassinniniaasartut suliaannik, uppernarsaasiisartut suliaannik, suliassanik pigisanik agguassinermut nalunaarsuinermullu tunngasunik kiisalu ataattassarsiunernik suliassanik. Najukkani eqqartuussivinni allatsit aalajangiisinnaatitaanngillat, akerliliissutinik imaluunniit illuatungiusumiit piumasaqaammik saqqummiussisoqartillugu. Taamaattorli §§ 603, 604, imm. 4 aamma 5, kiisalu 618, imm. 2, malillugit aalajangiinissaminut piginnaatinneqarsinnaapput.

Imm. 2. Imm. 1 malillugu piginnaatitaaneq najukkani eqqartuussivinni eqqartuussisumit susassaqartumit aamma Kalaallit Nunaanni Eqqartuussivimmi eqqartuussisumit nalunaarutigineqartassaaq.

Eqqartuussisut Siunnersuisoqatigiit

§ 10. Eqqartuussisunik Siunnersuisoqatigiiliortoqassaaq,

1) piukkusanik eqqartuussisutut atorfinnut atorfinititsinissaq pillugu aalajangiisartussanik, tak. § 12, imm. 2,

- 2) najukkani eqqartuussisutut atorfinitssitassanik Domstolsstyrelsimit innersuussuteqartartussanik, tak. § 12,
- 3) najukkani eqqartuussisut atorfimmik saniatigut inuussutissarsiuteqarsinnaanerinut akuersissuteqarnissaq pillugu aalajangiisartussanik, tak. § 25, aamma
- 4) §§ 26-32-mi maleruagassat naapertorlugit suliffigisamik allannguineq qinnuteqaatiginngisaq, maleruagassanik unioqqutitsinermi malersuisarneq, atorfimmiiit peersitaagallartarneq soraarsitsisarnerlu pillugit suliassanik najukkami eqqartuussisunut tunngassuteqartunik suliassaqtartartussanik eqqartuussivittullu aalajangiisartussanik,

Imm. 2. Imm. 1, nr. 2 malillugu innersuussutit tunngavilorsorneqarsimassapput. Atorfimmut inuttaqanngitsumut ataatsimut qinnuteqartoq ataasiinnaq innersuussutigineqarsinnaavoq. Innersuussut pillugu isumaqatigiinngittoqarsimappat tamanna innersuussummi allanneqassaaq, soorluttaaq ilaasortat ataasiakkaat isummernerat ersersinneqassasoq.

§ 11. Eqqartuussisut Siunnersuisoqatigiit § 10, imm. 1, nr. 1-imi aamma 2-mi taaneqartutut pisoqartil-lugu tallimanik ilaasortaqtassapput, tassaasunik Kalaallit Nunaata Eqqartuussisuuneqarfiani nunap eqqartuussisunera (siulittaasoq), Kalaallit Nunaanni Eqqartuussivimmi eqqartuussisoq, najukkami eqqartuussisoq ataaseq aamma innuttaasut sinniisutitaat marluk.

Imm. 2. Eqqartuussisut Siunnersuisoqatigiit § 10, imm. 1, nr. 3-mi aamma 4-mi taaneqartutut pisoqartillugu pingasunik ilaasortaqtassapput, tassaasunik Kalaallit Nunaata Eqqartuussisuuneqarfiani nunap eqqartuussisunera (siulittaasoq), Kalaallit Nunaanni Eqqartuussivimmi eqqartuussisoq aamma najukkami eqqartuussisoq ataaseq.

Imm. 3. Najukkami eqqartuussisoq, Folketingemi, Kalaallit Nunaata Inatsisartuini imaluunniit kommunalbestyrelsimi ilaasortaassanngitsoq, Eqqartuussisut Peqatigiffiata innersuussutaa malillugu inatsiseqarnermut ministerimit ukiuni sisamani eqqartuussisussatut invertinneqartassaaq. Ivertitseqqiiso-qarsinnaanngilaq.

Imm. 4. Eqqartuussisumut sinniisussamik ivertitsisoqartassaaq. Sinniisussamik ivertitsinermi imm. 3-mi, oqaaseqatigiit siulliit taamatulli atortutinneqassapput.

Imm. 5. Innuttaasunut sinniisutitat taakkualu sinniisussaat tassaassapput § 13, imm. 3-7 naapertor-lugu Danmarkimi Dommerudnævnelsesrådimut invertinneqarsimasut taakkorpiaat.

Eqqartuussisut il.il.

§ 12. Najukkani eqqartuussisut tusaamasaanerlugaassanngillat aamma communalbestyrelsimit qini-gaasinnaatitaanermut piumasaqaatinik naammassinnismassapput.

Imm. 2. Najukkami eqqartuussisutut aatsaat atorfinitssitivittooqarsinnaavoq, pineqartoq eqqartuussisut atorfimmut piukkunneqartutut atorfeqareernermeri kingorna eqqartuussisunut immikkut ittumik ilin-niartitaaneq naammassereerpagu. Domstolsstyrelse ilinniartitaaneq, Kalaallit Nunaanni Eqqartuus-sivimmi eqqartuussisumit isumagineqartussaaq, pillugu erseqqinnerusunik maleruagassiussaaq.

Imm. 3. Domstolsstyrelsip inuk imm. 2 naapertorlugu ilinniartitaanissamik piumasaqaateqarnermut pissutsini immikkut ittuni ilaannakortumik tamakkiisumilluunniit pisussaajunnaarsissinnaavaa.

Imm. 4. Najukkami eqqartuussisutut atorfinnut piukkussanik atorfinitssinerni aamma eqqartuussis-unik toqqaanerni inuttut suliassatigullu piginnaasaqarnerit saniasigut pingartinneqartassaaq pineqartoq eqqartuussisoqarfimmi najugaqarfigisamini pissutsinik ilisimasaqartuunersoq.

§ 13. Kalaallit Nunaanni Eqqartuussivimmi eqqartuussisoq aamma Kalaallit Nunaata Eqqartuus-sisuuneqarfiani nunap eqqartuussisunera inatsisileritutut soraarummeernermeri angusaqarsimasuussapput.

Imm. 2. Kalaallit Nunaanni Eqqartuussivimmi eqqartuussisutut aamma Kalaallit Nunaata Eqqartuussisuuneqarfiani nunap eqqartuussisunerautut toqqaaneq pisassaaq danskit eqqartuussisarner-mik inatsisaanni malittarisassat §§ 42-43 d-miittut malillugit, taamaattoq tak. imm. 3-7.

Imm. 3. Kalaallit Nunaanni Eqqartuussivimmi eqqartuussisutut imaluunniit Kalaallit Nunaata Eqqartuussisuuneqarfiani nunap eqqartuussisuuneratut atorfiup inuttalerneqarnissaata suliarineqernerani peqataatinneqassapput Dommerudnævnelsesrådit, eqqartuussissuserisoq Kalaallit Nunaanni najugalik, eqqartuussissuserisumut Danmarkimi najugalimmuit taarsiullugu, aamma inuiaqatigiit danskit sinniisutitaannut taarsiullugit inuiaqatigiit kalaallit sinniisutitaat marluk.

Imm. 4. Inuiaqatigiit kalaallit sinniisutitaat Kalaallit Nunaanni Naalakkersuisunit aamma Kanukokamit (Kalaallit Nunaanni Kommuneqarfiiit Kattuffiat) innersuussuteqarnerup kingorna Inatsiseqarnermut ministereqarfimmit ivertinnejartassapput.

Imm. 5. Folketingimi, Kalaallit Nunaata Inatsisartuini aamma kommunalbestyrelsini ilaasortat Dommerudnævnelsesrådimut ilaasortaasinnaanngillat.

Imm. 6. Inuiaqatigiinnut sinniisutitat ukiunut sisamanut ivertinnejartassapput. Ivvertitseqqiisoqarsinnaanngilaq.

Imm. 7. Inuiaqatigiit sinniisutitaat tamarmik immikkut sinniisulerneqartassapput. Sinniisussaliinermi imm. 4-5-im iamma imm. 6-im, oqaaseqatigiit siilliit taamatulli atortuutinneqassapput.

§ 14. Nunap eqqartuussisuuneri, § 7, imm. 2 malillugu Kalaallit Nunaata Eqqartuussisuuneqarfiani suleqataasussat, Danmarkimi nunap eqqartuussisuunerisut toqqarneqarsimasuussapput.

Imm. 2. Østre aamma Vestre Landsretip præsidentii qinnuteqaateqarneq naapertorlugu tamarmik immikkut ivertitsissapput nunap eqqartuussisuunerinik imm. 1-im taaneqartunik naleqquttumik amerlassusilinnik. Eqqartuussisuunertut ivertinnejqarsimasut aamma Kalaallit Nunaata Eqqartuussisuuneqarfiani eqqartuussisuuneq isumaqatiginniniarfigereerlugit landsretit præsidentiisa suliassat akunnerminni agguataarneqarnissaat aalajangersaavigissavaat.

§ 15. Kalaallit Nunaanni Eqqartuussivimmi aamma Kalaallit Nunaata Eqqartuussisuuneqarfiani fuldmægtiget inatsisilerituutut soraarummeernerminni angusisimasuussapput.

Imm. 2. Fuldmægtiget Domstolsstyrelsimit atorfinitssineqartassapput, naalagaaffiup eqqartuussivii atorfefeqarfigissallugit.

Imm. 3. Domstolsstyrelsip fuldmægtiget ilinniartitaanissaannut maleduagassat aalajangersassavai.

Eqqartuussisutut ivertitsigallarneq

§ 16. Eqqartuussisutut ivertitsigallartoqarnera Kalaallit Nunaanni Eqqartuussivimmi eqqartuussisumit §§ 17-19 malillugu nalunaarutigineqarsinnaavoq.

Imm. 2. Najukkami eqqartuussisuugallartussatut ivertinnejqarsinnaavoq eqqartuussisutut toqqarneqarsimasoq imaluunniit Kalaallit Nunaanni Eqqartuussivimmi fuldmægtigi.

Imm. 3. Najukkami eqqartuussisuugallartussatut aamma ivertinnejqarsinnaavoq eqqartuussisussatut piukkussat ilaat, pineqartup taassuma ilinniartitaanerup ilaa tunngaviusoq § 12, imm. 2-mi taaneqartoq naammassereersimappagu imaluunniit ilinniagaqarnissamut tamatumunnga § 12, imm. 3 malillugu pisussajunnaarsinnejqarsimappat. Najukkami eqqartuussisutut atorfimmut piukkussaq ilinniarnermi nalaani qaqugumiit eqqartuussisuugallartutut ivertinnejqassanersoq pillugu Domstolsstyrelsi malitarisassanik erseqqinnerusunik aalajangersaassaaq.

§ 17. Najukkami eqqartuussisutut ivertitaagallarneq nalunaarutigineqarsinnaavoq, atorfiup inuttaqanganinnerani imaluunniit aalajangersimasumik eqqartuussisuusup pisinnaannginnerani tamanna pisariaqarlerpat.

Imm. 2. Imm. 1-im taaneqartut pissutigalugit tamanna pisariaqartutut nalilerneqarpat, najukkami eqqartuussisoq kinaluunniit pisussaavoq atorfimmi saniatigut atorfiugallartumut allamut ivertinnejqarnissani akuerissallugu.

Imm. 3. Najukkami eqqartuussisutut atorfik qaqugukkulluunniit ukiut tallimat sinnerlugit sivisus-susilimmik utaqqiisaagallartumik inuttaqartinneqarsinnaanngilaq.

Imm. 4. Utaqqiisaasumik ivertitsineq atorunnaassaaq atorfik inuttaqartinneqanngitsoq inuttalerneqarpat imaluunniit pisinnaajunnaarnermut pissutaasoq atuukkunnaarpas. Taamaattorli Kalaallit Nunaanni Eqqartuussivimmi eqqartuussisup ivertitsineq siusinnerusukkut atuukkunnaarseqqissinnaavaa.

§ 18. Eqqartuussivimmi eqqartuussisup saniatigut allamik utaqqiisaasumik ivertitsineq nalunaa-rutigineqarsinnaavoq, tamanna eqqartuussivimmi pissutsinit imaluunniit ilinniagaqarnermut tunngas-sutilinnit pisariaqartinneqarpat.

Imm. 2. Ivvertitsineq qaqugukkulluunniit ukiut marluk sinnerlugit atuutsinneqarsinnaanngilaq.

Imm. 3. Utaqqiisaasumik ivertitsineq Kalaallit Nunaanni Eqqartuussivimmi eqqartuussisumit atuukkunnaarseqqinnejqassaaq.

§ 19. Najukkami eqqartuussisup suliassamat akooqqusaannginnera pissutigalugu pisariaqassappat Kalaallit Nunaanni Eqqartuussivimmi eqqartuussisoq eqqartuussisup taartaanik ivertitsissaq.

§ 20. Najukkami eqqartuussisumut ikiortitut ivertitsigallarneq Kalaallit Nunaanni Eqqartuussivimmi eqqartuussisumit nalunaarutigineqarsinnaavoq, tamanna atorfip inuttaarunnerani imaluunniit eqqartuussisup pisinnaajunnaarnerani pisariaqartinneqarpat aammalut § 16 malillugu eqqartuussisuugallartus-samik iverttsisoqarsinnaasimanngippat.

Imm. 2. Najukkami eqqartuussisumut ikiortitut iverttsinermi piumasaqaatit § 12, imm. 1-imiittut aamma 4-miittut taamatulli atortuutinnejqassapput.

Imm. 3. Kalaallit Nunaanni Eqqartuussivimmi eqqartuussisoq imm. 4 aamma 5 malillugit aalajangiis-assaaq eqqartuussisumut ikiorti suliassanik sunik suliassaqarsinnaanersoq.

Imm. 4. Najukkami eqqartuussisumut ikiortit makkuninngaanerusoq suliassaqartussanngortin-neqarsinnaapput:

1) Ataatassarsiuinerit,

2) Pigisanik suliaqarnerit aamma

3) Uppernarsaasiinerit.

Imm. 5. Eqqartuussisumut ikiortit, eqqartuussisumut ilinniartitaanermi § 12, imm. 2-mi eqqartorneqartumi pinerluttulerinermi suliaqarnermi pinngitsaaliiinkut akuliutarneq pillugu atuareersimasut ilaatigut suliassanik makkuninnga aamma suliassaqarsinnaapput:

1) Inatsimmi matumani kapitali 32-mi maleruagassat malillugit illersuisumik, eqqartuussiviup avataaneersumik siunnersortissamik imaluunniit najugarisami ikiortissamik iverttsinissaq pillugu apeqqutit,

2) pinerlineqartumut illersuisussamik § 333 malillugu iverttsinissaq pillugu apeqqutit,

3) inatsimmi matumani kapitali 35-mi maleruagassat malillugit tigummigallagassanngortitsineq pillugu apeqqutit,

4) inatsimmi matumani kapitali 36-mi maleruagassat malillugit nalunaarutinik isertuussisussaanermi pinngitsaaliiisseqartarneq, alaatsinaattarneq, timimik misissuisarneq aamma uppernarsaatissanik ujar-lerfiginnittarneq pillugit apeqqutit, aamma

5) inatsimmi matumani kapitali 37-mi maleruagassat malillugit paasinianermi pinngitsaaliiinkut allatigut akuliutarneq pillugu apeqqutit.

Imm. 6. Najukkami eqqartuussisumut ikiortimik ukioq ataaseq tikillugu iverttsisoqarsinnaavoq. Invertinneqartoq toqqaqqinnejqarsinnaavoq. Taamaattorli eqqartuussivimmi ataatsimi iverttsineq sivisunerpaamik katillugit ukiunut pingasunut pisinnaavoq.

Imm. 7. Najukkami eqqartuussisunut ikiortinngortitaasimaneq atorunnaassaaq imm. 1 imaluunniit 2 malillugu invertinneqarnissamut piumasaqaatit atuukkunnaarpata. Taamaattorli Kalaallit Nunaanni Eqqartuussivimmi eqqartuussisoq iverttsinermik siusinnerusumiit atuukkunnaarsitseqqissinnaavoq.

§ 21. Kalaallit Nunaanni Eqqartuussivimmi eqqartuussisutut aamma Kalaallit Nunaata

Eqqartuussisuuneqarfiani eqqartuussisuunertut ivertitsigallarneq Domstolsstyrelsimit § 22 malillugu aamma Eqqartuussiviit Qullersaata præsidentianit § 23 aamma § 24 malillugit nalunaarutigineqarsin-naavoq.

Imm. 2. Inuk, atorfimmut imm. 1-imí taaneqartutut ivertinneqarallartoq, eqqartuussisutut aalajangersimsumik atorfinitsinnejarnissamut pisinnaasatigut piumasaqaataasut assinginik pisinnaasaqassaaq.

§ 22. Domstolsstyelsi Kalaallit Nunaanni Eqqartuussivimmi eqqartuussisumik aamma Kalaallit Nunaata Eqqartuussisuuneqarfiani eqqartuussisuunermik ivertitsigallarsinnaavoq, tamanna atorfiup inuttaqannginnerata imaluunniit aalajangersimsumik eqqartuussisup pisinnaajunnaarnerata pisariaqalersip-pagu.

Imm. 2. Napparsimaneq pissutigalugu pisinnaajunnaarnerit saniasigut atorfik ukioq ataaseq sinnerlugu utaqqiisaasumik inuttaqartinneqarsinnaanngilaq.

Imm. 3. Ivvertitsigallarneq eqqartuussisup innuttaasut sinnerlugin suliareequsaasumik allamik sulias-saqarneranik pissuteqarpat, ukiumik ataatsimik killeqartitsineq ukioq ataasiakkaarlugu tikillugu sivisus-susilerlugu sivitsorneqarsinnaavoq, taamaaliortoqassappat piumasaqaataavoq

1) pissutsit immikkut illuinnartut pissutissaqartitsissasut,

2) Eqqartuussiviit Qullersaata præsidentia akuersissasoq, aamma

3) eqqartuussisutut toqqarneqarsimasoq atorfimmut ivertinneqarallarsimassasoq.

Imm. 4. Ukiumik ataatsimik killeqartitsinermik sivitsuisarneq sivisunerpaamik pisinnaavoq katillugit ukiuni pingasuni.

Imm. 5. Ivvertitsigallarneq atorunnaassaaq atorfik inuttaqartinneqanngitsoq inuttalerneqarpat imaluunniit pisinnaajunnaarnermut tunngaviusoq atorunnaarpat. Taamaattorli Eqqartuussiviit Qullersaata præsidentiata innersuussuteqarneratigut Domstolsstyelsip ivvertitsineq siusinnerusukkumiit atuukkun-naarseqqissinnaavaa.

§ 23. Eqqartuussiviit Qullersaata præsidentia Kalaallit Nunaanni Eqqartuussivimmi eqqartuussisup saniatigut eqqartuussisumik imaluunniit Kalaallit Nunaata Eqqartuussisuuneqarfiani eqqartuussiunuerup saniatigut eqqartuussisuunermik ivertitsigallarsinnaavoq, eqqartuussivinni taakkunani pissut tamanna pisariaqartippassuk.

Imm. 2. Ivvertitsineq qaqugukkulluunniit ukiut marluk qaangerlugit sivisussuseqarsinnaanngilaq.

Imm. 3. Eqqartuussiviit Qullersaata præsidentia Kalaallit Nunaanni Eqqartuussivimmi eqqartuussisumik aamma Kalaallit Nunaata Eqqartuussisuuneqarfiani eqqartuussisuunermik isumaqatiginniniareerluni aalajangiissaaq eqqartuussisutut utaqqiisaasumik ivertinneqartup suliassat suut suliariissagai.

Imm. 4. Ivvertitsigallarneq Eqqartuussiviit Qullersaata præsidentiata atuukkunnaarseqqissavaa.

§ 24. Kalaallit Nunaanni Eqqartuussivimmi eqqartuussisup imaluunniit Kalaallit Nunaata Eqqartuussisuuneqarfiani eqqartuussisuunuerup suliassamut akooqqusaannginnera pissutigalugu pisariaqalissappat Eqqartuussiviit Qullersaata præsidentia eqqartuussisup taartaanik ivertitsissaq.

Eqqartuussisut saniatigooralugu inuussutissarsiuteqartarnerat, maleruagassanik unioqqutitsinernik malersuisarneq aamma soraartarneq il.il.

§ 25. Najukkami eqqartuussisoq taamaallaat Eqqartuussisut Siunnersuisoqatigiit akuersineratigut atorfimmi pingarnerup saniatigut aalajangersimsumik aningaasarsiutaasumik sulisinnaavoq.

§ 26. Najukkami eqqartuussisoq soraarsitaasinnaavoq piukkunnaateqannginneq imaluunniit nap-ataeqarneq pissutigalugu imaluunniit pineqartoq pisuusimappat pisumut, ataqqinassutsimik ta-tigineqarnermillu eqqartuussisutut suliassaqarnermi piumasaqaataasunut, annaasaqartitsisumut.

Imm. 2. Soraarsitsisoqarsinnaavortaaq eqqartuussivinnik aaqqissuusseqqinnerup kingunerisaanik.

Imm. 3. Kalaallit Nunaanni Eqqartuussivimmi eqqartuussisoq nammineerluni sulissuteqarnermigut imm. 1 aamma 2 malillugit soraarsitsinissaq pillugu apeqqummik Domstolsstyrelsimit saqqummiussisaq.

Imm. 4. Imm. 1 aamma 2 tunngavigalugit suliassat Domstolsstyrelsimit aamma Eqqartuussisut Siunnersuisoqatigiivinut suliassanngortinneqartassapput.

§ 27. Atorfeqarfifigisamik qinnuteqaataanngitsumik allannguineq eqqartuussivinnik aaqqissuisoqaqqinerani aatsaat pisinnaavoq.

Imm. 2. Atorfeqarfifigisap allanngortinneqarnissaanut kalerriunneqareersimasumut akerliliisoqassappat Kalaallit Nunaanni Eqqartuussivimmi eqqartuussisup Domstolsstyrelsi qinnuigissavaa suliassaq Eqqartuussisut Siunnersuisoqatigiivinut suliassanngortinneqassasoq. Akerliliissut saqqummiunneqassaaq, eqqartuussisup pineqartup atorfeqarfittaassaminik kalerrinneqarneraniit kingusinnerpaamik ulla 14-it qaangiunneranni.

§ 28. Najukkami eqqartuussisoq pillugu maalaarutit inummit, taamaaliornissaminut peqqutissaqartumit, Kalaallit Nunaanni Eqqartuussivimmi eqqartuussisumut tunniunneqartassapput.

Imm. 2. Maalaarut tunniunneqassaaq, maalaartup pissutsinik maalaaruteqarnissamat pissutissiisunik ilisimasaqaleraneraniit kingusinnerpaamik sapaatit akunneri sisamat qaangiunnerini.

Imm. 3. Kalaallit Nunaanni Eqqartuussivimmi eqqartuussisup inuit, pisumut maalaarummi pineqartumut naleqquttumik soqutigisaqarfifiginnngitsut, maalaarutaat itigartissinnaavai, aamma maalaarutit piffissaq eqqorlugu tunniunneqanngitsutut imaluunniit erseqqissumik tunngavissaqanngitsutut siumut naliliivigineqartut.

§ 29. Kalaallit Nunaanni Eqqartuussivimmi eqqartuussisup maalaaruteqarneq naapertorlugu imaluunniit nammineerluni sulissuteqarnermigut eqqartuussisoq, atorfimmini suliassaminik sumiginaasimasoq peqqissaarussisimanngitsorlu imaluunniimmii assuarnartumik kusanaatsumilluunniit pissusilorsorsimasoq, mianersoqqusinnaavaa.

Imm. 2. Suliassaq qanoq ittuussutsi naapertorlugu imm. 1 malillugu aalajangiiffigissallugu naleqqutinngitsuuusorineqarpat Kalaallit Nunaanni Eqqartuussivimmi eqqartuussisup Domstolsstyrelsi qinnuigissavaa suliassaq taanna Eqqartuussisut Siunnersuisoqatigiivinut suliassanngortinneqassasoq.

§ 30. Suliassat, § 26, imm. 4, § 27, imm. 2, aamma § 29, imm. 2 naapertolugu Eqqartuussisut Siunnersuisoqatigiivinut tunniunneqartut, Domstolsstyrelsimit saqqummiunneqartassapput. Najukkami eqqartuussisoq, suliassami pineqartoq, tamatuma kingorna uparuaatissaminik allakkatigut saqqummiussaqrnissamat periarfissinneqartassaaq. Najukkami eqqartuussisoq taamaaliornissaminik noqqaassuteqarpat imaluunniit suliassap qanoq ittuunerata tamanna pisariaqartippagu Eqqartuussisut Siunnersuisoqatigiit suliassap oqaatsitigut isumaqatigiinniutigineqarnissaa pillugu aalajangiissapput tamannalu ilutigalugu aalajangiissapput tamanna matoqqasumik ingerlanneqassanersoq. Eqqartuussutissap isumaqatigiinniutigineqarnissaa pillugu aalajangersakkat erseqqinnerusut Eqqartuussisut Siunnersuisoqatigiivisa siulittaasuata aalajangersartassavai, malittarisassat saqtsaannermi suliassat siullermeersumik suliarineqarfifanni eqqartuussutissamik isumaqatigiinniuteqarnermi atuuttut malillugit, pissutsit assiginngissutaasa nassatarisaannik allannguuserlugit. Najukkami eqqartuussisoq pisimasuiup eqqortuuneranik assortuippat, aammalu Eqqartuussisut Siunnersuisoqatigiit tamanna pisariaqartuusorippassuk, suliassap ataqtiginnenra aalajangersarneqassaaq pinerlunnernik suliassanik paasinianermi maleruagassat malillugit, pisariaqartumik allannguuserlugit.

Imm. 2. Najukkami eqqartuussisup tamanna noqqaassutigippagu Eqqartuussisut Siunnersuisoqatigiit siulittaasuata pineqartoq eqqartuussissuserisussaanik ivertitsivigissavaa. Eqqartuussissuserisup aningaasarsiassai aningaasartuutinullu taarsiissutit nammineq aningaasartuutiginngisamik eqqartuussisuler-suussisarneq pillugu malittarisassat malillugit akilerneqartassapput.

§ 31. Eqqartuussisut Siunnersuisoqatigiivinut suliassiissutit tunngavissaqanngitsutut paasineqartut

itigartitsissutigineqartassapput.

Imm. 2. Soraarsitsinissaq tunngavissaqarsorineqanngippat, taamaattorli assuarnartumik kusanaatsumilluuniit pissusilersortoqarsimappat, Eqqartuussisut Siunnersuisoqatigiit assuarlummik oqaaseqaateqarsinnaapput imaluunniit eqqartuussisoq akiliisussanngortissinnaallugu.

Imm. 3. Eqqartuussisut Siunnersuisoqatigiit aalajangiissapput eqqartuussutikkut, tamanut ammasumik eqqartuussinermi oqaatigineqartussakkut.

Imm. 4. Eqqartuussut najukkami eqqartuussisumit imaluunniit Eqqartuussisut Siunnersuisoqatigiivinit Eqqartuussiviit Qullersannut suliareqqitassanngortinnejarsinnaavoq saqtsaannerlik suliassanik suliareqqitassanngortitsisarneq pillugu malittarisassat naapertorlugit.

§ 32. Eqqartuussisut Siunnersuisoqatigiit eqqartuussisoq atorfianit tunuartikkallarsinnaavaat, pineqartumut pinerlunnerlik suliassamik suliassiisoqarpat imaluunniit nalilerneqarpat pissutsinik § 26, imm. 1 malillugu soraarsitaassutaasinnaasunik atuuttoqartoq.

§ 33. Saniatigooralugu inuussutissarsiuteqarnermut, najoqqutassanik unioqqutitsinermik malersuinermut, atorfimmit tunuartitaagallarnermut soraarsitaanermullu tunngatillugu Kalaallit Nunaanni Eqqartuussivimmi eqqartuussisumut aamma Kalaallit Nunaata Eqqartuussisuuneqarfiani eqqartuussisuunermut atuutissapput malittarisassat danskit eqqartuussisarnerlik inatsisaanni §§ 47-50-imiittut.

Imm. 2. Saniatigooralugu inuussutissarsiuteqarneq pillugu nalunaarut Eqqartuussiviit Qullersaata præsidentianut tunniunneqartassaaq, taanna saniatigooralugu inuussutissarsiuteqarnissamut najoqqutasanillu unioqqutitsisoqarsimatillugu oqartussaaffeqartuuvoq, eqqartuussiviit præsidentiisa danskit eqqartuussisarnerlik inatsisaat malillugu oqartussaassuseqarfingisassaasa assinginik.

Imm. 3. Kalaallit Nunaanni Eqqartuussivimmi eqqartuussisoq aamma Kalaallit Nunaata Eqqartuussisuuneqarfiani eqqartuussisuuneq pillugu maalaarut Eqqartuussiviit Qullersaata præsidentianut imaluunniit Immikkut Ittumik Eqqartuussivimmut Maalaaruteqarfingineqarsinnaasumut tunniunneqartassapput, maalaaruteqartup pissutsinik maalaaruteqarnermut pissutissiisunik ilisimasaqalerteranii kingusinnerpaamik sapaatit akunneri sisamat qaangiutsinnagit.

§ 34. Kalaallit Nunaanni Eqqartuussivimmi aamma Kalaallit Nunaata Eqqartuussisuuneqarfiani fuldmægtiget kiisalu Kalaallit Nunaanni Eqqartuussivimmi eqqartuussisut aamma Kalaallit Nunaata Eqqartuussisuuneqarfiani eqqartuussisuunertut ivertinneqarallarsimasunut, eqqartuussisutulli atorfinitisitaasimanngitsunut, atuutissapput malittarisassat atorfefarfiusup allangortinnejarnissaanut, najoqqutassanik unioqqutitsinernik malersuinernut, atorfimmit tunuartitaagallarnermut soraarsitaanermullu tunngasut danskit eqqartuussisarnerlik inatsisaanni §§ 54-55-imiittut.

Imm. 2. Kalaallit Nunaata Eqqartuussisuuneqarfiani eqqartuussisuuneq najoqqutassanik unioqqutitsisoqarsimatillugu oqartussaaffeqartuuvoq, eqqartuussiviit præsidentiisa danskit eqqartuussisarnerlik inatsisaat naapertorlugu oqartussaaffiattut ittumik.

Imm. 3. Fuldmægtigi pillugu maalaarut nunap eqqartuussisuuneranut imaluunniit Immikkut Ittumik Eqqartuussivimmut Maalaaruteqarfingineqarsinnaasumut tunniunneqassaaq, maalaaruteqartup pissutsinik maalaarummut pissutissiisunik ilisimasaqalerteranii kingusinnerpaamik sapaatit akunneri sisamat qaangiutsinnagit.

Eqqartuussisoqataasartut

Aalajangersakkat nalinginnaasut

§ 35. Eqqartuussisoqarfinni tamani qinersisoqartassaaq inunnik eqqartuussisoqataanissamut piuk-kunnaateqarsorineqartunik aalajangersimasumik amerlassusilinnik, januaarip aallaqqaataaniit naatsorsorlugu ukiuni sisamani sulisussanik.

Imm. 2. Eqqartuussivinni eqqartuussisoqataasartut kommunalbestyrelsimit qinerneqartassapput

Kalaallit Nunaanni Eqqartuussivimmi eqqartuussisumiit inassuteqaat malillugu.

Imm. 3. Kalaallit Nunaanni Eqqartuussivimmi aamma Kalaallit Nunaata eqqartuussisuuneqarfiani eqqartuussisooqataasartut Inatsisartunit qinerneqartassapput Kalaallit Nunaanni Eqqartuussivimmi eqqartuussisumiit aamma nunap eqqartuussisuuneraniit inassuteqaatit naapertorlugit.

Imm. 4. Nunap eqqartuussisuunerata aalajangersinnaavaa eqqartuussisooqataasartoq eqqartuussisoqarfip qinerneqarfigisami avataani sulisinnaasoq.

§ 36. Eqqartuussisooqataasartutut qinerneqarsinnaavoq inuk kinaluunniit nammineersinnaassuseqarlunilu tusaamanerlugaanngitsoq. Pineqartoq taanna piffissami qinigaaffissami nalaani 70-inik ukioqalisanngilaq aamma anersaakkut timikkulluunniit sangiinneq pissutigalugu eqqartuussisooqataasartup pisussaaffiinik naammassinnissinnaajunnaarsimasuussanngilaq.

Imm. 2. Eqqartuussisooqataasartuussanngillat naalakkersuisunut ilaasortat, eqqartuussissuserisut, eqqartuussissuserisuni fuldmægtiget, illersuisutut akuerisat, Namminersornerusuni qaffasisumik atorfilit, eqqartuussivinni, unnerluussisussaatitaasuni, naalagaaffiup sinniisoqarfiani, politini pinerluuteqarsimasunillu isumaginnitoqarfimmi sulisut aamma kommunefogedit kiisalu ilagiinni upperisarsioqatiginnilu akuerisani kiffartortut.

Imm. 3. Makkua eqqartuussisooqataasartuuju manngissinnaapput:

- 1) Inatsisartunut ilaasortat atorfilitaallu kiisalu folketingimut ilaasortat,
- 2) sakkutuutut sulisut,
- 3) nakorsat ernisussiortullu,
- 4) kikkulluunniit 60-inik ukioqalereersimasut,
- 5) kikkulluunniit peqqissutsimikkut atugarisatik imaluunniit inuussutissarsiornikkut ilaqtariissutsikkullu atugarisatik pissutigalugit atugarissaarnerminnik navianartorsiortitsinatik eqqartuussisooqataanis-saminnut pisussaaffimminnik naammassinnissinnaanngitsut, aamma
- 6) kikkulluunniit eqqartuussisoqarfimmi toqqagaaffigingngisaminni najugaqalersimasut.

§ 37. Inuit qinerneqartut qinersineq pillugu allakkatigut kalerrinneqartassapput tamatumunngalu aker-liliissuteqarnissamut periarfissaq pillugu ilisimatinneqartassapput.

Imm. 2. Nunap eqqartuussisuunerata aalajangiiffigisassavaa inuk eqqartuussisooqataanissamut piumasqaatinik nammassinninnersoq aammalu eqqartuussisooqataannginnissamik noqqaassut akuerineqassanersoq. Aalajangiinerit maalaarutigineqarsinnaanngillat.

§ 38. Najukkani eqqartuussivinni aamma Kalaallit Nunaanni Eqqartuussivimmi eqqartuussisooqataasussat amerlassusissaat Kalaallit Nunaanni Eqqartuussivimmi eqqartuussisumit aalajangerneqartas-saaq. Kalaallit Nunaata Eqqartuussisuuneqarfiani eqqartuussisooqataasussat amerlassusissaat nunap eqqartuussisuuneranit aalajangerneqartassaaq. Amerlassusiliisoqartassaaq imaalillugu, eqqartuussisooqataasartup ataatsip ukiumut sisamararluni sulisinneqartarnissaa ilimagineqartussanngorlugu.

Imm. 2. Eqqartuussivinni tamani eqqartuussisooqataasartut allattuiffimmi allattugaatigineqassapput.

§ 39. Domstolsstyrelsi eqqartuussisooqataasartut akissarsiassaat allatigullu taartisiarisartagassaat pil-lugit malittarisassiussaaq.

Suliassanut ataasiakkaanut eqqartuussisooqataasussanik toqqartuineq

§ 40. Suliassaq aalajangersimasoq eqqartuussisooqataasartut peqataaffigisaannik suliarineqartus-sanngorpat, eqqartuussisut siulittaasuata inuit pisariaqartumik amerlassusillit eqqartuussisooqataasartunut allattuiffimmi qullerpaami allassimasut toqqassavai. Allattuiffik naaneqarpat, aallaqqataaniit to-qqartuisoqassaaq.

Imm. 2. Immikkut ittunik pissutissaqartoqartillugu, aamma pingaartumik eqqarsaatigalugu inuup eqqartuussinermi pissutsinik aalajangersimasunik immikkut ilisimasaqarnera, saqitsaannernik suliassani imm. 1-imik atuisitsinngitsoortoqarsinnaavoq.

Imm. 3. Toqqaaneq ullormut ataasiinarmut atuuttassaaq, taamaasilluni pineqartut taakku suliassani tamani, ullormi tassani aallarnerneqartuni, peqataasassallutik, massa suliassaq ulloq taanna naammassineqarsinnaangikkaluartoq.

Imm. 4. Eqqartuussisooqataasussat sinnisussallu minnerpaamik ullut pingasut sioqqullugit kalerrin-neqarlutik aggersarneqartassapput.

§ 41. Eqqartuussisooqataasartoq, pissutissaqarani takkutinngitsoortoq, pinerluttulerinermi inatsit malillugu pineqaatissinneqarsinnaavoq. Eqqartuussivik aalajangiissutikkut tamatuminnga aalajangiissaaq tunngavilersorneqarsimasumik pineqartumullu nalunaarutigineqartussamik. Eqqartuussisooqataasartup pissutissaqavissumik takkutinngitsoorsimanini uppermarsarpagu eqqartuussivik aalajangiinerminik al-lanngortitsisinnaavoq.

Imm. 2. Eqqartuussiviup imm. 1 malillugu aalajangiinera eqqartuussisooqataasartut peqataatinngit aalajangiinerussaaq. Aalajangiineq malittarisassat §§ 566-imi aamma 577-imiittut malillugit aala-jangeqtitassangortinnejqarsinnaavoq.

Eqqartuussisooqataasartut pisussaaffii piginnaatitaaffilu

§ 42. Suliassamik suliaqarnissaq aallartitsinnagu eqqartuussisut siulittaasuata eqqartuussisooqataasartoq nalunaarummik atsiugassaanik saqqummiussivigissavaa, tassani taanna ilumoornuni nalun-ngeqatiginnissutinilu naapertorlugu neriorsuissaaq eqqartuussivimmi isumaqtigiinniuteqarnerit malin-naaviginiarlugit, aamma inatsit suliassallu uppermarsaatitai malillugit eqqortuusorisani ilumoortuusori-sanilu tunngavigalugu eqqartuussiniarluni.

§ 43. Eqqartuussisooqataasartut eqqartuussutissap isumaqtigiinniutigineqarnerani tamatumunngalu atasumik aalajangiiffigisassanik aalajangiiniarnerni sulissapput eqqartuussisutulli pisinnaatitaaffeqarlu-tik.

Eqqartuussisooqataasartut peqataasarnerat

§ 44. Pinerlunnernik suliassanik eqqartuussivimmi siullermeeriffiusumi suliaqarnermi eqqartuussisoo-qataasartut marluk peqataasassapput, taammaattoq tak. imm. 2 aamma 3.

Imm. 2. Eqqartuussisooqataasartut peqataasassangillat suliassani, unnerluutigineqartoq pisuutitaas-sappat, akiliisitsinermiit, arsaarinninnermiit, biilersinnaanermut allagartaajaanermiit imaluunniit taar-siissuteqarnissamiit sakkortunerusumik pineqaatissiiffiusinnaangitsuni.

Imm. 3. Eqqartuussivik naliliippat suliassaq imm. 2 malillugu unnerluutigineqartumut immikkut sun-niuteqartumik pingaaruteqassasoq, eqqartuussivik aalajangiisinnaavoq eqqartuussisooqataasartunik peqataasoqassasoq

§ 45. Pinerlunnermik suliassap suliareqqitassangortinnejqarsimasup suliarineqarnerani, eqqartuus-sisup ataatsip peqataaffigisaani, eqqartuussisooqataasartut marluk peqataasassapput.

Eqqartuussisut pingasut peqataassappata eqqartuussisooqataasartut pingasut peqataassapput.

Imm. 2. Eqqartuussisooqataasartut peqataasassapput suliassani suliareqqitassangortitani, eqqartuus-sivimmi siullermeeriffiusumi suliarineqaramik eqqartuussisooqataasartunit peqataaffigineqarsimasuni. Eqqartuussisooqataasartut aammattaaq peqataasassapput pisuni, eqqartuussisut siulittaasuata suliassap qanoq ittuussusaa tunngavigalugu naleqquttuusorisani.

§ 46. Saqtsaannernik suliassani, eqqartuussivimmi siullermeeriffiusumik suliarineqartuni, eqqartuus-sisooqataasartut marluk peqataasassapput, illuatungeriit arlaat taamaalioqqusippat imaluunniit eqqartuussivik tamatuminnga aalajangiippat.

Imm. 2. Saqtsaannernik suliassani suliareqqitassangortitani, eqqartuussivimmi siullermeeriffiusumik

suliarineqartuni eqqartuusisooqataasunit peqataaffigineqarsimasuni, imm. 1 taamatulli atortuutinneqas-saaq. Eqqartuussisut pingasut peqataassappata eqqartuusisooqataasut marluk peqataassapput.

§ 47. Eqqartuussisooqataasartut peqataaffigisassangilaat eqqartuussinerit eqqartuussutissap isumaqtigiinniutigineqarnerata avataatigut pisut imaluunniit aalajangiinerit, suliassap suliarineqarnerata nalaani aalajangiissutaasut, taamaattoq tak. imm. 2 aamma 3.

Imm. 2. Eqqartuussutissap isumaqtigiinniutigineqarnissa sioqqullugu eqqartuussisinnatitaasunut uppernarsaatnik saqqummiussisoqassappat eqqartuussisooqataasartut tamatumani peqataassapput.

Imm. 3. Politimesterip eqqartuussasimasullu akornanni pinerlunnermik suliassami eqqartuussutip paasineqarnissa isumaqtigiinnngissutigineqalerpat eqqartuussisooqataasartut tamatuma aalajangiiffi-gineqarnerani peqataasassapput, tak. § 595.

§ 48. Eqqartuussiviup nammineerluni misilittassavaa eqqartuussisooqataasartut peqataassanersut. Eqqartuussutissamik isumaqtigiinniuteqarneq eqqartuussisooqataasartut peqataatillugit aallartissimap-pat eqqartuussiviup aalajangersinnaavaa eqqartuussisooqataasartut peqataaginnassasut, suliassaq eqqartuussisooqataasartut peqataaffiginngisaannik suliarineqartussasimagaluarpalluunniit.

Suliassamut akooqqusaannginneq

§ 49. Kinaluunniit suliassami eqqartuussisutut iliuuseqassangilaq pineqartoq taanna

- 1) nammineq suliassami illuatungiliutuuguni imaluunniit suliassap qanoq inerneqarnissa so-qutiguniuk, imaluunniit pinerlunnermik suliassaappat, pinerlunnermi pinerlineqartuuguni.
- 2) illuatungeriit arlaat eqqarleriguniuk imaluunniit aappamigut ilaqtariguniuk (ilanngullugittaaq piner-lunnermik suliassami pasisaq imaluunniit unnerluutigineqartoq) aappariinnikkut siulimigut kinguaamigulluunniit siulimiluunniit qatanngutaasigut imaluunniit illuatungeriit arlaannut pasisaasumulluunniit aappaaguni, inooqataaguni, angajoqqaatut sinnisuuguni, qitornavissiamut imaluunniit qitornarsiamut angajoqqaajuguni kiisalu qitornavissiaaguni imaluunniit qitornarsiaaguni,
- 3) pinerlunnermik suliassami pinerlineqartoq aappariguniuk imaluunniit inooqatiguniuk imaluunniit eqqarleriguniuk aappariinnikkulluunniit siulimigut kinguaamigulluunniit imaluunniit siulimi qatanngutaasigut qanittumik qanigisariguniuk,
- 4) suliassami ilisimannittutut nassuaateqarsimaguni imaluunniit misissuisartutut naliliisartutullu, unner-luussisutut, illersuisutut, eqqartuussissuserisutut imaluunniit eqqartuussinermi pisinnaatitatut iliuuseqar-simaguni imaluunniit
- 5) suliassaq eqqartuussisutut imaluunniit eqqartuussisooqataasutut eqqartuussivimmi appasinnerusumi suliarisimaguniuk.

§ 50. Arlaannaalluunniit pinerlunnermik suliassami eqqartuussutissap isumaqtigiinniutigineqarnerani eqqartuussisutut peqataassanngilaq pisimasumi, unnerluussummi pineqartumi, unnerluutigineqartup § 359, imm. 2 malillugu tigummigallarneqarnissaanik imaluunniit § 384, imm. 3, naapertorlugu allak-kanik ammaanissamik allakanillu uninngatitsinissamik aalajangiisuusimaguni. Tamannali atutissan-ngilaq suliassaq nassuernertut suliarineqarpat imaluunniit suliassaq pisimasumut, oqaaseqatigiinni siullerni taaneqartutut iliuuseqarnermut tunngavissiisumut, unnerluutigineqartup pisuuneranut uppernar-saatisanik naliliinissamik ilaquantgippat.

Imm. 2. Pinerlunnermik suliassami § 359, imm. 2 naapertorlugu tigummigallagassanngortitsinissaq, aamma tigummigallagassanngortitsinerup atorunnaarsinnejarnissa pillugu imaluunniit § 384, imm. 3 naapertorlugu allakanik ammaanissaq uninngatitsinissarlu pilligit eqqartuussutissap isumaqtigiinni-utigineqarnerata nalaani aalajangiisuussaaq eqqartuussisoq, eqqartuussutissap isumaqtigiinni-utigineqarnerani peqataasimanngitsoq. Tamannali atutissanngilaq suliassaq nassuernertut suliarineqar-pat, imaluunniit suliassaq pisimasumut, oqaaseqatigiinni siullerni taaneqartutut iliuuseqarnermut tunngavissiisumut, unnerluutigineqartup pisuuneranut uppernarsaatissanik naliliinissamik ilaquantgippat.

Imm. 3. Eqqartuussisup arlalinnik atorfeqarnini pissutigalugu suliassamik siusinnerusukkut suliaqar-simanera suliassamut akooqqusaajunnaarnermik kinguneqassanngilaq, pissutsit atuuttut naapertorlugit pissutissaqanngippat isumaqassalluni taanna suliassap qanoq inerneqarnissaanut immikkut soqtigi-saqartoq.

§ 51. Arlaannaalluunniit eqqartuussisutut iliuuseqassanngilaq pissutsinik atuuttoqarpat, eqqartuus-sisuusup kinaassusersiunngilluinnartuunera pillugu qulalersitsisinnaasunik.

§ 52. §§ 49-51 taamatulli atortuutinneqassapput eqqartuussivimmi eqqartuussisooqataasartunut fuldmægtiginullu.

Imm. 2. Eqqartuussisooqataasartut peqataassatillugit eqqartuussisut siulittaasuata suliassap suliari-nearnera aallarnerneqalersinnagu taakkua aperisassavai pissutsinik atuuttoqarnersoq, eqqartuussisoo-qataasutut peqataanissaannut akornutaasunik.

§ 53. Eqqartuussisup imaluunniit eqqartuussisooqataasartup suliassamut akooqqusaanera pillugu apeqqut eqqartuussisunit peqataasussanillu kikkunnilluunniit saqqummiunneqarsinnaavoq.

Imm. 2. Imm. 1 malillugu aalajangiineq tunngavilersukkamik aalajangiinerussaaq. Eqqartuussinermi eqqartuussisut arlaliussappata eqqartuussisoq imaluunniit eqqartuussisooqataasartoq, akooqqusaanera nalornissutaalluni saqqummiunneqartoq, aalajangiiniarnermi peqataasinnaatitaavoq.

Imm. 3. Eqqartuussisoq, issiavimminit qimaguttussaq, tamatuminnga aalajangiisoqareerneranit taamaallaat suliassani kinguartinneqarsinnaanngitsuni iliuuseqarsinnaatitaavoq.

Kapitali 2

Eqqartuussiviit suliassaat piginnaatitaanerallu

§ 54. Eqqartuussiviit ataaniippot:

- 1) Saqitsaannernik suliassat.
- 2) Pinerlunnernik suliassat.
- 3) Pigisanik agguassinerterik suliassat.
- 4) Nammineersinnaassusiiaanerit aammalu pigisat tungaasigut siunnersortissaliineq pillugu suliassat.
- 5) Ataatassarsiuussinernik suliassat.
- 6) Aappariinnermik aamma angajoqqaatut oqartussaassuseqarnermik suliassat.
- 7) Eqqartuussinertaqanngitsumik aalajangiinikkut kiffaanngissusiiaanernik misiliineq pillugu suliassat.
- 8) Akuersisitsinertaqanngitsumik qitornavissiartaartsinissamik aalajangiinernik misiliineq pillugu suliassat.
- 9) Inerteqquit, piginnaatitaaffinnik takussaanngitsunik innarliisoqarsimatillugu allakkanik qulakkeeri-neq, arsaarinnikkallarnerit, pinngitsaaliissummik tuniniaanerit pillugit suliassat aamma eqqartuussutinik naammassinninniaanerup tungaatigut suliassanik misiliineq.
- 10) Nalunaarsuinerit (eqqartuussivikkoortumik).
- 11) Uppernarsaasiinerit.
- 12) Imarsiornermut tunngasumik nassuiaanerit.
- 13) Misissuisartussanik naliliisartussanillu eqqartuussiviit sulinerisa avataatigut toqqaaneq, tamanna naalagaaffiup sinnisaanit isumagineqarsinnaanngikkaangat.
- 14) Uppernarsaatissanik katersuineq, suliassami eqqartuussivimmi ingerlanneqartumi atugassaassann-gippata.
- 15) Suliassat allat, inatsisit naapertorlugit eqqartuussivinnut suliassanngortitat.

Najukkani eqqartuussiviit

§ 55. Najukkani eqqartuussiviit suliassanik tamanik, inatsisikkut, Inatsisartut inatsisaasigut imaluunniit Inatsisartut peqqussutaasigut Kalaallit Nunaanni Eqqartuussivimmut siullermeiffiusumik suliariingeartussanngortinnejarsimangitsunik, siullermeiffiusumik suliariinniffiusussaapput.

§ 56. Najukkami eqqartuussisup suliassaq Kalaallit Nunaanni Eqqartuussivimmut suliarisassatut innersuussutigissavaa,

1) suliassaq apeqqutinut piviusunut imaluunniit inatsisinut tunngassutilinnut immikkut ajornakusoortunut tunngasuuppat,

2) suliassaq tunngavissiisussamik pingaaruteqartuuppat, imaluunniit

3) suliassaq illuatungiliuttumut immikkut sunniuteqartussamik pingaaruteqartuuppat.

Imm. 2. Imm. 1, nr. 3 pinerlunnernik suliassanut atuutissanngilaq.

Imm. 3. Imm. 1 malillugu innersuussineq sapinngisamik piaartumik pisassaaq, eqqartuussutissallu isumaqatigiinniutigineqarnerata aallartereernerani pisinnaassanani.

Imm. 4. Imm. 1 malillugu innersuussinissaq pillugu aalajangiineq noqqaassuteqarnerup kingorna aalajangiinerussaaq, tunngavilersorneqartussaq. Tamatuminnga noqqaassuteqarneq saqtsaannernik suliassani illuatungeriinnit tamanit saqqumiunneqarsinnaavoq aammalu pinerlunnernik suliassani pasisamit, politiinit, illersuisumit imaluunniit eqqartuussivik avaqqullugu siunnersortiliussamit saqqummiunneqarsinnaalluni.

Imm. 5. Kalaallit Nunnaanni Eqqartuussivimmi eqqartuussisup suliassaq innersuussutigineqartoq, imm. 1-imi piumasaqaatigineqartunik naammassinninngitsoq, tigujumanngissinnaavaa.

Imm. 6. Imm. 1 aamma 5 malillugit aalajangiinerit suliassami peqataasunit il.il., imm. 4-mi taaneqartunit, Kalaallit Nunaata Eqqartuussisuuneqarfianut saqqummiunneqarsinnaapput.

Kalaallit Nunaanni Eqqartuussivik

§ 57. Kalaallit Nunaanni Eqqartuussiviup suliarisassavai suliassat, inatsisikkut, Inatsisartut inatsisaasigut imaluunniit Inatsisartut peqqussutaasigut eqqartuussivimmi tassani siullermeiffiusumik suliariingeartussanngortinnejarsimasut.

Imm. 2. Kalaallit Nunaanni Eqqartuussiviup suliariissaattaaq suliassat, § 56 naapertorlugu eqqartuussivinniit Kalaallit Nunaanni Eqqartuussivimmut siullermeiffiusumik suliariingeartussatut innersuussutigineqarsimasut.

§ 58. Kalaallit Nunaanni Eqqartuussivimmi eqqartuussisup isumagisussaavaa najukkami eqqartuussisut aammalu eqqartuussivinni sulisut allat ilinniartitaanissaat kiisalu eqqartuussiviit apeqqutini inatsisink atuinissamut tunngassutilinni ilitsorsorneqarnissaat.

Kalaallit Nunaata Eqqartuussisuuneqarfia

§ 59. Kalaallit Nunaata Eqqartuussisuuneqarfia suliarisassavai suliassat, najukkami eqqartuussivimmit imaluunniit Kalaallit Nunaanni Eqqartuussivimmit siullermeiffiusumik suliariingearlutik aalajangiiffigineqarsimasut, nunattalu eqqartuussisuuneqarfianut aappassaanneeriffiusumik inatsimmi matumani malittarisassat naapertorlugit suliassiissutigineqarsinnaasut.

Eqqartuussiviit Qullersaat

§ 60. Eqqartuussiviit Qullersaata suliarisassavai suliassat, Kalaallit Nunaata Eqqartuussisuuneqarfianit aappassaanneeriffiusumik aalajangiiffigineqarsimasut, aammalu Suliareqqitasssanngortitsinissamik Aalajangiisartut akuersissuteqarnerisigut Eqqartuussiviit Qullersaannut pingajussaanniigassatut inatsimmi matumani malittarisassat naapertorlugit suliassiissutigineqarsinnaasut.

Kapitali 3

Politiit aamma unnerluussisussaatitaasut

§ 61. Politiit suliassaraat isumannaatsuutsinissaq, eqqissisimatitsinissaq torersaartitsinissarlu, inatsisinik ileqqoreqqusaniillu maleruaanissamik nakkutiginninnissaq kiisalu pinerluttaaliuisitsinissamut pisariaqartunik iliuuseqartarnissaq aamma tamakku pillugit suliassanik paasiniaanissaq malersuinissarlu. Politiit suliassaraattaaq unnerluussisussaatitaasutut suliassaqarnissaq.

Imm. 2. Inatsiseqarnermut ministerip akuersineratigut politiit allanik suliassinneqarsinnaapput.

§ 62. Inatsiseqarnermut ministeri politiinut qullersaavoq piginnaatitaanerminillu atuissaaq rigspolitichefi politimesterilu aqqutigalugit.

Imm. 2. Politimesteri kommune fogediniq politiinullu ikiortnik ivertitsissaq, najukkami politiitut piginnaassuseqartitaanermik ingerlatsniarnermi politiinut ikiuuttusanik. Inatsiseqarnermut ministeri tamanna pillugu erseqqarinnerusunik malittarisasssaliorsinnaavoq.

Imm. 3. Inatsiseqarnermut ministeri inunnik allanik politiitut piginnaaniliisinnaavoq.

§ 63. Kalaallit Nunaat politikredsiuvoq politimesterimit qullersaaffigineqartoq. Taanna Kalaallit Nunaanni najugaqartuussaaq.

Imm. 2. Politimesterip qimagusimanerani tullersortaa, vicepolitimesteri, politiassessor imaluunniit politifuldmægtig politikredsimi politiinut qullersaassaaq.

§ 64. Politiini sulisussatut atorfinitssinneqassagaanni pineqartut tusaamanerlugaanatillu tatiginartuussapput.

Imm. 2. Politimesteri, vicepolitimesteri, politiassessor aamma politifuldmægtigi inatsisilerituutut soraarummeernermi angusisimasuussapput.

Imm. 3. Politimesteritut atorfinitssinneqassagaanni piumasaqaataakkajuttarpoq pineqartoq sivikinnerpaamik ukiuni pingasuni politiini imaluunniit unnerluussisussaatitani qaffasissumik atorfeqareersimasuussasoq.

§ 65. Kalaallit Nunaanni pisortatigoortumik unnerluussisut tassaapput naalagaaffiup eqqartuussissuseisia aamma politimesteri kiisalu inuit pinerlunnernik suliassanik inatsisit naapertorlugit suliariaqarnermi taakkununngaa ikiuuttussatut atorfinitsatit.

Imm. 2. Pisortatigoortumik unnerluussisut suliassanik tamanik suliariinnittussaapput, suliassap suussaa naapertorlugu pilertortumik, taamaaliornermikkullu pisuusut akisussaatinneqarnissaat nakkutiginnarnagu aammattaarli pisuussuteqanngitsunik malersuisoqannginnissaa nakkutigissavaat.

Imm. 3. Politiit unnerluussisussaatitatut sulinerannut tunngatillugu politimesterip naalagaaffiup eqqartuussissuserisa toqqaannartumik qullersaraa.

Imm. 4. Naalagaaffiup eqqartuussissuserisa politimesterip pinerlunnernik suliassanik suliariinninnernik nakkutilliisuussaaq aammalu pinerlunnernik inatsisitigut malersuineq pillugu politimesterip aalajangiineri pillugit maalaarutinik suliariinnittassalluni. Naalagaaffiup eqqartuussissuserisuata maalaarutinik suliassani aalajangiineri inatsiseqarnermut ministerimut maalaarutigineqarsinnaangillat. Politimesterip suliassanik unnerluussisussaatitaasutut sulinermut tunngasunik suliassaqarnera pillugu naalagaaffiup eqqartuussissuserisa aalajangersaasinnavoq. Naalagaaffiup eqqartuussissuserisuata politimesteri suliassanik aalajangersimasunik suliassaqarnissaq pillugu peqqussuteqarfingisinnavaa, matumunnga ilanngullugu paasiniaanermik aallartitseqqusilluni imaluunniit nangitseqqusilluni, pinngitsoortitseqqusilluni imaluunniit unitseqqusilluni.

Imm. 5. Imm. 4 malillugu maalaaruteqarnissamut piffissarititaq sapaatit akunnerinik sisamanik sivissussuseqarpoq, maalaaruteqartup aalajangiinerik nalunaarfingeqareerneraniit naatsorsorlugu.

Piffissarititap tamatuma naareerneratigut maalaarummik takkuttoqarpat maalaarut suliarineqassaaq, isumaqartoqartariaqarpat piffissarititamik qaangiineq patsisissaqartoq.

Imm. 6. Ingerlatsinermik inatsit aamma tamanut saqqummiussisaaitaanermik inatsit malillugu al-lagaatinik takunnissinnaatitaaneq pillugu aalajangiinernik maalaaruteqartoqarnerni aalajangersakkat imm. 4 aamma 5-imiittut taamatulli atortuutinnejassapput.

Kapitali 4

Illersuisut

§ 66. Kalaallit Nunaanni Eqqartuussivimmi eqqartuussisoq piginnaaniliissaaq inunniq tusaamanerlu-gaanatillu nammineersinnaassuseqartunik 18-ileereersimasunik naleqquttumik amerlassusilinnik piner-lunnernik suliassani illersuisuusussanik.

Imm. 2. Illersuisutut sulisinnaatitaasoq eqqartuussivinni, Kalaallit Nunaanni Eqqartuussivimmi aamma Kalaallit Nunaata Eqqartuussisuuneqarfiani najuussinnaatitaavoq. Illersuisutut sulisinnaatitaaneq pinerlunnernik suliassani eqqartuussivinni taakkunani illersuisutut invertinneqarnissamut pisusaaffeqar-nermik nassataqarpoq.

§ 67. Illersuisutut sulisinnaatitaapput inuit § 66, imm. 1-imik piumasaqaatinik naammassinnissasut aamma illersuisutut immikkut ilinniartitaanermik naammassinnissasut.

Imm. 2. Inatsiseqarnermut ministeri illersuisutut ilinniartitaaneq pillugu malittarisassanik erseqqin-ne-rusunik aalajangersaassaaq, matumunnga ilangullugittaaq ilinniartitaaneq naammassineqalersinnagu inuup illersuisutut erseqqinnerusumik annertussusilikamik suligallarsinnaatitaanissaa pillugu malittari-sassat. Illersuisutut ilinniartitaaneq Kalaallit Nunaanni Eqqartuussivimmi eqqartuussisumit aqunneqas-saaq.

Imm. 3. Inatsiseqarnermut ministeri malittarisassiorsinnaavoq, tamatuma kingorna inuk imm. 1 malil-lugu ilinniartitaanissamik piumasaqaateqarnerup ilaanut ilaanggitsoortinnejarsinnaalersillugu.

Imm. 4. Illersuisutut sulisinnaatitaaneq pigiinnarumallugu piginnaatisissumik tunineqarsimasoq illersuisutut ilinniaqqinnermi peqataassaaq. Inatsiseqarnermut ministeri taamatut ilinniaqqittarneq pillugu erseqqinnerusunik malittarisassiussaaq, matumunnga ilangullugittaaq ilinniaqqinnissamik piumasa-qaatit ilaasa inummut aalajangersimasumut atortinnejanngitsoorsinnaanerat pillugu malittarisassat.

§ 68. Illersuisutut sulisinnaatitaaneq Kalaallit Nunaanni Eqqartuussivimmi eqqartuussisumit arsaarin-nissutigineqassaaq, inuk sulisinnaatinneqartoq sulisinnaatitsissumik pinissamut imaluunniit pigisa-qaannarnissamut piumasaqaatinik naammassinnissinnaajunnaarpat, imaluunniit taanna illersuisutut su-liassarititaasunik suliaqarnermini imaluunniit allanut atasunik sulinermini ima pissusilfersorsimappat pissutissaqartumik isumaqartoqarluni pineqartup illersuisutut suliassarititaasut isumannaatsumik suliari-sinnaassanngikkai.

Imm. 2. Illersuisutut sulisinnaatitaanerup arsaarinissutigineqarnissaa aalajangiissuteqarnikkut pisas-saaq, tunngavilersorneqartussakkut. Suliassaq oqaatsitigut suliarineqassaaq, illersuisutut sulisinnaatin-neqartoq taamalioqqusissappat.

§ 69. Kalaallit Nunaanni Eqqartuussivimmi eqqartuussisoq inuit, illersuisussatut sulisinnaatitaasutut nalunaarfigineqarsimasut, allattorsimaffiannik ukiumut ataasiarluni saqqummiussisassaaq. Illersuisutut sulisinnaatitaanerup tunniunneqarnerata, arsaarinissutaanerata allatulluunniit iliornikkut atorunnaarne-rata kingunerisaatut allattukkani allannguutit ingerlaannaq saqqummiunneqartassapput.

§ 70. Inatsiseqarnermut ministeri nuna tamakkerlugu illersuisussamik pisortani atorfiliimmik imaluun-niit namminersortumik toqqaasinnaavoq, Kalaallit Nunaanni illersuisunik ilinniartitsinermi siunnersui-nermilu suliassanik isumaginnittussamik.

§ 71. Kalaallit Nunaanni Eqqartuussivimmi eqqartuussisoq toqqaassaaq inunniq naleqquttumik amerlassusilinnik illersuisunut ikiortitut sulisussanik.

Imm. 2. Illersuisumut ikiorti illersuisutut sulisinnaatitaasumut qaqutiguiissumik taartaasinnaavoq, 1) illersuisutut sulisinnaatitaasoq ornigutsinnejarsinnaanngippat, aamma

2) eqqartuussineq imaluunniit paasiniaanermi iliuuseq, tassani illersuisup pasisaq ikiortussaallugu, kinguartinneqarsinnaanngitsutut isigineqartariaqarpat.

Imm. 3. Inuk, pasisatut killisiorneqartussaq, illersuisumut ikiortimik aggersaasoqartinnagu, illersuisut sulisinnaatitaasumik imaluunniit eqqartuussissuserisumik isumasioqateqarsinnaatitaassaaq.

Kapitali 5

Eqqartuussissuserisut

Eqqartuussissuserisutut il.il. ivertitsineq

§ 72. Eqqartuussissuserisut inatsiseqarnermut ministerimit ivertinneqartassapput malittarisassat danskit eqqartuussisarnermik inatsisaanni § 119-imiiittut, tak. § 121, malillugit. Danskit eqqartuussisarnermik inatsisaanni § 121, imm. 4 malillugu suliassat Kalaallit Nunaanni Eqqartuussivimmit suliarineqartassapput.

§ 73. Inuit eqqartuussissuserisutut ivertinneqarsimanngitsut inuillu eqqartuussissuserisutut suleqqu-saanngitsut imaluunniit inatsit manna naapertorlugu taamatut sulisinnaajunnaarsimasut sulinermut atatillugu eqqartuussissuserisutut imminnut taagussanngillat. Eqqartuussissuserisoq eqqartuussissuserisutut sulisinnaatitsissuminik Inatsiseqarnermut Ministereqarfimmut paarisassanngortitsisimasoq sulinerminut atatillugu eqqartuussissuserisutut imminut taagussanngilaq.

Imm. 2. Imm. 1-imik unioqqutitsineq pinerluttulerinermi inatsit malillugu pineqaatissiinermik kinguneqarsinnaavoq.

Eqqartuussissuserisutut sulineq

§ 74. Eqqartuussissuserisutut sulineq eqqartuussivinni, unnerluussisussaatitaasuni politiiniluunniit atorfimmut kattutsinnejarsinnaanngilaq.

Imm. 2. Eqqartuussissuserisutut sulineq pisortani atorfimmut suugaluartumulluunniit kattutsinnejarsinnaanngilaq, inatsiseqarnermut ministeri pisuni immikkut ittuni allatut aalajangiisimanngippat. Imikkut akuerineqarnissaq pillugu aalajangiinerni eqqartuussissuserisup pisortanut attaveqartususaanngitsuunera ingammik pingartinneqartassaaq, taamaalilluni pisortani atorfekarnerup pineqartullu eqqartuussissuserisutut sulinerata akornanni soqutigisatigut akerleriissuteqartoqalinnginniassammat.

§ 75. Eqqartuussissuserisoq eqqartuussissuserisumik allamik ingerlatseqateqarluni eqqartuussissuserisoqfimmik ingerlataqassaguni, kisimiilluni eqqartuussissuserisoqfimmik ingerlataqassaguni imaluunniit eqqartuussissuserisut ingerlatsivianni aktiaateqarsinnaassaguni piginneqataassuteqarsinnaassaguniluunniit eqqartuussissuserisumi eqqartuussissuserisoqfimmik ingerlatalimmi fuldmægtigtitut akuerisatut sivikinnerpaamik ukumi ataatsimi sulisinnaatitaasimassaqaq imaluunniit eqqartuussissuserisumi allami eqqartuussissuserisoqfimmik ingerlatalimmi atorfekareersimassaqaq.

Imm. 2. Inatsiseqarnermut ministeri pissutsini immikkut ittuni imm. 1-imik aalajangersakkamik atuisitsinngitsoorsinnaavoq.

§ 76. Eqqartuussissuserisoqfimmik ingerlataqarneq kisimiilluni ingerlataqarnerup imaluunniit eqqartuussissuserisunik peqateqarluni ingerlataqarnerup saniatigut taamaallaat ingerlannejarsinnaavoq eqqartuussissuserisutut ingerlatsivimmit, aktiaateqarnikkut imaluunniit piginneqataassuteqarnikkut imaluun-

niit assigiinngitsunik pisussaatitsisutut aktiaateqarluni ingerlatseqatigiinnikkut (partnerselskabit) ingerlanneqartumit. Eqqartuussissuserisutut ingerlatsiviup taamaallaat siunertarissavaa eqqartuussissuserisutut ingerlataqarnissaq. Taamaattorli eqqartussissuserisutut ingerlatsivik, eqqartuussissuserisunit kisimi pigineqartoq, eqqartuussissuserisutut ingerlatsivimmi allami aktianik imaluunniit piginneqataassutinik pigisaqarnissamik kisimi siunertaqartoq ingerlataqartorlu, eqqartuussissuserisutut ingerlatsivimmi allami aktiaateqarsinnaavoq imaluunniit piginneqataassuteqarsinnaavoq. Eqqartuussissuserisutut ingerlatsiviup pisussaaffigaa kisimiillunilu piginnaatitaaffigissallugu taaguummini oqaatsinik "advokataktieselskab"-imik imaluunniit "advokatanpartsselskab"-imik imaluunniit "advokatkommendantaktieselskab"-imik taakkualuunniit naalisarnerinik atuissalluni. Oqaaseqatigiit siullit aappaallu apeqqutaatinnagit peqatigiiffiit, kattuffit soqutigisaqaqatigiit assigisaallu piginnaassusiligaasut eqqartuussivimmi suliasanik ilaasortatik sinnerlugit ingerlatsisinnaapput peqatigiiffiup soqutigisaqarfingisaasa iluini.

Imm. 2. Eqqartuussissuserisoq eqqartuussissuserisutut ingerlatsivimmi sulisoq imaluunniit ingerlatsivimmi atorfilik alla imm. 3, nr. 2 naapertorlugu tassani aktiaateqartoq imaluunniit piginneqataassuteqartoq piumasaqaataalersinnaasunut, pineqartup sullitaminik ikorsiinerata nassatarisaanik pilersimasunut, tamanut ingerlatsivik peqatigalugu nammineerluni akisussaaffiginnituuvvoq.

Imm. 3. Eqqartuussissuserisutut ingerlatsivimmi aktiat piginneqataassutilluunniit taamaallaat pigineqarsinnaapput ukunannga, taamaattoq tak. imm. 8:

- 1) eqqartuussissuserisunit ingerlatsivimmi, ingerlatsiviup qitiusumik qullersaqarfiani imaluunniit immikkoortortaqarfiani eqqartuussissuserisoqarfimmik ingerlataqartunit,
- 2) ingerlatsivimmi sulisunit allanit, imaluunniit
- 3) eqqartuussissuserisutut ingerlatsivimmit allamit.

Imm. 4. Inuit imm. 3, nr. 2-mi taaneqartut ingerlatsiviup aktiaataasa imaluunniit piginneqataassutaasa qulerarterutaat ataallugit taamaallaat pigisinjaavaat aamma ingerlatsivimmi taasisinnaasut qulerarterutaat ataallugit taamaallaat ataatsimut pigisinjaavaat. ingerlatsiviup malittarisassaani imaluunniit piginneqataasutut isumaqatigiissummi aalajangersagaliortoqaqquaanngilaq aktieselskabit pillugit inatsimmi aktianik aningaasangortitsineq pillugu malittarisassanik killilersuisunik.

Imm. 5. Inuit imm. 3, nr. 2-mi taaneqartut, eqqartuussissuserisullu ingerlatsivianni aktiaateqartut imaluunniit piginneqataassuteqartut, malittarisassani eqqartuussissuserisutut suliaqarnermut immikkoortortaqarfiani eqqartuussissuserisoqarfimmik misilitsillutik angusisimassapput. Inatsiseqarnermut ministeri tamanna pillugu erseqqinnerusumik malittarisassiussaaq. Eqqartuussissuserisoqatigiit misilitsinneq isumagissavaat.

Imm. 6. Inuit imm. 3, nr. 2-mi taaneqartut pillugit maalaarutit, Advokatnævnimut saqqummiuneqarsinnaapput malittarisassat §§ 93-imiittut aamma 94-imiittut naapertorlugit.

Imm. 7. Eqqartuussissuserisutut ingerlatsivimmi siulersuisunut ilaasortat, siulersuisunut ilaasortat sulisut qinigaat minillugit, ingerlatsivimmi taassumaluunniit qitiusumik qullersaqarfiani imaluunniit taassuma immikkoortortaqarfiani eqqartuussissuserisutut sulisassapput. Eqqartuussissuserisutut ingerlatsiviup qullersaqarfiani ilaasortat ingerlatsivimmi eqqartuussissuserisutut suliaqartuussapput.

Imm. 8. Inatsiseqarnermut ministeri eqqartuussissuserisut ingerlatsivittut ingerlataqarnissaat pillugu erseqqinnerusunik malittarisassiussaaq, matumani ilanngullugit eqqartuussissuserisutut ingerlatsiviup siunertanut allanut allanngortinnejarnera aamma aktiaatinik piginneqataassutinillu tuniniaaneq pillugu malittarisassat.

Imm. 9. Imm. 1-imik, 3-mik, 4-mik aamma 7-imik unioqqutitsineq pinerluttulerinerimi inatsit malillugu pineqaatissiissutaasinnaavoq.

Imm. 10. Najoqqutassiani, imm. 5 aamma 8 naapertorlugit suliarineqartuni, aalajangersarneqarsinnaavoq najoqqutassani aalajangersakkanik unioqqutitsineq pinerluttulerinerimi inatsit malillugu pineqaatissiissuteqarnermik kinguneqarsinnaasoq.

Imm. 11. ingerlatsiviit il.il. (inatsisitigut pisinnaatitaasut pisussaatitaasullu) pinerluttulerinerimi inatsimmi kapitali 5 malillugu pinerluttulerinerimi inatsisitigut akisussaaffilerneqarsinnaapput.

§ 77. Eqqartuussissuserisoq taamaallaat pisuni, inatsisip aalajangersagartaasa immikkut ittut atuuffigisaanni, eqqartuussivikkut suliassanik suliaqarnissaminut pisussaaffeqarpoq.

§ 78. Eqqartuussissuserisoq pissusilersortassaaq eqqartuussissuserisut ileqqorissaartussaanerannut naapertuuttumik. Eqqartuussissuserisoq taamaaliornermini sulisassaaq sukumiisumik, peqqissaartumik sullitaminullu iluaqtaasussat isiginiarlugit. Suliassat pisariaqarnerattut sukkassusilimmik suliarineqartassapput.

Imm. 2. Eqqartuussissuserisoq suliassaminut naleqquttuusorineqartuniit qaffasinnerusunik akileqqusassangilaq.

Imm. 3. Fuldmægtigip, eqqartuussissuserisumi sulisinnaatitaasup, atuagarsornikkut tunngaviusumik ilinniarnermi, misilitsinnermi aamma eqqartuussivimmi suliassanik suliaqarnermik, danskit eqqartuussisarnermik inatsisaanni § 119, imm. 2, nr. 5 naapertorlugu aalajangersarneqartumik, misiliinermi peqataanissaa eqqartuussissuserisup suleqataaffigissavaa. Eqqartuussissuserisup aammattaaq akilissavai tunngaviusumik ilinniarnermut, misilitsinnermut aamma eqqartuussivimmi suliassamik suliaqluni misiliinermut aningaasartuutit.

Imm. 4. Eqqartuussissuserisoq eqqartuussissuserisutut sulinermi avataani suliassaminut tunngassutilinni imaluunniit allatut aningaasarsiornermut tunngassutilinni eqqartuussissuserisunut ataqqinaataajaasumik pissusilersussanngilaq.

Imm. 5. Eqqartuussissuserisoq aamma advokatfuldmægtigeq kinaluunniit eqqartuussissuserisutut inuussutissarsiornermi pingaaruteqartumik ilinniaqqinnermut ingerlaavartumik peqataasassaaq. Eqqartuussissuserisup fuldmægtigi, eqqartuussissuserisumi sulisinnaatitaasoq, tamatumunnga aningaasar-tutuutnik akiliuttassavaa. Inatsiseqarnermut ministeri tamanna pillugu erseqqinnerusumik malittarisasiussaaq.

§ 79. Eqqartuussissuserisoqatigiit malittarisassiussapput eqqartuussissuserisut aningaasaatinik paarisassanngortitanik suliassaqarnerannut, eqqartuussissuserisutut suliassaqarnerminni aningaasatigut akisussaaffiligaanissamut qularnaveeqqusiiressaannut kiisalu naatsorsuutitigut aningaasatigullu paasisutissanik pisariaqartunik tamanik Eqqartuussissuserisoqatigiinnut nalunaaruteqartarnissaannut kiisalu nakkutilliinermi piareersaatinik pisariaqartunik aallarnissaanissaannut tunngatillugu eqqartuussissuserisutut pisussaaffii pillugit. Malittarisassat inatsiseqarnermut ministerimit akuersissutigineqassapput.

§ 80. §§ 77-79 eqqartuussissuserisutut ingerlatsivinnut atutissapputtaaq.

Imm. 2. § 78, imm. 1, 2 aamma 4 kiisalu § 79 eqqartuussissuserisutut ingerlatsivimmi atorfilinnut, eqqartuussissuserisutut ingerlatsivimmi aktiaatillinnut imaluunniit piginneqataassutillinnut, atortuutin-neqassapput, tak § 76, imm. 3, nr. 2.

§ 81. Pinerluttulerinermi inatsimmi §§ 48 aamma 49, § 50, imm. 1 aamma 3, aamma § 55 taamatulli atortuutin-neqassapput eqqartuussissuserisunut taakkualu fuldmægtigiinnut, peqatigisaannut, sulisuinut allanullu, eqqartuussissuserisutut ingerlatsivimmi sulisinneqartunut.

Eqqartuussissuserisut eqqartuussivinnut il.il. ornigussinnaatitaanerat

§ 82. Eqqartuussissuserisoq kinaluunniit naalagaaffiup iluani allaffilik najukkani eqqartuussivinnut, Kalaallit Nunaanni Eqqartuussivimmut aamma Kalaallit Nunaata Eqqartuussisuuneqarfianut ornigussinnaatitaavoq.

Imm. 2. Eqqartuussissuserisoq eqqartuussissuserisumik allamik imaluunniit fuldmægtigiminik akuerisamik ornigutsitsisinhaavoq, taamaattorli pinerlunnerni suliassani aatsaat fuldmægtigi nammineq illersuisuusussatut sulisinnaatitaappat.

Imm. 3. Eqqartuussissuserisoq oqaatsitigut isumaqatigiinniuteqarnerup nalaani inuk kinaluunniit tusaamanerlugaanngitsoq aqqutigalugu suliassap kinguartineqarnissaanik noqqaassuteqarsinnaallunilu tunngavilersuuteqarsinnaavoq, pissutsit eqqartuussissuserisup nammineq ornigunissaanut akornusiisut pissutigalugit.

Imm. 4. Eqqartuussinerni oqaatsitigut isumaqatigiinniuteqarnerup avataani pisuni eqqartuussissuserisoq aammattaaq inummik tusaamanerlugaananolu nammineersinnaassusilimmik 18-inik ukioqalereersimasumik ornigutsitsisinnaavoq, pissutissaqavissumik ornigussinnaannnginnini nalunaarutilugu. Eqqartuussiviuup illuatungiusullu piumasarisinnaavaat pissutissaqavissumik ornigussinnaannnginneq upternarsarneqassasoq.

Imm. 5. Eqqartuussutnik naammassinniniaalluni suliaqarnerni eqqartuussissuserisut inummik kimilluuniit tusaamanerlugaanngitsumik 18-inik ukioqalereersimasumik ornigutsitsisinnaapput, ataatsimiinnermi akerliliissutit imaluunniit illuatungaaniit piumasaqaatit suliarineqassanngippata imaluunniit eqqartuussiviuup ornigutsitsineq taamaattoq naleqqutinngitsuusorinngippagu.

*Nammineq aningaasartuutiginngisamik eqqartuussisulersuussisoqarnerani
eqqartuussissuserisut*

§ 83. Inatsiseqarnermut ministeri eqqartuussissuserisunik naleqquttunik amerlassusilinnik Kalaallit Nunaanni allaffilinnik sulisussarsissaaq saqtsaanernik aamma pinerlunnernik suliassanik suliaqartartussanik.

Imm. 2. Inatsiseqarnermut ministeri siunertamut tamatumunngarpiaq sulisussarsissaaq eqqartuussissuserisunik naleqquttumik amerlassusilinnik naalagaaffiup iluani allami allaffilinnik.

Inatsisitigut siunnersorneqarneq

§ 84. Eqqartuussissuserisut Kalaallit Nunaanni allaffilit nammineq aningaasartuutiginngisamik eqqartuussisulersuussinerni sulisussarsiarneqarsimasut inatsisitigut siunnersuisassapput inunniq, aningaasatigut piumasaqaatinik § 254, imm. 3 naapertorlugu aalajangersarneqartunik eqquutitsissunik.

Imm. 2. Eqqartuussissuserisut, imm. 1-impi pineqanngitsut, pisortatut oqartussaasumut, inatsiseqarnermut ministerip aalajangigaanut, nalunaarnikkut assingusumik pisussaaffeqarumasinnaapput.

Imm. 3. Inatsiseqarnermut ministeri inatsisitigut siunnersuisarneq pillugu malittarisassanik aalajangersaassaaq, matumani ilanngullugit eqqartuussissuserisup pisussaaffiisa annertussusaat, suliassat suut inatsisitigut siunnersuiffiqineqassasut aamma kikkut inatsisitigut siunnersorneqarsinnaatitaanersut pillugit malittarisassanik.

Imm. 4. Inatsiseqarnermut ministeri eqqartuussissuserisut inatsisitigut siunnersuinermut akissarsiassaat pillugit aammalu akissarsianut akiliutissatut naalagaaffiup karsianiit tapiisarnissaq pillugu malittarisassanik aalajangersaassaaq. Aalajangerneqarsinnaavoq inatsisitigut siunnersorneqarnissamik qinnuteqaateqartoq akissarsiarititassat ilaannik nammineq akiliissasoq.

Imm. 5. Inatsiseqarnermut ministeri inatsisitigut siunnersuisarnermik aaqqissuussinernut allanut naalagaaffiup karsianiit tapiissuteqarsinnaavoq.

Advokatfuldmaegtiget akuerisat

§ 85. Eqqartuussissuserisoq kinaluunniit ataatsimik marlunnilluunniit akuerisanik fuldmaegtigeqarsinnaavoq, danskisut bacheloritut inatsisilerituutullu soraarummeersimasussaasunik.

Imm. 2. Akuersissut Kalaallit Nunaanni Eqqartuussivimmi eqqartuussisumit tunniunneqassaaq.

Imm. 3. Qallunaat eqqartuussisarnermik inatsisaanni § 121, imm. 1-3 aamma imm. 4, oqaaseqatigiit pingajui taamatulli atortuutinneqassapput. Eqqartuussivik aalajangiissappat allagartaqartitaanissaq itigartitsissutigineqassasoq tamanna aalajangiinikkut pissaaq, tunngavilersorneqartussakkut. Suliassaq suliarineqassaaq saqtsaannernik suliassanik eqqartuussisarnertut ilusilimmik aamma oqaatsitigut suliarineqassaaq, tamanna qinnuteqaateqartup noqqaassutigippagu.

Eqqartuussissuserisutut suliassanik ingerlataqarsinnaatitaanermik atorunnaarsitsineq

§ 86. Eqqartuussissuserisutut suliassanik ingerlataqarsinnaatitaaneq atorunnaassaaq, pineqartoq piumasaqaatinik qallunaat eqqartuussisarnermik inatsisaanni § 119, imm. 2, nr. 1-imittunik (piginnaaniliineq pillugu) aamma nr. 2-miittunik (akiliisinnaassuseqarneq pillugu) naammassinnissinnaajunnaarpas.

§ 87. Eqqartuussissuserisutut suliassanik ingerlataqarsinnaatitaaneq pinerluttulerinermi inatsimmi § 165-imi malittarisassat naapertorlugit pinerlunnernik suliassap suliarineqarnerani arsaarinnissutaasinnaavoq, pisimasoq atorfimmik atornerluisoqarsinnaaneranut navianartoqartitseqqajaappat imaluunniit pineqartoq ataqqineqarlunilu tatigisaanissamut, eqqartuussissuserisutut sulinermi piumasarisariaqartumut, qinngaqqunnarpas.

§ 88. Niaqluarnermik nappaateqarnerup imaluunniit pisortanut annertuunik akitsoqarnerup nassatarisaatut eqqartuussissuserisutut sulisinnaatitaanerup eqqartuussutikkut arsaarinnissutaasinnaanera pillugu inatsit qallunaat eqqartuussisarnermik inatsisaanni § 139-miittoq taamatulli atortutuinneqassaaq. Suliassaq Kalaallit Nunaanni Eqqartuussivimmit suliarineqassaaq.

§ 89. Eqqartuussissuserisoq, eqqartuussivikkut suliassap inivillugu aalajangiiffiqeqarnissaa tikillugu, eqqartuussissuserisutut sulisinnaatitaangitsoq aamma eqqartuussissuserisoq, inatsit manna naapertorlugu eqqartuussissuserisutut sulisinnaatitaajunnaarsimasoq imaluunniit piginnaatitsissummik arsaarneqarsimasoq, eqqartuussissuserisutut ivertitaassutiminik Inatsiseqarnermut Ministereqarfimmum utertitsissaaq.

Imm. 2. Pineqartoq taanna eqqartuussissuserisutut suliassanik ingerlataqarnissamut piginnaatitaaqqilerpat piginnaatitsissut noqqaassuteqarnikkut tunniunneqassaaq.

Imm. 3. Eqqartuussissuserisutut sulisinnaatitaaneq § 86-imi aalajangersagaq malillugu akiliisinnaajunnaarnerup nassatarisaanik atorunnaarpas, inatsiseqarnermut ministeri, akiliisinnaajunnaarnermi pigisat suliarineqareernerisigut, piginnaatitsissutip tunniunneqarnissaanik itigartitsissuteqarsinnaavoq, piumasaqaatinik nalunaarutigineqarsimasunik suli peqarpas pineqartumut akileqquneqarsinnaasunik.

§ 90. Eqqartuussissuserisoq sulisinnaatitaassutiminik Inatsiseqarnermut Ministereqarfimmum paarisassanngortitsisinnaavoq. Sulisinnaatitaassut aatsaat tunniuteqqinnejqarsinnaavoq, eqqartuussissuserisup piumasaqaatit qallunaat eqqartuussisarnermik inatsisaanni §§ 119-miittut aamma 121-miittut naammassisimappagit.

§ 91. Inunnut, eqqartuussissuserisutut suliassaqarsinnaatitaangitsunut imaluunniit §§ 86-88 naapertorlugu suliassaqarsinnaajunnaarsinneqarsimasunut, atutissapput malittarisassat, aningasanik paarisassanngortitanik suliarinnineq pillugu § 79 naapertorlugu aalajangersarneqarsimasut. Eqqartuussissuserisut Siunnersuisoqatigiit malittarisassat malinneqarnerannik nakkutiliisuussapput. Malittarisassat atutissapput Eqqartuussissuserisut Siunnersuisoqatigiit tamatuma atorunnaarnissaanik aalajangiinissaat tikillugu, sivisunerpaamilli suliassanik ingerlataqarsinnaajunnaarnermiit imaluunniit piginnaatitaanerup atorunnaarneraniit qaammatini arfinilinni. Eqqartuussissuserisut Siunnersuisoqatigiit pineqartup sullitai suliassanik ingerlataqarsinnaajunnaarneq imaluunniit piginnaatitaanerup atorunnaarnera pillugu aammalu tamatuma kingunerisassai pillugit ilisimatitsissuteqarsinnaapput.

Imm. 2. Imm. 1-imi malittarisassanik unioqqutitsineq pinerluttulerinermi inatsit malillugu pineqaatissiissutaasinnaavoq.

Eqqartuussissuserisoqatigiit

§ 92. Danskit eqqartuussisarermik inatsisaanni § 143, imm. 1 Kalaallit Nunaanni eqqartuussissuserisunut taamatulli atortuutinneqarpoq.

Imm. 2. Eqqartuussissuserisoqatigiit atugarisaat sulinerallu pillugu danskit eqqartuussisarermik inatsisaanni kapitali 15 atuuppoq.

Akissarsiat pillugit maalaarutit

§ 93. Eqqartuussissuserisup, eqqartuussissuserisutut ingerlatseqatigiiffiup imaluunniit inuit § 76, imm. 3, nr. 2-mi taaneqartut arlaata eqqartuussissuserisutullu ingerlatseqatigiiffimmi aktiaateqartut imaluunniit piginneqataassuteqartut suliassamik suliaqarsimanermut akissarsiassatut piumasarisaat pillugit maalaarutit kialuunniit, taamaaliornissaminut inatsisitigut soqutigisallip, Advokatnævnimut saqqummiussinanavai. Maalaarut suliarineqartassaaq malittarisassat danskit eqqartuussisarermik inatsisaanni § 146-miittut malillugit.

Imm. 2. Maalaarut pillugu suliassami illuatungeriit apeqqutinik, imm. 1 naapertorlugu maalaarummut saqqummiunneqartumut ilaasunik, eqqartuussivitsigut suliassiissuteqarsinnaanngillat, maalaarut pillugu suliassaaq Advokanævnimit inaarutaasumik aalajangiiffiqeqareersinnagu.

Maleruagassanik unioqqutitsinernik suliassat

§ 94. Eqqartuussissuserisup, eqqartuussissuserisutut ingerlatseqatigiiffiup imaluunniit inuit § 76, imm. 3, nr. 2-mi taaneqartut ilaata aamma eqqartuussissuserisutut ingerlatseqatigiiffimmi aktiaateqartup imaluunniit piginneqataassuteqartup pisussaaffimminik, inatsit manna naapertorlugu imaluunniit najoqquṭassanik inatsit manna naapertorlugu aalajangersagaasunik sumiginnaaneranik maalaarutit Advokatnævnimut saqqummiunneqarsinnaapput. Maalaarut danskit eqqartuussisarermik inatsisaanni §§ 147 c aamma 147 f, imm. 1 malillugu suliarineqassaaq.

Imm. 2. Maalaarutit tunniunneqartassapput maalaaruteqartup pissutsinik maalaarutaasunik ilisimasaqalerneraniit kingusinnerpaamik ukioq ataaseq qaangiutsinnagu. Advokatnævnilli maalaarut, kingusinnerusukkut tunniunneqartoq, suliarisinnaavaa, piffissarititamik qaangiineq naleqquttumik tunngavilersorneqarsimasorineqarpat.

Imm. 3. Advokatnævnip inuit, pissutsini maalaarummi pineqartuni inatsisitigut soqutigisaqartuunngitsut, maalaarutaat itigartitsissutigisinnaavai, aamma maalaarutit ersarissumik tunngavissaqanngitsutut nalilerneqareersinnaasorineqartut.

Imm. 4. Advokatnævni illuatungeriinnik aamma ilisimannittunik eqqartuussivimmi, pineqartut najugaqarfigisaanni imaluunniit najorallagaanni, killisiuisitsisinnaavoq.

Imm. 5. Eqqartuussivikkortitsilluni misiliinisorneq pillugu aalajangersakkat danskit eqqartuussisarermik inatsisaanni §§ 147, d-miittut, 147 e-miittut aamma 147 f, imm. 2-miittut taamatulli atortuutinneqassapput. Suliassat Kalaallit Nunaanni Eqqartuussivimmit suliarineqartassapput.

Immikkoortoq II

Eqqartuussivikkut suliassanut tamanut ataatsimut aalajangersakkat

Kapitali 6

Oqaatsit eqqartuussinermi atorneqartussat

§ 95. Oqaatsit eqqartuussinermi atorneqartussat tassaapput kalaallisut danskisullu oqaatsit. Eqqartuussisunut ilaasortat suliassamilu illuatungeriit oqaatsit atorneqartut paasisinnaanngippatigit oqalutsi nutserissaaq.

Imm. 2. Suliassamut akooqqusaannginnej pillugu §§ 49-51 oqalutsinut aamma atuupput.

Imm. 3. Eqqartuussinissamut piffissaliivigeriikkamut oqalutsimik ikiortissarsiornissaq ajornassappat imaluunniit oqalutsimik aggersaanissaq suliassap sivisuumik naleqquitinngitsumillu kinguartikkallarnissaanik kinguneqassappat eqqartuussisuni ilaasortat ilaat oqaluttaasinnaavoq.

Imm. 4. Inuit imm. 3-mi taaneqartut ilaat oqaluttaassappat tamanna eqqartuussisut suliaannik allassimaffimmut allanneqassaaq.

Imm. 5. Oqalutsi ungasianiit attaveqaatit assiliartallit atorlugit peqataasinnaavoq, oqaluttaaffigisassap sumiiffigisaanut oqalutsip ornigutsinniarnissaa naleqquitinngitsumik ajornakusuussappat aamma ungasianiit attaveqaatit assiliartallit atorlugit oqaluttaatitsinissaq illersorneqarsinnaasorineqarpat. Inuk, ungasianiit attaveqaatit aqqutigalugit peqataasoq, oqaluttaaffigineqarpat oqalutsi pineqartup najuuffigisaaniittariaqarpoq.

Kapitali 7

Eqqartuussisut suliaannik allassimaffit

§ 96. Inatsiseqarnermut ministeri malittarisassiussaaq eqqartuussisut suliaannik allassimaffit suut eqqartuussivinni atorneqarnissaat pillugu, aamma taakkuninnga atortuulersitsineq, aaqqissuussineq atuinissarlu pillugu. Inatsiseqarnermut ministeri aammattaaq malittarisassiorsinnaavoq eqqartuussinernik immiussisarneq pillugu.

Imm. 2. Eqqartuussisut siulittaasuata eqqartuussisut suliaannik allassimaffit eqqortumik allattorneqarnissaat akisussaaffigivaa.

§ 97. Eqqartuussisut suliaannik allassimaffik eqqartuussivimmi iliuutsit tamaasa pillugit paasissutissartaqassaaq.

Imm. 2. Eqqartuussisut suliaannik allassimaffimmi taaneqartassapput:

- 1) piffissaq sumiiffillu eqqartuussivusoq,
- 2) inuit, eqqartuussisutut, eqqartuussisooqataasutut, oqalutsitut eqqartuussisunullu allatsitut sulisut aqqi,
- 3) suliassap normua illuatungeriit aqqi ilanngullugit,
- 4) illuatungeriit najuuttut aqqi aamma taakkua sinniisoqartinneqarsimappata taakkua aqqi,
- 5) pinerlunnernik suliassani unnerluussisutut illersuisutullu najuuttut aqqi, aamma
- 6) eqqartuussineq tamanut ammasuunersoq matoqqasuuersorluunniit.

§ 98. Eqqartuussisut suliaannik allassimaffiup imarissavai illuatungeriit piumasaqaataat, kissaataat akerliliissutaallu. Taakku allakkianit, eqqartuussivimmut tunniunneqarsimasunit, ersersinneqarpata taakkununnga innersuussineq naammappoq. Eqqartuussisut suliaannik allassimaffiup aammattaaq imarissavai akerliliissutit, ilisimannittunit, misissuisuutitanit imaluunniit nalilisartunit saqqumiunneqartut.

Imm. 2. Suliassap ingerlasimaneranik aamma illuatungeriit ilisimannittullu suliassami pissusiviusut pillugit nassuiaataannik imaqarniliuineq naatsoq allanneqartassaaq.

Imm. 3. Eqqartuussiviup eqqartuussutai aalajangiinerilumi eqqartuussisut suliaannik allassimafimmi tamakkivilugit allanneqartassapput.

Imm. 4. Paasissutissat allat eqqartuussisut suliaannik allassimaffimmut aatsaat allanneqartassapput tamanna inatsimmi peqqussutaasimatillugu.

Imm. 5. Eqqartuussinerit naammassineri tamaasa eqqartuussisut suliaannik allassimaffik eqqartuussisut siulittaasuanit atsiorneqartassaaq.

§ 99. Allatut aalajangersaasoqarsimangippat eqqartuussisut suliaannik allassimaffimmut allanneqartut aatsaat atuarneqarlutillu pissutsit malillugit akuersissutigineqartassapput, eqqartuussisut siulittaasuata nammineerluni immikkut ittunik pisuteqartumik tamanna pisariaqarsorippagu imaluunniit

saqitsaanernik suliassani akerlerisamiit, ilisimannittumiit imaluunniit misissuisuutaallunilu naliliisartumiit noqqaassuteqarneq naapertorlugu.

§ 100. Suliassap pappiarartai uppernarsaatitullu allakkiat allat, eqqartuussivimmi saqqummiunneqartut, tamanna pillugu oqaaseqaatalernejartassapput.

§ 101. Pisut, inatsimmi matumani tamanna pillugu immikkut ittunik aalajangersaavagineqartut, avataanni illuatungeriit allallu, inatsisitigut tamatumani soqutigisaqartut – taamaattorli kingullertut taaneqartut pinerunnernik suliassani aatsaat suliassaq inerlugu suliarineqareeraangaat – piumasarisinnaavaat eqqartuussisut suliaannik allassimaffit assilineqarneri kiisalu uppernarsaatitut allakkiat saqqummiuneqarsimasut allat, eqqartuussivimmiiittut, tunniunneqassasut.

Imm. 2. Naalagaaffiup isumannaatsuuunissa imaluunniit naalagaaffinnut takornartanut pissutsinik pingaartitsineq imaluunniit tamakkuninnga immikkut ittumik qajassuussineq pissutigalugu allassimaffiup assilineqarneranik imm. 1 malillugu tunniussaqarnissaq eqqarsarnartoqartinneqarpat allassimaffiup assilineqarnera tamarmiusoq ilaannakorluunniit tunniukkumaneqanngissinnaavoq. Aamma taamaassaaq annilaanngatigineqarpat allassimaffiup assilineqarnera inatsisinut akerliusumik iliornikkut atorniarneqarsinnaasoq. Eqqartuussisut suliassaq aalajangiissuteqarnikkut aalajangiiffigissavaat, tunngavilersorneqartussamik.

Imm. 3. Allassimaffiit assilineqarneri sapinngisamik sapaatip akunnerata ataatsip ingerlanerani tunniunneqartariaqarput.

Imm. 4. Inatsiseqarnermut ministerip aalajangersinnaavaa, pinerunnernik suliassani allassimaffiit assilineqarneri aatsaat tunniunneqarsinnaassasut, eqqartuussivik politimesterimut oqaaseqaammik piniareeraangat. Politimesterip imm. 2-mi taaneqartunik pissuteqarluni allassimaffiit assilineqarnerannik tunniussaqarnissaq akerliuffigippagu eqqartuussiviup suliassaq aalajangiissuteqarnikkut aalajangiiffigissavaa, tunngavilersorneqartussamik.

Imm. 5. Eqqartuussiviup imm. 2 aamma 4 malillugit aalajangiineri nunatta eqqartuussisuuneqarfianut saqqummiunneqarsinnaapput sapaatit akunneri arfinillit qaangiutsinnagit. Nunattali Eqqartuussisuuneqarfia piffissaliussamik taassuminnga qaangiisimanermik qaammatit arfinillit tikillugit pingaartitsinngitoorsinnaavoq, pissutsit immikkut ittut qaangiernermut pissutaasimappata. Pisuni imm. 4, oqaaseqatigiit aappaanni taaneqartuni suliassaq politimesterimit nunatta eqqartuussisuuneqarfianut ullut pingasut qaangiutsinnagit saqqummiunneqartassaaq, taamaattoqarneranilu suliassaq nunatta eqqartuussisuuneqarfianit aalajangiiffigineqareersinnagu allassimaffiup assilineqarneranik tunniussisoqartassanngilaq.

Imm. 6. Eqqartuussap imminut eqqartuussutitut nalunaarutaasup assilineqarneranik tunineqarsinnaatitaanera paragraffimi matumani aalajangersakkanit attorneqassanngilaq.

§ 102. Inuit, § 145, imm. 1-im, 2-mi imaluunniit 4-mi pineqartut, pinerunnernik suliassani unnerluussissutinik eqqartuussiviup allaffianni misissuataarisinnaapput. Noqqaassuteqarnikkut inuit taakkorpiaat eqqartuussiviup allaffiani unnerluussissutit nuutsinnejqarnerannik tunineqarsinnaapput. Allakkiat misissuataarneqalersinnagit imaluunniit nuutsinnejqalersinnagit kimut tunngasuunerat ilisarnarunnaarsarneqassaaq, taamaasilluni pinerlineqartup imaluunniit ilisimannittut kinaassusaat taakkunanni takuneqarsinnaajunnaarlugu. Inatsiseqarnermut ministeri malittarisassanik aalajangersaassaaq, qaqugukkut misissuataarinissaq imaluunniit tunniussinissaq pisinnaasoq pillugu.

Imm. 2. Pinerluffiusoq pillugu ikuutissatut ilanngussat titartakkallu, unnerluussissuasaatitaasunit illersuisumillu suliarineqarsimasut, eqqartuussutissap isumaqatigiinniutigineqarnerani inunnut imm. 1-im taaneqartunut atukkiunneqarsinnaapput.

Imm. 3. Saqitsaannernik suliassap suliassat allakkiartaa ataaseq arlallilluunniit illuatungeriit akuersisillugit inunnut, imm. 1-im taaneqartunut, eqqartuussutissap isumaqatigiinniutigineqarnerata nalaani atukkiunneqarsinnaapput. Suliassani, saqitsaannernik suliassat immikkut ittut pillugit inatsimmi matumani immikkoortoq IV malillugu suliarineqartussani, atukkiussisoqarsinnaanngilaq.

Imm. 4. Inuit imm. 1-imik taaneqartut eqqartuussiviup allaffiani eqqartuussisut suliaannik allassimaffimmik misissuataarisinnaapput, taanna allaqqissaarneqareerpat. Eqqartuussineq imaluunniit killisiuineq tamakkerlugu ilaannaaluunniit matoqqasumik ingerlanneqarsimappat eqqartuussisut suliaannik allassimaffimmik misissuatarisoqarsinnaanngilaq, eqqartuussiviup initaani eqqisisimanissaq torersarnissarluunniit piinnarlugu matut matuneqarnissaat aalajangerneqarsimanngippat. Noqqaassuteqarneq naapertorlugu allattukkat assilineqarneri tunniunneqassapput. Aalajangersagaq atutissanngilaq suliassani, saqitsaannernik suliassat immikkut ittut pillugit inatsisip uumap immikkoortua IV naapertorlugu suliarineqartuni.

Imm. 5. Pissutsinik § 101, imm. 2-mi taaneqartutut ittunik atuttoqartillugu eqqartuussiviup unnerluussisussaatitaniit imaluunniit illersuisumiit noqqaavagineqarnikkut imaluunniit nammineq sulissuteqarnermigut imm. 1 aamma 4 malillugit misissuataarinissaq imaluunniit tunniussaqarnissaq itigartitsissutigisinnaavaa. Aammattaaq eqqartuussutissap isumaqatigiinniutigineqarnerani eqqartuussivik imm. 2 malillugu atukkiussinissamik itigartitsisinnaavoq, tamanna allakkiap qanoq ittuuneranit, sianigisassanit pingaarutilinnit pasisamut, unnerluutigineqartumut imaluunniit ilisimannittumut tunngassutilinnit imaluunniit pingartitassanit § 101, imm. 2-mi taaneqartunit tamanna pisariaqartinneqarpat. § 101, imm. 4 taamaaliornermi taamatulli atortuutinnejassaaq. Eqqartuussiviup aalajangiineri aalajangiissuteqarnikkut pisassapput, tunngavilersorneqartussakkut.

Imm. 6. Allakkiat upternarsaatissat allattukkallu assilineqarneri imm. 1-4-mi taaneqartut tusagassiutini tusagassiortut aammalu aaqqissusoqarfinti suleqataasut saniasigut allanit pineqarsinnaassanngillat taamaallaallu tusagassiornikkut aaqqissuinikkullu suliassanut tapersiutitut atorneqarsinnaapput.

Imm. 7. Inatsiseqarnermut ministeri malittarisassiuusaaq tusagassiorfiit eqqartuussisut suliaannik allassimaffisa assilineqarnerinik unnerluussissutilu nuutsinneqarnerinik toqqortarininnissaat pillugu.

Imm. 8. Imm. 6-imik unioqqutitsineq akiliisitsissutaasinnaavoq. Najoqqutassani, imm. 7 naapertorlugu aalajangersarneqarsimasuni, aalajangersarneqarsinnaavoq najoqqutassani aalajangersakkanik unioqqutitsineq akiliisitsissutaasinnaasoq. Aammattaaq alajangersarneqarsinnaavoq, ingerlatseqatigiiffit il.il. (inuit inatsisitigut pisinnaatitaasut pisussaatitaasullu) unioqqutitsinerini ingerlatseqatigiiffik il.il. pinerluttulerinermi inatsimmi kapitali 5-imik malittarisassat malillugit akisussaaffilerneqarsinnaasoq.

Kapitali 8

Eqqartuussinerup siulersorneqarnissaa

§ 103. Eqqartuussisut siulittaasuata isumaqatigiinniarnerit siulersussavai aamma isumaqatigiinniarnerup immikkualuttusa ataasiakkaat tulleriissaarnissaat aalajangertassavaa, inatsimmi tamanna pillugu najoqqutassamik allamik allassimasoqanngippat. Eqqartuussisut siulittaasuata akuersiseqqaartinnagu arlaannaalluunniit oqaaseqassanngilaq, eqqartuussisullu siulittaasuata siulersuineranik malinnikkumanngitsoq oqaaseqaqqusaajunnaarsinneqarsinnaavoq. Eqqartuussisut siulittaasuata suulluunniit isumaqatigiinniarnermut sivitsorsaataasut sapinngisamik peerneqartarnissaat akisussaaffigivaa, isumaqatigiinniarnerullu immikkualuttui naammassineqartissavai, sammineqartoq naammattumik suliarineqarsimasutut isigineqaraangat.

§ 104. Eqqartuussisut siulittaasuata isumaqatigiinniarnerit torersumik ataqqinartumillu ingerlanissaat akisussaaffigaa, tamatumunngalu atatillugu illuatungeriit, ilisimannittut allalluunniit avoqqaarisinnaavai, taakkua tulluanngitsunik oqaaseqaraangata imaluunniit inummut tulluanngitsunik saassussigaangata. Illuatungeriit arlaat avoqqaarineqaraluarluni pigaluttuinnarpat eqqartuussisut siulittaasuata pineqartoq oqaaseqartarsinnaajunnaarsissinnaavaa. Inuit, nipiliorlutik allatulluunniit tulluanngitsumik piissusilorsorlutik isumaqatigiinniarnernik akornusersuisut imaluunniit eqqartuussisunut asissuisut, eqqartuussiviup initaaniit anisinneqarsinnaapput.

Imm. 2. Eqqartuussisut mianersoqqusinnaavaat inuk, eqqartuussissunik imaluunniit eqqartuussivimmut orniguttut arlaannik ajuallatsitsisoq, isumaqatigiinniarnernik akornusersuisoq imaluunniit eqqartuussisut siulittaasuata peqqussutaanik malinnikkumanngitsoq imaluunniit pineqartoq eqqartuussiviup initaanit anisillugu. Eqqartuussivik aammattaaq pisuni taama ittuni akiliisussanngortitsisinnaavoq.

Kapitali 9

Eqqartuussisut isumasioqatigiittarnerat aamma aalajangiisarnerat

§ 105. Eqqartuussutissat aalajangiinerillu isumasioqatigeereernerup kingorna taasinikkut akuersissutigineqartassapput. Taamaattoqassanngilarli, eqqartuussisoq ataasiinnaasimappat imaluunniit aalajangiinerit eqqartuussisut siulittaasuata aalajangiiviginasai pineqarpata. Eqqartuussutissap inernera isumaqatigiinngissutaillugu allaaneruseumik isummernerit eqqartuussisut suliaannik allassimaffimmut allaqquneqarsinnaapput. Pinerlunnernik suliassani eqqartuussisut siulittaasuata taasineq pillugu eqqartuussisut suliaannik allassimaffimmut oqaaseqaateqartassaaq, unnerluutigineqartoq eqqartuussisut siulittaasuata taasineranut akerliusumik pinerluttuliornermut pisuutitaagaangat.

Imm. 2. Eqqartuussisut isumasioqatigiinnerat taasinerallu tusarnaartunit pinnani taamaallaat eqqartuussisut allattaannit najuuffigineqarsinnaavoq. Taamaattorli pisuni immikkut ittuni allat najuunnissaat eqqartuussisunit akuerineqarsinnaavoq. Eqqartuussisut isumasioqatigiinneri taasinerilu pillugit paasissutissanut tunngatillugu nipangiussisussaatitaaneq atuuppoq, tak. Pinerluttulerinermi inatsimmi § 50.

Imm. 3. Eqqartuussisoq imaluunniit eqqartuussisooqataasartoq suliassap aalajangiiffigineqarneranut peqataasinnaanngillaq, oqaatsitigut isumaqatigiinniarnerit tamakkerlugit najuuffigisimanngikkunigit.

§ 106. Aalajangiinerni tamani taasisoqarnerani amerlanerussuteqartoqartassaaq.

Aalajangiinermi taasisoqarnerani amerlanerussuteqartoqanngippat, eqqartuussisut siulittaasuata taasinera aalajangiisuuussassaaq, taamaattoq tak. imm. 2.

Imm. 2. Pinerlunnernik suliassani pisuutitsineq pillugu apeqqummut aamma pineqaatissiissutissamik aalajangiinarnermut tunngatillugu taasinerit amerlaqatigiissillugit unnerluutigineqartumut iluaqutaanerpaausissaq atuutissaq. Isummat assigiinngitsut marlunniit amerlaneruppata, taakku arlaannaalluunniit amerlanerussuteqaratik, taasinerit unnerluutigineqartumut iluaqutaanerpajusut naatsorsuutigineqassapput iluaqutaannginnerpaat qaninnerit taakkununnga katigullugit, taasinerit amerlanerussuteqalernissaat tikillugu.

§ 107. Eqqartuussisut eqqartuussutikkut imaluunniit aalajangiinikkut aalajangiisassapput.

Imm. 2. Eqqartuussutit tamatigut tunngavilersorneqartassapput. Aalajangiinerit, immikkut ittumik aalajangersaasoqarsimatillugu, tunngavilersorneqartassapput.

§ 108. Eqqartuussummik suliareqqitassanngortitamik atuuttussanngortitsisoqarsinnaavoq pissutaasut, eqqartuussummi suliareqqitassanngortitami taaneqartut, naapertorlugit imaluunniit tunngavilersuut nutaaq naapertorlugu.

Imm. 2. Nunatta eqqartuussisuuneqarfiata eqqartuussutaani tamatigut oqaatigineqartassaaq eqqartuussivimmi sorlermi eqqartuussut suliareqqitassanngortitaq eqqartuussutaasimanersoq.

§ 109. Eqqartuussivik sukkulluunniit nammineerluni sulissuteqarnermigut imaluunniit noqqaavigineqarnermigut iluarsiinnaavoq eqqartuussutini allannerliukkanik oqaatsinik, aternik kisitsisinilluunniit, naatsorsuinerliornernik ersarissunik kiisalu kukkunernik puiukanilluunniit, aalajangiinerup ilusaanut taamaallaat tunngassutilinnik.

Imm. 2. Piffissaq suliareqqitassanngortitsivissaq qaangiutsinnagu taamaalioqqusisoqassappat, eqqartuussiviup iluarsiinnaavai illuatungeriit oqaatsitigut ilisimatitsissutaasa oqaaseqaataasalu

issuarneqarnerat, saqitsaannermik suliassap aalajangiiffigineqarneraniittut imaluunniit suliassap ataqatigiivinnerata saqqummiunneqarnera pinerlunnernik suliassap aalajangiiffigineqarneraniittoq, saqqummiineq qaangiatarinernik, ersarlutuliorernik imaluunniit oqaatsinik imminnut assortuuttunik kukkanngassappat. Eqqartuussivilli tunngavilersutinik inerniliinernilluunniit allannguisinnaanngilaq. Illuatungeriit, pinerlunnernilu suliassani aamma illersuisoq periarfissaqassapput oqaaseqaateqarnissamut, iluarsiissutit taamaattut pillugit aalajangiisoqartinnagu. Eqqartuussisut aalajangiisuusassapput illuatungeriillu ilisimatittassallugit aamma pinerlunnernik suliassani illersuisoq ilanngullugu ilisimatittassallugu, malittarisassat aalajangiinivimmi atuussimasut taakkorpiaat malillugit.

Imm. 3. Aalajangiinerup iluarsiap aalajangiisimaneq siulleq sutigut tamatigut taarsissavaa. Iluarsiineq pillugu aalajangiineq aalajangeqqitassanngortinnejarsinnaanngilaq.

§ 110. Aalajangiinerit allangortinneqarsinnaapput, paasissutissat nutaat pigineqalerpata kiisalu eqqartuussiviup taamaaliornissaq aamma naleqquttuusorippagu.

Kapitali 10

Tamanut ammasuunissaq

Oqaatsitigut saqqummiussisussaatitaaneq

§ 111. Eqqartuussivimmi suliassat oqaatsitigut suliarineqartassapput. Allakkatsigut suliarinninneq aatsaat atorneqartassaaq tamatuma inatsimmi matumanit immikkut aalajangerneqarsimancerata annertussusaa naapertorlugu.

Imm. 2. Allakkiat upternarsaatissat atuarneqassatillugit eqqartuussisut siulittaasuata aalajangertassavaa kina atuaasuussanersoq, inatsimmi allatut aalajangiisoqarsimanngippat.

Tamanut ammasuunissaq

§ 112. Eqqartuussinerit tamanut ammasuussapput, inatsisikkut imaluunniit inatsit naapertorlugu allatut aalajangiisoqarsimanngippat.

Imm. 2. Eqqartuussut tamanut ammasumik eqqartuussinermi nalunaarutigineqartassapput.

§ 113. Eqqartuussisut siulittaasuata inuit, tamanut ammasumik eqqartuussinermi isersinnaatitaasut, amerlassusissaat killilersinnaavaa, eqqartuussiviup initaata ulikkaavinnissaa pinngitsoortinniarlugu.

Imm. 2. Eqqartuussisut siulittaasuata inuit makkua eqqartuussinermut tamanut ammasumut iseqquunngissinnaavai,

1) 15-it inorlugit ukiullit, imaluunniit

2) ima pissusilersortut, najuunnissaat eqqartuussiviup ataqqisariaqarneranut imaluunniit torersuunissaanut akerliulluni.

Imm. 3. Eqqartuussisut siulittaasuata aammattaqaq inuit imaluunniit inuit eqimattat aalajangersimasut tamanut ammasumik eqqartuussinermut iseqquunngissinnaavai, nalilerneqarpal ilisimannittup imaluunniit illuatungiusup ilumoortunik nassuaateqartinnissaanut tamanna pisariaqartusoq.

Matunik matusineq

§ 114. Eqqartuussisut aalajangersinnaavaat eqqartuussineq matoqqasumik ingerlanneqassasoq (matunik matusineq),

1) inimi eqqartuussiviusumi eqqissisimanissaq torersaarnissarlu pissutigalugu tamanna pisariaqartinnejarpal,

2) naalagaaffiup naalagaaffinnut takornartanut attaveqarnera imaluunniimmii taakkununnga immikkut qajassuussinissaq pillugu tamanna pisariaqartinnejarpal, imaluunniit

3) tamanut ammasumik eqqartuussinermi suliassamik suliariinninneq arlaannut pisariaqanngitsumik ajuallatsitsissutaassappat, matumunnga ilanggullugu eqqarsaatigineqarluni inuussutissarsiutitigut isertuussassat pillugit nassuiaasoqartoqarniartillugu.

Imm. 2. Pinerlunnernik suliassani aammattaaq matunik matusinissaq aalajangiiffigineqarsinnaavoq,

1) pasisaq (unnerluutigineqartoq) 18-it inorlugit ukioqarpat,

2) tamanut ammasumik eqqartuussinermi suliassap suliarineqarnerani arlaata isumannaatsuunera ulorianartorsiortissasorineqarpat, imaluunniit

3) tamanut ammasumik eqqartuussinermi suliassamik suliariinninnermit suliassap paasinarsarneqarnera pingaarutiltsigut akornuserneqarsinnaasorineqarpat.

Imm. 3. Eqqartuussutissap aalajangiiffiginarnerani imm. 2, nr. 3 naapertorlugu matunik matusineq eqqartuussivimmi siullermeiffiusumi taamaallaat pisinnaavoq aamma aatsaat ilimagineqartariaqarpat suliassap suliarineqarnerani unnerluutigineqartut saniasigut inunnut allanut pisimasut taakkorpiaat pillugit kingusinnerusukkut unnerluussissuteqartoqassasoq, aammalu pingaartitassat immikkut illuinnartut matunik matusinissaq pisariaqartippassuk. Eqqartuussutissamik isumaqatigiinniuteqarneq eqqartuussisut suliaannik allassimaffimmut ima sukumiitigisumik issuarneqartassaaq, eqqartuussutip nalunaarutigineqarnerani eqqartuussutissap isumaqatigiinniutigineqarnerata ingerlasimanera avammut ilisimatinneqarsinnaalersillugu, matunik matusinermi siunertarisat annertussusaat naapertorlugu.

Imm. 4. Matunik matusinissaq pillugu aalajangiisoqarsinnaanngilaq issuaanissaq imaluunniit aternik taaseqqlusaannginnejq pillugu imaluunniit inunnik ataasiakkaanik najuutsitseqqlusaannginnejq pillugu malittarisassat atorneqarnissaat naammappat.

§ 115. Pinerluttulerinermi inatsimmi §§ 74-imik, 77-imik aamma 80, imm. 2-mik unioqqutitsinerit pillugit suliassani pinerlineqartup nassuiaateqarnerani matut matuneqartassapput, pineqartup tamanna noqqaassutigippagu. Aamma taamaattassaaq pinerluttulerinermi inatsimmi § 79-imik, tak. § 77, unioqqutitsineq pillugu suliassani.

Imm. 2. Imm. 1 taamatulli atortuutinnejqassaaq immiussanik takutitsinermi imaluunniit nipinik imaluunniit assiliartanik immiussanik allanik, pissutsinik suliassap ingerlanerani pasilliutaasunik unnerluussissutaasuniluunniit takutitsisunik, tusarnaarnermi isiginnaarnermilu.

§ 116. Matunik matusinissaq pillugu eqqartuussisut aalajangiissapput noqqaavigineqarnikkut imaluunniit namminnejq sulissuteqarnermikkut.

Imm. 2. Pasisaq (unnerluutigineqartoq) 18-inik sinnerlugilluunniit ukiulik najuuttoq qajassuunniarlugu matunik matusineq pineqartup nammineq taamaalioqqusineratigut aatsaat aalajangerneqarsinnaavoq

§ 117. § 114 malillugu matunik matusinissamik aalajangiineq tunngavilersukkatut aalajangiinerussaaq, illuatungeriit inuillu najuuttut, § 145, imm. 1-imi, 2-mi imaluunniit 4-mi pineqartut, oqaaseqaateqarnissamut periarfissaqartitaareerpata. Eqqartuussisut, ingammik naalagaaffinnut takornartanut pingaarutiltsigut qajassuussinissap imaluunniit suliassap paassisutissiisutigineqarnissaata tamanna pisariaqartippagu, tunngavilersukkamik aalajangiinikkut aalajangiisinnaapput matut matuneqarnissaat pillugu isumaqatigiinniarneq aamma matoqqasumik ingerlanneqassasoq.

Imm. 2. Imm. 1 malillugu matunik matusinissamik aalajangiineq eqqartuussinerup aallartinnerani imaluunniit tamatuma ingerlanerani nalunaarutigineqarsinnaavoq aammalu ingerlaannaq kingusinnerusukkulluunniit eqqartuussinerup ilaanut tunngatitatut annikillisinnejqarsinnaalluni. Aalajangiineq tamanut ammasumik eqqartuussinermi tamatigut nalunaarutigineqartassaaq.

§ 118. Eqqartuussinerni, matoqqasumik ingerlanneqartuni, isumaqatigiinniutaasimasunik tamanut issuaanissaq inerteqqutaavoq, matunik matusisimaneq inimi eqqartuussiviusumi eqqissisimanissaq torersaarnissarlu pissutigiinnarlugit pisimanngippat.

§ 119. Eqqartuussisut siulittaasuata, taamaaliornissamut immikkut ittumik pissutissaqarpat, suliassamut susassaqartut saniasigut allat eqqartuussinermut, matoqqasumik ingerlanneqartumut, najuunnissaat akuerisinnaavaa. Pineqartut taakku eqqartuussineq pillugu kimulluunniit, eqqartuussinermut isersinnaatitaasimannngitsumut, nalunaaruteqassanngillat, matunik matusisoqarsimannngippat inimi eqqartuussiviusumi eqqissisimanissaq torersaarnissarlu pissutigiinnarlugit.

Issuaaqqusaannginneq

§ 120. Eqqartuussiviup pinerlunnernik suliassani isumaqatigiinniarnermik tamanut issuaanissaq (issuaaqqusaannginneq) inerteqqutigisinnavaa,

- 1) pasisaq (unnerluutigineqartoq) 18-it inorlugit ukioqarpat,
- 2) tamanut issuaanissaq arlaata isumannaatsuuneranik ulorianartorsiortitsilersinnaasutut isumaqarfingineqartariaqarpat,
- 3) tamanut issuaanissaq suliassap paassisutissiissutigineqarnissaanik ajoqusiisinnappaat, imaluunniit
- 4) tamanut issuaanissaq arlaannut pisariaqanngitsumik nikanarsaataassappat.

§ 121. Eqqartuussivik noqqaavigineqarnikkut imaluunniit nammineerluni sulissuteqarnermigut issuaaqqusaannginneq pillugu aalajangiisassaaq.

Imm. 2. Pasisaq (unnerluutigineqartoq) 18-inik sinnerlugilluunniit ukiilik, najuuttoq, pillugu issuaaqqusaannginneq aatsaat aalajangerneqarsinnaavoq pineqartoq nammeneq taamaalioqqusippat.

§ 122. Issuaanissap inerteqqutaaneranik aalajangiineq tunngavilersukkamik aalajangiinerussaaq, illuatungeriit inuillu najuuttut, § 145, imm.1-imi, 2-mi imaluunniit 4-mi pineqartut, oqaaseqaateqarnissamut periarfissaqartinneqareerpata. Aalajangiineq eqqartuussinerup aallartinnerani imaluunniit tamatuma ingerlanerani nalunaarutigineqarsinnaavoq aammalu ingerlaannaq kingusinnerusukkulluunniit eqqartuussinerup ilaanut tunngatitatut annikillisinneqarsinnaalluni.

Imm. 2. Eqqartuussiviup noqqaavigineqarnikkut, aamma inunniit § 145, imm. 1-imi, 2-mi imaluunniit 4-mi pineqartunit, imaluunniit nammineerluni sulissuteqarnermigut issuaaqqusaannginneq kingusinnerusukkut atorunnaarsissinnaavaa.

Atinik taaseqqusinnginneq

§ 123. Eqqartuussiviup pinerlunnernik suliassani pasisap (unnerluutigineqartup) inuilluunniit allat suliassap suliarineqarnerani taaneqartut aqqinik, atorfiinik najugaqarfiinilluunniit tamanut ammasumik taasaqarnissaq inerteqqutigisinnavaa, imaluunniit pineqartup kinaassusaata tamanut allatut saqqummiunneqarnissa (atinik taaseqqusinnginneq) inerteqqutigisinnavaa,

- 1) tamanut issuaanissaq arlaata isumannaatsuuneranik ulorianartorsiortitsilersinnaasutut isumaqarfingineqartariaqarpat,

2) tamanut issuaanissaq arlaannut pisariaqanngitsumik nikanarsaataassappat.

Imm. 2. Eqqartuussisut imm. 1, nr. 2-misulli piumasaqaatit tunngavigalugit inuup inatsisitigut pisinnaatitaasup pisussaaititaasullu aqqata, matumunga ilanngullugu saniatigut aqqa taaguutaaluunniit, najugaqarfiatalu tamanut issuarneqarnissaat inerteqqutigisinnavaat.

Imm. 3. Eqqartuussisut atinik taaseqqusinnginneq pillugu aalajangiinerminni inatsisink unioqqutitsinerup peqqarniissusaa inuiaqatigiinnullu pingaarutaa pingaartittassavaat. Aammattaaq atinik taaseqqusinnginermut ilalernartinneqanngilaq pasisaq (unnerluutigineqartoq) innuttaaqatigiinnut naleqqiullugu immikkut pingaarutilimmik atorfegarpat.

Imm. 4. Atinik taaseqqusinnginneq annertusineqarsinnaavoq suliassamik suliareqqitassanngortitsinerusinnaasup nalaani atuuttussanngorlugu, suliareqqitassanngortitsinermut unnerluutigineqartup pisuuneranut uppermarsaatissanik naliliinissaq ilaappat.

§ 124. Eqqartuussisut noqqaavagineqarnikkut atinik taaseqqusinnginnej pillugu aalajangiisassapput. Aalajangiineq tunngavilersukkamik aalajangiinerussaq, illuatungeriit inuillu najuuttut, § 145, imm. 1-im, 2-mi imaluunniit 4-mi pineqartut, oqaaseqaateqarnissamut periarfissinnejqareerpat. Aalajangiisoqarsinnaavoq eqqartuussinermi, atinik taaseqqusinnginnej pillugu noqqaassummut isummerfiginninnissaq kisiat siunertaralugu ingerlanneqartussami.

Imm. 2. Eqqartuussisut noqqaavagineqarnikkut, aamma inunniit § 145, imm. 1-im, 2-mi imaluunniit 4-mi pineqartunit imaluunniit namminneerlutik sulissuteqarnermikkut, atinik taaseqqusinnginnej kingusinnerusukkut atorunnaarsissinnaavaat.

Imm. 3. Atinik taaseqqusinnginnej atorunnaartassaaq kingusinnerpaamik inaarutaasumik eqqartuussutip nalunaarutigineqarnerani.

Isiginnaagassanik tusarnaagassanillu immiussisarnerit

§ 125. Inerteqqutaavoq eqqartuussinerip nalaanni assiliinissaq aammalu nipinik immiussinissaq, eqqartuussisut qaqutigoortumik tamanna akuersissutigisimangippassuk. Isiginnaagassanik tusarnaagassanillu, tamatumunnga akerliusumik immiussanik, tamanut saqqummiussinissaq inerteqqutaavoq. Eqqartuussisut aamma sukkulluunniit suliassap suliarineqarnerani inerteqqutigisinnaavaat isiginnaagassanik tusarnaagassanillu, eqqartuussinermi immiussanik, tamanut saqqummiussinissaq. Eqqartuussisut aalajangiinerat tunngavilersukkamik aalajangiinerussaaq.

Imm. 2. Inuit eqqartuussisoqarnerani nassuaateqartut isiginnaagassanik tusarnaagassanillu immiussisoqarneranik ilisimatinneqartassapput.

Imm. 3. Eqqartuussiviup illutaani isiginnaagassanik immiussinissaq inerteqqutaavoq, eqqartuussiviup tamanna akuerisimangippagu. Imm. 1, oqaaseqatigiit aappaanniiit sisamaannut taamatulli atortuutinneqassapput.

Imm. 4. Imm. 1-im aamma 3-mi pineqannigillat aallakaatitsinerit §§ 128-mi aamma 163-im eqqartorneqartut, eqqartuussinerit ingerlanneqarnerisa ilaattut pisut.

Titartaasarneq

§ 126. Eqqartuussiviup pisuni immikkut ittuni eqqartuussisoqarnerani titartaanissaq imaluunniit eqqartuussinermiit titartakkanik tamanut saqqummiussinissaq inerteqqutigisinnaavaa. Aalajangiineq tunngavilersukkamik aalajangiinerussaaq.

Unioqqutitsinerit

§ 127. § 118-imik, § 119-im oqaaseqatigiit aappaannik, § 125, imm. 1-im oqaaseqatigiinnik siullernik aappaannillu aamma imm. 3-mik, imaluunniit § 120, § 125, imm. 1, oqaaseqatigiit pingajui aamma § 126 malillugit eqqartuussiviup inerteqqutaanik unioqqutitsineq akiliisitsissutaasinnaavoq.

Imm. 2. § 123 malillugu inerteqqummik unioqqutitsineq akiliisitsissutaasinnaavoq, pineqartup inerteqqut nalusimangippagu. Aamma taamaassaaq, pineqartup ilisimasimappagu imaluunniit ilisimasariaqarsimappagu suliassaaq eqqartuussivimmi ingerlanneqartoq imaluunniit politiit suliassaaq paasiniaavigigaat, aamma pineqartoq politiinut, unnerluussisussaatitaasunut imaluunniit eqqartuussivimmun atinik taaseqqussaangitsoqarnersoq pillugu paasiniaasimangippat.

Imm. 3. Ingerlatsiviit il.il. (inuit inatsisitigut pisinnaatitaasut pisussaatitaasullu) pinerluttulerinermi inatsisitigut akisussaatitaasinnaapput pinerluttulerinermi inatsimmik kapitali 5-im malittarisassat malillugit.

Ungasianniit attaveqaqatigiinnej

§ 128. Eqqartuussivik inatsit manna naapertorlugu aalajangiisimappat illuatungiusoq imaluunniit eqqartuussinermi taanna sinnerlugu pisinnaatitaasoq eqqartuussinermi ungasianiit attaveqaatit atorlugit peqataassasoq, pineqartoq taanna eqqartuussivimmut nammineerluni orniguttutulli eqqartuussinermi peqataasutut naatsorsuutigineqassaaq.

Imm. 2. Eqqartuussinermi nassuaateqartoqassappat illuatungiusoq imaluunniit taanna sinnerlugu pisinnaatitaasoq ungasianiit attaveqaatit assiliartallit aqqutigalugit § 163-imi aalajangersarneqartunut naapertuuttumik taamaallaat peqataasinnaavoq.

Kapitali 11

Nalunaarutiginninnerit

§ 129. Eqqartuussivimmuit nalunaarutit nalunaarutiginneqartassapput, tamanna inatsisikkut aalajangersarneqarsimappat.

Imm. 2. Eqqartuussivinnuit nalunaarutit eqqartuussisut siulittaasuata aalajangiineratut iliorluni nalunaarutiginneqartassapput, inatsimmi allatut aalajangiisoqarsimannngippat.

§ 130. Saqitsaannermik suliassami illuatungiusoq nalunaarutiginninnissamik taamaatitsisinnaavoq.

§ 131. Saqitsaannermik suliassani nalunaarutiginninneq allatullu ilisimatissuteqarneq pisinnaavoq illuatungiusup eqqartuussissuserisuanut imaluunniit eqqartuussinermi sinniisitut pisinnaatitaasumut allamut.

Imm. 2. Saqitsaannermik suliassami illuatungiusoq aammattaaq inummik toqqaasinnaavoq, malittarisassat §§ 133-135-imiittut malillugit nalunaarutiginniffigineqarsinnaasumik. Taamaattorli malittarisassaq § 135, imm. 5-imiittoq taamaallaat atortuutinnejartassaaq pineqartoq taanna nalunaarutiginnissummit tigusaqarumalluni nalunaarsimappat.

§ 132. Eqqartuussisoqarnerani piffissaq ataatsimeeqqiffissaq (eqqartusseqqiffissaq) imaluunniit eqqartuussivikkut iliuuseqarnissaq pillugu aalajangiisoqarsimappat, aalajangiineq inunnut, najuuttunut, nalunaarutigineqartutut naatsorsuutigineqartassaaq.

Imm. 2. Aalajangiineq inunnut, inatsisit malillugit aggersarneqarsimasunut, kisiannili ornigutinngitsoorlutiluunniit suli aalajangiisoqartinnagu pissutissaqanngitsumik eqqartuussinermiit qimagussimasunut, nalunaarutigineqarsimasututtaaq naatsorsuutigineqartassaaq. Eqqartuussiviulli pineqartut taakku aalajangiineq pillugu nalunaarfigisassavai, aalajangiineq tamanna taakkununnga immikkut soqutinaateqartutut isumaqarfigineqarpas.

§ 133. Nalunaarutiginninneq imatut pisinnaavoq

- 1) nalunaarutiginnittartup nalunaarutiginninneratigut,
- 2) allakkerivitsigut nalunaarutiginninnertut imaluunniit
- 3) allakkatigut nalunaarutiginninnertut.

Imm. 2. Nalunaratiginnittartoq aqqutigalugu nalunaarutiginninneq pisassaaq, politiitut atorfillip, kommunefogedip imaluunniit nalunaarutiginnittartup allakkatigut nalunaarummik inummut tunniussaqarneratigut, nalunaarutiginniffigineqartorlu kajumissaarneqartassaaq tigusaqarneq atsiornermigut ingerlaannaq upternarsaqquallugu.

Imm. 3. Allakkerivitsigut nalunaarutiginninneq pisassaaq nalunaarutiginnittartoq aqqutigalugu nalunaarutiginninnerup assinganik pissuseqarluni, allakkerisarfilli tunniussisuussalluni.

Imm. 4. Allakkatigut nalunaarutiginnittoqartassaaq allakkatigut nalunaarut inummut nassiullugu noqqaassuteqartoqarluni pineqartup tigusaqarnerminut upternarsaat ilangunneqartoq atsiorlugulu utertissagaa. Tamatuma kingorna nalunaarutiginninneq ullormi, tigusisup nalunaarummik tigusaqarsimasutut taasaani, pisimasutut naatsorsuutigineqassaaq. Ulloq tigusiffiusoq

allanneqarsimangippat imaluunniit ulloq tigusaqarfiusimasutut taasaq utertitsilluni nassiuressat naqissutaanni ulluliussamiit kingusinneruppat, nalunaarutiginninnej allakkat naqissutaata ulluani pisimasutut naatsorsuutigineqassaaq.

§ 134. Allakkatigut nalunaarutiginninnej taamaallaat pisinnaavoq tigesisussamut namminermut, taamaattoq tak. § 131.

§ 135. Nalunaarutiginnittartoq aqqutigalugu aamma allakkatigut nalunaarutiginninnej sapinngisamik pisariaqarpoq inummut allaffigisamut namminermut pineqartup najugaani, najorallagaani imaluunniit suliffisaani. Taamaattorli tigesisussamut namminermut nalunaarutiginninnej atuuttussaavoq, nalunaarutiginninnerup sumi pinera apeqqutaatinnagu. Nalunaarutiginnittusup allattassavaa nalunaarutiginninnej qanga pisimasoq.

Imm. 2. Tigesisussaq naapinneqarsinnaanngippat, nalunaarutiginninnej pisinnaavoq

1) najugaqarfigisami imaluunniit inuit inoquqtiinnut ilaasut najugarisaanni imaluunniit allaffigisaq allap inigisaani attartukkamini najugaqarpat, attartortitsisumut taassumaluunniit aapparisaanut imaluunniit aapparisatut inooqataanut, pineqartut taakku najukkami imaluunniit najorallakkami naapinneqarsinnaappata, imaluunniit

2) tigesisussap suliffiani sulisitsisumut imaluunniit taassuma sinnisaanut imaluunniit namminersortutut inuussutissarsuiteqartunut tunngatillugu, tigesisussap allaffiani, sulliviani imaluunniit pisiniarfiup initaani inunnut sullivimmi atorfefqartitanut,

3) umiartortunut tunngatillugu umiarsuarmi, attaveqarfigisaanni, inummut umiarsuarmiumut imaluunniit umiarsuaatillit allaffianni umiarsuaatilimmun taassumaluunniit sinnisaanut.

Imm. 3. Imm. 2 malillugu nalunaarutiginninnej inunnut 18-it inorlugit ukiulinnut pisinnaanngilaq.

Imm. 4. Nalunaarutiginninnej inummut tigesisussamut namminermut pisinnaanngippat, nalunaarutiginnisummik isumaginnittumit allanneqartassaaq nalunaarutiginninnej sumi, qanga kimullu pisimanersoq.

Imm. 5. Inuk imm. 2 malillugu nalunaaruteqarfiusinnaasoq, pissutissaqavinnani, nalunaarummik tigusiumanngippat imaluunniit pineqartoq nalunaarutiginnisummik tigusaqarsimasoq nalunaarummik tigesisussamut tunniussinngitsoorpat, naak tamanna aningaasartuutigivallaarnagu imaluunniit ajornartorsiutigivallaarnagu pisinnaagaluartoq, pineqartoq taanna tamatumta nassatarisaanik aningaasartuutinut taarsiisussanngortitaasinnaavoq. Eqqartuussisut tamatuminnga aalajangiinerat tunngavilersukkatut aalajangiinerussaaq.

§ 136. Inuk naalagaaffiup ilaani allami imaluunniit nunami allami ilisimaneqartumik najugaqarfeqarpat imaluunniit najorallagaqarpat, nalunaarutiginninnerlu Kalaallit Nunaanni § 133, imm. 1, nr. 1 aamma 2 malillugit pisinnaanngippat, allakkatigut nalunaarutiginnitoqartassaaq imaluunniit nunat assigiinngitsut akornanni isumaqatigiisummi imaluunniit nunap pineqartup inatsisaani peqqussutaasutut periuseqarluni.

Imm. 2. Nunami allami nalunaarutiginninnej eqqartuussivinnut tunngatillugu Kalaallit Nunaanni Eqqartuussivimmit aallarnerneqartassaaq.

§ 137. Inuup naalagaaffimi maani najugaqarfia, najorallaga imaluunniit suliffisaai ilisimatisissutigineqarsinnaanngippat imaluunniit pisortaqarfius tap takornartap susassaqartup § 136 malillugu nalunaarutiginnissamik noqqaassuteqarneq itigartippagu imaluunniit malikkumanngippagu, nalunaarutiginninnej pisinnaavoq Statstidendeekkut, Atuagagdliutitigut (AG/Grønlandsposten), tusagassiakkut naqitanngortitakkut allakkut nalunaaruteqarnikkut imaluunniit inatsiseqarnermut ministerip aalajangersagaanik allatut periuseqarluni.

Imm. 2. Nalunaarut imaqqassaaq nalunaarutip eqikkarneqarneranik aamma oqaasertalerneqartassaaq nalunaarut tamakkerlugu eqqartuussivimmut saaffiginninnikkut pineqarsinnaasoq. Nalunaarummi aammattaaq oqaatigineqartassaaq sooq nalunaarutiginneriaaseq tamanna atorneqarnersoq.

Imm. 3. Inuk pineqartoq naalagaaffiup avataani ilisimaneqartumik najugaqarfeqarpat nalunaarut aamma pineqartumut taassumunnga allakkatigut nassiunneqartassaaq.

Imm. 4. Aalajangersagaq taanna malillugu eqqartuussiviit sinnerlugit nalunaarutiginnittuusassaaq Kalaallit Nunaanni Eqqartuussivik.

§ 138. Nalunaarutiginninneq atuussinnaassuseqassaaq, massa nalunaarut tigisisussamit ilisimaneqalinngikkaluartoq.

Imm. 2. Uppernarsaatitut allakkiaq, nalunaarutigineqartussaq, tigisisussamit tiguneqarsimappat tamanna nalunaarutiginninnertut naatsorsuutigineqassaaq, massa nalunaarutiginninneq §§ 133-135-imut naapertuuttumik pisimanngikkaluartoq.

§ 139. Politiitut atorfillit aamma kommunefogedit immikkut piginnaaniligaanngikkaluarlutik nalunaarutiginnittuusinnaapput.

Imm. 2. Politimesteri eqqartuussisoqarfinnut tamanut immikkut invertitsissaq inunnik pisariaqartumik amerlassusilinnik nalunaarutiginnittartutut eqqartuussivitsigut nalunaarutinik nalunaarutiginnittartussanik. Nalunaarutiginninneq atuussinnaassuseqassaaq nalunaarutiginnittartoq eqqartuussisoqarfiup, invertinneqarfigisami, avataani sulisimagaluarpalluunniit.

Imm. 3. Politiit imaluunniit eqqartuussisut siulittaasuat pisariaqassappat inummik nalunaarutiginnittartussatut piukkunnartumik nalunaarutiginninnernik ataasiakkaanik isumaginnittartussamik piginnaassusiliisinnaapput.

§ 140. Inatsiseqarnermut ministeri nalunaarutiginninneq pillugu ersarinnerusunik malittarisassiussaaq, matumunnga ilanngullugit politiit paassisutissanik, §§ 133-135 malillugit nalunaarutiginninnissamut pisariaqartunik, pissarsiniarnissamut peqataanissaat pillugu malittarisassat, aamma nalunaarutiginnittartunut akissarsiaqartitsineq pillugu malittarisassanik. Taamatut akissarsiaqartitsineq pisortanit akilerneqartassaaq.

Imm. 2. Politiit atorfillit pinerlunnernik suliassani nalunaarutiginninnernut akissarsiaqartussaatitaanngillat.

Kapitali 12

Ilisimannittut

§ 141. Kinaluunniit pisussaavoq eqqartuussisoqarfimmi, najugaqarfigisamini, ilisimannittutut nassuaateqassalluni.

Imm. 2. Eqqartuussiviup inuk, eqqartuussisoqarfiup avataani najugaqartoq, peqqusinnaavaa ilisimannittutut orniguteqqullugu

1) tamanna annertuumik akornutaanngitsumik imaluunniit aningaasartuutaanngitsumik pisinnaappat, imaluunniit

2) nalilerneqarpat, ilisimannittup nassuaateqarnissaa suliassap aalajangiiffigineqarnissaanut ima pingaaruteqartigimmat aammalu suliassaq ima pingaaruteqartigimmat ilisimannittup aggeqquneqarnissaa tulluartuusoq.

Imm. 3. Eqqartuussiviup aalajangersinnaavaa ilisimannittoq ungasianiit attaveqaatit assiliartallit atorlugit nassuaateqassasoq, taamaaliornissaq naleqquttuusorineqarlunilu isumannaatsuusorineqarpat. Ilisimannittoq sumiiffimmut erseqqinnerusumik taaneqartumut aggersarneqartassaaq, tak. § 163.

Imm. 4. Eqqartuussiviup aalajangersinnaavaa, ilisimannittoq ungasianiit attaveqaatit assiliartaqanngitsut atorlugit nassuaateqassasoq, eqqartuussivimmi imaluunniit ungasianiit attaveqaatit assiliartallit atorlugit nassuaateqarnissaq ajornartorsiutitaqarpallaassappat aammalu ungasianiit attaveqaatit assiliartaqanngitsut aqqtigalugit nassuaateqarnissaq illersorneqarsinnaasorinassappat. Ilisimannittoq peqquneqarsinnaavoq eqqartuussiviup erseqqinnerusumik taasaatut iliornikkut ungasianiit

attaveqaatinik pilersitsinerani piareersimassasoq. Ilisimannittumik aggersaaneq aamma pisassaaq § 148 malillugu.

Imm. 5. Ilisimannittoq imm. 2-4 naapertorlugit nassuaateqarsinnaanngippat eqqartuussivimmum eqqartuussisoqarfimmi, pineqartup najugaqarfingisaaniittumut, nassuaateqarioroqquneqarluni aggersarneqassaaq. Ilisimannittup noqqaassuteqarneratigut ilisimannittutut nassuaanissaq eqqartuussivimmil allami tamatumunnga taarsiullugu pisinnaavoq. Killisiuineq eqqartuussisoqataasartut peqataaffiginngisaannik eqqartuussisumit ingerlanneqassaaq. Killisiuinerup qaqugu sumilu pinissaanik illuatungeriit ilisimatinneqassapput. Killisiuineq naammassereerpat killisiuineq pillugu eqqartuussisut suliaannik allassimaffiup assilineqarnera eqqartuussivimmum killisiuinissamik noqqaassuteqartumut nassiuunneqassaaq.

§ 142. Kinaluunniit pisortaqarfimmi sulusuusoq imaluunniit sulisimasoq imaluunniit pisortatigoortumik suliassaqtitaasoq pisortat oqartussaatitaat susassaqartoq akuersiseeqqaartinnagu pissutsit, pisortat soqutigisaanni isertuunneqartussaasut, pillugit nassuaateqarnissamut peqquneqarsinnaanngilaq. Inatsisartuni imaluunniit Folketingimi ilaasortanut tunngatillugu folketingimi siulittaasoq aammalu kalaallit naalakkersuisuini ilaasortaq ministeriluunniit susassaqartoq akuersiseeqqaartariaqarpoq.

Imm. 2. Akuersiumasoqanngippat eqqartuussisut pisortat oqartussaatitaannut susassaqartumut peqqusisinnaapput itigartitsinermut tunngavigisat eqqartuussisunut nassuaateqarfingeqquillugit, pineqartup nassuaateqarnissaa pingaaruteqarluinnartuusorineqarpat. Tamatuma kingorna eqqartuussiviup suliassami paasissutissat isertuussisussaanermiit pingartittariaqarsorigunigit aalajangersinnaavaa ilisimannittutut nassuaasoqassasoq. Taamaassangnilarli itigartitsinermut naalagaaffiup isumannaatsuunissaanik imaluunniit naalagaaffinnut allanut attaveqarneranik pingartitsineq tunngavilersuutigineqarpat.

§ 143. Ilagiinni imaluunniit upperisarioqatigiinni allani palasit, ajoqit, ilageeqarnermi suliassaqtuuusut, nakorsat, illersuisut eqqartuussissuserisut aamma eqqartuussivinni sinniisitut pisinnaatitat, sulinermikkut ilisimalersimasatik pillugit nassuaateqarnissamut peqquneqarsinnaanngillat, inuk soqutigisaanik isertuussisussaaffigisartik isumaqataalluni akuersisimassanngippat.

Imm. 2. Eqqartuussivik nakorsanut, eqqartuussinermi sinniisitut peqataanissamut piginnaatitaasunut eqqartuussissuserisunullu, pinerlunnernik suliassani illersuisusut pinnagit, peqqusisinnaavoq ilisimannittutut nassuaateqaqquillugit, nassuaateqarnissaq suliassap qanoq inerneqarnissaanut suliallu suussusaanut illuatungiusumullu imaluunniit inuiaqatigiinnut pingaaruteqarneranit tamanna tunngavissaqartuusorineqarpat. Saqitsaannernik suliassani peqqussuteqarneq annertunerutinneqarsinnaanngilaq eqqartuussissuserisup imaluunniit eqqartuussivimmii sinniisitut peqataanissamut pisinnaatitap eqqartuussivimmii suliassamut pineqartup ingerlassimasaanut imaluunniit siunnersuuffigisimasaanut atasumik ilisimasaqarfigeriigaaniit.

Imm. 3. Eqqartuussiviup aalajangersinnaavaa pissutsit, ilisimannittuuusup inatsisit malillugit nipangiussimasassai, pillugit nassuaateqartoqassanngitsoq aamma isertuussinissaq pingaaruteqarluinnartuussappat.

Imm. 4. Imm. 1-3 aamma atuutissapput inuit pineqartut ikiortaannut.

§ 144. Illuatungiusup qanignerpaasaata pisussaaffiginngilaa ilisimannittutut nassuaateqassalluni.

Imm. 2. Aamma nassuaateqarnissaq pisussaaffiussanngilaq, nassuaateqarnikkut ilimanassappat
1) ilisimannittoq nammineq pinerluttulerineq pillugu inatsisitigut malersorneqalissasoq imaluunniit atugarissaarnerminik annaasaqassasoq imaluunniit
2) ilisimannittup qanignerpaasai pinerluttulerineq pillugu inatsisitigut malersorneqalissasut imaluunniit atugarissaarnerminik annaasaqassasut imaluunniit
3) ilisimannittoq nammineq imaluunniit taassumap qanignerpaasai annertuumik ajoquserneqassasut.

Imm. 3. Taamaattorli pisuni imm. 1-imi aamma imm. 2, nr. 2-mi 3-milu taaneqartuni eqqartuussisut ilisimannittoq nassuaateqaqqusinnaavaat nassuaateqarnissaq suliassap inerneranut

pingaaruteqarluinnartussatut isumaqarfingineqarpat, aammalu suliassap qanoq ittuunerata kiisalu illuatungerisamut susassaqtumut imaluunniit inuaqatigiinnut sunniutissap tamanna tunngavissaqartippassuk.

§ 145. Aaqqissuisut aaqqissuisoqarfimmilu sulisut, tusagassiornermi akisussaassuseqarneq pillugu inatsimmi § 1, nr. 1-im i pineqartut, makku pillugit ilisimannittutut nassuaateqarnissaminut pisussaaffeqanngillat:

1) Kimit paasissutissaq tusarsimanerlugu imaluunniit kina allaaserisamik allaaserinnittusoq imaluunniit kina assiliusuusimasoq allamilluunniit assiliartalimmik saqqummiussisuusimasoq. Tamanut saqqummiussisoqassappat ilisimannittutut nassuaateqannginnissamut piumasaqaataavoq paasissutissarsiffiusoq, allaaserinnittusoq, assiliisoq saqqummiisorluunniit atuagassiami naqitami kinaassusersineqarsinnaassanngitsoq,

2) Assimi kina pineqartoq imaluunniit kina eqqartorneqartoq, pineqartut taakku neriorsorneqarsimappata kinaassutsitik isertuunneqassasut. Tamanut saqqummiussisoqassappat ilisimannittutut nassuaateqannginnissaq atutissaq, kinaassuseq allatanit ersersinneqanngiinnarpas.

Imm. 2. Radiokkut fjernsynikkulluunniit aallakaatitassiorfinni aaqqissuisut aaqqissuisoqarfimmilu suleqataasut, tusagassiornermi akisussaassuseqarneq pillugu inatsimmi § 1, nr. 2-mi pineqartut, ilisimannittutut makku pillugit nassuaateqarnissaminut pisussaaffeqanngillat:

1) Kina paasissutissiuusimasoq imaluunniit kina allaaserisamut allaaserinnittusoq imaluunniit kina assiliusuusimasoq allatulluunniit assiliartalinnik saqqummiussisuusimasoq. Paasissutissaq, suliassaq il.il. aallakaatinneqassappat ilisimannittutut nassuaateqartitsinnginnissamut piumasaqaataavoq paasissutissarsiffiusoq, allaaserinnittusoq, assiliisoq saqqummiisorluunniit aallakaatitassiami kinaassusersineqarsimassanngitsoq.

2) Peqataasut kinaassusaat, taakkua neriorsorneqarsimallutik peqataanermanni kinaassutsitik paasineqarsinnaassanngitsut. Immiusaq aallakaatinneqassappat ilisimannittutut nassuaateqartitsinnginnissamut piumasaqaataavoq pineqartut aqqi taaneqassanngitsut, aammalu kinaassutsimik isertuinissamut iliuusissatigut naammattunik piareersaateqartoqarsimassasoq.

Imm. 3. Imm. 1-im 2-milu eqqaaneqartutut ilisimannittutut nassuaateqartitsinnginnissaq aamma atutissaq allanut, atuagassiamut taassumaluunniit saqqummersinneranut attuumassuteqarnermikkut imaluunniit radiokkut fjernsynikkulluunniit aallakaatitassiorfinnut imaluunniit aallakaatitassiap pineqartup sananeqarneranut attuumassuteqarnermikkut paasissutissiisup, allaaserinnittup imaluunniit peqataasup kinaassusaanik ilisimannilersimasunut.

Imm. 4. Imm. 1-3 taamatulli atortuutinneqassapput tusagassiuutinut, tusagassiornermi akisussaassuseqarneq pillugu inatsimmi § 1, nr. 3-mi pineqartunut.

§ 146. Suliassaq inatsisinik unioqqutitsinermut imaannaangitsuusumut tunngassuteqarpat eqqartuussisut inuit § 145-mi taaneqartut ilisimannittutut nassuaasussangortissinnaavaat, ilisimannittutut nassuaateqarnissaq suliassap qulaarneqarnissaanut aalajangiisuusumik pingaaruteqartuusorineqarpat aammalu qulaarinissaq tusagassiuutit paasissutissarsiffigisaminnik illersuisinnaasariaqarneranniit pingaaruteqarneruppat.

Imm. 2. Eqqartuussiviup aamma inuit § 145-mi taaneqartut ilisimannittutut nassuaasussangortissinnaavai, suliassaq pinerluttulerinermi inatsimmi § 50, imm. 1-imik aamma 2-mik unioqqutitsinermut tunngasuuppat. Taamaassanngilarli isumaqartoqartariaqarpat allaaserinnittooq paasissutissiisorluunniit pissutsinik, saqqummiunneqarnissaat inuaqatigiinnut pingaarutilinnik, qulaajaaniarsimasoq.

§ 147. Eqqartuussivik §§ 142-146-mi aalajangersakkat imarisaat pillugit ilisimannittunut ilitsersuisassaaq, pissutsit tamatumunnga tunngavissaqartitsippata.

Imm. 2. Ilisimannittoq pisuni §§ 142-146-mi taaneqartuni nassuaateqassappat eqqartuussiviup sianigisassavaa ilisimannittup imaluunniit isertuunneqartussaasup immikkut ittumik

qajassuunneqarnissaa. Eqartuussiviup tamatumunnga atatillugu aalajangersinnaavaa nassuaasoqarnerani matut matuneqassasut imaluunniit nassuaatinik tamanut issuaanissaq inerteqqtigalugu.

§ 148. Ilisimannittutut ornigunnissamut aggeqquissut allatut aalajangiisoqarsimatinnagu suliarineqartassaaq eqqartuussivimmit ilisimannittutut nassuaateqarfiusussamit. Aggeqquissut ilisimannittumut nalunaarutigineqartassaaq. Eqqartuussivik ilisimannittumut aggeqquissummit suliassaqruni eqqartuussiviup aggeqquissutip nalunaarutigineqarnissaa isumagissavaa, paassisutissat illuatungiusumit susassaqartumit paassisutissiissutaasut tunngavigalugit. Pinerlunnernik suliassani ilisimannittut politiinit aggersarneqartassapput.

Imm. 2. Aggeqquissutip imarissavai:

- 1) ilisimannittup aqqa najugaalu,
- 2) aggeqquissummut siunertat pillugit paassisutissat,
- 3) eqqartuussiviup, ilisimannittutut nassuaateqarfiusussap, taaguutaa,
- 4) eqqartuussineq qaqugu sumilu pissasoq pillugu paassisutissat,
- 5) ilisimannittup kalerrinneqarsinnaatitaanera pillugu paassisutissat, aamma
- 6) takkutinngitsoornerup sunniutissai pillugit paassisutissat.

Imm. 3. Ilisimannittutut aggersaanissamut piffissarititaasoq sapaatip akunnera ataasiuvoq.

Imm. 4. Eqqartuussisut kaleriinissamut piffissamik allamik aalajangiisinjaapput imaluunniit ilisimannittup ingerlaannaq aggernissaa peqqussutigisinjaallugu.

§ 149. Eqqartuussisut kikkunnilluunniit, eqartuussinermi najuuttunik imaluunniit eqqartuussiviusup qanittuaniittunik, ingerlaannaq ilisimannittutut nassuaateqaqqusisinjaapput. Ilisimannittut najuuttut nutaamik piffissaliisoqarnerani aggeqquneqarsinnaapput.

§ 150. Ilisimannittoq pissutissaqavinnani imaluunniit piffissaagallartillugu takkutinnginnissaminik nalunaarani takkutinngitsoorpat imaluunniit apeqqutit pissutissaqarani akiumanngippagat, eqqartuussisut:

- 1) ilisimannittoq akiliisussanngortissinnaavaat,
- 2) ilisimannittoq politiinut aatissinnaavaat,
- 3) ilisimannittoq aningaasartutigititaanik taarsiisussanngortissinnaavaat, imaluunniit
- 4) ilisimannittoq akiliisaqattaartussanngortissinnaavaat, suliassamili taassumanerpiq qaammatinit arfinilinnit sivisunerunngitsumik, qaammatit ingerlatiinnarlugit imaluunniit ataatsimut katillugit.

Imm. 2. Ilisimannittumut pinngitsaaliissutinik atuinissaq pillugu aalajangiineq eqqartuussivimmit, ilisimannittup nassuaateqarnissamut aggersarneqarfigisaanit, aalajangiinerussaaq. Aalajangiineq tunngavilersukkatut aalajangiinerusussaq eqqartuussisunit allangortinnejarsinnaavoq. Eqqartuussisut ilisimannittumut takkutinngitsoortumut akiliisussanngortitsippata imaluunniit taarsiisussanngortitsippata, tamatuminnga aalajangiineq pineqartumut nalunaarutigineqartassaaq. Aalajangiineremik taamaattumik allangortitseqqusissut saqqummiunneqartassaaq eqqartuussinermi siullermi, ilisimannittup orniguffigisaani, imaluunniit, ilisimannittoq kingusinnerusukkut ornigutinngippat, aalajangiinerup ilisimannittumut nalunaarutigineqarneraniit imaluunniit taassumannga ilisimaneqalereerneraniit kingusinnerpaamik ulla 14-it qaangiutsinnagit.

§ 151. Ilisimannittoq eqqartuussisunut ornigutinngitsoorsinnaanngilaq, pineqartoq suliassami nassuaateqarumanginmissaminut piginnaatitaasorinini pissutigiinnarlugu.

§ 152. Ilisimannittup eqqartuussivimmut ornigutsinnani suliassaq pillugu ilisimasani pisariaqassappat eqqaaqqinniassavai, assersuutigalugu naatsorsuutit allattorsimaffi, allakkat allattukkalluunniit atuarlugit imaluunniit pigisanik misissuataaraluni, aningaasartutiginagit imaluunniit akornuteqanngitsumik

misissuataarsinnaasani. Taamatut pisussaassuseq ilisimannittup malikkumanngippagu § 150-imik malittarisassat taamatulli atortuutinneqassapput.

§ 153. Ilisimannittoq killisiorneqalersinnagu eqqartuussisut ilisimannittup kinaassusaa qularnaassavaat, aammalu ilisimannittup nassuaateqarnissaanut sumilluunniit akornutissaqartoqannginera. Tamatuma kingorna eqqartuussisut ilisimannittoq eqqortumik oqaloqqullugu ilungersortumik peqqussavaat aamma ilisimannittoq eqqunngitsumik nassuaateqarnermi akisussaaffimmik ilisimatissavaat.

§ 154. Ilisimannittut tamarmik immikkut killisiorneqartassapput. Ilisimannittoq ilisimannittut allat, misissuitinneqartartut naliliisinneqartartullu imaluunniit illuatungiusut nassuaataannik tusarnaartassanngilaq, eqqartuussisut allatut aalajangiisimanngippata.

§ 155. Ilisimannittoq illuatungiusumit, ilisimannittup killisiorneqarnissaanik noqqaassuteqarsimasumit, killisiorneqaqqaaqtassaaq. Tamatuma kingorna illuatungiusoq ilisimannittumik killisiuinnaatitaassaaq, tamannalu pereerpat illuatungiusoq ilisimannittumut apeqquteqarsinnaassalluni illuatungiusup killisiuinerata apeqqutigisariaqalersitaanik. Eqqartuussisut suli apeqquteqaqqinnissaq imaluunniit killisiuinerup nangeqqinnejarnissaa akuerisinnaavaat.

Imm. 2. Eqqartuussisut ilisimannittumut apeqquteqartarsinnaapput. Eqqartuussisut killisiuinerterik ingerlatsisunngorsinnaapput illuatungeriit ilisimannittumik killisiuinerat tulluanngitsumik pippat, imaluunniit § 156, imm. 1-imik aalajangersakkamut akerliusumik ingerlanneqarpal imaluunniimmik pissutsit tamanna pisariaqartissappassuk.

Imm. 3. Eqqartuussisut aalajangertassavaat meeqqat 15-it inorlugit ukiullit qanoq kimillu killisiorneqassasut. Kommunalbestyrelsimit sinniisutitamik inummilluunniit allamik killisiusoqarnerani ikuunnissamut piukkunnaatilimmik aggersaasinnaapput. Eqqartuussisut pineqartoq taanna taartisiassaqartissinnaavaat § 160, imm. 1-imik malittarisassat malillugit.

§ 156. Imatut killisiusoqartassaaq nassuaatinik erseqqissunik eqqortunillu saqqummiisoqarsinnaanngorlugu.

Imm. 2. Ilisimannittoq sapinngisamik ataqtigiaamik oqaaseqaateqarsinnaatitaassaaq. Nassuaammit takuneqarsinnaasariaqarpoq tamanna ilisimannittup nammineq qimerloorsimasaanit tunngaveqarnersoq.

Imm. 3. Eqqartuussisut aalajangissavaat ilisimannittup killisiorneqarnermini eqqaamasassiatut allattukkani ikuutissalluunniit allat atorsinnaanerai.

§ 157. Ilisimannittup nalinginnaasumik uppermassusia pillugu uppermarsaateqarneq taamaallaat pisinnaavoq eqqartuussisut aalajangigaattut periuseqarluni aamma annertussuseqarluni. Ilisimannittoq siornatigut unnerluutigisaasimanersoq imaluunniit pineqaatissinnejarnersoq pillugu apeqqutit allaganngorlugit saqqummiunneqarlillu akineqartassapput. Eqqartuussisut illuatungeriillu kisimik akisummik ilisimatinneqartassapput.

Imm. 2. Imm. 1, oqaaseqatigiit siullit taamatulli atortuutinneqassapput pinerlineqartup suliassani pinerluttulerinermi inatsimmi §§ 77-imik aamma 79-imik, tak. § 77, unioqqutitsineq pillugu suliaasuni atoqatigiinnerup tungaatigut pissusilersuutigisarsimasai pillugit uppermarsaateqarnissamut tunngatillugu. Taamatut uppermarsaateqarnissaq taamaallaat akuerineqarsinnaavoq tamanna suliassamut pingaaruteqarlunnartuusoq nalilerneqarpal.

§ 158. Eqqartuussutissap isumaqatigiinniutigineqarnerani ilisimannittup nassuaatai eqqartuussisut suliaannik allassimaffimmut allanneqartassapput, eqqartuussisut aalajangiinerat naapertorlugu annertussusilimmik. Eqqartuussisut tamatumani pingartittariaqarpaat illuatungeriit imaluunniit ilisimannittut kissaatigisaat aamma imaqarniliuineq suliassap misileqqinnejarnersoq sunniuteqarsinnaassanersoq.

Imm. 2. Tamatuma saniatigut ilisimannittut nassuaataat pingaarnersiorlugit allanneqartassapput. Oqaaseqaatit pingaernerpaat ilisimannittup nammineq oqaasii malillugit sapinngisamik issuarniarneqartassapput.

§ 159. Ilisimannittoqarnissaq pillugu isumaqatigiinnginnej noqqaavagineqarneq malillugu pisassaaq aalajangiinikkut, tunngavilersorneqartussakkut.

§ 160. Domstolsstyrelsi malittarisassiussaaq ilisimannittunut taartisiarititassat pillugit. Taartisiarititassat, ilisimannittup pisassai imaluunniit, taartisiarititassat eqqorluartumik naatsorsorneqarsinnaamngippata naleqquttumik annertussusilittut siumoorutissat, aggersaanermut peqatigitillugu neqeroorutigineqartassapput.

Imm. 2. Inatsiseqarnermut ministeri malittarisassiussaaq inunnut aggersarneqarnermikkut politiinut nassuaateqarsimasunut taartisiarititassat pillugit.

§ 161. Naalagaaffinnut takornartanut, naalagaaffiup isumannaatsuunissaanut soqutiginninnerup imaluunniit imaannaanngitsunik pinerluuteqarnerit qulaarneqarnissaasa tamanna pisariaqartippagu eqqartuussisut politiilluunniit inuk, ilisimannittut killisorneqarsimasoq, peqqusinnaavaat pineqartoq suliassaaq pillugu ilisimasaminik nipangiuussissasoq.

Imm. 2. Peqqussuteqarneq atorunnaassaaq suliassaaq naammassineqarpat. Peqqussuteqarneq eqqartuussisunit politiilluunniit tamanna sioqqullugu atorunnaarsinnejqarsinnaavoq. Politit peqqusummik atorunnaarsitsiumannginnerat noqqaassuteqartoqarneratigut eqqartuussisunut saqqummiunneqartassaaq. Pineqartoq eqqartuussivinni misiliisitsisinnaaneq pillugu ilitsorsorneqartassaaq.

Imm. 3. *Imm.* 1 malillugu peqqussutaasumik unioqqutitsineq pineqaatissiissutaasinnaavoq pinerluttulerinermi inatsit malillugu.

§ 162. Inatsimmi matumani malittarisassat aamma atortuutinnejassapput ilisimannittunik killisiuinerni, nunani allani pisortat oqartussaatitaanniit noqqaavagineqarneq malillugu ingerlanneqartuni. Iliuutsimik imaluunniit periutsimik immikkut ittumik atuinissamik noqqaassut sapinngisamik akuersaarniarneqartariarpoq, tamanna nunap inatsisitigut aaqqissuusaaneranut erseqqissumik naleqquttuunngitsutut isigineqanngippat.

§ 163. Ilisimannittoq ungasianiit attaveqaatit assiliartallit atorlugit killisorneqassappat, ilisimannittoq aggersarneqassaaq uunga orniguteqqullugu

- 1) eqqartuussivimmuit,
- 2) pisortat oqartussaatitaannut, attaveqaatinik atugassiinissamut piginnaassusiligaasumut, tak. *imm.* 2, imaluunniit
- 3) inuinnarmut imaluunniit inatsisitigut piginnaatitaasumut pisussaatitaasumullu, *imm.* 3 malillugu piginnaanligaasumut.

Imm. 2. Domstolsstyrelsi pisortat oqartussaatitaanik piginnaatitaqarsinnaavoq attaveqaatinik atugassiissasoq eqqartuussisut suliassaataanni ungasianiit attaveqaatitut atorneqartussanik. Piginnaatitsissummi ungasianiit attaveqarnerup ingerlannissaanut naammassisassanik aalajangersaasoqarsinnaavoq. Domstolsstyrelsip piginnaatitsissut utertissinnaavaa piumasaqaatit unioqqutinnejqarpata.

Imm. 3. Domstolsstyrelsi inuinnarmik imaluunniit inatsisitigut piginnaatitamik pisussaatitaasumillu attaveqaatinik atugassiinissamik piginnaatitaqarsinnaavoq, eqqartuussisut suliassaataanni ungasianiit attaveqaatitut assiliartallitut atorneqartussanik. Piginnaatitsissummi ungasianiit attaveqarnerup ingerlannissaanut naammassisassanik aalajangersaasoqarsinnaavoq. Domstolsstyrelsip piginnaatitsissut utertissinnaavaa piumasaqaatit unioqqutinnejqarpata.

Imm. 4. Domstolsstyrelsi erseqqinnerusunik malittarisassisuaaq piginnaassusiliinernik, tak. imm. 2, aamma piginnaatitsissutinik, tak. imm. 3, tunniussisarneq utertitsisarnerlu pillugit kiisalu naammassisassanik aalajangersasarneq pillugu. Domstolsstyrelsi aammattaaq malittarisassiorsinnaavoq piginnaassusiligaanissaq imaluunniit piginnaatitaanissaq pillugit qinnuteqaammik suliarinninnermut akiliuteqarnissaq pillugu.

Imm. 5. Eqqartuussisut akuerisinnaavaat ilisimannittoq, nunami allamiittooq, ungasianiit attaveqaatit assiliartallit aqqutigalugit nassuaateqassasoq, nalilerneqarpat nassuaateqarneq, imm. 1 malillugu, nassuaateqarnertulli isumannaatsigisumik ingerlanneqarsinnaasoq.

Kapitali 13

Misissuisarneq naliliisarnerlu

§ 164. Saqtsaannernik suliassami imaluunniit pinerlunnernik suliassami misissuisoqarnissamik naliliisoqarnissamillu noqqaassummik saqqummiussisoqarpat, eqqartuussisullu noqqaassut akuerippassuk, eqqartuussisut misissuisussamik naliliisussamillu ataatsimik arlalinnilluunniit toqqaassapput.

§ 165. Taamallaat inuit, tusaamanerlugaanngitsut, misissuisartutut naliliisartutullu toqqarneqarsinnaapput. Inuit, suliassami eqqartuussisutut iliuuseqarsinnaatitaanngitsut, misissuisartutut naliliisartutullu toqqarneqarsinnaanngillat.

§ 166. Kinaluunniit, ilisimannittutut pisussaaffeqartoq, aamma misissuisartutut naliliisartutullu toqqagaanissaminut pisussaaffeqarpoq.

§ 167. Illuatungeriit tamarmik misissuisartussatut naliliisartussatullu toqqaanissaq pillugu eqqartuussisunit siunnersuuteqarsinnaapput, eqqartuussisulli siunnersuutaasunik pinngitsooratik malinnittussaanngillat. Misissuisartussanik naliliisartussanillu eqqartuussisut toqqaatinnagit illuatungeriit periarfissinneqartariaqarput inuit eqqartuussisut toqqarnialersaagaat pillugit oqaaseqaateqarnissamut. Taamaassangilarli pinerlunnernik suliassani pissutsit tamanna ajornartippassuk.

§ 168. Saqtsaannernik suliassani misissuisartussanik naliliisartussanillu toqqaanissaq pillugu aalajangiinermi erseqqissumik oqaatigineqassaaq suna pillugu aamma suna siunertaralugu misissuisoqarlunilu naliliisoqartussaanersoq.

Imm. 2. Pinerlunnernik suliassani misissuataarinissaq, misissuinissamut naliliiffiginninnissamullu pisariartinneqartoq, eqqartuussinermi ingerlanneqartassaaq eqqartuussisut allatut aalajangiisimanngippata. Eqqartuussisut misissuisussanik naliliisussanillu toqqaanissamik aalajangiinermi imaluunniit eqqartuussinerup ingerlanerani misissuisussanut naliliisussanullu ilisimatitsissutigissavaat misissuinermi naliliisoqarnermilu suna misissorneqassasoq aamma suna siunertaanersoq, tak. imm. 1, kiisalu najoqqtassat allat, misissuinissami naliliiffiginninnissamulu pisariaqartinneqarnersut. Misissuisartut naliliisartullu allakkatigut nalunaarusiusappata misissuinissaq naliliinissarlu pillugit aalajangiinermi imaluunniit eqqartuussisut suliaannik allassimaffimmi allanneqassapput apeqqutit aalajangersimasut misissuisartunit naliliisartunillu akineqartussat.

§ 169. Misissuisussanik naliliisussanillu toqqaaneq pillugu aalajangiineq kinguarsarani inunnut toqqarneqartunut nalunaarutigineqartassaaq malittarisassat, ilisimannittunut atuuttut, naapertorlugit.

Imm. 2. Saqtsaannernik suliassani misissuisartut naliliisartullu illuatungeriit nalunaarfisisassavaat qaugu sumilu misissuisoqarlunilu naliliisoqassanersoq, taamatuttaaq illuatungeriit allakkatigut nalunaarusiap nuutsinneranik tunisassavaat, tak. § 170, imaluunniit taakkua taassuminnga

paasiniaatissaavaat eqqartuussisunut saqqummiunneqarnissaa kingusinnerpaamik ullunik pingasunik sioqullugu.

Imm. 3. Misissuisartut naliliisartullu periusaannik maalaarutit saqqummiunneqassapput eqqartuussivimmut, misissuinerrik naliliinermillu nalunaarummik saqqummiussiviusussamut, tak. § 170. Eqqartuussisut taakkununnga peqqusisinnaapput misissuinerminnik naliliinerminnillu allanngortitseqqullugit imaluunniit tamakkiisunngortitseqqullugit.

§ 170. Misissuisartut naliliisartullu nassuaateqartassapput eqqartuussisunut allakkatigut atsiukkamillu nalunaarusiorlutik. Eqqartuussisut misissuisartunut naliliisartunullu peqqusisinnaapput allakkatigut nalunaarusiaq eqqartuussivimmik oqaatsitigut nassuaatinik ilassuteqaasissagaat. Eqqartuussisut nalunaarusiaq amigaateqarsorigunikkut taanna taakkununnga aamma allanngorteqqusinnaavaat imaluunniit allakkatigut nalunaarusioqqinnikkut tamakkiisunngorteqqusinnaallugu. Amigaataasut nalunaarutip ilusilorsorneranut tunngassuteqarpata amigaataasut iluarsiiviginissaannut eqqartuussisut pisariaqarneratut ikuuttariaqarput. Taamatut ikuunneq aamma pisinnaavoq, misissuisartut naliliisartullu tamatuminnga kissaateqarpata pissutsillu tamatumunnga tunngavissaqartitsippata, eqqartuussinissaq misissuisartut naliliisartullu saqqummiussivissaat pitinnagu. Taamaassappat eqqartuussisut kingusinnerpaamik eqqartuussinermi tamatumani illuatungeriinnut tamatuminnga ilisimatississeqassapput.

Imm. 2. Pinerlunnernik suliassani eqqartuussisut aalajangiisinnaapput allakkatigut nalunaarusiorqassanngitsoq, misissuisartut naliliisartullu eqqartuussutissap isumaqatigiinniutigineqarnerani nassuaateqassappata.

§ 171. Ilisimannittut pillugit malittarisassat misissuisartunut naliliisartunullu atuutsinneqassapput, pissutsit assigiinngissutaasa nassatarisaannik allannguutitalerlugit. Taamaattorli misissuisartut naliliisartullu misissuisartunik naliliisartunillu allanik ilisimannittunillu killisiuinermi aallaaviusumik najuussinnaatitaapput, eqqartuussisullu taakkua peqqusinnaavaat akissuteqaateqartinnatik apeqqut akunnerminni oqaloqatigiissutigissagaat.

§ 172. Misissuisoqareeraluartoq imaluunniit naliliisoqareeraluartoq misissorneqarsimasumik taassuminngarpiaq misissueqqinnissaq nalileeqqinnissarluunniit mattunneqanngilaq, inuit taakkorpiaat imaluunniit, eqqartuussisut tamanna naleqquttuusorippassuk, misissuisartut naliliisartullu allat misissuisoralugit.

§ 173. Misissuisartut naliliisartullu misissuinermut naliliinermillu kiisalu eqqartuussivimmut orniguttarnermut akissarsiaqartussaatitaapput aammalu aningaasartuutigisimasaminnut taartisisinneqartussaatitaallutik. Eqqartuussisut akissarsiat taartisiarititassallu annertussusissaat aalajangissavaat.

Imm. 2. Eqqartuussisut aalajangersinnaavaat misissuisoqarnissaq naliliisoqarnissarlu aatsaat pisinnaasoq inuit misissuinissamik naliliinissamillu noqqaassuteqartut misissuisartut naliliisartullu akissarsiassaannut qularnaveeqquiippata.

Immikkoortoq III

Saqitsaannernik sulissanik suliarinninneq

Kapitali 14

Aalajangersakkat nalinginnaat

Isumaqatigiinniarnermi najoqqutassaq il.il.

§ 174. Illuatungiusoq piumasaqaatigisaminiit annertunerusumik pisassinneqarsinnaanngilaq, tamaallaallu tunngavilersuutit illuatungiliuttup patsisiginiarssimasi imaluunniit tunuartinneqarsinnaanngitsut isiginiarneqarsinnaapput.

Imm. 2. Illuatungeriit noqqaassutaasa saniatigut uppernarsaateqarnissaq aallartinneqarsinnaanngilaq allanik immikkut ittunik inatsisitigut tunngavissaqartoqanngippat.

§ 175. Illuatungiusup piumasaqaatai imaluunniit tunngavilersuutai ersarluppata imaluunniit amigaateqarpata eqqartuussivik illuatungiusumut apeqqutinik paasinarsaataasunik apeqquteqarsinnaavoq.

Imm. 2. Eqqartuussiviup illuatungiusoq kajumissaarsinnaavaa apeqqutinut inatsisinut pissusiviusunullu tunngassutilinnut, suliassamut pingaaruteqarpasissunut, isummernini nalunaarutigissaga.

Imm. 3. Eqqartuussiviup illuatungiusoq uppernarsaasiinissaanik kajumissaarsinnaavaa, suliassami pissusiviusut naammattumik ersarissarneqarsimannngippata.

§ 176. Illuatungiusoq apeqqutit pissusiviusunut tunngasut, suliassamut pingaarutilit, pillugit oqaaseqaateqarumanngippat imaluunniit uppernarsaasiuumanngippat imaluunniit illuatungiusup oqaaseqaatai ersarluppata tamakkiisuunngippataluunniit tamanna uppernarsaatissanik naliliinermi illuatungerisamut iluaqtaasussamik sunniuteqatinneqarsinnaavoq, illuatungiusoq illuatungerisaminiit eqqartuussivimmilluunniit oqaaseqaateqaqquneqarluni uppernarsaaseeqquneqarluni kajumissaarneqarsimappat.

Illuatungeriinnik ilitsersuisarneq

§ 177. Eqqartuussisut siulittaasuat ilitsersuummik, matumunnga ilangullugu ilitsersuutigalugit suliareqqitassanngortitsisarnermut malittarisassat, illuatungiusup suliassap ingerlanneqarnerani soqutigisaminik isumaginnissinaaneranut pisariaqartunik ilitsersuisassaaq.

Imm. 2. Ilitsersuineq ima annertutiginaniluunniit imatut ingerlanneqassanngilaq eqqartuussisut nakerisarsiunnginnerat qularutigineqalersinnejarluni.

Imm. 3. Illuatungiusoq kajumissaarneqarsinnaavoq inatsisitigut siunnersuisarfimmuit ilitsersortissarsioqqullugu. Nalilerneqarpat illuatungiusoq soqutigisaminik isumaginnissinaassaguni annertunerusumik ikiorserneqartariaqartoq eqqartuussiviup illuatungiusoq taanna kajumissaassavaa eqqartuussinermi nammineq sinnerluni pisinnaatitassaminik pissarsioqqullugu, tak. § 198. Illuatungiusoq eqqartuussivimmii sinniisitut pisinnaatitamik inatsisinik paasisimasalimmik pisariaqartitsippat illuatungiusoq tamatumunnga atatillugu ilitsersorneqassaaq nammineq aningaasartutigingisaminik eqqartuussisulersuussinissamut qinnuteqarnissamut periarfissat pillugit.

Isumaqtigiilerneq

§ 178. Eqqartuussisut illuatungeriinnik isumaqtigiilersitsiniaasassapput.

Imm. 2. Isumaqtigiilersitsiniaanngitsoortoqarsinnaavoq ilimagineqareertariaqarpat isumaqtigiilersitsiniaanissaq iluatsinnavianngitsoq imaluunniit isumaqtigiilersitsiniaanissaq patsisit piviusut pissutigalugit naammassiniaruminaassappat.

Imm. 3. Isumaqtigiilersitsiniaaneq sapinngisamik siusissukkut ingerlanneqartariaqarpoq, kisiannili aamma suliassap ingerlanerani sukkulluunniit pisinnaavoq, tamatumani tak. § 241.

Imm. 4. Illuatungeriit isumaqtigiilerpata suliassaq inerneqassaaq, isumaqtigiilerneq eqqartuussisut suliaannik allassimaffimmuit allanneqarluni.

Imm. 5. Eqqartuussivik illuatungeriit akuersinerisigut aalajangersinnaavoq isumaqtigiissitsiniaanerup nalaani matut matuneqassasut, tamanna isumaqtigiilersitsinissamut iluaqtaassasorineqarpat.

Eqqartuussinissamut aggersaaneq il.il.

§ 179. Illuatungeriit eqqartuussinissanut, suliassami ingerlanneqartussanut, aggersarneqartassapput. Taamaassanngilarli illuatungiusup taamaaliornissaq taamaatiinnarsimappagu imaluunniit eqqartuussinissamik kinguartitsineq suliassap kinguarsarneqangaatsiarnissaanik nassataqarsinnaasorineqarpat.

Uppernarsaatissanik saqqummiussineq

§ 180. Uppernarsaatinik, suliassamut pingaaruteqassangatinneqannngitsunik, saqqummiussisoqarsinnaanngilaq.

§ 181. Uppernarsaatinik saqqummiussisoqartassaaq eqqartuussutissap isumaqatigiinniutigineqarnerani. Eqqartuussisut qaqtigoortumik aalajangersinnaavaat uppernarsaatinik saqqummiussinissaq tamatumaluunniit ilaa suliassamik piareersaanermi pissasoq.

§ 182. Illuatungeriit ilisimannittullu killisiorneqassapput illuatungiusumit imaluunniit taassuma eqqartuussinermi sinniisitut pisinnaatitaanit, killisiuinissamik kissaateqarsimasumit. Taamaattorli pisariaqassappat eqqartuussisut siulittaasuat killisiuiususinnaavoq. Eqqartuussisut imaluunniit illuatungeriit tungaanniit ilassutitut apeqquteqartoqartarsinnaavoq.

§ 183. Eqqartuussiviup akuerisinnaavaa illuatungiusumiit imaluunniit ilisimannittumiit allakkatigut nalunaarusiaq uppernarsaatitut atorneqassasoq, pineqartup eqqartuussivimmi oqaatsitigut nassuaateqarnissaa pisariaqanngitsutut isumaqarfingineqarpat. Eqqartuussivik oqaaseqatigiit siullit malillugit aalajangilersinnagu illuatungiusoq apeqqut tamanna pillugu oqaaseqaateqarnissaminut periarfissaqartinneqassaaq.

Uppernarsaatissanik saqqummiusseqquisarneq

§ 184. Eqqartuussivik illuatungiusumiit tunngavilersukkamik noqqaavigineqarnikkut illuatungiusumut imaluunniit inummut pingatsiuttumut peqqussuteqarsinnaavoq allakkatigut uppernarsaatissanik, pineqartumut atugassangortitaasimasunik aammalu suliassamut pingaarutilinnik, saqqummiussissasoq imaluunniit tunniussissasoq. Taamaassanngilarli taamaaliornikkut pissutsit, pineqartup akuuffigisinnaangnisai imaluunniit ilisimannittutut nassuaateqanngitsoorfigisinnasai, pillugit paassisutissanik saqqummersoqassappat. Tamanna pillugu aalajangiisoqalersinnagu inuk, allakkianik pineqartunik atuisinnaatitaasoq, oqaaseqaateqarnissamut periarfissaqartinneqassaaq.

Imm. 2. Illuatungiusoq pissutissaqarani imm. 1 malillugu peqqussutaasumik malinnikkumanngippat § 176-imi aalajangersagaq taamatulli atortuutinneqassaaq.

Imm. 3. Inuk pingatsiuttoq pissutissaqarani imm. 1 malillugu peqqussutaasumik malinnikkumanngippat § 150-imi ilisimannittunik pinngitsaalisiarneq pillugu aalajangersagaq taamatulli atortuutinneqassaaq.

Imm. 4. Inuup pingatsiuttup saqqummiussinermi aningaasartutigisimasani illuatungiusumut siumoortumik akileqqusinnaavai.

Piumasaqaatinik ataatsimut katitsineq immikkoortitsinerlu il.il.

§ 185. Suliassiisoq suliassami ataatsimi suliassangortitamut arlalinnik piumasaqaateqarsinnaavoq, 1) piumasaqaatit tamarmik eqqartuussivikkut suliassanik suliarinnitarneq pillugu malittarisassat assiguit malillugit suliarineqarsinnaappata,

- 2) najukkami eqqartuussivinnut tunngatillugu, najukkami eqqartuussivik piumasaqaataasunut tamanut tunngatillugu naapertuilluartumik suliarinnissinnaassuseqarpat aammalu piumasaqaatit ilaannik ataatsimik suliarinnittussaappat,
- 3) Kalaallit Nunaanni Eqqartuussivimmun tunngatillugu, eqqartuussivik piumasaqaataasut ilaannut ataatsimut tunngatillugu naapertuilluartumik suliarinnissinnaassuseqarpat, aamma
- 4) eqqartuussivimmik piumasaqaatinik tamarmiusunik suliarinniffiusinnaasumik Kalaallit Nunaanni peqarpat.

Imm. 2. Suliassanngortitaq suliassap suliarineqarnerani illuatungaaniit piumasaqaateqarsinnaavoq piumasaqaatigalugu tamakkiisumik ilaannakuusumilluunniit pinngitsuutitsisoqassasoq. Taamatut illuatungaaniit piumasaqaat pillugu immikkoortumik eqqartuussuteqartoqarsinnaavoq, tamatuminnga suliarinnittussamik Kalaallit Nunaanni eqqartuussiveqarpat imaluunniit illuatungaaniit piumasaqaat inatsisitigut pissutsinit, suliassiisup piumasaqaataanut tapersiisunit, aallaaveqarpat.

Imm. 3. Piumasaqaatinik nutaanik suliassap ingerlanneqarnerani ilanggussinissaq pillugu aamma § 224-mi malittarisassaq atortuutinneqassaaq.

Imm. 4. Ataatsimut katitsinissamut piumasaqaatit naammassineqarsimanngippata piumasaqaat ajornanngippat eqqartuussivimi eqqortumi immikkut suliarisassanngortinnejarluni innersuussutigineqassaaq. Ataatsimut katitsinissamut piumasaqaatit eqqartuussivimi taamaattumi allami naammaassineqarsinnaasorineqarpata eqqartuussiviup taarsiullugu suliassaq tamakkerlugu taassumunnga suliarisassanngortissinnaavaa.

- § 186.** Illuatungeriit arlallit suliassami ataatsimi suliassiissuteqarsinnaapput imaluunniit suliassanngortinnejarluni,
- 1) piumasaqaatit tamarmik eqqartuussivimi suliassat suliarineqartarnerannik malittarisassat assigiit malillugit suliarineqarsinnaappata,
 - 2) najukkami eqqartuussivinnut tunngatillugu, najukkami eqqartuussivik piumasaqaataasunut tamanut tunngatillugu naapertuilluartumik suliarinnissinnaassuseqarpat aammalu piumasaqaatit ilaannik ataatsimik suliarinnittussaappat,
 - 3) Kalaallit Nunaanni Eqqartuussivimmun tunngatillugu, eqqartuussivik piumasaqaataasut ilaannut ataatsimut tunngatillugu naapertuilluartumik suliarinnissinnaassuseqarpat, aamma
 - 4) eqqartuussivimmik piumasaqaatinik tamarmiusunik suliarinniffiusinnaasumik Kalaallit Nunaanni peqarpat, aamma
 - 5) illuatungeriit arlaannaalluunniit akerliliissuteqanngippat imaluunniit piumasaqaatit ima imminnut ataqtigissuseqarpata akerliliissuteqartoqaraluartoq suliassami ataatsimi ataatsimoortillugit suliarineqartariaqarlutik.

- § 187.** Illuatungeriit tamarmik immikkut inummut allamut piumasaqaammik suliassap ingerlanneqarnerani ilanggussisinnaapput,
- 1) eqqartuussivimmik inummut allamut piumasaqaammik suliarinniffiusinnaasumik Kalaallit Nunaanni peqarpat,
 - 2) piumasaqaat suliarineqarsinnaappat piumasaqaatit allat eqqartuussivikkut suliarineqartarnerannik malittarisassat assigi malillugit aamma
 - 3) illuatungeriit sinneri akerliliissuteqanngippata imaluunniit pingatsiuttoq akerliliissuteqanngippat imaluunniit piumasaqaat piumasaqaatit allat ilaannut ima attassuteqartigippat, piumasaqaat akerliliissuteqartoqaraluartoq suliassami ataatsimi suliarineqartariaqarluni.

Imm. 2. Eqqartuussivik aallaqqaaammulli illuatungeriit arlaanniit noqqaavagineqarnermigut inuup allap tungaanut piumasaqaateqarnissamik itigartitsisinnaavoq, piumasaqaat taanna siusinnerusukkulli ilangunneqareersimasariaqaraluarpas. Piareersarneq naammassineqareeraangat inummut allamut piumasaqaammik aatsaat ilanggussisoqarsinnaavoq eqqartuussivik akuersitillugu.

§ 188. Piumasaqaatit § 186, nr. 5-imiittut imaluunniit § 187, imm. 1, nr. 3-miittut naammassineqarsimanngippata eqqartuussivik piumasaqaatit immikkoortillugit suliarineqarlutilu aalajangiiffineqarnissaat pillugu aalajangiissuteqassaaq. Eqqartuussivik piumasaqaammut aalajangersimasumut tunngatillugu suliarinnitussaanngippat imaluunniit naapertuilluartumik suliarinnissinnaanngippat piumasaqaat eqqartuussivimmut eqqortumut aalajangigassanngortillugu innersuussutigineqassaaq.

§ 189. Inuk alla suliassanngortitsisummit eqqartuussivimmut tunniussaqarnermigut siullermeiffiusumi eqqartuussisoqarnerani suliassami illuatungiliuttutut ilangussinnaavoq,

1) eqqartuussivimmik inuup allap taassuma piumasaqaataanik suliarinniffiusinnaasumik Kalaallit Nunaanni peqarpat,

2) inuk alla taanna suliassami sammineqartumut tunngatillugu immikkut piumasaqaateqarniarpat, imaluunniit inuup allap taassuma piumasaqaataa aallaqqammut piumasaqaataasumut ima atassuteqartigippat suliassami ataatsimi suliarineqartariaqarluni, aamma

3) inuup allap akuliunnera illuatungeriioqqaartunut pingaarutiltsigut akornusersuutaalissanngippat.

Imm. 2. Eqqartuussiviup illuatungeriit appaanit noqqaavigineqarnermigut inuup allap piumasaqaataa itigartitsissutigisinnaavaa, suliassami akuliunneq siusinnerusukkulli pisimasariaqartutut isumaqarfingineqarpat. Piareersaateqarnerup naammassereernerata kingorna aatsaat akuliuttoqarsinnaavoq eqqartuussiviup isumaqataalluni akuersineratigut.

Imm. 3. Pingatsiuttup piumasaqaataa suliassat immikkoortutut eqqartuussiviup piviusorsiortumik suliarisinnaanngippagu piumasaqaat eqqartuussivimmut eqqortumut innersuussutigisinnaavaa.

§ 190. Eqqartuussiviup aalajangersinnaavaa suliassat arlallit, illuatungeriinnit taakkorpianit imaluunniit assiginngitsunit eqqartuussivimmut suliassiissutigineqartut, ataatsimut suliarineqassasut. Eqqartuussiviup tamatuminnga aalajangiinera eqqartuussivimmut quilliunerusumut saqqummiunneqarsinnaanngilaq.

§ 191. Eqqartuussiviup aalajangersinnaavaa suliassamik suliaqarneq piumasaqaatip, suliassami pineqartup, ilaanut killilerneqassasoq imaluunniit suliassami piumasaqaatit apeqqutilluunniit arlallit pineqartillugit taakku ilaannut.

Imm. 2. Eqqartuussivik piumasaqaatip, suliassami pineqartup, ilaa pillugu immikkut aalajangiisinnaavoq. Suliassami piumasaqaatit apeqqutilluunniit arlallit pineqarpata taakkua ilaat pillugu eqqartuussivik immikkut aalajangiisinnaavoq.

Pingatsiuttup illuatungiusumut tapersiilluni akuliunnera

§ 192. Pingatsiuttoq, suliassap qanoq inerneqarnissaanut inatsisitigut soqutigisalik, suliassami akuliussinnaavoq illuatungeriit arlaannut tapersiilluni.

Imm. 2. Suliassami akuliunnissamik noqqaassut allaganngorlugu eqqartuussivimmut tunniunneqassaaq imaluunniit eqqartuussinermi oqaatsitigut suliassami saqqummiunneqassaaq. Eqqartuussiviup illuatungeriit noqqaassuteqarsimaneq pillugu nalunaarfingissavai. Akuliunnissamik apeqqut pillugu aalajangiissuteqarneq noqqaavigineqarnikkut aalajangiinerusassaaq, tunngavilersorneqartussaq.

Imm. 3. Eqqartuussiviup aalajangertassavaa akuliuttoq suliassap ingerlanneqarnerani qanoq iliornikkut oqaaseqarsinnaallunilu uppermarsaasiisinnaasoq.

Imm. 4. Eqqartuussivik noqqaavigineqarnermigut akuliuttumut suliassami aningaasartuutinik akiligassanngortitsisinnaavoq imaluunniit akileeqqusisinnaalluni.

§ 193. Illuatungiusoq eqqartuussivimmut ornigussinnaassaguni aammalu eqqartuussinermi suliassami allakkianik tunniussisinhaassaguni nammineersinnaassuseqassaaq.

Imm. 2. Nammineersinnaassusilimmut sernissuisuusoq pineqartoq sinnerlugu oqaaseqartuusassaaq. Angajoqqaajusut peqatigiillutik sernissuisuuppata taakkualu arlaat eqqartuussinissamut takkutinngitsoorpat, angajoqqaaq orniguttoq nammineersinnaassuseqanngitsumut eqqartuussinermi sinniisuussaaq.

Imm. 3. Nammineersinnaassuseqanngitsumut sernissuisuusup nammineersinnaassuseqanngitsoq akuersiseqqaarnagu eqqartuussivimmut suliassiitutigisinnaanngilai aningaasatigut pisinnaatitaaffinnut tunngassutilik, nammineersinnaassuseqanngitsumut atugassiissutaasut, imaluunniit suliassaq, isumaqatigiissummut nammineersinnaassuseqanngitsup namminersorluni atuuassinnaassusilitut isumaqatigiissuteqarfigisimasaanut tunngassutilik. Aamma nammineersinnaassuseqanngitsumut sernissuisuusup taassumannga akuerineeqqaartinnani eqqartuussivimmut suliassiitutigisinnaanngilai timikkut narrunarsagaanermut imaluunniit eqqissisimanissap ataqqinassutsillu tungaasigut ajuallatsitsinermut tunngassutilik, nammineersinnaassuseqartitaannginneq niaqulaarnermik imaluunniit eqqarsartaatsikkut amigaateqarnermik pissuteqanngippat.

Imm. 4. Inuk pigisami tungaasigut siunnersortiligaasimasoq siunnersortini peqatigalugu taamaallaat eqqartuussinermi peqataasinhaavoq.

Imm. 5. Sernissuisoqanngippat imaluunniit sernissuisuusoq ornigussinnaanngippat eqqartuussivik sernissuisuussussamik immikkut ittumik nammineersinnaassuseqanngitsumut sinniisiusussamik invertitsissaq.

§ 194. Arlaat, suliassamut pisariaqartumik ataatsimoortinnejartumut ilaalersimasoq, eqqartuussinermut takkutinngitsoorpat, allat peqataasussat ornigussimasut, orniguttut taakkua takkutinngitsoortunut sinniisuussapput.

§ 195. Eqqartuussiviup nammineerluni sulissuteqarnermigut itigartittassavaa kinaluunniit suliassap suliarineqarnerani illuatungiuliuttutut peqataassinhaassuseqanngitsutut paasineqartoq.

Illuateriinnik killisiuineq

§ 196. Illuatungiusup eqqartuussivimmut nassuaateqarnissaq pisussaaffiginngilaa, piginnaatitaaffigaluguli,

Imm. 2. Eqqunngitsunik nassuaateqarneq pinerluttulerinermi inatsit malillugu pineqaatissiinernik kinguneqarsinnaavoq. Illuatungiusoq, nassuaateqalersinnagu tamatuminnga paasitinneqassaaq.

Imm. 3. Eqqartuussiviup illuatungiusumiit noqqaavagineqarnermigut illuatungiusoq najuukkiartoqqullugu aggersarsinnaavaa nassuaateqarnissa siunertalarugu.

Imm. 4. Illuatungiusoq nammineq piumassutsiminik nassuaateqartoq pisussaavoq illuatungiusup eqqartuussisullunniit apeqquteqaatigisinnaasai allat akisassallugit.

Imm. 5. Aamma illuatungiusumik killisiuinermi taamatulli atortutinnejassapput ilisimannittunik killisiuisarneq pillugu malittarisassat §§152-imi, 153-imi, 155-159-imi aamma 161-163-imiittut.

Kapitali 16

Eqqartuussinerni nammineq sinnerluni pisinnaatitat

§ 197. Illuatungiusoq inummik allamik tusaamanerlugaananolu nammineersinnaassusilimmik 18-inik ukioqalereersimasumik nammineq sinnerluni eqqartuussivimmut ornigutsitsisinhaallunilu suliassami allakkianik tunniussisitsisinhaavoq.

Imm. 2. Eqqartuussinermi nammineq sinnerluni pisinnaatitaasoq, eqqartuussissuserisunngitsoq, piginnaatitsissutiminik uppernarsaasiisinnaassaaq.

Imm. 3. Eqqartuussissuserisut piginnaatitsissuteqarnerminnik nalinginnaasumik uppernarsaaseeqquneqartangillat aamma taama ittumik pissarsiniarnissamut kinguartitsigallarnissaq piumasarisinnaavaat.

Imm. 4. Eqqartuussiviup nammineerluni sulissuteqarnermigut inuit, eqqartuussinermi inuk sinnerlugu pisinnaatitaasussaatitaanngitsut imaluunniit piginnaatitsissummik peqannngitsut, itigartissinnaavai. Aamma taamaassaaq suliassami allakkianut, inunnit taamaattunit atsiorneqarsimasunut, tunngatillugu.

§ 198. Eqqartuussiviup illuatungiusoq, suliassap suliarineqarnerani soqutigisani isumagisinnaajumallugit eqqartuussinermi nammineq sinnerluni pisinnaatitaasumiit ikiorserneqartariaqartutut naliliivigineqartoq, kajumissaartassavaa eqqartuussinermi nammineq sinnerluni pisinnaatitaasumik piukkunnaateqartumik pissarsioqqullugu.

Imm. 2. Illuatungiusup imm. 1 malillugu kajumissaarneqarneq malinngippagu aammalu suliassaq tamatuma kingorna isumannaatsumik suliarineqarsinnaanngippat eqqartuussisut illuatungiusoq peqqusinnaavaat eqqartuussinermi nammineq sinnerluni pisinnaatitaasussamik piukkunnartumik pissarsiussasoq. Peqqussut eqqartuussivimmut qulliunerusumut saqqummiunneqarsinnaanngilaq.

Imm. 3. Illuatungiusup imm. 2 malillugu peqqussut malinngippagu illuatungiusoq kingusinnerusukkut eqqartuussinerni takkutinngitsoortutut naatsorsuunneqartassaaq, taamatuttaaq suliassami allakkiat, illuatungiusumit tunniunneqartut, tunniunneqanngitsutut naatsorsuunneqartassapput. Pissutsit immikkut ittut tamatumunnga pissutissaqartitsissappata eqqartuussiviup illuatungiusoq tamatumunnga taarsillugu eqqartuussinermi taanna sinnerlugu pisinnaatitaasumik piukkunnartumik ivertitsivigisinnaavaa.

Imm. 4. Eqqartuussinermi illuatungiusoq sinnerlugu pisinnaatitanngortinnejartumut aningaasartuutit annertussusilernissaannut akilerneqarnissaannullu atortuutinneqassapput nammineq aningaasartuutigingisamik eqqartuussisulersuussisarnermi maleruagassat assingi. Eqqartuussiviulli illuatungiusoq, nammineq aningaasartuutigingisamik eqqartuussisulersuussinissamut aningaasatigut piumasaqaatinik naammassinninngitsoq, aningaasartuutinik tamanik ilaannaannilluunniit pisortanut taarsiisussanngortissinnaavaa.

§ 199. § 198 aamma atortuutinneqartassaaq illuatungiusoq eqqartuussinermi nammineq sinnerluni pisinnaatitaasussarisimatillugu inatsisilerituutut soraarummeersimanngitsumik, pisariaqartumik ikorsiisinnanngitsumik.

§ 200. Eqqartuussinermi nammineq sinnerluni pisinnaassusiligaasup iliuusai imaluunniit iliuuseqanngitsoorneri piginnaatitaanermut attuumassuteqartuussappata illuatungiusumut ima pituttuitigaat, soorlusooq illuatungiusup nammineq iliuuserisimagai.

Imm. 2. Illuatungiusoq eqqartuussinerni nammineerluni oqaaseqartarsinnaavoq, massa eqqartuussinerni nammineq sinnerluni pisinnaassusilikamik sinniseqaraluarluni.

Imm. 3. Eqqartuussisut illuatungiusoq, eqqartuussinermi nammineq sinnerluni pisinnaatitamik ornigutsitsisoq, nammineerluni orniguteqqullugu kajumissaarsinnaavaat.

Kapitali17

Suliassiineq

Pisinnaasaqassuseq piviusorsiortoq

§ 201. Eqqartuussiviup nammineerluni sulissuteqarnermigut nakkutigissavaa suliassamik suliarinninnissaminut kapitali 2 malillugu piviusorsiortumik pisinnaasaqassuseqarnerluni.

Imm. 2. Eqqartuussivik piviusorsiortumik pisinnaasaqassuseqanngippat suliassaq ajornanngippat eqqartuussivimmut eqqortumut innersuussutigineqassaaq. Taamaattorli Kalaallit Nunaanni

Eqqartuussivik aalajangersinnaavoq suliassaq inerlugu suliarineqassasoq, pisinnaasaqassuseq pillugu apeqqut suliassap suliarineqarnerani aatsaat kingusissukkut saqqummiunneqarsimappat.

Imm. 3. Innersuussisoqarsinnaanngippat eqqartuussiviuup eqqartuussutikkut suliassaq itigartitsissutigissavaa.

§ 202. Illuatungeriit isumaqtigiissutigisinnaavaat eqqartuussivimmi suliassaq, Kalaallit Nunaanni Eqqartuussiviup ataaniittooq, eqqartuussivimmit suliarineqassasoq. Taamaattorli eqqartuussiviup isumaqtigiissutaasimasoq taamaattoq apeqquaatinngagu suliassaq Kalaallit Nunaanni Eqqartuussivimmut § 56 malillugu innersuussutigisinnaavaa.

Najugarisami pisinnaasaqassuseq

Suliassanngortitap najugaa imaluunniit sumiiffia

§ 203. Eqqartuussivimmi suliassat eqqartuussisoqarfimmi, suliassanngortitap najugaqarfigisaani, suliassiissutigineqartassapput, inatsisikkut allatut aalajangiisoqarsimanngippat. Suliassanngortitaq eqqartuussisoqarfinni arlalinni najugaqarfeqarpat suliassaq taakku tamaasa aqqutigalugit suliassiissutigineqarsinnaavoq.

Imm. 2. Suliassanngortitaq aalajangersimasumik najugaqanngippat suliassaq eqqartuussisoqarfimmi, taassuma sumiiffigaani, suliassiissutigineqarsinnaavoq.

Imm. 3. Suliassanngortitaq najugaqarfeqanngippat imaluunniit sumiiffia ilisimaneqanngippat suliassaq eqqartuussisoqarfimmi, suliassanngortitap kingullermik najugaqarfigisimasaani imaluuniit najorsimasaani, suliassiissutigineqarsinnaavoq.

Inuussutissarsiummik ingerlatallit

§ 204. Inunnut inuussutissarsiutigalugu sullivimmik ingerlatalinnut suliassiissutit, suliassaq sullivimmut tunngassuteqartillugu, eqqartuussisoqarfimmi sullivimmik ingerlataqarfiusumi suliassiissutigineqarsinnaapput.

Illuutit

§ 205. Illuutinut piginnittussaatitaaneq pillugu suliassat eqqartuussisoqarfimmi, pigisap inissisimaffigisaani, suliassiissutigineqarsinnaapput.

Isumaqtigiissutinut tunngassutillit

§ 206. Isumaqtigiissutinut tunngasutigut suliassat eqqartuussisoqarfimmi, pisussaaffiup suliassamut tunngaviusup naammassineqarfiani imaluunniit naammassineqarfigisassaani, suliassiissutigineqarsinnaapput.

Imm. 2. Imm. 1 aningasanik piumasaqaatinut atuutinngilaq, piumasaqaat eqqartuussisoqarfimmi najugaqarnermi pilersimassanngippat pissutsit imaattut atuutsillugit, piffik qimatsinnagu piumasaqaat naammassineqartussaasimagaluarluni.

Atuisunik isumaqtigiissuteqarnerit

§ 207. Atuisunik isumaqtigiissuteqarnerit, inuussutissarsiummik ingerlatallip aalajangersimasumik ingerlatsiveqarfianut nammineerluni saaffiginninnikkut isumaqtigiissusiaasimanngitsut, pillugit suliassani atuisoq inuussutissarsiummik ingerlatalimmut eqqartuussivimmi, atuisup nammineq najugaqarfigisaani eqqartuussisoqarfimmittumi, suliassiissuteqarsinnaavoq

Ingerlatsiviit il.il.

§ 208. Ingerlatsivinnut, peqatigiiffinnut, suliffeqarfinnut inuinnaat pigisaannut kattuffinnullu allanut, eqqartuussivikkut suliassani illuatungiusinnaasunut, suliassat suliassiissutigineqartassapput eqqartuussisoqarfimmi pingarnertut allaffeqarfiup sumiiffigisaani eqqartuussivimmi, imaluunniit pingarnertut allaffeqarfik paasissutissiissutaasinnaanngippat, eqqartuussivimmi siulersuisunut imaluunniit quillersaqarfimmut ilaasortat ilaata najugaqarfigisaanni eqqartuussisoqarfimmiittumi.

Imm. 2. Kattuffiit imm. 1-imi taaneqartut inuussutissarsiutigalugu sullivinnik eqqartuussisoqarfinni allani imm. 1-imi taaneqartut avataanniittuni ingerlataqarpata suliassaq aamma suliassiissutigineqarsinnaavoq eqqartuussisoqarfimmi sullivimmik ingerlataqarfiusumi eqqartuussivikkut.

Imm. 3. Suliassat kattuffinnut imm. 1-imi taaneqartunut tunngasut aammalu kattuffiit ilaasortanut ataasiakkaanut eqqartuussivikkut suliassiissutaat imaluunniit kattuffiit akornanni suliassiissutinngortussat eqqartuussisoqarfinni imm. 1-imi aamma 2-mi taaneqartuni suliassiissutigineqarsinnaapput.

Imm. 4. Kattuffinni imm. 1-imi taaneqartuni pilersitsisunut, siulersuisunut ilaasortanut direktørinullu taarsiivigineqarnissaq pillugu suliassat eqqartuussisoqarfinni imm. 1-imi aamma 2-mi taaneqartuni suliassiissutigineqarsinnaapput.

Kommunit

§ 209. Kommuninut suliassiissutit eqqartuussisoqarfimmi kommunip pingarnertut allaffeqarfigisaani suliassiissutigineqarsinnaapput.

Namminersornerullutik Oqartussat naalagaaffillu

§ 210. Namminersornerullutik Oqartussanut naalagaaffimmullu suliassat suliassiissutigineqarsinnaapput eqqartuussisoqarfimmi, pisortatut oqartussaatitap, Namminersornerullutik Oqartussat imaluunniit naalagaaffik sinnerlugu suliassanngortinniakkap, allaffeqarfigisaani.

Eqqartuussivik suliarinniffiusussaqt pillugu isumaqatigiissutit

§ 211. Illuatungeriit isumaqatigiissutigisinnaavaat suliassaq eqqartuussivimmi sorlermi suliassiissutigineqassanersoq.

Imm. 2. Atuisunik isumaqatigiissuteqarnerit pillugit suliassani eqqartuussivik suliarinniffiusussaqt pillugu isumaqatigiissuteqareersimaneq atuisumut pituttuissangilaq.

Suliassanngortitat, Kalaallit Nunaanni eqqartuussisoqarfimmi najugaqanngitsut

§ 212. Inunnut, ingerlatsivinnut, peqatigiiffinnut, inuinnaat suliffeqarfiinut kattuffinnullu allanut, Kalaallit Nunaanni eqqartuussivimmik suliarinniffiusinnaasumik najugarfeqanngitsunut, suliassiissutit Kalaallit Nunaanni suliassiissutigineqarsinnaapput eqqartuussivik aalajangersakkat §§ 204-imi, 205-imi, 206-imi, 208, imm. 2-mi, aamma 211-miittut malillugit suliassamik suliarinniffiusussatut naatsorsuunneqarsinnaappat. Atuisunik isumaqatigiissuteqarnerit pillugit suliassani atuisoq inunnut kattuffinnullu oqaaseqatigiinni siullerni taaneqartunut nammineq eqqartuussisoqarfimmi najukkaminiittumi suliassiissuteqarsinnaavoq, isumaqatigiissuteqarnissaq sioqqullugu immikkut neqerooruteqartoqarsimappat imaluunniit Kalaallit Nunaanni ussassaaruteqartoqarsimappat, atuisorlu isumaqatigiissusiornissamut pisariaqartunik Kalaallit Nunaanni iliuuseqarsimappat.

Imm. 2. Eqqartuussiviit arlaannaalluunniit imm. 1 malillugu eqqartuussivittut suliassami suliariinniffiusinnaasutut naatsorsunneqarsinnaanngippat suliassat aningaasatigut pisasanut tunngassutilit inunnut imm. 1-imi taaneqartunut suliassiissutigineqartut suliassiissutigineqarsinnaapput eqqartuussivimmi, taakkua suliassanngortitsisummi nalunaarfigineqarnerminni najugaqarfingisaanni.

Imm. 3. Inunnut kattuffinnullu imm. 1-imi taaneqartunut suliassiissutit aningaasatigut pisasanut tunngassutilit malittarisassaq imm. 1-imiittoq malillugu eqqartuussivimmik suliariinniffiusinnaasoqanngippat suliassiissutaasinaapput eqqartuussivimmi, inuup kattuffiulluunniit pineqartup suliassiissuteqartoqarnerani pigisaasa sumiiffingisaanni imaluunniit pigisaminik, piumasaqaammut tunngasunik, inissisimatitsiffingisaani. Pigisanik arsaarinnikkallarnissaq qularnaveeqquisoqarneratigut pinngitsoortinneqarpat qularnaveeqquisiussat isigineqassapput pigisatut, piffimmi akiitsullip arsaarinnikkallarnermik suliassamut tunngatillugu eqqartuussivimmi suliariinniffiusussami imaluunniit suliarineqarfigisassaruani inissisimasutut.

Umiarsuarmik arsaarinnikkallarnermik atuuttussanngortitsisarneq

§ 213. Umiarsuarmik arsaarinnikkallarnerup atuuttussanngortinneqarnissaa pillugu aamma piumasaqaatit, arsaarinnikkallaqqusissutaasut, pillugit suliassat suliassiissutigineqarsinnaapput eqqartuussivimmi, §§ 201-212 naapertorlugu piumasaqaatit pillugit suliassanik suliariinniffiusussami.

Najukkami eqqartuussivimmut allamut innersuussisarneq

§ 214. Eqqartuussivik aalajangiisinnaavoq suliassaq eqqartuussivimmut suliassiissutigineqarsimasoq eqqartuussivimmut allamut, malittarisassat siulianiittut malillugit suliariinniffiusussaatitamut, innersuussutigineqassasoq, ilisimannittut najugaat pissutigalugit imaluunniit allat pissutigalugit tamanna naleqquuttutut nalilerneqarpat.

Imm. 2. Tamanna immikkut ittunik tunngavissaqarsorineqarpat Kalaallit Nunaanni Eqqartuussivik aalajangiisinnaavoq suliassaq suliarineqassasoq eqqartuussivimmi, malittarisassat siulianiittut malillugit suliariinniffiusussaanngitsumi.

Imm. 3. Imm. 1 malillugu nuussinissaq pillugu aalajangiineq eqqartuussivimmit, suliassiissuteqarfiusimasumit, aalajangiinerussaaq.

Imm. 4. Eqqartuussiviup imm. 1 aamma 2 malillugit aalajangiineri tunngavilersukkatut aalajangiinerussapput.

Eqqartuussisut eqqartuussivimmik suliariinniffiusussamik naliliiffinginnittarnerat

§ 215. Eqqartuussiviup nammineerluni sulissuteqarnermigut misissortassavaa suliassaq eqqartuussivimmut suliariinniffiusussavimmut suliassanngortinneqarsimanersoq. Suliassanngortitaq piareersaaneq naammassineqartinnagu eqqartuussiviup piginnaatitaanera pillugu akerliliissuteqarsimanngippat, tak. § 223, eqqartuussivik suliariinniffiusussatut eqqortutut isigineqassaaq.

Imm. 2. Suliassaq eqqartuussivimmi, suliassamik imaluunniit piumasaqaataasut ilaannik suliariinniffiusussaviunngitsumi, suliassiissutaasimattillugu eqqartuussiviup ajornanngippat suliassaq piumasaqaataasorluunniit eqqartuussivimmi eqqortumi aalajangiiffigisassanngortillugu innersuussutigissavaa. Innersuussinissamik aalajangiineq tunngavilersukkamik aalajangiinerussaaq. Suliassaq innersuussutigineqarsinnaanngippat eqqartuussiviup eqqartuussuteqarnimigut suliassaq itigartitsissutigisassavaa.

Oqaatsitigut allakkatigullu piareersaaneq

§ 216. Suliassaq oqaatsitigut allakkatigullu piareersarneqarsinnaavoq. Oqaatsitigut piareersaanermi illuatungeriit eqqartuussivimmut aggersarneqassapput. Allakkatigut piareersaanermi illuatungeriit suliassami allakkiamik, allakkiap nuutsinneqarneranik eqqartuussiviup pissaanik ilanggussillutik, tunniussinissaminnt piffissaliivigineqassapput.

Imm. 2. Eqqartuussivik naliliippat illuatungiusoq suliassami allakkatigut oqaasertaliorssinnaanngitsoq, suliassaq taassumunnga tunngatillugu oqaatsitigut piareersarneqassaaq.

Imm. 3. Eqqartuussiviup akuerisinhaavaa illuatungiusoq imaluunniit taassumunnga sinniisissatut pisinnaassusiligaasoq piareersaatitut ataatsimiinnermi ungasianiiit attaveqaatit aqqutigalugit peqataassasoq, taamatut peqataanissaq naleqqutingitsoosorineqanngippat.

Suliassanngortitsissut

§ 217. Suliassanngortitsisoqassaaq tunniussaqarnikkut suliassanngortitsissummik, taassuma nuutsinneqarnera eqqartuussiviup pissaai ilanggullugu. Eqqartuussiviup suliassanngortitsissummum allattassavaa taanna ulloq suna tiguneqarsimasoq.

Imm. 2. Suliassanngortitsissutip imarissavai:

- 1) Illuatungeriit aqqi najugaallu, matumunnga ilanggullugu najugaq, suliassanngortinnejartumut nalunaarutinik nassiusiviusinnaallunilu nalunaarutiginnissuteqarfiusinnaasoq,
- 2) suliassiisup oqarasuaatigisinnaasaata telefaxerisinnaasaatalu normui,
- 3) eqqartuussiviup suliassiisuteqarfiusussap aqqa,
- 4) suliassiisup piumasaqaataa,
- 5) suliassiisup piumasaqaataanut tunngaviusoq pillugu nassuaat, aamma
- 6) allakkiat upernarsaatissat upernarsaatissallu allat, suliassiisup saqqummiunnialersaagai.

Imm. 3. Allakkiat upernarsaatit suliassiisup saqqummiunnialersaagai ilangunneqassapput, taakku nuutsinneqarneri suliassiisup pigippagit nuutsinneqarneri ilanggulligit.

§ 218. Suliassanngortitsissutip piumasaqaatinik § 217-imittunik naammassinnissimanissa eqqartuussiviup nakkutigissavaa. Taamaanngippat imaluunniit suliassanngortitsissut ersarluppat imaluunniit amigaateqarpat eqqartuussivik suliassiisumut saaffiginnissaq pineqartorlu amigaataasunik iluarsiinissaanut sivikinnerusumik piffissaliivigalugu. Eqqartuussiviup tamatumunnga atatillugu suliassiisoq § 177 malillugu ilitsersussavaa.

Imm. 2. Amigaataasut iluarsineqarsinnaanngippata imaluunniit suliassiisoq piffissaliussap iluani taamaaliunngitsoorpat suliassaq eqqartuussivimmit itigartitsissutigineqassaaq. Eqqartuussiviup suliassamik itigartitsineq nalunaarutigileruniuk peqatigitillugu suliassiisoq suliassseeqqinnissamut periarfissaqarnermik ilitsersortassavaa.

Suliassanngortitsissummik nalunaarutiginnittarneq

§ 219. Eqqartuussiviup suliassanngortitsissutip suliassanngortinnejartumut nalunaarutigineqarnissa isumagisassavaa, taamaattoq tak. § 130. Nalunaarutiginninnermut peqatigitillugu suliassanngortitap suliassami nammineq soqutigisaminik isumaginninnissamut piffissaliussap iluani iliuuserisinnaasai pillugit ilitsersuut tunniunneqartassaaq.

Akissutitut allakkiaq

§ 220. Suliassanngortitamiit akissutitut allakkiap imarissavai:

- 1) suliassanngortitap aqqa najugaalu, matumunnga ilanggullugu najugaq nalunaarutinik nassiusiviusinnaallunilu suliassanngortitamut nalunaarutiginnissuteqarfiusinnaasoq,

- 2) suliassanngortitap oqarasuaatigisinnaasaata telefaxerisinnaasaatalu normui,
- 3) suliassanngortitap piumasaqaataa, matumunnga ilangullugu illuatungerisamiit piumasaqaataasinnaasut,
- 4) suliassiisup piumasaqaataanut tunngaviusoq pillugu nassuaat, aamma
- 5) allakkiat upternarsaatissat upternarsaatissallu allat, suliassanngortitap saqqummiunnialersaagai.

Imm. 2. Allakkiat upternarsaatit, suliassanngortitap saqqummiunnialersaagai ilangunneqassapput, taakku nuutsinneqarneri suliassanngortitap pigippagit nuutsinneqarneri ilangullugit.

Najuutinngitsoornermi eqqartuussut

§ 221. Suliassanngortitaq piffissaliussap iluani qisuarianngippat imaluunniit suliassanngortitaq ataatsimiinnermut aggeqquaaffimminut takkutinngitsoorpat eqqartuussivik najuutinngitsoornermi eqqartuussummik eqqartuussuteqassaaq suliassiisup piumasaqaataa malillugu, suliassap saqqummiunneqarnerani tunngavilersuutigineqarsimasorineqartunut aammalu saqqummersunut allanut naapertuuttumik. Eqqartuussut suliassanngortitsissummi oqaaseqaatitut allanneqarsinnaavoq. Najuutinngitsoornermi eqqartuussummik aatsaat eqqartuussuteqartoqarsinnaavoq suliassanngortitaq periarfissamik tamatuminnga ilisimatinneqareersimappat. Eqqartuussiviup suliassanngortinneqartoq eqqartuussut pillugu kalerrippagu tamatumunnga ilutigitillugu suliassanngortitaq suliassami nangitisinissamut periarfissat pillugit ilitsersorneqartassaaq, tak. § 232.

Piareersaanerup ingerlatiinnarneqarnera

§ 222. Eqqartuussiviup aalajangersinnaavaa piareersaataasunik arlaleriarluni eqqartuussisoqartassasoq, imaluunniit illuatungiusoq eqqartuussiviup piffissaliussaa qaangiutsinnagu suliassamut allakkiamik suli allamik tunniussaqassasoq.

Imm. 2. Eqqartuussivik piffissaliussanik eqqortitsinnginnerup aamma eqqartuussinernut pineqartup aggersarneqarfigisaanut takkutinngitsoornerup inatsisitigut sunniutai pillugit ilitsersuisassaaq.

Piareersaanerup naammassineqarnera

§ 223. Eqqartuussivik aalajangiissaaq piareersaaneq qaqgukkut naammassineqassasoq. Piareersaanerup naammassineqarnerani eqqartuussutissap isumaqtigianiutigineqarnissaanut piffissaq sumiiffissarlu aalajangerneqartassapput.

Imm. 2. Eqqartuussivik aalajangiissinnaavoq eqqartuussutissap isumaqtigianiutigineqarnissa piareersaatitut ataatsimiinnermut atatiinnarlugu pissasoq, suliassaq naammattunik paasinarsarsimasorineqarpat aamma pissutsit tamatumunnga akerliussanngippata.

Imm. 3. Eqqartuussiviup piareersaaqqinmissaq pisariaqarsoriguniuk aalajangiissinnaavoq, piareersaaneq nangeqqinnejqassasoq.

Piumasaqaatit, tunngavilersuutit upternarsaatissallu nutaat

§ 224. Eqqartuussutissap isumaqtigianiutigineqarnissaanut piffissaliisoqarlunilu sumiiffissaq aalajangerneqareerpat illuatungiusoq eqqartuussivimmit akuerineqarlni piumasaqaatiminik taamaallaat annertunerulersitsinnaavoq imaluunniit tunngavilersuutinik upternarsaatissanilluunniit nutaanik saqqummiussaqarsinnaavoq. Illuatungiusoq akerliliigaluartoq aatsaat taamatut akuersissuteqartoqarsinnaavoq,

- 1) allannguueteqartitsinerup siusinnerusukkut pisimannginnera utoqqatsissutissaqartutut isigineqarpat,
- 2) eqqartuussutissap isumaqtigianiutigineqarnissa kinguartinneqanngikkaluartoq illuatungiusoq soqutigisaminik isumaginninnissaminut naammattumik periarfissaqarpat, imaluunniit
- 3) akuersissuteqarumannginnej illuatungiusup naleqqutinngitsunik annaasaqarneranik kinguneqassappat.

Suliassap suliarineqarnissaanik kinguartitsineq

§ 225. Suliassaq aatsaat kinguartikkallarneqarsinnaavoq eqqartuussiviup tamanna pisariaqarsorippagu.

Imm. 2. Taamaattorli eqqartuussiviup suliassaq kinguartittassavaa illuatungiusup noqqaassutigippagu eqqartuussissuserisutut oqartussaatitat eqqartuussissuserisup akissarsiassaanut isummissasut, imaluunniit atuisup suliassaq Kalaallit Nunaanni Atuisartunut Pisisartunullu Maalaaruteqartarfimmut suliassanngorteqquppagu.

Piareersaanerup ingerlanerani kingusinnerusukkut takkutinngitsoorneq

§ 226. Suliassanngortitaq, suliassami siusinnerusukkut akissuteqarsimasoq, kingusinnerusukkut eqqartuussinermut, aggersarneqarfigisaminut, takkutinngitsoorpat imaluunniit suliassanngortitaq eqqartuussiviup aalajangiineratut eqqartuussinermi suliassami allakkianik allanik tunniussaqanngitsoorpat eqqartuussivik suliassiisup piumasaqaataa malillugu eqqartuussuteqassaaq, suliassap saqqummiunneqarnerani tunngavilersuutigineqarsimasorineqartunut aammalu saqqummersunut allanut naapertuuttumik. Piumasaqaatit tunngavilersuutillu suliassiisup suliassanngortitsissummi imaluunniit eqqartuussinermi, suliassanngortitap najuuffigisaani, imaluunniit suliassami allakkiami, suliassanngortitamut nalunaarutigineqarsimasumi, taagorsimasai kisimik tunngavagineqarsinnaapput.

§ 227. Suliassiisoq eqqartuussinermut, aggersarneqarfigisaminut, takkutinngitsoorpat imaluunniit suliassiisoq eqqartuussinermi suliassami allakkiamik eqqartuussiviup aalajangiineratut tunniussaqanngitsoorpat eqqartuussiviup suliassaq itigartitsissutigissavva. Taamaattorli § 233, oqaaseqatigiit aappaat, taamatulli atortutinneqassapput.

§ 228. Suliassiisoq suliassanngortitarlu ataatsimiinnissamut, tamarmik aggersarneqarfigisaminnut, takkutinngitsoorpata eqqartuussiviup suliassaq taamaatiinnassavva. Aamma taamaassaaq illuatungeriit marluullutik suliassami allakkianik eqqartuussiviup aalajangiineratut tunniussaqanngitsoorpata.

§ 229. Illuatungiusoq eqqartuussinermut takkutinngitsoorpat imaluunniit illuatungiusoq suliassami allakkiamik piffissaq eqqorlugu tunniussaqanngitsoorpat tamanna aatsaat itigartitsinermik imaluunniit najuutinngitsoornermi eqqartuussummik kinguneqarsinnaavoq illuatungiusoq periarfissaq tamanna pillugu ilisimatinneqareersimappat.

§ 230. Pissutsit immikkut ittut tamatumunnga tunngavissaqartitsippata eqqartuussiviup aalajangersinnaavva takkutinngitsoorneq imaluunniit suliassami allakkiamik tunniussaqanngitsoorneq §§ 226-228 malillugu kinguneqartinneqassanngitsoq. Taamaassappat suliassaq nangillugu suliarineqartussanngorlugu kinguartikkallarneqassaaq.

Imm. 2. Imm. 1 malillugu aalajangiinerni pingaartumik eqqarsaatigineqartassaaq takkutinngitsoorneq imaluunniit tunniussaqanngitsoorneq pissutissaqavissumik agginngitsoornerunersoq imaluunniit pissutsit utoqqatsissutaasinnaasut atuussimanersut, aammalu illuatungerisaq suliassamik kinguartitserusunnersoq.

Nassuerutiginninnermi eqqartuussut

§ 231. Suliassanngortitaq nalunaarpat suliassiissup piumasaqaataanut akerliunani eqqartuussivik suliassiissup piumasaqaataa naapertorlugu eqqartuussuteqassaaq.

Nangitsineq

§ 232. Suliassangortitaq, takkutinngitsoortutut imaluunniit akissuteqaateqarsimangitsutut eqqartuunneqarsimasoq, suliassap nangeqqinnejarnissaanik piumasaqarsinnaavoq. Noqqaassut eqqartuussivimmur saqqummiunneqartassaaq eqqartuussutip nalunaarutigineqarneraniit kingusinnerpaamik sapaatit akunneri sisamat qaangiunneranni. Eqqartuussivik suliassap nangeqqinnejarnissaanik qaqtigoortumik akuersisinnaavoq noqqaassut kingusinnerusukkut saqqummiunneqarpal, kingusinnerpaamilli eqqartuussuteqartoqarneraniit ukiup ataatsip qaangiunnerani. Suliassaq nangeqqinnejassappat suliassangortitap suliassamut aningaasartutuinik akiliinissaa imaluunniit qularnaveeqqusiiressaa piumasaqaatigineqarsinnaavoq. Nangitsinissamik noqqaassut suliareqqitassangortitsinertulli kinguartitsigallarnissamik sunniuteqartassaaq.

Imm. 2. Suliassaq nangeqqinnejassappat eqqartuussiviup suliassaq qanoq suliarineqassanersoq aalajangertassavaa.

Imm. 3. Suliassangortitaq, suliassap nangeqqinnejarnissaanik piumasaqaateqartoq, takkutinngitsoorpat imaluunniit pineqartoq suliassami allakkatigut akissuteqaammik piffissaliussaq qaangiutsinnagu tunniussaqanngippat nangitsinissaq itigartitsissutigineqassaaq.

Atorunnaarsitsineq itigartitsinerlu

§ 233. Suliassangortitap suliassaq unitsissinnaavaa eqqartuussutissap isumaqatigiinniutigineqarnerani piumasaqaateqartoqarnissaa tikillugu. Suliassangortitaq eqqartuussinermi, suliassiisup najuuffigisaani imaluunniit suliassami allakkiami, suliassiissuteqartumut nalunaarutigineqarsimasumi, illuatungaaniit piumasaqaateqarpal suliassap suliarineqarnera ingerlatiinnarneqassaaq, tamannali pissaaq suliassangortitap illuatungaaniit piumasaqaatip aalajangiiffigineqarnissaanik noqqaassuteqarneratigut.

Kapitali 19

Suliassap aalajangiiffigineqarnera

Eqqartuussutissap isumaqatigiinniutigineqarnera

§ 234. Takkutinngitsoorneq piareersaasoqarnerata nalaanitulli sunniuteqartassaaq, illuatungiliuttup eqqartuussutissap isumaqatigiinniutigineqarnerani piumasaqaateqarnissaata tungaanut.

Imm. 2. Piareersaanerup nanginneqarnissaa pillugu § 223, imm. 3 aamma piumasaqaatinik, tunngavilersuutinik uppernarsaatissanillu nutaanik saqqummiussisinnaaneq pillugu § 224 eqqartuussutissap isumaqatigiinniutigineqarnerani taamatullu atortuutinnejassapput.

§ 235. Eqqartuussivik aalajangersinnaavoq illuatungiusoq suliassami allakkiat allakkiatullu uppernarsaatissat, suliassap suliarineqarnerani saqqummiunnialersaakkat, nuutsinneqarnerenik eqqartuussivimmur nassiuressapput, Pappiaqqat nuutsinneqarneri piffissaq eqqorlugu nassiuunneqanngippata takkutinngitsoorneq pillugu malittarisassat taamatulli atortuutinnejassapput.

§ 236. Eqqartuussutissap isumaqatigiinniutigineqarnera aallarnerlugu illuatungeriit piumasaqaatiminik saqqummiussissapput, pisariaqassappat eqqartuussivimmur ikiorneqarlutik.

Imm. 2. Tamanna pereerpat eqqartuussisut siulittaasuuta imaluunniit illuatungiusup imaluunniit taanna sinnerlugu pisinnaatitaasup, eqqartuussisut siulittaasuannit taamaalioqquneqartup, suliassaq naatsumik saqqummiutissavaa.

Imm. 3. Suliassaq saqqummiunneqareerpat uppernarsaasiineq malitsigitinneqassaaq. Uppernarsaasiineq, eqqartuussutissaq isumaqatigiinniutigineqalersinnagu pisimasoq, atuffassinikkut uppernarsarnejassaaq.

Imm. 4. Uppernarsaasiineq naammassereerpat, suliassaq aalajangiiffigineqartussanngortinnagu suliassiisoq siulliulluni tamatumalu kingorna suliassanngortitaq naggasiillutik oqaaseqaateqarnissaminut periarfissaqassapput.

§ 237. Eqqartuussutissap isumaqatigiinniutigineqarnera naammassigaangat eqqartuussut saqitsaannermik suliassami sapinngisamik piaartumik aalajangiisassapput. Suliassap eqqartuussutissanngortinnejcarnerani eqqartuussiviup nalunaarutigisassavaa eqqartuussut qaqugu nalunaarutigineqassasoq. Eqqartuussutit aalajangiinerillu oqaatigineqartassapput suliassap aalajangiiffisassanngortinnejcarneraniit kingusinnerpaamik sapaatit akunneri arfinillit qaangiunneranni. Suliassanulli, Kalaallit Nunaata Eqqartuussisuuneqarfiani suliarineqartussanut tunngatillugu, piffissarititaq qaammatinik pingasunik sivisussuseqassaaq.

Imm. 2. Tamanna pissutsit immikkut ittut pisariaqartippassuk eqqartuussiviup aalajangersinnaavaa piffissarititaq imm. 1-imiittooq atutissanngitsoq. Aalajangiinermi pissutsit, piffissarititamik eqquinngitsoortitsisut taaneqassapput. Aalajangiineq aalajangeqqitassanngortinnejqarsinnaanngilaq.

Imm. 3. Eqqartuussut nalunaarutigineqartassaaq eqqartuussutip inerneranik atuaanikkut, eqqartuussutip tamarmiusup allanneqareernerata kingorna.

§ 238. Eqqartuussut illuatungeriit piumasaqaataannik suliassallu saqqummiunneqarneranik imaqassaaq, matumunnga ilanngullugit illuatungeriit tunngavilersuutaat, pisariaqarneratullu annertutigisumik ilisimannittullu nassuaataat kiisalu pissusiviusut inatsisinullu tunngasutigut pissutsit, suliassap aalajangiiffiginiarnerani pingartinneqarsimasut.

Imm. 2. Eqqartuussutini, suliardinneqqaarfiusumi eqqartuussutaasuni, suliassamik saqqummiussineq illuatungeriit tunngavilersuutaasa naatsumik oqaatigineqarnerinut annikillisinneqarsinnaavoq, tamanna ilutigalugu aalajangiinermut peqqissaartumik tunngavilersuisoqarpat. Taamaassappat eqqartuussummit ersersinneqassaaq eqqartuussut suliassap saqqummiunneqarneranik tamakkiisumik imaqanngitsoq.

Imm. 3. Eqqartuussut, imm. 2 malillugu allanneqarsimasoq, suliareqqitassanngortinnejqassagaluarpat eqqartuussivik suliassamut ilassuteqaammik nassuaasiussaaq. Nassuaasiaq nunap eqqartuussisuuneqarfianut sapinngisamik piaartumik nassiuunneqassaaq, eqqartuussiviup suliareqqitassanngortitsinermik nalunaarfingineqareernerata kingorna. Tamatumunnga peqatigitillugu nassuaasiap nuutsinneqarnera illuatungeriinnut nassiuunneqassaaq.

§ 239. Eqqartuussiviup akuerisinnaavaa illuatungiusoq imaluunniit taassumunnga sinniisitut pisinnaatitaasoq eqqartuussutissap isumaqatigiinniutigineqarnerani ungasianiit attaveqaatit aqqtigalugit peqataassasoq, taamatut peqataanissaq immikkut ittumik pissuteqartumik naleqquttuusorineqarpat.

Imm. 2. Illuatungeriit aamma eqqartuussinerni sinniisitut pisinnaatitat eqqartuussutissap isumaqatigiinniutigineqarnerani ungasianiit attaveqaatit aqqtigalugit peqataanissaat pillugu § 128 aamma atortuutinneqassaaq.

§ 240. Eqqartuussisut aalajangiinerannut tunngaviussapput illuatungeriit piumasaqaataat tunngavilersuutaallu kiisalu paassisutissat eqqartuussutissap isumaqatigiinniutigineqarnerani uppernarsaasiinikkut saqqummersimasut imaluunniit eqqartuussutissap isumaqatigiinniutigineqarnerani atuaanikkut uppernarsaasiissutigineqartut.

Isummernermik nalunaarutit

§ 241. Suliassaq eqqartuussutissanngortinnejcartinnagu eqqartuussisut isummernerminnik illuatungeriinnut oqaatsitigut imaluunniit allakkatigut nalunaaruteqarsinnaapput, suliassap isumaqatigiissutigineqarnissaanut siunnersummik imalimmik. Isummernermik nalunaarutip imarisinnaavaa aalajangiissutaasinnaasup qanoq ittuunissaa pillugu eqqartuussisunit siumoortumik isummerneq imaluunniit kiffaanngissuseqarnerusumik isumaliutiginnineq aallaavigalugu isumaqatigiissuteqarnissamut siunnersummik imaqarsinnaavoq. Erseqqissumik takuneqarsinnaassaaq

isummerneq taakku arlaattut ittuunersoq. Illuatungeriit sivikitsumik isumaliorfissaqartinneqarsinnaapput isummerneq tunngavigalugu isumaqtigiqissuteqartoqarsinnaanersoq. Taamaassangippat suliassaq ingerlaannaq eqqartuussutissangortinnejqassaaq.

Allakkatigut tunngavilersuutit aallaavigalugit aalajangiineq

§ 242. Pissutsit immikkut ittut tamatumunnga tunngavissaqartitsippata eqqartuussivik qaqtigut aalajangersinnaavoq suliassaq tamakkiisumik ilaannakuusumilluunniit allakkatigut tunngavilersuutit aallaavigalugit aalajangiiffingeqassasoq. Taamatut aalajangiisoqassappat illuatungeriit tamanna pillugu isumaqtigiqissapput, aammalu suliassap suliarineqarneranut soqtiginninneq taamatut periaaseqarnissamut akerliunngippat. Pissutsini taama ittuni aalajangiinermut tunngavigisassat tassaassapput suliassangortitsissut, akissutit allakkiaq allakkiallu allat upernarsaatissiat, suliassap piareersarneqarnerani saqqummiunneqarsimasut kiisalu eqqartuussisut suliaannik allassimaffimmuit allattorneqarsimasut.

Kapitali 20

Suliassamut aningaasartuutit

§ 243. Ilisimannittunut aningaasartuutit pisortanit akilerneqassapput illuatungiusumut §§ 248 aamma 249 malillugit taarsertinniarneqarsinnaanngorlugit. Tamanna atuuppoq kiap ilisimannittumik killisiuinissaq kissaatigisimaneraa apeqquatainngagu.

§ 244. Misissuinermut naliliinermullu aningaasartuutit eqqartuussiviup aalajangiinera malillugu pisortaniit tamakkiisumik ilaannakuusumilluunniit akilerneqassapput, illuatungiusup taamatut upernarsaaseeqquisup aningaasartuutit annertuumik annasaqaatiginagu akilersinnaanngippagit. Pisortat utertitsisinnaatitaanerat pillugu §§ 248 aamma 249 taamatulli atortutinnejqassapput.

§ 245. Eqqartuussiviup aalajangersimappagu illuatungiusoq najugaqarfqigisamini imaluunniit najorallakkamini eqqartuussivimmut nassuaateqassanngitsoq aammalu ungasianiit attaveqaatit atorlugit killisiusoqarsinnaanngippat eqqartuussiviup aalajangersinnaavaa illuatungiusup imaluunniit sinniisitut pisinnaatitap angalaneranut unnuineranullu il.il. aningaasartuutit pisortanit tamakkiisumik ilaannakuusumilluunniit akilerneqassasut, illuatungiusup aningaasartuutit annertuumik annasaqaatiginagu akilersinnaanngippagit. Pisortat utertitsisinnaatitaanerat pillugu §§ 248 aamma 249 taamatulli atortutinnejqassapput.

§ 246. Suliassamik ingerlatsinermi aningaasartuutit allat illuatungiusup, eqqartuussivikkoortitsisup aningaasartuuteqarfiusumik, akilissavai.

§ 247. Illuatungiusup suliassami ajorsartup pisussaaffigaa illuatungerisami suliassamik ingerlatsinermi minut aningaasartuutai pisariaqartut imaluunniit naleqquttumik tunngavissaqartut taarsissallugit. Tamannali atuutissanngilaq eqqartuussivik isumaqarpat tunngavigisassap tamatuma saneqquenneqarnissaanut immikkut pissutissaqartoqartoq.

Imm. 2. Illuatungeriit immikkut tamarmik suliassap ilaanut ajorsarlutillu ilaanut ajugaappata, eqqartuussiviup naliliiffigissavaa aningaasartuutit illuatungeriinnut agguataarneqassanersut. Illuatungiusorli illuatungiminut suliassami aningaasartuutinik taariissuteqartussanngortitaasinnaavoq illuatungerisap taassuma piumasaqaataa suliassap inerneraniiit annikitsuinnarmik allaanneruppat.

Imm. 3. Suliassaq unitsinneqarpat, eqqartuussiviup pissutsit naapertorlugit illuatungiusoq illuatungerisami suliassamut aningaasartuutaanut tamakkiisumik ilaannakuusumilluunniit

taarsiussanngortissinnaavaa imaluunniit aalajangersinnaavaa illuatungeriit tamarmik immikkut aningasartutigisimasaminut akisussaaffiginnissasut.

Imm. 4. Suliassaq itigartitsissutigineqarpat suliassamut aningasartuutinut tunngatillugu suliassiisoq ajorsartutut naatsorsutigineqassaaq.

Imm. 5. Tunngavilersuutaasut ataasiakkaat atorsinnaatitaannginnerat imaluunniit uppernarsaatit ataasiakkaat suliassami arlaannik paasinarsaatitut isumaqarfingeqannginnerat tamatumunnga aningasartuutit pisariaqanngitsutut isigineqarnissaannik taamalu taarsiissuteqarnissap mattunneqarneranik nassataqartussaanngilaq.

Imm. 6. Suliassanngortitap, suliassiissuteqartoqarnerata kingorna, suliassiisoq pisassarisaanik neqeroorfigisimappagu suliassiup suliassanngortitaq suliassap ilaanut tamatuma kingorna suliarineqartumut aningasartuutinik taarsiiffigissavaa.

§ 248. Eqqartuussiviup illuatungiusoq, suliassami tamakkiisumik ilaannakuusumilluunniit ajorsarsimasoq, §§ 243-245 malillugit uppernarsaasiinerni pisortat aningasartuutaannut taarsiussanngortissinnaavaa. § 247, imm. 2-5, taamatulli atortuutinnejassapput.

Imm. 2. Imm. 1 malillugu aatsaat taarseeqqusisoqarsinnaavoq illuatungiusup aningasartuutit annaasaqaatigingaarnagu akilersinnaassappagit.

§ 249. Eqqartuussiviup illuatungiusoq, suliassami ajugaasuusoq, illuatungerisami pisortallu aningasartuutaannik taarseeqqusinnaavaa, pissutsit, illuatungiusumut ajugaasuusumut assuarliutaasinnaasut, pissutigalugit suliassaq pisariaqartumiit annertuningorsimappat. § 248, imm. 2, taamatulli atortuutinnejassaaq.

§ 250. Peqatigiillutik suliassiisimasut suliassamut aningasartuutinut akisussaaqtigiissapput. Taamaattorli eqqartuussiviup, pissutissaqartoqartillugu, ataasiinnaq imaluunniit taakkua ilaat ataaseq aningasartuutit ilaannik aalajangersimasunik akiliisussanngortissinnaavaa.

§ 251. Suliassamut aningasartuutit aamma taakku utertitsinneqarnissaat pillugu eqqartuussiviup aalangiinera eqqartuussutikkut imaluunniit immikkoortumik aalangiinikkut pisassaaq, tamanna pillugu piumasaqaateqartoqanngikkaluartorluunniit. Aalangiineq noqqaassuteqartoqartillugu tunngavilersorneqassaaq.

§ 252. Nunami allamioq, suliassiisutut peqataasoq, suliassanngortitamiit imaluunniit pisortaniit noqqaassuteqarneq naapertorlugu eqqartuussiviup piffissaliussaa qaangiutsinnagu suliassamut aningasartuutinut qularnaveeqqusiisussaatitaavoq. Qularnaveeqqusiisussatit annertussusilerneqassapput taassumunnga akileqquneqarsinnaasut pillugit eqqartuussiviup missinginera naapertorlugu. Qularnaveeqqusiisuteqarnissaq piumasarineqarsinnaanngilaq danskisut innuttaassusillit naalagaaffimmieq pineqartumi pissutsit assigisaannik atugaqassatillutik qularnaveeqqusiisussaassanngippata. Suliassiisoq piumasarineqartutut qularnaveeqqusiisussatit suliassaq itigartitsissutigineqassaaq.

§ 253. Akiliisitsisarnermut eqqartuussivik aamma pigisanik agguassinermut eqqartuussivik akerliliissutit imaluunniit illuatungaaniit piumasaqaatit pillugit aalangiissappat, kapitalimi matumani aalajangersakkat taamatulli atortuutinnejassapput.

§ 254. Inuk qinnuteqaateqareernikkut nammineq aningaasartuutiginngisamik eqqartuussisulersuussisinnaatitaavoq

- 1) nalilerneqarpat inuk taanna eqqartuussisulersuussinissaminut naleqquttumik pissutissaqartoq,
- 2) suliassamik ingerlatsinissamut inatsisitigut ikiorserneqarnissaq pisariaqarsorineqarpat, aamma
- 3) inuup suliassami aningaasartuutit, inatsisilerituutut ilinniarsimasumik eqqartuussinermi sinniisitut pisinnaatitamik sulisussarsinermut atasut, annertuumik annasaqaatiginagu akilersinnaanngippagit.

Imm. 2. Nammineq aningaasartuutiginngisamik eqqartuussisulersuussisinnaanermut taamaallaat ilaapput suliassami aningaasartuutit, inatsisitigut siunnersorneqarnissamut sillimmasiissutinit imaluunniit

allatut sillimmasiissutinit matusivigineqanngitsut.

Imm. 3. Inatsiseqarnermut ministeri malittarisassiorsinnaavoq qaqugukkut imm. 1, nr.1-imi aamma 3-mi piumasaqaatit naammassineqartutut isigineqarnissaat pillugu. Isertitatigut aningaasatigullu killiliussat ukiut tamaasa januaarip aallaqqaataani naleqqussarneqartassapput, tamannalu tamanut nalunaarutigineqartassaaq.

Imm. 4. Eqqartuussivinni, Kalaallit Nunaanni Eqqartuussivimmi aamma Kalaallit Nunaata Eqqartuussisuuneqarfiani suliassani nammineq aningaasartuutiginngisamik eqqartuussisulersuussinissaq Kalaallit Nunaanni Naalagaaffiup Sinniisanit nalunaarutigineqartassaaq, taamaattoq tak. § 257, imm. 5.

Imm. 5. Eqqartuussiviit Qullersaanni suliassani nammineq aningaasartuutiginngisamik eqqartuussisulersuussinissaq inatsiseqarnermut ministerimit nalunaarutigineqartassaaq, taamaattoq tak. § 257, imm. 5.

§ 255. Inatsiseqarnermut ministeri qinnuteqarneq naapertorlugu nammineq aningaasartuutiginngisamik eqqartuussisulersuussinissamut akuersisinnaavoq, taamaasiornissamut immikkut ittunik pissutissaqartillugu, naak piumasaqaatit § 254, imm. 1-imiittut naammassineqanngikkaluartut. Tamanna pingaartumik atuutissaaq suliassani tunngavissiisumik pingaarutilinni imaluunniit tamanut nalinginnaasumik soqtiginaatilinni imaluunniit qinnuteqartup inuttut imaluunniit inuussutissarsiornikkut atugarisaanut annertuumik pingaarutilinni.

§ 256. Inatsiseqarnermut ministeri malittarisassiorsinnaavoq nammineq aningaasartuutiginngisamik eqqartuussisulersuussisinnaanermut qinnuteqaatit imarisassaat aammalu paassisutissat qinnuteqartumit nalunaarutigineqartussat pillugit. Inatsiseqarnermut ministeri aammattaaq malittarisassiorsinnaavoq, qinnuteqarnermi immersugassaaq immikkut ittoq atorneqassasoq.

§ 257. Nammineq aningaasartuutiginngisamik eqqartuussisulersuussisinnaaneq illuatungiusumut pineqartumut ima sunniuteqartassaaq:

- 1) Eqqartuussisuserisumik inatsisilerituumilluunniit allamik suliassamik ingerlatsisussamik ivertitsinermik, pisortanit akissarsiaqartinneqartussamik, tak. § 261.
- 2) Aningaasartuutinik, suliassap suliarineqarnissaa imaluuniit paasinarsarneqarnissaa pissutigalugu iliuuserineqarsimasunut naleqquttumik akiliutaasimasunik, pisortaniit taarsiivigineqarnermik.
- 3) Illuatungiusumut suliassami aningaasartuutinik taarsiissuteqanngitsoornermik.
- 4) Eqqartuussivimmut akitsuutinik akiliinggaitsoornermik.

Imm. 2. Angalanernut unnuinernullu il.il. aningaasartuutit taamaallaat eqqartuussivimmit pisariaqartutut akuerineqarsimasut akilerneqartassapput.

Imm. 3. Nammineq aningaasartuutiginngisamik eqqartuussisulersuussisinnaanermi ajunngitsorsiassat, taamaallaat imm. 1-imi taaneqartunut, killiliiffiqeqarsinnaapput.

Imm. 4. Nammineq aningaasartuutiginngisamik eqqartuussisulersuussisinnaanerup sunniutaanut ilaapput eqqartuussinermi pineqartumi suliassamut tunngasut tamarmik, matumunnga ilanngullugit suliassap eqqartuussivimmi tassanerpiaq nangitsinnissaanut iliuusissat pisariaqartinneqartut, kiisalu aalajangiinermik naammassisitsiniaaneq. Sunniutinut ilaassapputtaaq iliuutsit, suliassiissutip

piareersarneqarnera pissutigalugu nammineq aningaasartuutiginngisamik
eqqartuussisulersuussisinnaaneq nalunaarutigineqatinngagu iliuuserineqarsimasut naleqquttut.

Imm. 5. Nammineq aningaasartuutiginngisamik eqqartuussisulersuussisinnaanerup sunniutaanut ilaavortaaq suliassap aappassaaneersumik imaluunniit pingajussaaneersumik eqqartuussivimmi suliarineqarnera, suliassaq taanna illuatungiusumit eqqartuussivimmut quillunerusumut ingerlateqqinnejqarsimappat, illuatungiusorlu, nammineq aningaasartuutiginngisamik eqqartuussisulersuussisinnaanermut akuerineqarsimasoq, eqqartuussivimmi siuliani suliariinnissimasumi tamakkiisumik ilaannakuusumilluunniit taperserneqjarsimappat.

Imm. 6. Nammineq aningaasartuutiginngisamik eqqartuussisulersuussisinnaanerup sunniutai illuatungiusup toqunerani atorunnaartussaanngillat.

Imm. 7. Akuersissut utertinneqarsinnaavoq paasinarsippat akuersissutip tunniunneqarneranut tunngavigisat atuutinngitsut imaluunniit atuukkunnaarsimasut. Akuersissut utertinneqassatillugu nammineq aningaasartuutiginngisamik eqqartuussisulersuussisinnaanerup sunniutai atuukkunnaassapput.

§ 258. Illuatungerisap suliassamut aningaasartuutit akilissavai, soorlulusooq illuatungiusoq nammineq aningaasartuutiginngisaminik eqqartuussisulersuussisinnaanngitsoq. Aningaasat pisortanut pisassanngortitaassapput. Illuatungiusoq, nammineq aningaasartuutiginngisaminik eqqartuussisulersuussisinnaanermut akuerisaq, nammineerluni suliassamut atatillugu aningaasartuuteqjarsimappat eqqartuussiviup aningaasat pisortat illuatungiusullu taassuma akornanni agguataassavaat.

§ 259. Eqqartuussiviup illuatungiusoq, nammineq aningaasartuutiginngisamik eqqartuussisulersuussisinnaanermut akuerisaasimasoq, peqqusinnaavaa nammineq aningaasartuutiginngisamik eqqartuussisulersuussisinermi aningaasartuutinik tamakkiisumik ilaannakuusumilluunniit pisortanut taarsiisseqassasoq, aningaasartuutit illuatungiusumut akiligassanngortinnejqanngitsut annertussusaat apeqquataillugu, illuatungiusup atugarisai pissutsillu taamaasiornissamut tuningavissaqartitsippata.

§ 260. Eqqartuussinermi sinniisitut pisinnaatitamik ivertitsineq eqqartuussivimmit, suliassiisseqarfiusumit, isumagineqartassaaq. Suliassani suliareqqitassanngortitani eqqartuussivik quillunerusoq ivertitsisuusassaaq.

Imm. 2. Eqqartuussinermi sinniisitut pisinnaatitatut ivertinneqartassaaq eqqartuussissuserisoq, § 83 malillugu eqqartuussivimmit sulisussarsiarineqarsimasoq. Taamaattorli eqqartuussissuserisut, eqqartuussivimmit sulisussarsiarineqarsimanngitsut, aamma inatsisilerituut eqqartuussissuserisunngitsut ivertinneqarsinnaapputtaaq, tamanna isumannaatsuuusorineqarpataineqartorlu ivertinneqarusuppat.

Imm. 3. Illuatungiusoq eqqartuussissuserisumik imaluunniit inatsisilerituumik aalajangersimasumik ivertitseqqusippat eqqartuussiviup ivertitsineq piumasaqaatalersinnaavaa pineqartup angalanermut unnuinermullu il.il. aningaasartuutinik taarsiiffiqineqarnissaq pisortanut tamakkiisumik ilaannakuusumilluunniit piumasaqaatigissanngikkaa.

§ 261. Eqqartuussinermi sinniisitut pisinnaatitaq naleqquttunik akissarsiaqartussaavoq aamma akilerallakkaminik taarsiivigineqartussaavoq.

Imm. 2. Akissarsiaassat taartisiarititassallu eqqartuussivimmit, eqqartuussinermi sinniisitut pisinnaatitamik ivertitsimasumit, annertussulerneqassapput. Annertussusiliineq immikkut aalajangiinikkut pissaaq, suliassap imaluunniit eqqartuussinermi iliuutsip naammassineqarneranut peqatigitillugu.

Imm. 3. Eqqartuussinermi sinniisitut pisinnaatitaq aningaasat, eqqartuussiviup aalajangigaasa, saniasigut akissarsianik taartisiassanilluuniit tigusaqaqqusaanngilaq. Taamaattorli illuatungiusup

sinniisitullu pisinnaatitap akornanni isumaqtigisiutigineqarsinnaavoq illuatungiusup angalanermut unnuinermullu il.il. aningasartuutit ilaat, pisortanit akilerneqartussaanngitsut, akilissagai.

§ 262. Danskit eqqartuussiviisigut suliassiissuteqarnermut atatillugu nammineq aningasartuutiginngisamik eqqartuussisulersuussisinnaaneq pillugu qinnuteqaat inunnit Kalaallit Nunaanni najugalinnit tunniunneqarsinnaavoq Kalaallit Nunaanni Naalagaaffiup Sinniisuanut. Naalagaaffiup Sinniisuata qinnuteqaat pisortat oqartussaatitaannut, danskit eqqartuussisarnermik inatsisaat malillugu suliassami nammineq aningasartuutiginngisamik eqqartuussisulersuussisinnaanermik akuersisinnaatitaasunut ingerlateqqissavaa.

Kapitali 22

Akiliisitsiniaanermik sulianik suliaqarneq

§ 263. Kapitalimi matumani malittarisassat atortuutinnejassapput aningasatigut piumasaqaatit pillugit eqqartuussivinni suliassanuut, tassani suliassiissuteqartup pinngitsaaliisutnik naammassinninniaanissaq siunertaralugu suliassangortitsissummi taasimassavaa ilimagineqanngitsoq suliassangortitaq piumasaqaammut akerliliissuteqassasoq imaluunniit akisilluni piumasaqaammik atuutsitsiniaassasoq. Aalajangersakkanit taakkunannga allaanerusunik malitassaqartinnagu saqtsaannernik suliassanik suliariinnneq pillugu malittarisassat nalinginnaasut atortuutinnejassapput, matumunnga ilanngullugit pinngitsaaliisummik naammassinninniaasарneq pillugu malittarisassat.

§ 264. Suliassangortitsisoqassaaq suliassangortitsissummik eqqartuussivimmut, suliassangortitap §§ 203, 204 imaluunniit 208, imm. 1 aamma 2 malillugit eqqartuussisoqarfigisaanut, tunniussaqarnikkut.

§ 265. Suliassangortitsissut suliassangortitamut nalunaarutigineqartassaaq. Nalunaarutiginninnermut peqatigitillugu akissuteqaatitut allakkiornissamut allaffissaq tunniunneqartassaaq ilitsersuutigineqarlunilu suliassangortitaq piffissaliussatut taasap qaangiutinnginnerani qanoq iliuuseqassanersoq, suliassami nammineq soqutigisani isumaginiarlugit.

Imm. 2. Nalunaarutiginninnermi suliassangortitaq akiliisitsisarnermut eqqartuussivimmukaqquneqassaaq, nalinginnaasumik nammineq ornigulluni, tak. § 604, imm. 3, suliassangortitarlu peqquneqassaaq eqqartuussiviup piffissaliussaa qaangiutsinnagu akissuteqaatitut allakkiamik tunniussaqassasoq.

Imm. 3. Akiliisitsiniaanissaq § 603 malillugu itigartitsissutigineqarsinnaappat suliassangortitaq akiliisitsisarnermut eqqartuussivimmut imm. 2-mi oqaaseqatigiiit siulliit malillugit aggersarneqassanngilaq, taamatuttaaq § 266, imm. 2 malillugu naammassinninniaasoqassanani.

§ 266. Suliassangortitaq piffissarititaasoq qaangiutsinnagu akissuteqaatitut allakkiamik eqqartuussivimmut tunniussaqanngippat eqqartuussivik najuutinngitsoornermi eqqartuussuteqassaaq suliassiisup piumasaqaataa malillugu, suliassangortitsissummi oqaatigineqarsimasuni tunngavilersorneqarsimasorneqartutut annertussusilimmik. Suliassangortitaq suliassami naammaginartumik akissutitut allakkiorsinnaasorneqangippat oqaatsitigut piareersaataasumik ataatsimiinnissamut aggersarneqassaaq. § 230 taamatulli atortuutinnejassaaq.

Imm. 2. Eqqartuussivik imm. 1 malillugu najuutinngitsoornermi eqqartuussuteqarpat imaluunniit oqaatsitigut piareersaataasumik ataatsimiinnerup imm. 1-imi oqaaseqatigiiit aappaanni taaneqartup kingorna nassuerutiginninnermi eqqartuussuteqarpat, eqqartuussivik eqqartuussutip assilineqarneranik illuatungeriinnut nassiussisaaq. Suliassiisup piumasaqaatai pinngitsaaliiinkut naammassiniarneqassapput tamanna pillugu immikkut noqqaassuteqartoqanngikkaluartoq. Eqqartuussut ingerlaannaq naammassisinniarneqarsinnaavoq, eqqartuussummi allatut aalajangiisoqarsimanngippat.

Imm. 3. Najuutinngitsoorermi imaluunniit nassuerutiginninnermi eqqartuussuteqartoqanngippat suliassap eqqartuussivikkut suliarineqarnera ingerlateqqinnejassaaq saqitsaannernik suliassanik suliariinnittarneq pillugu malittarisassat nalinginnaasut malillugit, suliassanngortitallu § 265, imm. 2 malillugu ornigunnissamut pisussaanera atorunnaassaaq.

§ 267. § 614, imm. 3-6 malillugit pigisanik qularnaveeqququtissatut sillimmasiussat arlaliusut tulleriaarnerisa aalajangersarneqarnerani, suliassanngortitsissut, § 266 malillugu eqqartuussummik kinguneqartussaq, pinngitsaaliinikkut naammassinninniaanissamik noqqaassuteqarnermut naligitinnejassaaq.

Immikkoortoq IV

Saqitsaannernik suliassanik immikkut ittunik suliaqarneq

Kapitali 23

Aalajangersakkat nalinginnaat

§ 268. Suliassanik, immikkoortumi matumani pineqartunik, suliaqarnermi saqitsaannernik suliassanik suliaqartarneq pillugu aalajangersakkat atuutissapput, immikkoortumi matumani malittarisassat malitsigisaannik suliallu assigiinnginnerisa nassatarisaannik allannguiteqartillugit.

Kapitali 24

Pigisanik agguassinerterik suliassat

§ 269. Akiliisinnaajunnaartup pigisaanik agguassinerterik Kalaallit Nunaanni Eqqartuussivimmi eqqartuussisup aalajangiinera malillugu danskit pigisanik agguassinerterut eqqartuussiviani suliarisassanngortinnejassaaq, suliassamik suliariinninnissami tunngavigisassat tamanna pisariaqartissappassuk. Suliassaq nassiunneqalersinnagu akitsoqartup pigisai, Kalaallit Nunaanniittut, nalunaarsorneqassapput.

Imm. 2. Toqusup pigisaanik agguassinerterik, suliassamik suliariinninnissami tunngavigisassat tamanna pisariaqartissappassuk, Kalaallit Nunaanni Eqqartuussivimmi eqqartuussisup aalajangiinera malillugu Danmarkimi pigisanik agguassinerterut eqqartuussivimmi suliarisassanngortinnejassaaq. Suliassaq nassiunneqalersinnagu toqusup pigisai, Kalaallit Nunaanniittut, nalunaarsorneqassapput.

Imm. 3. Appariit akornanni pigisanik agguassinerterik Kalaallit Nunaanni Eqqartuussivimmi eqqartuussisup aalajangiinera malillugu Danmarkimi pigisanik agguassinerterut eqqartuussivimmi suliassanngortinnejassaaq, illuatungeriit tamanna kissaatigissappassuk imaluunniit suliassamik suliariinninnissami tunngavigisassat tamanna pisariaqartippassuk. Suliassaq nassiunneqalersinnagu appariit pigisaat, Kalaallit Nunaanniittut, nalunaarsorneqassapput.

§ 270. Pigisanik agguassinerterut eqqartuussivimmi uppernarsaasiisoqartassaaq malittarisassat, saqitsaannernik suliassanik suliaqartarneq pillugu atuuttut, malillugit.

Imm. 2. Pigisanik agguassinerterut eqqartuussiviup agguagarsisussaq orniguteqqusinnaavaa apeqqutillu pigisanik suliaqarnermut pingaarutillit pillugit nassuaateqaqqullugu. Ilisimannittut pillugit malittarisassat taamatulli atortuutinnejassapput.

Kapitali 25

Nammineersinnaajunnaarsitsineq aamma pigisat tungaasigut siunnersortissaliisarneq pillugit suliassat

§ 271. Nammineersinnaajunnaarsitsineq aamma pigisat tungaasigut siunnersortissaliisarneq pillugit imaluunniit taakkuningga atorunnaarsitsinissaq pillugu suliassat saqtsaannernik suliassatulli suliarineqartassapput. Noqqaassut saqqummiunneqarsinnaavoq pineqartumit namminermit, politimesterimit kiisalu pineqartup aapparisaanit imaluunniit inooqataanit, angajoqqaaminiit qummut ilaquaatanit imaluunniit kinguaavinit imaluunniit angajoqqaavisa kinguaavinit.

Imm. 2. Suliassanngortitsissut eqqartuussisumit suliarineqassaaq pineqartumullu nalunaarutigineqassalluni.

Imm. 3. Eqqartuussisoq eqqartuussinermi sinniisitut pisinnaatitamik ivertitsissaaq suliassap suliarineqarnerani aggeqquaasup soqutigisaanik isumaginnittussamik. Eqqartuussinermi sinniisitut pisinnaatitaq ilaquaasut imm. 1-imi taaneqartut akornanni qinerneqassanngilaq. Aggeqquaasoq eqqartuussinissamut aggersarneqassaaq, taamaassananili taanna ima pissuseqarpat nammineersinnaajunnaarsitsinissamik apeqqut paasisinnaanagu.

Imm. 4. Nammineersinnaajunnaarsitsinissamik imaluunniit pigisat tungaasigut siunnersortiliinissamik aalajangiineq eqqartuussutikkut aalajangiinerussaaq. Suliassamut aningaasartuutit, matumunnga ilanngullugit eqqartuussinermi sinniisitut pisinnaatitap akissarsiai, pisortaniit akilerneqassapput. Nammineersinnaajunnaarsitsinissaq imaluunniit pigisat tungaasigut siunnersortiliinissaq aalajangiiffigineqareerpat eqqartuussisoq pineqartumut akisussaasussamik imaluunniit pigisat tungaasigut siunnersortissamik ivertitsissaaq.

Kapitali 26

Ataatassarsiuneq aamma meeqyanut akilersuutissanik aalajanersaasarneq pillugit suliassat

§ 272. Suliassaq naalagaaffimmi maani suliassiissutaasinnaavoq

1) suliassanngortitaq tamaani najugaqarluniluunniit najugaqarallarpal imaluunniit suliassanngortitap toqukkut qimagussimasup pigisai tamaani suliarineqarpata imaluunniit suliarineqarsimappata, imaluunniit

2) anaanaasoq meerarluunniit tamaani najugaqarpal.

Imm. 2. Imm. 1 sanioqqunneqarsinnaavoq naalagaaffimmik takornartamik isumaqatigiissuteqarnikkut.

§ 273. Suliassaq anaanaasup angerlarsimaffiani eqqartuussivikkut suliassiissutaassaaq.

Imm. 2. Anaanaasoq naalagaaffimmi maani najugarisamini eqqartuussivimmik suliassiiffissaqanngippat suliassaq suliassanngortitap najugaani eqqartuussivikkut suliassiissutigineqassaaq.

Imm. 3. Eqqartuussivimmik suliassinneqartussamik allamik innersuussivissaqanngippat suliassaq meeqqap najugaani eqqartuussivikkut imaluunniit inatsiseqarnermut ministerip aalajangiinera malillugu eqqartuussivikkut allakkut suliassiissutigineqassaaq.

Imm. 4. Illuatungeriit arlaata eqqartuussisoqarfik qimappagu illuatungeriit arlaannaalluunniit nassuaateqariartinnagu suliassaq eqqartuussivimmut, tamatuma pinerani suliarinittussaviusumut, innersuussutigineqarsinnaavoq. Aamma Kalaallit Nunaanni Eqqartuussivimmi eqqartuussisup suliassaq eqqartuussivimmik allami suliarineqartussangortillugu innersuussutigisinnaavaa, tamanna suliassap suliarineqarneranut pisariillisaataassasorineqarpat imaluunniit pilertornerulersitsissasorineqarpat.

§ 274. Ataataassuseq akuersissutigineqarsinnaavoq allakkatigut nalunaaruteqarnikkut, nammineerluni politiinut ornigunnikkut tunniunneqarsimasussakkut, imaluunniit oqaatsitigut eqqartuussisumut nammineerluni nalunaaruteqarnikkut. Pisuni taamaattuni tamani eqqartuussisup akuersineq eqqartuussisut suliaannik allassimaffimmut allattassavaa.

Imm. 2. Pisuni allani suliassaq suliarineqassaaq eqqartuussinermi suliassatut nalinginnartut.

§ 275. Eqqartuussisoq suliassami suliassanngortitsissummik sanassaaq, eqqartuussinissap qaugu sumilu pinissaa aalajangiivilgalugu, suliassanngortitsissutillu meeqqamut ataataasinnaasumut imaluunniit ataataasinnaasunut nalunaarutigineqarnissaa isumagissavaa. Suliassanngortitsissummik sanangitsoortoqarsinnaavoq pineqartoq eqqartuussiviup aggeqqusineratigut orniguppat.

Imm. 2. Taamaasiornissamut immikkut ittunik pissutissaqassappat eqqartuussivik anaanaasumut imaluunniit suliassanngortitamut eqqartuussinermi sinniisitut pisinnaatitassamik ivertitsisinnaavoq.

§ 276. Illuatungeriit ilisimannittullu ornigunnissaminnut pisussaaffeqarput aammalu suliassamut pingaaruteqarsinnaasut tamaasa pillugit oqaaseqaateqarnissamut. Ilisimannittunut pinngitsaaliissutaasartut pillugit malittarisassat taamatulli atortuutinnejassapput.

Imm. 2. Illuatungeriit pisussaaffigaat eqqartuussiviup suliassamut paasinarsaatissatut pingaaruteqarsorisaatut misissortissallutik.

§ 277. Ataatassarsiunermik suliassani eqqartuussinerit matoqqasuussapput.

§ 278. Eqqartuussivik suliassami eqqartuussummik kingullermik nalunaaruteqartuusimasoq suliassamik nangititsisinnaavoq aallaqqaataaniit suliassanngortillugu, illuatungeriit arlaata qularnarunnaarsippagu eqqartuussut eqqunngitsunik tunngaveqarsimasoq aammalu nutaanik paasissutissiineq aalajangiinermik allannguiteqartitsisinnaasoq.

Imm. 2. Malittarisassaq taanna taamatulli atortuutinnejassaaq ataataassutsimik akuersissutiginnissimasumut.

Imm. 3. Suliassap nangeqqinnejarnissaanik noqqaassut ataataasumit imaluunniit akilersuisussaasumit eqqartuussivimmut saqqummiunnejassaaq, pissutsinik noqqaanermut tapersiisuusunik taassuma ilisimasaqalerneraniit kingusinnerpaamik ukiup ataatsip qaangiunnerani, meeqqallu inunngorneraniit kingusinnerpaamik ukiut tallimat qaangiunneranni.

Imm. 4. Aalajangiinermik suliareqqitassanngortinnejarnissaanngikkaluamik suliareqqitassanngortitsineq imaluunniit piffissaliussat imm. 3-mi taaneqartutut qaangiutereersut nangititsinissaq Kalaallit Nunaata Eqqartuussisuuneqarfiani eqqartuussisuunermit akuerineqarsinnaavoq, taamaasiornissamut immikkut ittunik tunngavissaqarpat aammalu ilimagineqartariaqarpat suliassamik suliarinneqqinnissaq meeqqamut annertuunik ajoquissarsissutaassanngitsoq.

§ 279. Meeqqamut akilersuutissat eqqartuussivimmit aalajangersarneqartassapput averusernissamik imaluunniit avinnissamik eqqartuussummut atatillugu imaluunniit angajoqqaat inooqatigiikkunnaerneranni sorliup meeqqanut angajoqqaatut oqartussaassuseqartinnejarnissaanik aalajangiinermut atatillugu tamanna pissagaangat. Pisuni allani meeqqamut akilersuutissat eqqartuussisumit aalajangerneqartassapput.

Imm. 2. Eqqartuussisoq akilersuutisisinnaatitaasumiit imaluunniit akilersuisussaasumiit noqqaavigineqarnikkut akilersuutinik sukkulluunniit allannguiteqartitsisinnaavoq.

Kapitali 27

Aappariinneq imaluunniit angajoqqaatut oqartussaassuseqarneq pillugu suliassat

§ 280. Immikkoortumi matumani malittarisassat malillugit suliarineqartassapput

- 1) averuserneq, avinnejq imaluunniit aappariinnermik atorunnaarsitsineq pillugu suliassat,
- 2) angajoqqaatut oqartussaassuseqaqatigiinnerup atorunnaarsinnejarnissaanik suliassat,
- 3) angajoqqaat angajoqqaatut oqartussaassuseqaqatigiitsinnagit angajoqqaatut oqartussaassuseqarnerup anaanaasumiit ataataasumut nuunnissaanik suliassat,

- 4) angajoqqaatut oqartussaassusillip toqunerani oqartussaassuseqarnemik aalajangiinerit pillugit suliassat,
- 5) angajoqqaatut oqartussaassuseqarneq pillugu isumaqatigiisummik imaluunniit aalajangiinermik allannguuteqartitsinissamik suliassat,
- 6) angajoqqaat arlaata angajoqqaatut oqartussaassuseqaqataanngitsup meeqqaminik najorteqartarsinnaaneranik suliassat,
- 7) averusernermi, avinnermi imaluunniit aappariinnermik atorunnaarsitsinermi atugassarititaasunik allannguuteqartitsinissaq imaluunniit akerliliineq pillugu imaluunniit averusernermi, avinnermi imaluunniit aappariinnermik atorunnaarsitsinermi pigisanik aguataarinissaq pillugu isumaqatigiisuttaasunik akerliliineq pillugu appariit akornanni suliassat,
- 8) averusersimanerup atuunneranik imaluunniit atorunnaarsimaneranik aalajangiiffinginiagassatut appariit akornanni suliassat, aamma
- 9) illuatungeriit aappariiunerisa imaluunniit aappariiunnginnerisa aalajangiiffinginiarnissaanik suliassat.

§ 281. Inatsiseqarnermut ministeri imaluunniit ministerip taamaasiornissamut piginnaassusiliga imaluunniit aappariissimanermi appaasoq aappariinnerup atorunnaarsinnejarnissaanik suliassiissuteqarpal, suliassaq appariinnut tamanut suliassiissutaassaaq. Suliassaq eqqartuussivikkut § 284 malillugu appariit arlaannik suliassanngortitsiviusinnaasukkut suliassiissutaassaaq.

§ 282. Illuatungeriit nammineerlutik iliuuseqarsinnaapput, massa nammineersinnaanngikkaluarlutik imaluunniit pigisat tungaasigut siunnersorteqartitaagaluarlutik. Taamaattorli illuatungeriinni illuatungiusoq niaqluarnermik nappaateqarneq imaluunniit eqqarsartaatsikkut amigaateqarneq pissutigalugu nammineersinnaajunnaarsitaasimappat sernissuisuusoq taanna sinnerlugu iliuuseqassaaq. Sernissuisuusoq aatsaat eqqartuussiviup akuersineratigut suliassiissuteqarsinnaavoq.

§ 283. Danskit eqqartuussisarnermik inatsisaanni § 448 c malillugu aalajangerneqartassaaq aappariinnermik suliassaq naalagaaffimmii maani (Danmarkimi imaluunniit Kalaallit Nunaanni) suliassiissutaassanersoq.

Imm. 2. Danskit eqqartuussisarnermik inatsisaanni § 448 f malillugu aalajangerneqartassaaq angajoqqaatut oqartussaassuseqarnermik suliassaq naalagaaffimmii maani (Danmarkimi imaluunniit Kalaallit Nunaanni) suliassiissutaassanersoq.

§ 284. Suliassaq suliassanngortitap najugaani eqqartuussivikkut suliassiissutaassaaq.

Imm. 2. Suliassanngortitaq naalagaaffimmii maani najugarisami eqqartuussivimmik suliassiivissaqanngippat suliassiissuteqartup najugaani eqqartuussivik suliassiissuteqarfissaaq.

Imm. 3. Illuatungeriit arlaannaallunniit naalagaaffimmii maani najugaanni eqqartuussivimmik suliassiissuteqarfissaqanngippat suliassaq inatsiseqarnermut ministerip suliassiivissatut aalajangigaa aqqtigalugu suliassiissutigineqassaaq.

§ 285. Aappaasumut akilersuutissat aappariinnermik suliassamut atatillugu eqqartuussummi aalajangiiffingineqassapput.

Imm. 2. Aappariit akilersuutissat annertussusissaannik apeqqut kinguartissappassuk kingusinnerusukkut aalajangiiffigisassanngortillugu, kingusinnerusukkullu aalajangiisoqassappat akilersuutissat annertussusaasa allanngortinneqarnissaat pillugu, tamanna eqqartuussisup aalajangiissuteqarneratigut pissaaq.

§ 286. Pissutsit, aappariinneq imaluunniit angajoqqaatut oqartussaassuseqarneq pillugu siornatigut suliasimasumi eqqartuussuteqarfingineqarsimallutik atuutsinnejarnissat imaluunniit atuutsinnejarnissaasimasut, nutaamik suliassiissuteqarnermi tunngavigisassatut atorneqarsinnaanngillat.

§ 287. Eqqartuussiviup aalajangersinnaavaa illuatungiusup aappaa imaluunniit illuatungeriit marluullutik meeqqamik oqaloqatiginninnissami, namminersorsinnaanermik inatsimmi § 25 malillugu pisussami, najuutissanngitsut. Suliassaq aalajangiiffiqeqalersinnagu illuatungeriit oqaloqatigiissutaasimasunik ilisimatinneqassapput, tamanna najuutinngitsoortitsinermi tunngavigisanut akerliussanngippat.

§ 288. Eqqartuussinerit matoqqasuussapput. Eqqartuussutnik tamanut issuaanerni inuit eqqartuussummi taaneqartut aqqi, atorfii najugaalluunniit tamanut saqqummiunneqassangillat imaluunniit allatut iliornikkut pineqartut kikkuussusii saqqummiunneqassanatik. Aalajangersakkamik unioqquitsineq Kalaallit Nunaanni pinerluttulerinermeri inatsit malillugu pineqaatissiissutaasinnaavoq.

§ 289. Piffissaq suliareqqitassanngortitsivissaq eqqartuussutip nalunaarutigineqarneraniit sapaatit akunnerinik arfineq-pingasunik sivisussuseqassaaq. Illuatungeriit arlaat eqqartuussutip nalunaarutigineqarnerani najuussimanngippat piffissaliussaq sapaatit akunneri 16-it tikillugit sivitsorneqarsinnaavoq. Tamannali aatsaat atuutissaaq eqqartuussisut naliliippata silap tungaatigut pissutsinit eqqartuussummik nalunaarutiginninnissaq imaluunniit suliareqqitassanngortitsinissaq kinguarsarneqarsinnaasoq.

Imm. 2. Piffissap suliareqqitassanngortitsivissap qaangiutereerneratigut eqqartuussummik, averusernissamut, avinnissamut imaluunniit aappariinnermik atorunnaarsitsinissamut tunngasumik, imaluunniit aappariinnerup atuukkunnaarsimaneranik aalajangiiffiusimasumik, suliareqqitassanngortitsinissaq akuerineqarsinnaanngilaq. Taamaattorli atugassarititanik immikkut suliareqqitassanngortitsinissaq akuerineqarsinnaavoq, tak. imm. 3.

Imm. 3. Eqqartuussutit, averusernermut, avinnermut imaluunniit aappariinnerup atorunnaarsinneqarneranut tunngasut atugassarititanut tunngatillugu imaluunniit atugassarititat ataasiakkaat immikkut suliareqqitassanngortinnejqarsinnaapput. Suliareqqitassanngortitsineq atugassarititanut taamaallaat tunngassuteqarpal eqqartuussiviup suliareqqitassanngortitsiviusup averuserneq, avinneq imaluunniit atorunnaarsitsineq pillugu eqqartuussutip aalajangersagartaa kisiat allanngortissinnaavaa, tamatuminnga suliareqqitassanngortitsineq piffissarititaasoq qaangiutsinnagu aallartinneqarsimappat.

§ 290. Aappariinneq imaluunniit angajoqqaatut oqartussaassuseqarneq pillugu suliassaq illuatungiusup toqunerata kingorna suliassiissutaasinnaanngilaq.

Imm. 2. Eqqartuussut nalunaarutigineqartinnagu illuatungeriit arlaat toquppat suliassaq unitsinneqassaaq.

§ 291. Suliassaq suliassiissuteqarnissamut piffissarititap, aappariilertarneq aappariigunnaartarnerlu pilligit inatsimmi aalajangersarneqarsimasup, qaangiutinnginnerani suliassiissutaasoq itigartitsissutigineqarpal, suliassiisoq, naak piffissarititaq qaangiussimagaluartoq, suliassanngortitseqqiisinnaavoq eqqartuussinermiit suliassap itigartinneqarfingisaaniit qaammat ataaseq qaangiutsinnagu.

Imm. 2. Imm. 1 taamatulli atortuutinneqassaaq averusernissamut avinnissamulluunniit akuersissut itigartitsissutigineqarpal suliarlu tamatuma kingorna eqqartuussivinnut suliassanngortinnejqarpal. Suliassap eqqartuussivinnut suliassiissutigineqarnissaanut piffissarititaq naatsorsorneqassaaq itigartitsinerup pineqartumut nalunaarutigineqarneraniit aallartittumik.

Kapitali 28

Kiffaanngissusiaanermik pisortatigut aalajangerneqarsimasumik misiliineq

§ 292. Inuk, pisortatigut oqartussaatitamit kiffaanngissusiaiarneqartoq imaluunniit inuk, pineqartoq sinnerlugu iliuuseqartoq, piumasaqarsinnaavoq kiffaanngissusiaasimanerup inatsisinut

naapertuuttuunera pillugu imaluunniit siusinnerusukkut kiffaanngissusiaagaasimancerup atuutiinnarnissaa pillugu apeqput eqqartuussivimmuit aalajangigassanngortinnejarluni suliassiisutigineqassasoq. Tamannali atuutissangilaq pinerlunnernik eqqartuussisarnerup iluani aamma nunami allamiut pillugit inatsit naapertorlugu kiffaanngissusiaanermi.

Imm. 2. Pisortatut oqartussaasoq, kiffaanngissusiaanissamik aalajangiisoq, kinguarsarani kingusinnerpaamillu kiffaanngissusiaanerup aallartinnerani pisussaavoq ilitsersuutigissallugu suliassaq eqqartuussivimmuit suliassanngortinnejarsinnaasoq.

Imm. 3. Eqqartuussivikkut misiliisoqarnissaq pillugu noqqaassuteqartoqarpas pisortanut oqartussaatitaasup, kiffaanngissusiaanissamik aalajangiisimasup imaluunniit tamatuminnga atorunnaarsitsiumanngitsup, suliassaq piaernerpaamik ajornanngippallu kingusinnerpaamik noqqaassuteqarnermiit ullut arfineq-marluk qaangiutsinnagit, eqqartuussivimmuit pineqartup najugaqarfigisaaniittumut saqqummiutissavaa.

Imm. 4. Eqqartuussivikkortitsinissaq pillugu misiliinissamik noqqaassuteqarneq kiffaanngissusiaanerup aallartinneqarnissaanut imaluunniit tamatuma atuutiinnarnissaanut akornutaassanngilaq, eqqartuussisut tamanna aalajangersimanngippassuk.

Imm. 5. Kiffaanngissusiaanerup inatsisinut naapertuuttuunera eqqartuussutikkut atuuttussanngortinnejarsimappat eqqartuussisut eqqartuussivikkortitsinissamik misileeqqinniarneq pillugu noqqaassut itigartitsissutigisinnavaat, ukiup ataatsip qaangiunnissaa tikillugu, eqqartuussummi sivikinnerusumik piffissaliisoqarsimanngippat.

Imm. 6. Inatsisinut naapertuuttingitsumik kiffaanngissusiaasimaneq pillugu pisortaniit taarsiivigineqarnissamik piumasaqaat kiffaanngissusiaanerup inatsisinut naapertuuttuunera pillugu suliassap suliarineqarnerani noqqaassuteqartoqareerneratigut aalajangiiffigineqassaaq. Eqqartuussisulli taarsiivigineqarnissamik apeqput kinguartillugu kingusinnerusukkut suliarisassanngortissinnaavaat.

§ 293. Suliassami illuatungeriittut naatsorsuunneqassapput kiffaanngissusiiagaasimasoq, inuk alla taanna sinnerlugu iliuuseqartoq aamma pisortat oqartussaatitaat kiffaanngissusiaanissaq pillugu aalajangiisimasoq.

Imm. 2. Eqqartuussisoq eqqartuussinermi sinniisitut pisinnaatitassamik invertississaq kiffaanngissusiiagaasimasup soqutigisaanik isumaginnittussamik, taamaattoqassanngilarli kiffaanngissusiiagaasimasup tamanna kissaatiginngippagu.

Imm. 3. Kiffaanngissusiaasoqareersimappat kiffaanngissusiiagaasimasoq eqqartuussivimmukartinneqassaaq, eqqartuussisut tamanna kissaatigippassuk. Kiffaanngissusiiagaasimasoq nammieq najuukkusuppat pineqartoq taanna nalinginnaasumik najuuttussanngortinnejartariaqarpoq, eqqartuussisut naliliinngippata taassuma qanoq innera tamatumunnga akornutaassasoq imaluunniit ima ajornartorsiutitaqtigissasoq suliassap kinguartinneqarujussuarneranik kinguneqassalluni. Pisuni taama ittuni eqqartuussummi aalajangerneqarsinnaavoq kiffaanngissusiiagaasimasoq najuutsinneqarsinnaaleriarpas suliassaq suliareqqinnejeqassasoq.

Imm. 4. Illuatungeriit oqaaseqaateqarnissamut perarfissaqartinnejeqareerpata uppermarsaasiinerlu naammassereerpat eqqartuussisut eqqartuussutikkut aalajangiiffigissavaat kiffaanngissusiaanissamik aalajangiineq atortussanngortinnejassanersoq imaluunniit atorunnaarsinneqassanersoq.

§ 294. Kapitalimi matumani malittarisassat atorneqassapput suliassani qitornavissiartaartarneq pillugu inatsimmi § 11 malillugu eqqartuussisunut suliassanngortinnejartuni.

§ 295. Suliassaq suliassanngortinneqartassaaq eqqartuussivimmut, aalajangiinerup eqqartuussivikkut misilinneqarnissaanik kissateqarsimasup (maalaaruteqartup) najugarisaaniittumut. Maalaaruteqartoq naalagaaffimmi maani majugarisamini eqqartuussisoqarfimmik suliassiivissaqanngippat suliassaq meeqqap najugaani eqqartuussivimmut suliassanngortinneqassaaq. Maalaaruteqartup imaluunniit meeqqap naalagaaffimmi maani najugaani eqqartuussisoqarfekanngippat suliassaq eqqartuussivimmut inatsiseqarnermut ministerip toqqagaanut suliassiissutigineqassaaq.

Imm. 2. Suliassaq eqqartuussivimmut suliassanngortinneqartassaaq Naalagaaffiup sinnisuata eqqartuussivikkut misiliinissaq pillugu noqqaassummik tigusaqareerneranit kingusinnerpaamik sapaatit akunneri pingasut qaangiunneranni. Naalagaaffiup sinnisuata suliassap pappiarartai eqqartuussivimmut nassiuutissavai ilanngutissallugit aalajangiineq misileqquneqartoq pillugu paasissutissat kiisalu pissutsinut uppernarsaatissanullu, suliassap aalajangiiffigineqarnissaanut pingaaruteqarsinnaasunut atuutsinniarneqartunut, nassuaat naatsoq.

Imm. 3. Eqqartuussivikkut misiliinissamik noqqaassut piffissarititaq qitornavissiartaarneq pillugu inatsimmi § 11, imm. 1-im i taaneqartoq qaangiutereersoq tiguneqarsimappat eqqartuussiviup suliassaq itigartitsissutigissavaa, piffissamik qaangiineq utoqqatsissutartaqanngippat imaluunniit suliassamik sularinninnissamut immikkut ittunik tunngavissaqanngippat. Aalajangiineq eqqartuussisup aalajangiinerissavaa tunngavilersugassaaq. Nunatta eqqartuussisuuneqarfiata aalajangiineranik Eqqartuussiviit Qullersaannut saqqummiussinissaq akuerineqarsinnaanngilaq.

§ 296. Naalagaaffiup sinnisuua maalaaruteqartorlu suliassami illuatungeriittut isigineqassapput. Maalaaruteqartoq nammineersinnaassuseqanngikkaluarluni imaluunniit pigisat tungaasigut siunnersortissaqartitaagaluarluni nammineq peqataassaaq.

Imm. 2. Eqqartuussisoq maalaaruteqartup eqqartuussinermi sinniisutut pisinnaatitassaanik ivertitsissaaq, taamaattoqassanngilarli maalaaruteqartup tamanna kissaatiginngippagu.

Imm. 3. Eqqartuussisoq meeqqamut sernersuisussamik ivertitsisinnaavoq, taamaassappat taanna suliassami illuatungiusutut peqataassaaq.

§ 297. Pissutsit immikkut ittut tamatumunnga tunngavissaqartitsippata eqqartuussisoq aalajangiisinnaavoq, maalaaruteqartoq immaqalu aamma eqqartuussinermi sinniiseq uppernarsaasiisoqarnerani tamatumaluunniit ilaani najuutissanngitsut. Maalaaruteqartoq uppernarsaasiisarnerup imarisaanik suliassaq aalajangiiffigineqalersinnaagu ilisimatinneqassaaq, tamanna tunngavigisanut peqataanngitsoortitsisunut akerliussanngippat.

§ 298. Eqqartuussinerit matoqqasumik ingerlanneqassapput.

Imm. 2. Eqqartuussutnik tamanut ammasumik issuaanermi inuit, suliassap sularineqarnerani taaneqartut, arlaannaasaluunniit aqqi, atorfii najugaalluunniit taaneqassanngillat. Unioqqutitsineq pinerluttulerinermi inatsit malillugu pineqaatissiissutaasinnaavoq.

Imm. 3. Angajoqqaajusut imaluunniit taakkua sinnerlugit sernersuisusup qitornavissiartaarniartoq ilisarisimanngippassuk qitornavissiartaarniartup ilisimannittullu aqqi eqqartuussisut suliaannik allassimaffiisa assilineqarnerini imaluunniit eqqartuussisut aalajangiinerisa assilineqarnerini taaneqassanngillat.

§ 299. Piffissap suliareqqitassanngortitsivissap qaangiutereereneratigut suliareqqitassanngortitsinissaq akuerineqarsinnaanngilaq.

Immikkooortoq V

Pinerlunnernik suliassat sularineqartarnerat

Aalajangersakkat nalinginnaasut

Pinerlunnernik eqqartuussisarnerup atuuffii il.il.

§ 300. Pinerlunnernik suliassat suliarineqartassapput immikkoortumi matumani malittarisassat malillugit, inatsisikkut allatut immikkut ittunik aalajangiisoqarsimannngippat.

§ 301. Aammattaaq immikkoortumi matumani malittarisassat malillugit suliarineqartassapput suliassat, tamanna inatsisikkut, inatsisartut inatsisaasigut imaluunniit inatsisartut peqqussutaasigut immikkut aalajangerneqarsimatillugu aamma suliassat piumasaqaateqarfiusut makku pillugit
1) kinguneqartitsinerit immikkut ittut, inatsisit ilaannik aalajangersimasunik, matumunnga ilanngullugit illuutit pillugit inatsisit aamma akileraarutit pillugit inatsisit, unioqqutitsinerit pisortanut naammassis-ninniagassanngortillugit aalajangersarneqarsimasut,
2) peqatigiiffimmik atorunnaarsitsinissaq, imaluunniit
3) kingornussissinnaassusermik annasaqaarneq.

§ 302. Pinerlunnernik suliassat, inuinnaat unnerluussuteqarfigisaat, suliarineqartassapput saqtsaannernik suliariinnittarneq pillugu malittarisassat malillugit.

Imm. 2. Suliassani imm. 1-imi taaneqartuni pinerlineqartuusoq unnerluutiginnissinnaatitaasuuvvoq. Taanna nammineersinnaasuuunngippat nammineersinnaanngitsut eqqartussisulersuussisarnerat pillugu malittarisassat taamatulli atortuutinneqassapput. Pinerlineqartoq toqusimappat imaluunniit toqukkut qimagussimasumut iliuusaasimasoq pinerluttuliorneruppat, unnerluutiginnissinnaatitaasut tassaassapput toqukkut qimagussimasup aapparisaa, aapparisatut inooqatigisaa, angajoqqaavi, qitornai qatanngutaa-luunniit.

Imm. 3. Kinaluunniit, imm. 2 malillugu unnerluutiginnissinnaatitaasoq, taamatut piginnaatitaanermi-nik taamaatitsisinnaavoq. Aamma taamaassaaq, naak suliassaq suliassiissutaareersimagaluartoq.

Eqqartuussivik suliassinneqartussaq

§ 303. Pinerlunnermik suliassaq sumiiffimmi iliuuseqarfiusimasumi eqqartuussivimmut suliassann-gortinnejqarsinnaavoq.

Imm. 2. Pinerluuteqarnermi iliuusaasimasut arlaliuppata imaluunniit pinerluuteqarnerit arlaliuppata, eqqartuussisoqarfinni assiginngitsuni piliaasimasut, suliassaq taakkua arlaanni sumiluunniit eqqartuus-sivimmut suliassiissutaasinnaavoq.

Imm. 3. Inatsisinik unioqqutitsineq Kalaallit Nunaata immakkut oqartussaaffigisaata avataani umiar-suarmi piliarineqarsimappat suliassaq sumiiffimmi umiarsuup Kalaallit Nunaannut apuunnermini tikeq-qagaani eqqartuussivimmut suliassiissutaasinnaavoq.

§ 304. Pinerlunnernik suliassat aammattaaq sumiiffimmi pasisaasup najugaqarfigisaani imaluunniit najorallagaani eqqartuussivimmut suliassiissutaasinnaapput.

§ 305. Eqqartuussivik aalajangiisinnaavoq pinerlunnermik suliassaq eqqartuussivimmut allamut, §§ 303 aamma 304 malillugit inatsisnit naapertuutumik suliassiissuteqarfiusinnaasumut, nuunneqassa-soq, tamanna ilisimannittut najugarisaat imaluunniit tunngavigisassat allat tunngavigalugit naleqquttuu-sorineqarpat.

Imm. 2. Taamaasiornissamut immikkut ittunik tunngavissaqartillugu Kalaallit Nunaanni Eqqartuussivik aalajangiisinnaavoq suliassaq eqqartuussivimmi, malittarisassat siuliiniittut malillugit suliassiissuteqarfiusussaanngitsumi, suliarineqassasoq.

Imm. 3. Imm. 1 malillugu nuussinissamik aalajangiineq eqqartuussivimmit malersuiffiulersumit aala-jangiinerussaaq.

Imm. 4. Eqqartuussiviup imm. 1 aamma 2 malillugit aalajangiineri aalajangiinerussapput tunngaviler-sugassat.

§ 306. Suliassaq Danmarkimi suliassiissutaasinnaavoq imaluunniit pinerluttulerinermi inatsimmi § 7 malillugu tassani malersugassanngortinneqarsinnaavoq.

§ 307. Eqqartuussivimmik suliassinneqartussamik toqqaaniarnermi pingaartumik soqtiginiarneqarta-riaqarpoq suliassaq sumi pitsaanerpaamik paasinarsisinneqarsinnaasoq aammalu eqqartuussivimmi sor-lermi uppernarsaasiinissaq, ingammillu ilisimannittunik killisiuinissaq, pisariinnerpaamik pisinnaaner-soq.

§ 308. §§ 303-307 pissutsit assigiinngiaarnerisa nassatarisaannik allannguutitalerlugit taamatulli ator-tuutinnejassapput suliassat § 301-imi taaneqartut pillugit.

Pinerlunnernik suliassanik ataatsimut katitsisarneq immikkoortiterisarnerlu

§ 309. Arlaleriarluni pinerluuteqarsimasutut pasisaasumut imaluunniit pinerluuteqarnermi ataasiinnaasumi pasisaasunut arlaliusunut ataatsimut malersuisoqassappat tamanna pisassaaq suliassamut ataatsimut ataatsimoortitsinikkut, ataatsimoortitsilluni malersuinissaq naleqquttuusorinnanngitsutut isumaqarfingeqanngippat.

§ 310. Eqqartuussivik noqqaavigineqarnikkut imaluunniit nammineerluni sulissuteqarnermigut aalajangiisinnaavoq suliassat § 309 malillugu ataatsimut katititat immikkoortinnejassasut.

Kapitali 31

Unnerluutiginnissut

§ 311. Pinerlunnernik suliassanik, inatsisini tunngavigisassat immikkut ittut naapertorlugit inuinnaat unnerluutiginnissuteqarfingisassarinngissaannik, unnerluutiginnissuteqarneq politit unnerluussisussaatitaasutut isumagisassaraat.

Unnerluutiginnissummik taamaatitsineq

§ 312. Suliassami unnerluutiginnissut tamakkerlugu ilaannaaluunniit taamaatiinnarneqarsinnaavoq
1) pasilliut tunngavissaqanngitsusoq paasinarsippat,
2) malersueqqinnissaq pasisaasup pisuutitaanissaanik kinguneqassangatinneqanngippat, imaluunniit
3) suliassap ingerlanneqarnissaa kinguneqassappat ajornartorsiutinik, aningaasartuutinik imaluunniit suliassap suliarineqarneranut piffissanik, suliassap pingarutaanut aamma pineqaatissiissutissatut ilimagineqarsinnaasumut naleqqiullugit naleqqutinngitsunik.

Unnerluussummik tunuartitsineq

§ 313. Suliassami unnerluussinissaq tamakkerlugu ilaannaaluunniit tunuartinnejqarsinnaavoq
1) pisimasup iliuuserineqarsimasup pingaruteqarpiannginnera pissutigalugu unnerluussinngitsoornissaq naleqquttuusorineqarpat,
2) pinerluttulerinermi inatsimmi §§ 6 imaluunniit 124 atorneqarsinnaappat aamma pineqaatissiisoqannginnissa imaluunniit annikitsuinnarmik pineqaatissiisoqarnissaa ilimagineqarsinnaappat,

- 3) pasisaq pinerluuteqarnerup pinerani 18-it inorlugit ukioqarsimappat aamma unnerluussinissamik tunuartitsinissaq iliuuserisimasamut suliassamilu pissutsinut allanut naleqqiullugu naapertuutinngitsuusorineqanngippat,
- 4) suliassap ingerlannissaq ajornartorsiutinik, aningaasartuutinik imaluunniit suliassap suliarineqarneranut piffissanik, suliassap pingarutaanut aamma pineqaatissiissutissatut ilimagineqarsinnaasumut naleqqiullugu naleqqutinngitsunik, nassataqassappat imaluunniit
- 5) tamanna aalajangersakkanit rigsadvokatimit imaluunniit inatsiseqarnermut ministerimit aalajangersagaasunit aalajangersaavagineqarsimappat.

Imm. 2. Pisuni allani unnerluussinissaq taamaallaat tunuartinneqarsinnaavoq pissutsinik immikkut sakkukillisaataasunik allanilluunniit immikkut ittunik atuuttoqarpat aammalu unnerluussinissaq soqutigisassat nalinginnaasut pissutigalugit pisariaqarsorineqanngippat.

Imm. 3. Politiit unnerluussinissamik imm. 1 malillugu tunuartitsisinnaapput, kisiannili unnerluussinermik imm. 2 malillugu tunuartitsinissaq rigsadvokatimit aalajangerneqtassaaq.

Kalerriisarneq aamma aalajangiinermik allanngortitsisarneq

§ 314. Unnerluussummik taamaatitsinermi imaluunniit unnerluussinissamik tunuartitsinermi pasisaq allallu tamatumani soqutigisallit aalajangiinermik ilisimatinneqartassapput.

Imm. 2. Unnerluussummik taamaatitsinissamik imaluunniit unnerluussinissamik tunuartitsinissamik aalajangiineq unnerluussisussaatitaasumut qullersaasumut maalaarutigineqarsinnaavoq § 65-imik malittarisassat malillugit.

Imm. 3. § 313, imm. 1, nr. 1-3 aamma 5 kiisalu imm. 2, naapertorlugit unnerluussinissamik tunuartitsinermi pasisaq noqqaassutigisinnaavaattaaq suliassaq eqqartuussisunut saqqummiunneqassasoq. Noqqaassut aalajangiinerup nalunaarutaareerneraniit kingusinnerpaamik sapaatit akunnerisa sisamat qaangiunneranni tuniunneqassaaq pisortatut oqartussaasumut suliassami aalajangiisusimasumut, aammalu tamanna pereerpat suliassap kapitali 38-mut aamma 39-mut naapertuutumik suliarineqarnissaanik sulissutiginnittussamut. Peqatigisaanik maalaarutaasinaasoq imm. 2 malillugu naammassineqassaaq.

§ 315. Unnerluussuteqarnissamik aalajangerneq imaluunniit §§ 312-313 malillugit aalajangerneq allanngortinneqarsinnaavoq rigsadvokatimit imaluunniit inatsiseqarnermut ministerimit. Taamaattori unnerluussummik taamaatitsisoqartillugu imaluunniit unnerluussinissamik tunuartitsisoqartillugu allannguuteqartitsinissaq aatsaat pisinnaavoq tamatuminnga nalunaarut pasisamut nalunaarutiginnissutaassappat, unnerluussummik taamaatitsinerup imaluunniit unnerluussinissamik tunuartitsinerup pineqartumut nalunaarutaareerneraniit kingusinnerpaamik qaammatit pingasut qaangiutsinnagit, piffissaq eqqorlugu nalunaarutiginninnissaq pasisaq atugarisaanit akornuserneqanngippat.

Imm. 2. Inatsiseqarnermut ministeri unnerluussummik taamaatitsisarneq, unnerluussinissamik tunuartitsisarneq aammalu unnerluussuteqartarneq pillugit erseqqinnerusunik malittarisassiorsinnaavoq, matumunnga ilanngullugit suliassanik taama ittunik rigsadvokatimut imaluunniit inatsiseqarnermut ministerimut saqqummiussinissamut pisussaaneq pillugu malittarisassanik.

Inuinnaat pinerlunnernik suliassiissutaannik pisortatigoortumik malersuisarneq

§ 316. Iliuuseqarneq inatsisinik unioqqutitsinertalik inuinnaat unnerluussissutigisassat aamma inatsisinik unioqqutitsinertaqarpat, pisortatigoortumik unnerluussissutigisassamik, politiit inuinnartut unnerluussuteqarsinnaatitaasumiit noqqaavagineqarnermikkut inatsisinik unioqqutitsinernik taakkuninnga ataatsimoortitsillutik malersuisinnaapput.

Imm. 2. Inuinnaap illuatungiliuttup pisuni imm. 1-imik taaneqartuni suliassaq sumulluunnit killikkaluarpat malersuineq, aallarteqqusimasani, unitsisinnaavaa.

§ 317. Inatsisinik unioqqutitsinermik inuinnat malersorniarsinnaasaannik pisortatigoortumik unnerluussutiginnittoqarsinnaavoq, tamanna pingaartitassat nalinginnaasut pisariaqartissappassuk. Tamannali atuutissanngilaq inuinnat unioqqutitsineq pillugu suliassiissutaanni eqqartuussuteqartoqareersimappat.

Imm. 2. *Imm.* 1 malillugu pisortatigoortumik malersuiniarneq aallartereersillugu inuinnaq unnerluussuteqarsinnaatitaajunnaassaaq. Politiit malersuilertertik unitsippassuk inuinnaq unnerluussuteqarsinnaavoq imaluunniit unnerluussutiminik nangitsisinnaavoq.

Malersuiniarnerup kingusinnerusukkut taamaatinneqartarnera

§ 318. Suliassami eqqartuussuteqartoqanngikkallartillugu pinerlunnermik suliassamik malersuineq taamaatinneqarsinnaavoq. Malersuineq eqqartuussutissap isumaqatigiinnutigineqalereerneragut taamaatinneqarpat eqqartuussisut pinngitsuutitsisummik eqqartuussuteqassapput. Pisuni allani eqqartuussisut noqqaavigineqarnermik kingorna malersuilersimanermik taamaatitsineq pillugu allakkatigut nalunaarusiortassapput.

Akerleriinnik isumaqatigiissitsiniartarneq

§ 319. Inatsiseqarnermut ministerip Namminersornerullutik Oqartussat oqaloqatigereerlugit akerleriinnik isumaqatigiissitsiniartarneq pillugu misilgummik aaqqineq aallartissinnaavaa.

Kapitali 32

Pasisaq taassumalu illersuisua

Illersisoqarsinnaatitaaneq

§ 320. Kinaluunniit pinerluuteqartutut pasisaasoq illersuisussaminik eqqartuussinermi najuussinnaatitaasumik nammineerluni toqqaasinnaatitaavoq imaluunniit malittarisassat ataani allassimasut malillugit eqqartuussisunit taama ittumik ivertitsivigineqartussaavoq.

Imm. 2. Politiit pasisaq ilitsersussavaat eqqartuussisunit illersuisussalerneqarsinnaanera pillugu. Politiit nalunaarusiaanni allassimassaqaq pasisaq eqqortumik ilitsersorneqarsimasoq. Politiit pasismik ilitsersuisarnissaat pillugu inatsiseqarnermut ministeri erseqqinnerusunik malittarisassiuissaqaq.

Imm. 3. Pasisaq tamatuminnga kissaateqarpat imaluunniimmik suliassaq taamaasiornissamut tunngavis-saqartitsippat politiit illersuisuliinissamik apeqqut eqqartuussisunut saqqummiutissavaat. Aamma taamaassaaq pasisaq pisariaqarneratut illersisoqarnersoq nalornissutigineqarpat.

Imm. 4. Eqqartuussisut politiit pasiarlu illersuisussamik ivertitsineq pillugu tamatuminngalu itigar-titsineq pillugu kalerrittassavaat.

Imm. 5. Eqqartuussisut namminneerlutik sulissuteqarnermikkut inuit illersuisutut eqqartuussinermi najuussinnaatitaanngitsut ivertinneqarnissaat itigartitsissutigisassavaat.

Illersuisussamik ivertitsineq

§ 321. Eqqartuussisut pasisaq illersuisulissavaat, pasisaq nammineerluni ornigussinnaatitaasumik ill-ersuisussaminik, suliassami orniguttartussamik, pissarsisimanngippat, aamma

1) tigummigallagaanissaq imaluunniit tamatumunnga taarsiullugu iliuusissatut piareersaatit pillugit, imaluunniit tigusarininnerup atuutiinnarnissaa pillugu noqqaassuteqartoqarpat,

- 2) suliassami unnerluussuteqartoqarsimalluni unnerluutigineqartoq tamatumani pisuutaassappat ilimagineqartariaqarluni akiliisitaanermiit, arsaagaanermiit, biilersinnaanermut allagartamik arsaagaanermiit taarsiissuteqarnissamiit sakkortunerusunik inatsisitigut kinguneqartitsisoqassasoq,
- 3) unnerluussuteqarnissaq sioqqullugu upternarsaasiisoqassappat eqqartuussutissap isumaqatigiinnutigineqarnerani atugassanik, illersuisumik aggersaanissaq eqqartuussinissamut kinguartitsissutaassangippat, upternarsaatissat annaaneqarnerannik kinguneqartumik.

Imm. 2. Pisut imm. 1-imni taagorneqartut saniasigut eqqartuussisut pasisaq, unnerluussuteqartoqal-ersinnagu aammalu unnerluussuteqartoqareerneragut, illersuisulersinnaavaat, tamanna suliassap suususaa, pasisp inuttut atugarisai pissutsilluunniit allat naapertorlugit kissaatiginartissasorineqarpat.

Imm. 3. Eqqartuussisut imm. 1 aamma 2 malillugu isumaqarpata suliassami illersuisussamik iver-titsinissaq tunngavissaqanngitsoq aalajangiineq pasisamit politiinillu eqqartuussivimmum quilli-nerusumut suliassiissutigineqarsinnaavoq.

§ 322. Eqqartuussivinni illersuisumik akuerisamik iver-titsisoqartassaaq.

Imm. 2. Suliassani immikkut illuinnartumik ilungersunassusilinni eqqartuussisut eqqartuussissuser-isumik illersuisussanngortitsissapput, illersuinissaq pissutigalugu tamanna pisariaqartinneqarpat.

Imm. 3. Eqqartuussisut imm. 2 malillugu aalajangiineri pasisamit, taassuma illersuisuanit § 327 malil-lugu eqqartuussivik avaqqullugu siunnersortinngortitaasimasumit politiinillu eqqartuussivimmum quilli-nerusumut suliassiissutigineqarsinnaapput.

§ 323. Kalaallit Nunaanni Eqqartuussivimmi aamma Kalaallit Nunaata Eqqartuussisuuneqarfiani eqqartuussissuserisumik imaluunniit illersuisumik akuerisamik, inatsisilerituutut soraarummeernermi angusisimasumik, illersuisuliisoqartassaaq.

Imm. 2. Suliassani, illersuinissaq pissutigalugu nangaanartoqarnanngitsuni, illersuisumik akuerisamik inatsisilerituutut soraarummeernermi angusisimanngikkaluartumik iver-titsisoqarsinnaavoq.

Imm. 3. Eqqartuussisut illersuisumik inatsisilerituutut soraarummeernermi angusisimanngikkaluar-tumik iver-titsinerat pasisamit, taassuma illersuisuanit aammalu § 327 malillugu eqqartuussivik avaqqulugu siunnersortinngortitaasumit eqqartuussivimmum quilli-nerusumut suliassiissutigineqarsinnaavoq.

§ 324. Pasisap inummik aalajangersimasumik illersuisulerneqarnissaq kissaatigippagu noqqaassut ajornartinnagu akuersaarniarneqartariaqarpoq.

Imm. 2. Inummik aalajangersimasumik iver-titsisoqassappat piumasaqaatigineqarsinnaavoq pineqartup taassuma akissarsiassanik, eqqartuussisut illersuisussatut toqqagaannut aningaasartuutit qaangerlugit aningaasartuutinut tunngasunik, pisortanut piumasaqaateqarnissani tamakkiisumik ilaannakortumillu-niit taamaatiinnassagaa, matumunnga ilanggullugit angalanermut unnuinermullu il.il. aningaasartuutit.

Illersuisumik ilaaqqusinnginnej

§ 325. Eqqartuussisut illersuisoq aalajangersimasoq iver-tikkumanngissinnaavaat imaluunniit suliassap suliarineqarnerani sukkulluunniit aalajangersinnaallutik iver-titsisimaneq atorunnaassasoq, illersuisuu-sup peqaataanera eqqartuussisaatsikkut pingaartitassat aallaavigalugit suliassap eqqortumik suliarineqarnis-saanut isumannaatsususorineqanngippat, imaluunniit erseqqisumik aarleqqutigisariaqarpat pineqartup taassuma suliassap paasinarsarneqarnissaa akornusersussagaa aamma akerlilersussagaa.

Imm. 2. Imm. 1 malillugu aalajangiineq Immikkut Ittumik Eqqartuussivimmum Maalaaruteqarf-iineqarsinnaasumut, tak. danskit eqqartuussisarnermiit inatsisaanni § 1 a, suliassiissutigineqarsinnaavoq aalajangiinerup nalunaarutigineqarneraniit kingusinnerpaamik sapaatit akunneri marluk qaangiunnerini. Suliassaq suliarineqassaaq aalajangeqqitassanngortitsisarneq pillugu malittarisassat malillugit pissutsit assigiinngissutaasa nassatarisaannik allangguutitalerlugit. Maalaaruteqartarfiup taaneqartup aalajangiin-era ingerlateqqitassanngortinnejqarsinnaanngilaq.

§ 326. Eqqartuussisut illersuisumik, pasisap nammineq toqqarsimasaanik, ivertitsinissaq itigartitsisutigisinnaavaat pineqartoq taanna suliassami § 322, imm. 2-mi pineqartutut ittumi illersuisussanngortiaanissamut piumasaqaatinik naammassinnngippat. Tamanna aamma atuuppoq illersuisussatut toqqakkamut, § 323-mi aalajangersakkat malillugit suliassami ivertinneqarsinnaataitaassanngitsumut.

Imm. 2. Eqqartuussisut illersuisussatut toqqagaq suliassap suliarineqarnerani qaqugukkulluunniit itigartissinnaavaat, § 325, imm. 1 malillugu ivertitsinerup itigartitsissutaanissaanut imaluunniit atorunnaarsinnejarnissaanut piumasaqaatit naammassineqarsimappata. § 325, imm. 2-mi aalajangersagaq tamumani taamatulli atortinneqassaq.

Eqqartuussivik avaqqullugu siunnersortissamik ivertitsineq

§ 327. Illersuisumut, inatsisilerituutut soraarummeernermi angusisimanngitsumut, eqqartuussivik avaqqullugu siunnersorti ivertinneqarsinnaavoq suliassani, suliassap ilungersunartuunerata nassatari-saatut illersuinissaq pissutigalugu nangaanartoqarnanngitsuitiani. Eqqartuussivik avaqqullugu siunner-sortinngortinnejassaaq eqqartuussissuserisoq imaluunniit illersuisussatut akuerisaq, inatsisilerituutut soraarummeernermi angusisimasoq.

Imm. 2. Eqqartuussissuserisoq eqqartuussisoqarfimmi, suliassap suliarineqarfissaani, allaffeqarpal imm. 1-im i taaneqartutut pisoqartillugu eqqartuussissuserisoq suliassami illersuisussatut taarsiullugu ivertinneqarsinnaavoq.

Imm. 3. Eqqartuussisut imm. 1 malillugu aalajangiinerat pasisamit, taassuma illersuisuanit politiinillu eqqartuussivimmut qulliunerusumut suliassiissutigineqarsinnaavoq.

Imm. 4. Eqqartuussivik avaqqullugu siunnersortinut § 325 taamatulli atortuutinnejassaaq.

Najugarisami ikiortimik ivertitsineq

§ 328. Najugarisami illersuisumut ikiortissaq ivertinneqarsinnaavoq illersuisup eqqartuussutissamik isumaqatigiinniuteqarnerup avataani suliassai piffimmi, illersuisup najunngisaani, ingerlanneqassatil-lugit. Najugarisami ikiortissatut ivertinneqassaaq inuk illersuisutulli peqataasinnaatitaasoq.

Imm. 2. Najugarisami ikiortinut § 325 taamatulli atortuutinnejassaaq.

Akooqqusaannginneq

§ 329. Suliassami kinaluunniit illersuisutut iliuuseqassanngilaq, pineqartoq nammineq

- 1) pinerluuteqarnermi pinerlineqartuusimaguni,
- 2) pinerlineqartumut ima attaveqaruni, eqqartuussisup suliassami iliuuseqanngitsoorutigisinnaasaanik,
- 3) suliassami ilisimannittutut, misissuisartutut naliliisartutullu nassuaajartoqquneqarsimaguni,
- 4) suliassami unnerluussisutut imaluunniit pinerlineqartoq eqqartuussinermi sinnerlugu pisinnaatitatut imaluunniit politiini atorfeqartitatut imaluunniit eqqartuussisutut imaluunniit eqqartuussisooqataasutut iliuuseqareersimaguni,
- 5) pinerlunnermik suliassami allami pasisaasumut, maanna pasisaasup soqtigisaanut akerliusunik soqtigisalimmut, illersuisuusimaguni,
- 6) unnerluussisumut imaluunniit suliassami pinerlineqartunut aappaaguni imaluunniit aapparisatut inoo-qataaguni imaluunniit ilaquaaguni imaluunniit appariinnikkut siulimigut kinguaamigulluunniit imaluunniit siulimi qatanngutaasigut qanittumik ilaquaaguni.

Imm. 2. Inuit arlallit suliassami ataatsimi pasisaagunik taamaallaat ataatsimut illersuisoqarsinnaapput pasisaasut soqtigisaat suliassap suliarineqarnerani akerleriinngippata.

Imm. 3. Inuit imm. 1-im taaneqartut akuusinnaataannginnerat pillugu eqqartuussisut aalajangiineri pasisamit, inummit pineqartumit politiinillu eqqartuussivimmut qulliunerusumut suliassanngortin-neqarsinnaapput.

Illersuisutut il.il. atorfimmik atornerluineq

§ 330. Inuk, illersuisutut atorfimminik atornerluilluni suliassap paasinarsarneqarnissaanik akornuser-suisoq imaluunniit illersuisutut pisussaaffimminik sumiginnaasoq pinerluttulerinermi inatsimmi kapitali 11 malillugu pineqaatissinneqarsinnaavoq.

Illersuisumut il.il. akissarsiarititat

§ 331. Illersuisussangortitaq, eqqartuussivik avaqqullugu illersuisumut siunnersortissatut ivertin-neqartoq aammalu najugarisami illersuisumut ikiortissatut ivertitaq naleqquttumik annertussusilinnik akissarsiaqarnissamik aammalu aningaasartuutiminut taartisisinneqarnissamik piumasaqarsinnaavoq. Akissarsiassat suliassap naammassineqarnerani eqqartuussivimmit aalajangerneqassapput.

Imm. 2. Angalanermut unnuinermullu il.il. aningaasartuutit ivertitsineq naapertorlugu aningaasar-tuutissatut pisariaqartutut kisimik eqqartuussisunit akuerineqartut akilerneqartassapput.

Imm. 3. Illersuisumut aningaasartuutit § 480 malillugu pisortanit akilerneqassapput.

Imm. 4. Inuit imm. 1-imik taaneqartut aningaasat eqqartuussisut annertussusiligaasa saniasigut akissar-siaqarniarsinnaanngillat imaluunniit aningaasartuutigisimasaminut taartisiaqarsinnaanngillat. Angalan-ermet unnuinermullu il.il. aningaasartuutinik pisortanit piumasaqarsinnaaneq § 324, imm. 2 malillugu tamakkiisumik ilaannakortumilluunniit taamaatinneqarsimattillugu pasisap illersuisullu isumaqatigiis-utigisinnaavaat aningaasartuutit taamaattut, pisortanit matussuserneqartussaanngitsut, pasisap akilissa-gai.

§ 332. Illersuisussatut nammineq toqqakkamut akissarsiarititassat pisortat susassarinngilaat.

Imm. 2. Pasisap nammineq illersuisussaminik toqqaasimanera pissutsit naapertorlugit naapertuuttuuso-rineqaraangat eqqartuussisut taanna pisassaqtissinnaavaat aningaasanik, illersuisup eqqartuussisunit toqqarneqarsimasup pisassaaniit annertunerunngitsunik. Aningaasat § 480 malillugu pisortanit akilern-eqassapput.

Kapitali 33

Pinerlineqartup inissisimaffia

Pinerlineqartumut ikorsiineq

§ 333. Nakuusernermut imaluunniit taamaaliornissamik qunusaarinermut tunngatillugu pinerluttuler-inermi inatsimmi § 37-mik imaluunniit §§ 74-imik, 77-81-imik, 84, imm. 1-imik, tak. 12, 88-89, 90, imm. 3, 91-92, kiisalu 112-imik unioqqutitsineq pillugu suliassani eqqartuussisut pinerlineqartumiit noqqaavagineqarnikkut illersuisumik iverttsisassapput taassumunnga tapersersuillunilu ilitsersuisuusus-samik, iverttsisoqassangilarli inatsisinik unioqqutitsineq ilungersunartuunngippat imaluunniit illersui-sumik ikiortissaqtitsinissaq pisariaqannngitsutut isigineqartariaqarpat. Pinerlineqartoq 15-it inorlugit ukioqarpat illersuisussamik iverttsivigineqarsinnaatitaavoq, suliassaq pinerluttulerinermi inatsimmi §§ 74-imut aamma 77-81-imut tunngasuuppat.

Imm. 2. Politiit pinerlineqartoq ilitsersortassavaat illersuisussamik iverttsisinnaaneq pillugu. Sulias-samit ersersinneqartassaaq taamatut ilitsersuisoqarsimasoq.

Imm. 3. Politiit pinerlineqartup iverttsivigineqarnissamik noqqaassutaa eqqartuussisunut suliassiis-utigissavaat.

Imm. 4. Illersuisoq naleqquttumik akissarsiaqartussaatitaavoq aammalu aningaasartuutiminut taartisis-inneqartussaatitaavoq. Angalanermut unnuinermullu il.il. aningaasartuutit aatsaat akilerneqarsinnaapput aningaasartuutaasut pisariaqartumik aningaasartuutit eqqartuussisunit akuersissutigineqarsimappata.

Akissarsiassat eqqartuussisunit annertussusilerneqassapput suliassap naammassineqarnerani pisortaniillu akilerneqassallutik.

Imm. 5. Inatsiseqarnermut ministeri illersuisup suliassai piginnaatitaaffiilu pillugit erseqqinnerusunik malittarisassiorsinnaavoq.

Inuinnaat piumasaqaataat

§ 334. Eqqartuussisut pinerlineqartoq pinerlunnermi ajoquersimaneranut taarsiissutinik, unnerluutigineqartup akiligassaanik, pinerlunnermik suliassap suliarineqarnerani pisassisinnavaat. Pinerlineqartup tamanna noqqaassutigippagu politit piumasaqaataasoq suliassap ingerlanerani atuuttusanganngortinniassavaat. Taarsiissutissat isumaqatigiissutaasinnaangippata taarsiissutissat pillugit apeqqut suliassap ingerlanerani aalajangiiffigineqassaaq, unnerluutigineqartoq pisumi taarsiivigineqarnissamik piumasaqaatinut tunngaviusuni pisuutaanngikkaluarpalluniit. Pisunuerup aalajangiiffigineqarnissaa sioqqullugu imaluunniit aalajangiiffigineqareerpat taarsiissutissat aalajangiiffigineqarsinnaapput.

Imm. 2. Pisunili immikkut ittuni, taarsiivigineqarnissamik piumasaqaat pigisanik aseruinermut tunngasuutillugu aammalu inatsisitigut upternarsaatissatigulluuunniit nalornisoorutissaqartillugu, eqqartuussisut isumaqatigiissitsinialussinnareerlutik taarsiivigineqarnissamik piumasaqaat pillugu pinerlunnermik suliassap suliarineqarnerani aalajangiumanngissinnaapput. Eqqartuussisut tamatuminnga aalajangiinerat tunngavilersorneqarsimassaaq. Aalajangiineq nunatta eqqartuussisuuneqarfianut aalajangeqqitasanganngortinneqarsinnaavoq. Taarsiivigineqarnissamik piumasaqaat saqtsaassutaasoq pinerlunnermik suliassap suliarineqarnerani aalajangiivigineqanngippat pinerlineqartoq immikkoortoq III-mi malittarisassat malillugit saqtsaannermik suliassiissuteqarsinnaavoq.

Imm. 3. Piumasaqaataasumut naatsorsuusiamik ajornanngippat sanasoqartassaaq aamma taakkununga upternarsaatitassat saqqummiunneqartassapput. Naatsorsuusiaq upternarsaatissallu unnerluutigineqartumut nalunaarutigineqartassapput eqqartuussisunullu tunniunneqassallutik unnerluussisutip upternarsaatissallu allattorsimaffiata tunniunneqarnerannut peqatigitillugit, tak. §§ 441 aamma 443.

§ 335. Pinerlineqartup pinerlunnermik suliassap suliarineqarnerani pinerliisumut piumasaqaatai, inuinnartut unnerluutiginnissutaasussat, pinerlunnermik suliassatulli iliorluni malersorniarneqassapput, tak. § 302.

Taarsiissuteqartarneq pillugu politit ilitsersuisarnerat

§ 336. Politit inuinnaat piumasaqaateqarsinnaanerannik pinerlunnermik suliassap suliarineqarnerani ilitsersuisassapput, tak. § 334.

Imm. 2. Politit tamatuma saniatigut ilitsersuisassapput taarsiivigineqarnissamik Nakuuserfigineqarsimasut Taartisinissaannik Aalajangiisartunut qinnuteqarsinnaatitaaneq pillugu, tak. Pinerluffigineqartunut taarsiissuteqartarnermik inatsimmi § 10, imm. 3.

Imm. 3. Suliassamit ersersinneqartassaaq imm. 1 aamma 2 malillugit ilitsersuisoqarsimasoq.

Kapitali 34

Paasiniaasarneq killisiuisarnerillu pillugit aalajangersakkat nalinginnaat

Inatsisinik unioqqutitsinernik nalunaarutiginnittarnerit

§ 337. Inatsisinik unioqqutitsinernik nalunaarutiginninnerit politiinut tunniunneqartassapput.

Imm. 2. Politit nalunaarutiginnineq itigartitsissutigisassavaat paasiniaanerup aallarnerneqarnissaa tunngavissaqarsorineqanngippat.

Imm. 3. Nalunaarutiginnissut itigartitsissutaappat inuit tamatumani soqutigisaqarsorineqartut ilisimat-neqartassapput. Aalajangiineq unnerluussisussaatitamut qullersaasumut maalaarutigineqarsinnaavoq malittarisassat § 65-imiittut malillugit.

Paasiniaanermik aallarniisarneq unitsitsisarnerlu

§ 338. Politiit nalunaarutiginnissuteqarnerup kingorna imaluunniit namminneerlutik sulissuteqarner-mikkut paasiniaaneq aallarnertassavaat, tunngavissaqartumik pasitsaassigunik inatsisinik unioqqutit-sisoqarsimasoq, pisortatigoortumik unnerluussutaasussamik.

Imm. 2. Paasiniaanerup siunertaraa pinerluttulerinermi inatsit malillugu pineqaatissiinissamut piuma-saqaatit atuunnersut paasiniassallugu, aammalut paasissutissanik suliassap aalajangiivigineqarnissaani atugassanik pissarsiniassalluni kiisalu suliassap eqqartuussivikkut suliarineqarnissaanut piareersaaneq.

Imm. 3. Paasiniaaneq aallarneriigaq ingerlatiinnassallugu tunngavissaqanngippat paasiniaanermik unitsitsinissaq politiinit aalajangiivigineqarsinnaavoq, pasillummik ingerlatitsisoqareersimassanngippat. Pasilliut ingerlanneqalereersimappat aalajangersakkat §§ 312-imi aamma 313-imiittut atortuutinneqas-sapput. § 337, imm. 3, taamatulli atortuutinneqassaaq.

Politiit nalunaarusiaat

§ 339. Politiit killisiuinerit allatigullu paasiniaanerni alloriarnerit pillugit piaarnerpaamik nalunaaru-siortassapput, tamakku pillugit paasissutissat allatut iliornikkut pigineqareersimanngippata.

Illersuisup piginnaatitaaffii

§ 340. Illersuisoq suliassami politiit paasissutissaataannik paasiniaasinjaatitaavoq. Paasissutissat akornutaanngitsumik nuutsinneqarsinnaappata taakku nuutsinneqarneri illersuisumut nassiunneqartas-sapput. Illersuisoq politiinit akuerineqaqqartinnani tigusaminik pasisamut allanulluunniit tunniussaqas-sanngilaq.

Imm. 2. Illersuisoq politiit pasisamik killisiuineranni najuussinjaatitaavoq aammalut allanik apeqquteqarsinnaatitaavoq. Noqqaavigineqarneq naapertorlugu illersuisoq ilisimatneqartassaaq kil-lisiuinerit qaqlugu pissasut. Pasisaq tigummigallagaappat aammalut aalajangiisoqarsimappat immik-kortinnejarluni kisimiitinneqassasoq, tak. § 373, pasisaq illersuisuusoq najuutinnagu killisornejassanngilaq, pasisaq illersuisorlu tamatumunnga akuersisinneqareersimanngippata.

Imm. 3. Killisiuineq kinaassusersiisitsineq, assimik takutitsineq allatulluunniit paasiniaanermi iliuuseq assingusumik pingaarutilik uppermarsaatitut eqqartuussutissap isumaqatigiinniutigineqarnerani atorn-eqassangatinneqarpat, politiit tamanna pilersinnagu illersuisumut kalerrissappat, taamaasilluni iller-suisoq najuunnissaminut periarfissaqarsinnaaqquullugu. Illersuisoq paasiniaanermi iliuuseqarnissap pin-eqartup naammassiniarnissaa pillugu siunnersuuteqarsinnaatitaavoq. Illersuisup tamanna pillugu oqaaseqaatai politiit nalunaarusiaanni allanneqartassapput. Illersuisoq najuunnissaminut periarfissaqan-ngippat imaluunniit illersuisumut kalerrinissaq ajornassappat paasiniaanermi iliuuseriniakkat taamaal-laat kinguartinneqarsinnaanngitsut ingerlanneqassapput, illersuisorlu iliuuserisimasanik kinguarsarani ilisimatneqassaaq.

Imm. 4. Naalagaaffinnik allanik qajassuussinissap, naalagaaffiup isumannaatsuunissaanik imaluunniit suliassap qulaarneqarnissaanik soqutiginninnerup imaluunniit inuup pingatsiutup qaqtigoortumik pisariaqartilerpagu malittarisassat imm. 1-imi aamma 3-miittut sanioqqunneqarsinnaapput, imaluunniit politiit illersuisumut peqqusinnaapput taassuma paasissutissat, politiinit pisimasani, ingerlatitseqqis-sanngikkai. Peqqussut sivitsorneqarsinnaavoq unnerluutigineqartup eqqartuussutissamik aalajangi-iniarnermi nassuaateqareernissaata tungaanut.

Paasiniaaneq pillugu isumaqatigiinnginngi

§ 341. Politit paasiniaanermanni iliuuserisaat inatsisinut naapertuuttuunersut pillugu aamma pasisap illersuisullu piginnaatitaaffii pillugit isumaqatigiinngissutit eqqartuussisut aalajangiiffigisassavaat, matumunnga ilanngullugittaaq illersuisup pasisalluunniit suli allatigut paasiniaasoqarnissamik iliuuserequsaat. Aalajangiissuteqarnikkut aalajangiisoqartassaaq, noqqaassuteqartoqarnera naapertorlugu tunngavilersorneqartussamik.

§ 342. Eqqartuussisunit paasineqarpat iliuuseqarneq, inatsit manna naapertorlugu politiinit aallarnern-eqarsimasoq eqqartuussisunillu akuersissutigineqartussaaq, eqqartuussisunut saqqummiussinissamut piffissarititaq qaangiutsinnagu saqqummiunneqarsimangnitsoq, eqqartuussisut politiinut nasuiaateqaqqusereernikkut aalajangiiffigissavaat iliuuserineqartoq ingerlaannassanersoq imaluunniit unitsinnejassanersoq.

Paasiniaanerup nalaani eqqartuussinerit

§ 343. Eqqartuussisoqartassaaq noqqaassuteqartoqaraangat iliuuserisassat, eqqartuussisunit peqataaf-figineqartariaqartut, pillugit.

Imm. 2. Aammattaaq noqqaassuteqarneq naapertorlugu eqqartuussisoqartassaaq

- 1) uppermarsaatissanik, annaaneqarnissaat annilaanngatigineqarsinnaasunik imaluunniit annertuumik pisarissersoqqaartinnani imaluunniit kinguaattooqqaartinnani eqqartuussisinnaatitaasunut imaliinnar-lugu saqqummiunneqarsinnaanngitsunik, qularnaarinissaq pisariaqaraangat,
- 2) paasiniaanermut pingaaruteqartutut isumaqarfingineqaraangat,
- 3) pisortat soqutigisaat pillugit naleqquttusorineqaraangat, imaluunniit
- 4) pasisaq allaniit immikkoortillugu tigummigallarneqarpat, aamma uppermarsaatikanik qulakkeerinissaq immikkoortitsilluni kisimiititsinerup atorunnaarsinneqarnissaanik apeqqummut pingaaruteqarsinnaa-gaangat.

§ 344. Pasisaq eqqartuussinissat tamaasa pillugit ajornanngippat ilisimatinniarneqartassaaq taak-kununngalu najuunissaminut piginnaatitaassaaq. Tamanna atutissanngilaq eqqartuussinernut kapitalit 36 aamma 37 kiisalu §§ 417-427 malillugit pinngitsaaliiinkut iliuuseqarnissaq pillugu eqqartuussisut aalajangiinissaat siunertalarugu ingerlanneqartunut tunngatillugu. Pasisaq tigummigallagaappat politit pineqartoq eqqartuussinermi najuutsinngitsoorsinnaavaat, najuutsitsinissaq naleqqutinngitsunik ajornar-torsiutitaqassappat.

Imm. 2. Eqqartuussisut noqqaavigineqarneq naapertorlugu aalajangersinnaavaat pasisaq eqqartuussinissamik ilisimatinneqassanngitsoq imaluunniit pasisap eqqartuussineq tamarmiusoq ilaannaaluunniit najuuffigissanngikkaa, tamanna naalagaaffinnut allanut pissutsinit, naalagaaffiup isumannaatsuunisaanit imaluunniit suliassap qulaarniarnissaanut pingaartitassanit qaqtigoortumik pisariaqartinneqas-sappat.

Imm. 3. Pasisaq eqqartuussinermi najuussinnaatitaasimangippat eqqartuussisut, pasisaq najuuppat taamaanngippallu politit, pasisaq piaernerpaamik ilisimatissavaat eqqartuussisut suliaannik allassimaf-fimmi qanoq allassimasoqarnersoq. Taamaattorli pingaatitassat immikkut ittut, najuutinngitsoor-titsinermut pissutaasimasut, suli atuuppata eqqartuussisut aalajangersinnaavaat pasisaq tamatuminnga ilisimatinneqassanngitsoq, soorluttaaq eqqartuussisut illersuisoq peqqusinnaagaat pasisaq eqqartuussinermi pisimasunik ilisimatissanngikkaa. Peqqussuteqarneq sivitsorneqarsinnaavoq unner-luutigineqartup eqqartuussutissamik isumaqatigiinniartoqarnerani nassuaateqareernissaanut.

Imm. 4. Eqqartuussisut pasisaq peqqusinnaavaat eqqartuussinermut orniguteqquillugu. Peqqussut sius-innerusukkut eqqartuussinermi tunniunneqarsimangippat, tamanna allakkatigut nalunaarutigineqas-saaq. Pasisaq sivikinnerpaamik eqqartuussinissaq aqaguttoq unnukkut aggersarneqassaaq. Taamaattorli eqqartuussisut allamik kaleriinissamut piffissaliisinnaapput imaluunniit pasisaq ingerlaannaq orniguteqqusinnaavaat. Aggeqqusissut pasilliutaasoq pillugu paassisutissanik imaqassaaq. Pasisaq tak-kutinngitsoorpat pineqartoq § 352 malillugu tigusarineqarsinnaavoq.

§ 345. Illersuisoq eqqartuussinissanik tamanik ilisimatinneqartassaaq aamma taakkununnga na-juussinnaatitaavoq. Illersuisup kalerrinneqarnissaa ajornarpal eqqartuussinerit kinguartinneqarsinnaan-ngitsut taamaallaat ingerlanneqartassapput. Taamaattorli eqqartuussinernut § 344, imm. 1-im i oqaaseqatigiit aappaanni taaneqartunut tunngatillugu malittarisassaq sonioqqunneqarsinnaavoq, tamanna naalagaaffinnut allanut, naalagaaffiuq isumannaatsuunissaanut imaluunniit suliassap paasineqarnis-saanut soqtiginninnermit pisariaqartinneqarpat imaluunniit inuup allap qaqtigoortumik pisariaqartis-sappagu. Aalajangiineq eqqartuussisut politiinit noqqaavigineqarnermik kingorna aalajangiinerissavaat. Illersuisoq aatsaat eqqartuussisunit akuerineqarnikkut paasissutissanik eqqartuussinerni, pasisaasup peqataaffiginngisaani, pissarsiaasunik ingerlatitseqqiisinnaavoq.

Imm. 2. Illersuisoq piginnaatitaavoq oqaaseqaatiminik saqqummiussinissaminut aammalu taakkunin-nga eqqartuussisut suliaannik allassimaffimmuit naatsumik issuaasitsinissaminut. Eqqartuussisut aala-jangissavaat tamanna eqqartuussinerup ingerlanerani qaqugukkut pissanersoq.

Politiini killisiuinerit

§ 346. Politiit killisiuisinnaapput, kisianni nassuaateqaqqusillutik peqqussisinnaanngillat. Oqaaseqar-titsiniaanermi pinngitsaalineq atorneqassanngilaq. Taamaattorli kinaluunniit noqqaavigineqaruni pisus-saavoq ateq, najugaq aammalu inuuik politiinut ilisimatitsissutigissallugu. Taamatut noqqaas-suteqarnermik itigartitsineq akiliisitsissutaasinnaavoq.

Imm. 2. Nassuaatigineqartut pingaarerusortaat nalunaarusianut allanneqartassapput. Nassuaatit im-mikkut ittumik pingaarutilittaat killisiorneqartup nammineq oqaasii sapinngisamik atorlugit issuarneqar-tassapput.

Imm. 3. Killisiorneqartoq nassuaatit issuarneqarnerannik ilisimatinneqarnissaminik periarfissinneqar-tassaaq. Killisiorneqartup naqqutigisinnaasai ilassutigisinnaasaalu ilanngunneqartassapput. Killisiorn-eqartoq nalunaarusiamik atsiuinissaminut neqeroorfigineqartassaaq, ilisimatinneqassallunili tamanna pisussaaffiginngikkaa. Nalunaarusiamit takuneqarsinnaassaaq malittarisassat tamakkua malinnejqarsima-sut.

Imm. 4. Nassuaatinik båndimut assigissaannulluunniit immiussineq aatsaat pisinnaassaaq killisiorn-eqartoq tamatuminnga ilisimatinneqareeraangat.

§ 347. Politiit pasisamik killisiuersinnagit pineqartoq erseqqissumik ilisimatinneqartassaaq suna pasilliutaanersoq aammalu pineqartoq oqaaseqaateqarnissamut pisussaatitaanngitsoq. Nalunaarusiamit takuneqarsinnaassaaq malittarisassat taakkua malinnejqarsimasut.

Imm. 2. Inatsiseqarnermut ministeri malittarisassiuissaq pisuni suni kommune kalerrinneqartassasoq aamma pasisamik 18-it inorlugit ukiulimmik killisiuinermit najuusinnaassasoq.

Imm. 3. Pasisamut apeqqutit imatut apeqqutigineqassanngillat ilimagineqarluni miserratigisaq imaluunniit nassuerutigumanngisaq nassuerutigineqassasoq. Neriorsuinerit, paasissutissat eqqunngitsut imaluunniit qunusaarinerit atorneqassanngillat.

Imm. 4. Killisiuineq nassuerutitsinissaq anguniaannarlugu sivitsorneqartassanngilaq. Killisiuineri, siviksuararsuunngitsuni, nalunaarusiani piffissat killisiuinerup aallartiffii naammassiffiilu taaneqartas-sapput.

Imm. 5. Pasisaq apeqqutigineqartut akinissaat pillugu illersuisuminut allamulluunniit siunnersoqqus-innaanngilaq.

§ 348. Politiit inummik pasisaanngitsumik killisiuineranni §§ 147, imm. 1, 154 aamma 156, imm. 1 aamma 2 taamatulli atortuutinneqassapput.

Eqqartuussivimi killisiuinerit

§ 349. Eqqartuussivimmi killisiuinerni § 346, imm. 2-4, aamma 347 taamatulli atortuutinnejassapput. Imm. 2. Pasisamik killisiuinerni § 155, imm. 1 aamma 2 taamatulli atortuutinnejassapput.

Kapitali 35

Tigusarinninneq tigummiagassanngortitsinerlu

Tigusarinninneq

Tigusarinninnissamut piumasaqaatit

§ 350. Politiit inummik, inatsisinik unioqqutitsisutut pisortatitoortumik unnerluutigineqarnissamut naammattunik tunngavissaqartutut pasineqartumik, tigusarinnissinnaapput tigusarinninnissaq pisariaqarsorineqarpat unioqqutiseqqinnissaq akornuserniarlugu, inuup najuukkallarnissaa qularnaarniarlugu imaluunniit inuup allanut attaveqarnissaa akornuserniarlugu.

Imm. 2. Aamma taamatut piginnaatitaapput kikkulluunniit inatsisinik unioqqutitsisumik imaluunniit tamatumunnga qularutissaanngitsumik attuumassutilimmik, pisortatigoortumik unnerluutigisassaatiataasumik, naammattuuisut tamarmik. Tigusarineqartoq sapinngisamik piaernerpaamik politiinut tunnunneqartassaaq ilisimatitsissutigineqarluni qanoq ilinerani aammalu suut tunngavigalugit tigusarineqarsimasoq.

Imm. 3. Inuit eqiterunneranni inummut pigisanulluunniit nakuusertoqartillugu imaluunniit nakuusernissamik siorasaarisoqartillugu, aamma kina imaluunniit kikkut pisuusutut qularani tikkuarneqarsinnaatinngit politiit najuuttunik, inatsisaatsuliornermi peqataasutut pasineqarsinnaasunik, tamanik tigusarinnissinnaapput. Aamma taamaassaaq pagginnerni, inuit arlallit peqataaffigisaanni, pagginneq inuarnermik imaluunniit timikkut ajoqseerujussuarnermik nassataqarsimappat.

§ 351. Kinaluunniit atugassarititaasunik nakkutigisassanngortitsilluni, katsorsagassanngortitsilluni imaluunniit inissiussanngortitsilluni eqqartuussummi aalajangersarneqarsimasunik imaluunniit misiligmummiq iperagaanissamik, misiligmummiq angerlartitaanissamik imaluunniit piumasaqaasiinikkut saammaanneqarnissamik aalajangersakkamik unioqqutitsisutut naammaginartunik tunngavissalimmik pasisaasoq politiinit tigusarineqarsinnaavoq, taamatut iliornikkut pisariaqarpat pasisap najuunnissaa qulaakkiissallugu.

Imm. 2. Aamma taamaassaaq najoqqutassanik, inuusuttunut immikkut ittumik ikorsiiniutit eqqartuussummut atatillugu nalunaarutigineqarsimasunik imaluunniit iliuusissatut piareersaatnik § 361 naapertorlugu aalajangersarneqarsimasunik, sumiginnaanerni.

§ 352. Pasisaq inatsisit malillugit aggeqqusaagaluarluni takkutinngitsoorpat eqqartuussisut aalajangersinnaavaat pasisaq tigusarineqassasoq, aggeqqusissummi imaluunniit eqqartuussisoqarnerani nalunaarutaareersimappat pineqartoq taanna nammineerluni ornigutissasoq aammalu takkutinngitsoornermi tigusarineqarnissaq ilimagineqarsinnaasoq.

Imm. 2. Tigummigallaaneq pisariaqartumiit sivilsunerusussanngorlugu sivilsorneqassanngilaq aamma nal. akunnerinit 24-nit sivilsunerusinnaanngilaq.

§ 353. Tigusarinnittooqassanngilaq, kiffaanngissusiianeq suliassap suussusaa pissutsilluunniit naaperlugit naleqqutinngitsumik akuliunnerussappat.

§ 354. Inatsisartunut ilaasortaq kinaluunniit inatsisartut akuersiseqqaartinnagit tigusarineqarsinnaanngilaq imaluunniit qanorluunniit allatut kiffaanngissusiiarneqarsinnaanani, taamaassananili ilaasortaq pineqartoq iliuuseqaleruttortoq pakasarneqarsimappat.

Tigusarinninnermi periaaseq

§ 355. Pissutsit naapertorlugit sapinggisamik qajassuartumik tigusarinnittoqartassaaq.

Imm. 2. Politiit tigusarineqartoq oqaatsit pineqartup paasisinnaasai atorlugit pasilliutaasumik piffisamillu tigusarinniffiusumik sapinggisamik piaarnerpaamik ilimatissavaat. Nalunaarusiamit ersersineqassaaq malittarisassaq tamanna malinneqarsimasoq.

Imm. 3. Politiit § 403, imm. 3, § 406 aamma § 407 isiginiarlugit tigusarineqartup timaanik atisaanillu misissuiffiginnissinnaapput, pineqartup pigisanik nakuusernermut qimaanissamulluunniit atorneqarsinnaasunik imaluunniit tigusarineqartumut allanulluunniit ulorianartorsiortitsissutaasinnaasunik arsaarneqarnissaa siunertarlugu. Politiit pigisat taama ittut aningaasallu, tigusarineqartumi nassaarineqartut, paarisassatut tigusinnaavaat.

Imm. 4. Tigusarinnittoqarnerani pineqartoq taanna, tigusarinninnerup siunertaata torersuutitsinissallu pisariaqarnerata saniasigut, kiffaanngissutsimini allatigut killiliiffigineqanngilaq.

Imm. 5. Politiiniit noqqaassuteqartoqarnera naapertorlugu tigusarinninneq pillugu aalajangiineq eqqartuussisunit aalajangiiffigineqarsinnaavoq.

Iperagaaneq

§ 356. Kinaluunniit tigusarineqartoq iperagaassaaq tigusarinninnermut tunngavissaasoq peerunniariasappat. Piffissaq iperagaaffiusoq nalunaarusiamit ersersinneqassaaq.

Eqqartuussivimmisassartitaaneq

§ 357. Tigusarinninnermiit nal. akuneri 24-t qaangiutsinnagit tigusarineqartoq, tamanna sioqqullugu iperagaasimanngitsoq, eqqartuussivimmisassartinnejartassaaq. Piffissaq tigusarinniffiusoq aamma eqqartuussivimmisassartitaaffiusoq eqqartuussisut suliannik allassimaffimmut allanneqartassaaq.

Imm. 2. Eqqartuussisoqarfimmi pasisap najugarisaani eqqartuussisoqanngippat eqqartuussinermik ingerlatsisinnaasumik, tigusarinninnermiit nal. akuneri 24-t qaangiutsinnagit pasisaq eqqartuussivimmut allamut piffissarititaq qaangiutsinnagu sassartinnejartassaaq ungasianiiit attaveqaatit atorlugit, tak. §§ 128 aamma 163. Tigusarinninnermiit nal. akuneri 24-t qaangiutsinnagit eqqartuussisoqarsinnaanngippat pasisaq eqqartuussiviup inissisimaffigisaata avataaniitsilluni tigusarineqarsimattillugu piffissarititaasoq qaangiutsinnagu ornigutsinnejarsinnaanngimmat, pasisaq piffissarititaasup iluani eqqartuussivimmut sassartinnejartassaaq ungasianiiit attaveqqaatinik atuinikkut, imaluunniit tamanna ajornassappat ungasianiiit attaveqqaatinik atuinikkut eqqartuussivimmut allamut sassartinnejartassaaq, tak. §§ 128 aamma 163.

Imm. 3. Nal. akuneri 24-t qaangiutsinnagit eqqartuussineq imm. 2-mi taaneqartutut ingerlanneqarsinnaanngippat sassarttsisoqartassaaq sapinggisamik piaarnerpaamik, kingusinnerpaamillu sassarttsinissamut akornutaasut atorunnaarneriniit nal. akuneri 24-t qaangiunnerini. Eqqartuussisut suliaannik allassimaffimmi pissutsit, piffissaq eqqorlugu sassarttsinnginnermut pissutaasut, pillugit paasissutissat allanneqartassapput. Taamaattorli tigusarinninneq aallartinnejarnerminiit nal. akuneri 24-t sinnerlugit ingerlatiinnarnejarsinnaanngilaq, aatsaat ingerlatiinnarnejarsinnaavoq tigusarinninnerup imaluunniit tigummigallagaanerup ingerlaannarnissa pillugu piumasaqaatit, tak. §§ 358, imm. 1, 359 aamma 360, politiit naliliinerat malillugu atuuppata.

Tigusarinninnerup ingerlaannarnera

§ 358. Inatsisinik unioqqutitsineq pillugu tigusarinnittoqarsimappat, tigummigallagaatitsinissaq mattunneqarsimanani, imaluunniit § 351 naapertorlugu tigusarinnittoqarsimappat, tigusarineqartorlu ingerlaannaq iperarnejarsinnaasorineqanngippat eqqartuussisut, paasissutissat pigineqartut naammannginnerat allalluunniit pissutigalugit tigummigallagaatitsinissaq pillugu apeqqut ingerlaannaq

isummerfigisinnaasorinngikkunikku, aalajangersinnaapput pasisaq tigummigallarneqaannassasoq. Aalajangiinermi pissutsit tigummigallagaatitsiinnarnermut tunngavissiisut taagorneqassapput. Tigusarininnerup ingerlaannarnissaani § 361 taamatulli atortuutinneqassaaq. Pasisaq paasissutissaasinjaasunik, pissarsiarerutaminik, taagugaqarnissaminut periarfissaqartitaassaaq.

Imm. 2. Kinaluunniit tigummigallarneqaannartussanngortitaasoq, iperagaareersimanngikkuni, eqqartuussisunut sassarteqqinnejartassaaq, eqqartuussisullu siullermeersumik eqqartuussinerup naammassineranit kingusinnerpaamik nal. akunneri 24-t pingasoriarlugit qaangiutsinnagit aalajangiiffigisassavaat tigummigallarneqartoq iperagaatinneqassanersoq imaluunniit tigummigallagaassanersoq imaluunniit § 361 malillugu periarfissiissuteqarfingineqassanersoq.

Tigummigallagassanngortitsineq

Tigummigallagassanngortitsinissamut piumasaqaatit

§ 359. Pasisaq tigummigallarneqarsinnaavoq

- 1) pissutissaqartumik pasitsaannejarpasisaq
 - a) inatsisinik peqqarniitsumik unioqqutitsisimasoq imaluunniit
 - b) arlaleriarluni inatsisinik unioqqutitsisimappat eqqartuussutaareersimanngitsunik, inatsit malillugu inissiisarfimmittussanngortitaanermik kinguneqarsinnaasunik aamma
- 2) tamatumunnga peqatigitillugu
 - a) pissutsit pasisap atugai pillugit ilisimatitsissutigineqartut naapertorlugit aalajangersimasunik pissutissaqartumik isumaqartoqarpasisaq malersuininarneq imaluunniit naammassinninniaanissaq pinngitsoortinniarsiinaagaa,
 - b) pissutsit pasisap atugai pillugit ilisimatitsissutigineqartut naapertorlugit aalajangersimasunik pissutissaqartumik annilaanngatigineqarpasisaq iperagaasimatilluni inatsisinik unioqqutiseqqissasoq siuliini taaneqartutut ittunik, imaluunniit
 - c) suliassami pissutsit naapertorlugit aalajangersimasunik pissutissaqartumik isumaqartoqarpasisaq malersuininarneq ajornakusuulersissagaa, pingartumik takussutissanik piialluni imaluunniit allanik mianersoqqusilluni imaluunniit sunniiniarluni.

Imm. 2. Pasisaq aammattaaq tigummigallagassanngortinnejarsinnaavoq immikkut qularnaallisillugu pasitsaannejarpasisaq ima peqqarniissusilimmik inatsisinik unioqqutitsisimasoq, inatsisinik atortitsinermik soqtiginninneq pissutigalugu pasisap iperagaasimannginnissaa pisariaqarsorineqarluni.

Imm. 3. Tigummigallagassanngortitsisoqarsinnaanngilaq iligimagineqarpas inatsisinik unioqqutitsineq taamaallaat akiliisitaanermik kinguneqarsinnaasoq, imaluunniit kiffaanngissusiaaneq pasisap atugaanik akornusersuinermut, suliassap qanoq ittuuneranut peqqarniissusaanullu kiisalu pasisaq pisuutaassappat pineqaatissiissutissatut ilimagineqarsinnaasumut naleqquttuusorinassanngippat.

§ 360. Tunngavissaqartumik pasitsaannejarpasisaq inuk atugassarititaasunik, nakkutigisassanngortitsilluni eqqartuussummi imaluunniit misiligummik iperagaanermi imaluunniit misiligummik angerlartitaanermi imaluunniit piumasaqaasiinikkut saammaassaanermi aalajangersarneqartunik, unioqqutitsisimasoq inuk pineqartoq tigummigallagassanngortinnejarsinnaavoq, eqqartuussisut isumaqarpata unioqqutitsineq ima ittuummat angerlarsimaffimmi, paaqqinnffimmi imaluunniit napparsimmavimmi naleqquttumi inissiinissaq imaluunniit inissiisarfimmi inissiinissaq apeqquaasoq.

Periarfissiissutit sakkukinnerusut

§ 361. Tigummigallagassanngortitsinissamut patsisissaqarpas, kisiannili tigummigallagassanngortitsinerup siunertaa sakkukinnerusumik sunniutilinnik periarfissiissuteqarnikkut anguneqarsinnaappat, eqqartuussisut pasisaq akuersitillugu tamanna pillugu aalajangiissapput.

Taamaattorli eqartuussisut qaqtigoortumik pasisaq akuersiseqqaarnagu tamanna pillugu aalajangiisarsinnaapput.

Imm. 2. Eqqartuussisut sakkukinnerusumik sunniutilinnik periarfissiissutitut aalajangersinnaavaat, pasisaq

- 1) erseqqinnerusumik aalajangersarneqartumik nakkutigisassanngortinnejassasoq,
- 2) najugaqarneq, suliffeqarneq, sunngiffimmik atuineq inunnillu aalajangersimasunik attaveqarnissaq pillugit immikkut aalajangersakkanik malinnissasoq,
- 3) angerlarsimaffimmi paaqqinnittarfimmiluunniit naleqquttumi najugaqassasoq,
- 4) tarnimigut katsorsartissasoq imaluunniit imigassamik, ikiaroornartunik assigisaanilluunniit atuipilunnermut katsorsartissasoq, pisariaqassappat napparsimmavissuarmi imaluunniit paaqqinniffimmi immikkut ittumi,
- 5) piffissani erseqqinnerusumik taaneqartuni politiinut allanulluunniit orniguttassasoq,
- 6) pas-imnik pappiaqqanilluunniit kinaassutsimut uppernarsaatnik allanik politiini allaniluunniit paarisassanngortitsissasoq,
- 7) eqqartuussinermi najuuttarnissaminut aammalu eqqartuussissutaasinaasup naammassitinnejarnissaanut aningaasanik eqqartuussisut annertussusiligaannik qularnaveeqquisiissuteqassasoq imaluunniit
- 8) atugassarititanik eqqartuussisut aalajangersagaannik allanik malinnissasoq.

Imm. 3. Pasisaq eqqartuussinermut orniguttussaanerminik imaluunniit eqqartuussutaasumik naammassinniernerminik sumigennaappat eqqartuussisut, aalajangiinermi pineqartut ajornartinnagu oqaaseqartinnissaannut periarfissiisoqareerpat, aalajangersinnaavaat aningaasat qularnaveeqquisiissutaasut naalagaaffiup karsianut pisassanngortinnejassasut. Aalajangiineq tunngavilersukkamik aalajangiinerussaaq. Taamaattorli eqqartuussisut aalajangersinnaavaat pinerlineqartup taarsiivigneqarnissamik piumasaqaataa aningaasanit taakkunannga akilerneqassasoq. Eqqartuussisut pissutsit immikkut ittut atuutsillugit aalajangiissuteqareernermiit qaammatit arfinillit qaangiunnissaat tikillugu aalajangiisarsinnaapput, aningaasat naalagaaffiup karsianut pisassanngortitaasimasut tamakkerlugit ilaannaalluunniit utertillugit akilerneqassasut.

Imm. 4. Inatsiseqarnermut ministeri malittarisassiorsinnaavoq inuit, paaqqinniffimmi imaluunniit napparsimmavissuarmi il.il. imm. 2, nr. 3 imaluunniit 4 malillugu inissinneqarsimasut aneernissamut akuerineqartarnissaat pillugit, tamanna isummerfigineqareersimassanngippat. Inatsiseqarnermut ministeri tamatumunnga atatillugu aalajangersaasinnaavoq aalajangiinerit malittarisassat taakku naapertorlugit aalajangiissutaasut pisortatigoortumik oqartussanut quilliunerusunut saqqummiunneqarsinnaassanngitsut.

Suliassap eqqartuussivimmi suliarineqarnera aamma pasisap najuunnera

§ 362. Eqqartuussiviup politiit noquaassuteqarnerisigut aalajangissavaa pasisaq tigummigallarneqassanersoq imaluunniit periarfissiissutiliiffigineqassanersoq, tigummigallarneqarnissamut taarsiullugu atuuttussanik, tak. §§ 359-361. Aalajangiineq tunngavilersukkatut aalajangiinerussaaq. Pasisaq illersuisumik ivertitsivineqartussaatitaavoq, tak. § 321, imm. 1, nr. 1.

Imm. 2. Aalajangiisoqartinnagu pasisaq eqqartuussivimmi pasilliut pillugu killisiorneqassaaq oqaaseqarnissaminullu periarfissaqassaaq, taamaassanngilarli pasisaq Kalaallit Nunaanniinngippat imaluunniit eqqartuussisut isumaqarpata sassartitsinissaq immikkut ittunik pissuteqartumik iluaquutanngitsut imaluunniit pasisamut ajoquisiisussatut isigineqartariaqartoq.

Imm. 3. Tigummigallagassanngortitsinissaq imaluunniit tamatumunnga taarsiullugu atuutilersussanik periarfissiissutiliinissaq pillugu aalajangiisoqarsimappat, pasisaq eqqartuussivimmi oqaaseqarnissamut periarfissinnejearani, tak. imm. 2, pasisaq eqqartuussivimmut sassartinnejassaaq pasisap nunamut maanga pissunneqarneraniit imaluunniit pasisap sassartinnejarnissaanut akornutaasut atuukkunnaarneraniit nal. akunneri 24-t qangiutsinnagit.

Imm. 4. Eqqartuussiviup tigummigallagassanngortitsinissamik imaluunniit tamatumunnga taarsiullugu periarfissiissutiliinissamik aalajangiineq sukkulluunniit allangortissinnaavaa.

Tigummigallagassanngortitsinissaq il.il. pillugu aalajangiineq

§ 363. Eqqartuussivik tigummigallagassanngortitsinissamik imaluunniit tamatumunnga taarsiullugu periarfissiissutiliinissamik aalajangiiguni aalajangiinermini taassavaa tigummigallagassanngortitsinissaq pillugu aalajangersakkat suut eqqartuussivimmit atorneqarsimanersut, aammalu suliassami pissutsit sorpiaat aalajangiisitsisuusimanersut.

Imm. 2. Pasisaq eqqartuussinermi najuuppat pineqartoq aalajangiinerup imarisaanik ingerlaannaq ilisimatinneqassaaq, tak. imm. 1, aamma aalajangeqqitassanngortitsisinnaaneq aalajangeqqitassanngortitsinissamullu piffissarititaasoq pillugit iltsersorneqassaaq.

Imm. 3. Pasisaq eqqartuussinermi najuussimannippat pineqartoq sapinngisamik piaarnerpaamik imm. 2-mi taaneqartutut ilisimatinneqarlunilu iltsersorneqassaaq.

Imm. 4. Tigummigallagassanngortitsinissaq pillugu aalajangiinerup assilineqarnera noqqaassuteqarneq naapertorlugu pineqartumut sapinngisamik piaarnerpaamik tunniunneqartassaaq.

Tigummigallagassanngortitsinissamut piffissarititaasoq il.il. aamma piffissarititaasumik sivitsuisarneq

§ 364. Pasisap Kalaallit Nunaanniinnginnerra eqqaassanngikkaanni eqqartuussisut aalajangiissutiminni tigummigallagassangortitsinissamut piffissarititap imaluunniit periarfissiissutiliinissap sivisussusissa aalajangersassavaat. Piffissarititaq sapinngisamik sivikitsuutinneqassaaq sapaatillu akunnerinit sisamanit sivisunerussanani.

Imm. 2. Eqqartuussivik piffissarititamik sivitsuisarsinnaavoq sivisunerpaamilli sapaatit akunneri sisamakkaarlugit. Sivitsuineq pisassaaq aalajangiinikkut tunngavilersorneqartussakkut, taamaassananili pasisaq sivitsuinissamut akuersaarlni nalunaarsimappat.

Imm. 3. Taamaattorli pasisamik, tigummigallagaasumik imaluunniit allamik kiffaanngissusiiasumik periarfissiissutiligaasimasumik, sassartitsisoqanngitsoorsinnaavoq pineqartup taamaaliornissaq taamaatippagu imaluunniit eqqartuussisut isumaqarpata sassartitsinissaq naleqqutinngitsunik ajornartorsiutitaqassasoq.

Piffissarititamik sivitsuinermik aalajangeqqitassanngortitsineq

§ 365. Piffissarititaasumik sivitsuineq pillugu aalajangiineq, tak. § 364, imm. 2, taamaaliornikkut tigummigallagassanngortitsineq allatulluunniit periarfissiissutiliineq qaammatit pingasut sinnerlugit sivisussusilerneqarsimalluni, aalajangeqqitassanngortinnejqarpata aalajangeqqitassanngortitsineq noqqaassuteqarneq naapertorlugu oqaatsitigut suliarineqassaaq.

Imm. 2. Eqqartuussiviup qulliunerusup aalajangersinnaavaa aalajangeqqitassanngortitsineq oqaatsitigut suliarineqassasoq ungasianiit attaveqaatinik atuinikkut, tak. § 163, taamatut periaaseqarneq ajornartorsiutit naleqqutinngitsut pinaveersaarniarlugit pisariaqarsorineqarpata.

Imm. 3. Aalajangeqqitassanngortitsineq oqaaseqatigiit siullit aappaalluunniit malillugit ataasiarluni suliarineqareerpat eqqartuussiviup qulliunerusup aalajangiiffigissavaa, oqaatsitigut suliarinninnissamik kingusinnerusukkut noqqaassuteqarneq akuersarneqassanersoq. § 364, imm. 3-mi aalajangersagaq taamatulli atortuutinnejqassaaq.

Tigummigallagassanngortitsinerup il.il. atuukkunnaarnera

§ 366. Tigummigallagaanermut imaluunniit tamatumunnga taarsiullugu periarfissiissutiliinermut piumasaqaatit atuukkunnaarpata tigummigallagassanngortitsineq imaluunniit taaneqartutut periarfissiissutiliineq atorunnaarsinnejqassappat, pisariaqassappat eqqartuussisut aalajangiinerisigut.

Eqqartuussisut noqqaassuteqartoqanngikkaluartoq tamatuminnga aalajangiiffiginissinnaapput. Eqqartuussisut aalajangiinerat tunngavilersugaassaaq.

Imm. 2. Eqqartuussisut isumaqarpata paasiniaaneq naammaginartumik sukkassusilimmik ingerlanneqanngitsoq aamma tigummigallagassanngortitsinerup allatullunniit malittarisassiinerup ingerlaannarnissaaleqquttuunngitsoq, tamanna eqqartuussivimmit atorunnaarsinneqassaaq. Eqqartuussisut noqqaassuteqartoqanngikkaluartoq tamatuminnga aalajangiisinnaapput. Eqqartuussisut aalajangiinerat tunngavilersugaassaaq.

Eqqartuussutissap isumaqatigiinniutigineqarnerani tigummigallagassanngortitsineq il.il.

§ 367. Piffissarititaasoq, § 364, imm. 1 imaluunniit 2 malillugu aalajangersarneqarsimasoq, naappat eqqartuussutissap isumaqatigiinniutigineqarnera aallartereersoq, tigummigallagassanngortitsineq imaluunniit tamatumunnga taarsiullugu periarfissiissutiliineq ingerlaannassaaq sivitsueqqittoqarani, suliassami eqqartuussuteqartoqarnissaatikillugu.

Imm. 2. Unnerluutigineqartoq eqqartuussutissap isumaqatigiinniutigineqarnissaasioqquullugu piffissarititaq naappat eqqartuussivimmut noqqaassuteqarsinnaavoq tigummigallagaaneq imaluunniit tamatumunnga taarsiullugu periarfissiissutiliineq § 362, imm. 4 imaluunniit § 366 malillugitarunnaarsinneqassasoq, eqqartuussisullu taamaattoqassappat ullaarfineq-marluk qaangiutsinnagit tamatuminnga aalajangiissapput. Eqqartuussisut noqqaassut akueriumanngippassuk unnerluutigineqartoq eqqartuussisut aalajangeereerneranniit siusinnerpaamik ulla14-it qaangiunneranni noqqaassuteqaqqissinnaavoq.

Imm. 3. § 359, imm. 2 malillugu tigummigallagaaneq apeqqutaatinneqarpat atorunnaarsitsisinnaaneq eqqartuussisumit, eqqartuussutissap isumaqatigiinniutigineqarnerani peqataanngitsumit, aalajangiiffiginissassaaq, tak. § 50, imm. 2, taamaassananili § 50, imm. 2-mi oqaaseqatigiit aappaanni piumasaqaatit arlaat naammassineqarsimappat. Unnerluutigineqartup noqqaassutaa eqqartuussiviup aalajangiinera malillugu allakkatigut tunngavilersuutit naapertorlugit suliarineqassaaq, eqqartuussisoq eqqartuussutissap isumaqatigiinniutigineqarnerani peqataanngitsoq aalajangiisuussappat.

Eqqartuussutip nalunaarutigineqarnerata kingorna tigummigallagaaneq il.il.

§ 368. Tigummigallagassanngortitsinissamik allatullunniit periarfissiissutiliinissamik aalajangiineq eqqartuussutissap nalunaarutaanissaata tungaannaanut sunniuteqartussaavoq.

Imm. 2. Eqqartuussuteqartoqareerpat eqqartuussisut politiit noqqaassuteqarnerat naapertorlugaalajangissavaat suliareqqitassanngortitsinerusinnaasup suliarineqarnerani imaluunniit eqqartuussutip aallarnisarneqarnissaatikillugu unnerluutigineqartoq tigummigallarneqassanersoq, imaluunniit tamatumunnga taarsiullugu periarfissiissutinik aalajangiisoqassanersoq. Eqqartuussisut tigummigallagassanngortitsinissaq imaluunniit tamatumunnga taarsiullugu periarfissiissutiliinissaqtunngavissaqarsorinngikkaluarlugutaamaattoq politiit noqqaassuteqarnerisigut aalajangiisinnaapput tigummigallagaanissaq imaluunniit taaneqartutut periarfissiissuteqarnissaq atuutiinnassasoq, eqqartuussiviup qulliunerusup aalajangiinissaatikillugu. Oqaaseqatigiit aappaanni taaneqartutut aatsaat aalajangiisoqarsinnaavoq unnerluutigineqartoq eqqartuussuteqarneqtikillugu tigummigallagassanngortinnejqarsimappat imaluunniit tamatumunnga taarsiullugu periarfissiissutinik malittarisassinneqarsimappat. §§ 359, 361, 362, § 363, aamma 366 taamatulli atortuutinnejqassappat.

Imm. 3. Eqqartuussut suliareqqitassanngortinnejqarpat tigummigallagaanissaq imaluunniit tamatumunnga taarsiullugu periarfissiissuteqarnissaq pillugu kingusinnerusukkut aalajangiinerit eqqartuussiviup qulliunerusup aalajangiinerissavai. § 359, § 361, § 362, imm. 1 aamma 4, § 363, § 364, imm. 1 aamma 2 kiisalu § 366 taamatulli atortuutinnejqassapput.

§ 369. Inatsisartunut ilaasortaq kinaluunniit inatsisartut akuerseqqaartinnagit tigummigallagassanngortinnejarsinnaanngilaq, taamaassananili ilaasortaq iliuuseqartoq pakasarnejarsimappat.

Tigummigallagassanngortitamik inissiisarneq

§ 370. Tigummigallagassanngortinnejartut isertitsivimmi imaluunniit inissiisarfimmi inissinneqartassapput, eqqartuussisut aalajangiisimanngippata § 361 malillugu sakkukinnerumik periarfissiisutiliisoqassasoq imaluunniit § 371 malillugu Danmarkimi Pinerluuteqarsimasunik Isumaginnittoqarfup ataani inissiisarfimmi tarnit nakorsaannit aqunneqartumi inissiisoqassasoq.

Imm. 2. Tigummigallarnejartoq sumiiffimmi, pinerlunnermik suliassap suliarineqarfingisaani, ajornanngippat inissinniarnejartassaaq.

Imm. 3. Isertitsiviup imaluunniit inissiisarfip avataani inissiisoqarsinnaavoq peqqissutsikkut pissutsit pissutigalugit.

Danmarkimi Pinerluuteqarsimasunik Isumaginnittoqarfup ataani inissiisarfimmi tarnip nakorsaannit aqunneqartumi tigummigallagassanngortitsineq

§ 371. Eqqartuussisut aalajangiiffigisinnaavaat tigummigallagassanngortinnejartoq Danmarkimi Pinerluuteqarsimasunik Isumaginnittoqarfip ataani inissiisarfimmum tarnip nakorsaannit aqunneqartumut inissinneqassasoq, pissutissaqartumik pasitsanneqarpat tigummigallarnejartoq toqutsisimasoq, ujajaasimasoq, kiffaanngissusiiasimasoq, peqqarniitsumik nakuuserluni pinerluuteqarsimasoq, pinerluttulerinermi inatsimmi § 98-imi taaneqartutut ittumik siorasaarisimasoq, pinngitsaalialluni atoqatiginnissimasoq imaluunniit kinguaassiutitigut ilungersunartumik allatut pinerluuteqarsimasoq imaluunniit ikuallatsitsisimasoq imaluunniit taaneqartut arlaannik pinerloriaraluarsimasoq, aamma
1) tigummigallarnejartup atugarisai pillugit paasissutissiissutit naapertorlugit aalajangersimasunik pissutissaqarpat isumaqassalluni tigummigallarnejartoq tarnikkut ajoquqarnini pissutigalugu § 361 malillugu sakkukinnerusumik periarfissiisutissinneqarsinnaanngitsoq imaluunniit § 370 malillugu inissinneqarsinnaanngitsoq, imaluunniit
2) tigummigallarnejartup atugarisai pillugit paasissutissiissutit naapertorlugit aalajangersimasunik pissutissaqarpat isumaqassalluni § 361 malillugu sakkukinnerusumik periarfissiisutiliinissaq imaluunniit § 370 malillugu inissiinissaq pisariaqartumik isumannaatsuunngitsoq.

Imm. 2. Inatsiseqarnermut ministeri malittarisassiorsinnaavoq inuit, Danmarkimi Pinerluuteqarsimasunik Isumaginnittoqarfup ataani tarnip nakorsaannit aqunneqartumi inissiisarfimmiitsitat aneersinnaatitaanissamut il.il. akuerineqartarnerat pillugu, tamatumunnga tunngassutillit isummerfigineqareersimanngippata. Inatsiseqarnermut ministeri tamatumunnga atatillugu aalajangersaasinjaavoq aalajangiinerit, malittarisassat taakku naapertorlugit aalajangiinerusut, allaffissornikkut pisortanut qulliunerusunut suliassanngortinnejarsinnaassanngitsut.

Danmarkimi Pinerluuteqarsimasunik Isumaginnittoqarfup ataani inissiisarfimmi tarnip nakorsaannit aqunneqartumi tigummigallagassanngortitsinissap aalajangiiffigineqartarera

§ 372. Eqqartuussisut § 371 naapertorlugu inissiinissaq pillugu aalajangiinerat tamanna pillugu immikkoortumik aalajangiissuteqarnikkut aalajangiinerussaaq. Eqqartuussisut § 371 naapertorlugu inissiinissamik aalajangiippata eqqartuussisut taagussavaat aalajangiinermi pissutsit aalajangersimasut, § 371-imi piumasaqaatit naammassineqarnerannut tunngaviusut.

Imm. 2. Eqqartuussisut aalajangiinerminni inissiinerup sivisussusissaanut piffissarititaasoq aalajangersassavaat. Piffissarititaasoq sapinngisamik sivikitsuussaaq aammalu tigummigallagaatitsinissaq pillugu § 364, imm. 1 imaluunniit 2 malillugu piffissarititaasumiit

sivisunerussanani. §§ 363, imm. 2-4, 364, imm. 2 aamma 3, 365, 366 aamma 368 taamatulli atortuutinnejassapput.

Imm. 3. Inatsiseqarnermut ministeri nalunaarutikkut § 371-imik aamma § 372-imik atorunnaarsitsisinnaavoq.

Immikkoortitaalluni tigummigallagassanngortitsineq

§ 373. Eqqartuussisut politiinit noqqaavagineqarnikkut aalajangersinnaavaat tigummigallarneqartoq inissinneqartunut allanut akuliutinnejassanganngitsoq (immikkoortitaaneq)

1) tigummigallagassanngortitsineq § 359, imm. 1, nr. 2, litra c naapertorlugu aalajangigaasimappat, aamma

2) aalajangersimasunik pissutisaqarluni isumaqartoqarpal tigummigallarneqartup suliassami malersuiniarnermik, aamma inissinneqarsimasut allat aqqutigalugit pasineqaqatiminik sunniiniaanermigut imaluunniit allanik siorasaarinermigut imaluunniit allatut iliorluni sunniiniarnermigut, akornusiinissa pinngitsoortinniarlugu tigummigallagaatitsiinnarneq immini naammanngitsoq.

Immikkoortitaanissaq pillugu atsikkutigiissaarinissamut piumasaqaatit il.il.

§ 374. Immikkoortitaaneq aatsaat aallarnerneqartassaaq imaluunniit ingerlatiinnarneqartassaaq

1) tamatumunnga siunertaasoq sakkukinnerusunik periarfissiissutiliinikkut naammassineqarsinnaanngippat, matumunnga ilanngullugu tigummigallarneqartumik inissinneqarsimasunit allanit aalajangersimasunit allaanerusumut inissineq imaluunniit allatut iliuuseqarluni tigummigallarneqartup inissinneqarsimasunik taamaattunik peqateqarsinnaajunnaarsinneqarnera imaluunniit allakkanik misissuisalerneq, pulaartunik misissuiffiginnittarneq imaluunniit pulaartoqarnissamik inerteqquteqarneq

2) akuliunneq, matumunnga ilanngullugu tigummigallarneqartup ukiukinnera, timikkut tarnikkulluunniit sanngiitsunera imaluunniit inuttut atugarisai pissutigalugit akuliunneq immikkut ittumik artukkiinermik kinguneqarsinnaasoq, suliassap qanoq ittuuneranut peqqarniissusaanullu aammalu tigummigallarneqartoq pisuutaassappat pineqaatissiissutissatut ilimagineqarsinnaasumut naleqqutingitsutut isumaqarfingineqanngippat, aamma

3) paasiniaaneq ingerlanneqarpal immikkoortitaalluni tigummigallartitsinermi pisariaqartinneqartutut immikkut sukkassusilimmik, matumunnga ilanngullugu § 343 naapertorlugu upernarsaatissatigut isumannaarinissamut perarfissanik atuineq.

Immikkoortitaanerup sivisunerpaaffissaa

§ 375. Immikkoortitaasussanngortitsisoqassanngilaq ataannartumik sapaatit akunnerinik arfineq pingasunit sivisunerusumik, taamaattoq tak. imm. 2.

Imm. 2. Pasilliut inatsisinik unioqqutitsinermut immikkut peqqarniissusilimmut tunngasuuppat tigummigallarneqartorlu 18-inik ukioqaleereersimappat immikkoortitaasussanngortitsisoqassanngilaq ataannartumik qaammatinit pingasunit sivisunerusumik. Taamaattorli eqqartuussisut qaqtigoortumik akuerisinnaavaat immikkoortitaaneq qaammatit pingasut sinnerlugit sivitsorneqassasoq, malersuiniarnermi soqutigisassat pingaarutillit pissutigalugit immikkoortitaanerup ingerlatiinnarneqarnissaa pisariaqartinneqarpal, tigummineqartup tamanna tikillugu immikkoortitaaffigisimasaata sivisussusaa apeqqutaatinngagu.

Immikkoortitaanissamik aalajangiineq

§ 376. Eqqartuussisut immikkoortitaanissamik aalajangiinerat tamanna pillugu immikkoortumik aalajangiinerussaaq. Eqqartuussisut immikkoortitaanissamik aalajangiippata aalajangiinermi pissusiviusut, §§ 373-375-imi immikkoortitaanissamut imaluunniit immikkoortitaanerup ingerlaannarnissaanut piumasaqaatit naammassineqarnerannut tapersersuutaasut, eqqartuussisunit taagorneqassapput.

Imm. 2. Immikkoortitaaneq pillugu eqqartuussisut aalajangiineranni malittarisassat § 362, imm. 2-4-miittut aamma §§ 363-imiittut, 364-imiittut, 366-imiittut kiisalu 368-imiittut taamatulli atortuutinnejassapput. Taamaattorli immikkoortitaanissamik aallartitsinermi akuliunnerup sivisussusissaanut piffissaliussaq siulleq sapaatit akunnerinit marlunnit sivisunerussanngilaq. Tigummigallarneqartoq 18-it inorlugit ukioqarpat, immikkoortitaanissamut piffissarititaasoq sivisunerpaamik sapaatit akunneri marlukkaarlugit sivitsorneqartarsinnaavoq.

Immikkoortitaaneq pillugu aalajangeqqitassanngortitsineq

§ 377. Immikkoortitaaneq sapaatit akunneri arfineq-pingasut sinnerlugit sivitsorneqarpat tamatuminnga aalajangeqqitassanngortitsissut noqqaassuteqarnikkut oqaatsitigut suliarineqassaaq. Immikkoortitaaneq pillugu aalajangiineq atortussanngortinnejappat immikkoortitaanerup ingerlatiinnarneqarnissaanik kingusinnerusukkut aalajangeqqitassanngortitsinerit noqqaassuteqarnikkut taamatulli oqaatsitigut suliarineqassapput, immikkoortitaanerup sivitsorneqarnissaanik aalajangeqqitassanngortitsissumvik oqaatsitigut suliarinninnermiit kingullermiit sapaatip akunneri arfineq pingasut sinnerlugit sivitsuinissamik aalajangiisoqarsimassappat. Eqqartuussivik qulliunerusoq isumaqarpat oqaaseqatigiit siullit imaluunniit aappaat malillugit suliarinninnissaq naleqqutinngitsunik ajornartorsiutitaqassasoq aalajangersinnaavoq aalajangeqqitassanngortitsinermik suliassaq imatut suliarineqassasoq pasisaq, illersuisoq politiillu suliassap suliarineqarnerani oqaaseqaateqarsinnaallutik aamma ungasianiit attaveqaatinik atuinikkut suliassamik malinnaviginnissinnaallutik, tak. § 163. Oqaaseqatigiinni siullerni imaluunniit aappaanni pineqartuniit allaanerusunik allanik pisoqartillugu eqqartuussiviup qulliunerusup aalajangertassavaa oqaatsitigut suliarinninnissaq pillugu noqqaassuteqarneq akuersarneqassanersoq. Aalajangersagaq § 364, imm. 3-miittooq taamatulli atortuutinnejassaaq.

Tigummigallagaanerup nalaani pissutsit

§ 378. Tigummigallarneqartoq inunnit allaniit immikkoortitaassanngilaq imaluunniit annertunerusutigut killiliiffigineqassanani, tigumminniffiusumi torersaarnissamik isumannaatsuunissamillu allanngutsaaliuinissamut pingartittariallit saniasigut.

Pulaartoqartarneq aamma anisinnaanermut akuersissut

§ 379. Politiit tigummigallaatitsinerup siunertarisa tunngavigalugu tigummigallarneqartup pulaartoqarnissaanut akerliliisinnaapput, imaluunniit piumasarisinnaallugu pulaartoqarneq nakkutigineqartumik pisassasoq. Politiit pulaartoqarnissaq itigartitsissutigippassuk tigummigallarneqartoq tamatuminnga ilisimatinneqartassaqaq, eqqartuussisut paasinianermut pingaarutilit tunngavigalugit allatut aalajangiisimassanngippata. Tigummigallarneqartup piumasarisinnaavaa pulaartoqarnissamut politiit itigartitsissutaat aammalu nakkutiginninnissamik piumasaqaataat eqqartuussisunut aalajangiiffigisassatut saqqummiunnejassasoq. Tigummigallarneqartup illersuisuni nakkutigisaannngitsumik tamatigut pulaartorisinnaatitavaa.

Imm. 2. Paaqqinniffimm aqutsisut politiinut akuersisitsereernikkut tigummigallarneqartup piffissami sivikinnerusumi anisinnaatitaanissaa akuersissutigisinjaavaat.

Allakkanik nakkutilliineq

§ 380. Politiit tigummigallarneqartup allagarsiassai imaluunniit taassuma allagai tigusisussamit tiguneqartinnagit imaluunniit nassiuunneqalersinnagit misissorsinnaavaat. Politiit allakkat sapinngisamik piaernerpaamik tunniuttassavaat imaluunniit nassiuutassavaat, imarisaat paasiniaanermut imaluunniit tigumminniffiusumi torersaarnissamik isumannaatsuunissamillu allanngutsaaliuniarnermut ajoqsiisinnassanngippata. Allakkat uninngatinneqarpata uninngatitsiinnarnissamik apeqqut eqqartuussisunut aalajangiiffigisassatut ingerlaannaq saqqummiunneqassaaq. Uninngatitsiinnarnissaq aalajangiiffigineqarpat nassitsisuusoq ingerlaannaq ilisimatinneqassaaq, eqqartuussisut paasiniaanermi pingaartitassat pissutigalugit allatut aalajangiisimassanngippata. Tigummigallarneqartoq eqqartuussivimmik, illersuisumik, inatsiseqarnermut ministerimik, Pinerluuteqarsimasunik Isumaginnitoqarfup pisortaanik, Folketingip Ombudsmandianik aamma Inatsisartut Ombudsmandianik nakkutigisaanngitsumik allaffinneqarteqarsinnaatitaavoq. Inatsiseqarnermut ministeri malittarisassiorsinnaavoq tigummigallarneqartup pisortaqarfinnut allanut imaluunniit inunnut ataasiakkaanut allakkanik matoqgasunik nassitsisinnaatitaanera pillugu.

Piginnaatitaaffitsigut killilersuutinik allanik eqqartuussiviit nakkutilliinerat

§ 381. Politiit aalajangiippata tigummigallagassanngortitsinermi siunertarisaq pissutigalugu tigummigallarneqartup piginnaatitaaffiini allatigut killilersuisoqassasoq tigummigallarneqartup piumasarisinnaavaa killiliissutaasunik ingerlatsiinnarnissamik apeqqut eqqartuussisunut aalajangiiffigisassatut saqqummiunneqassasoq.

Imm. 2. Tigummigallarneqarnerup nalaani qanoq pineqarneq pillugu maalaarutit eqqartuussivimmut saqqummiunneqarsinnaapput.

Tigummigallagassangortinneqartup paasiniaavigineqartarnera

§ 382. Pinerluuteqarsimasunik Isumaginnitoqarfimmi sulisut atorneqassanngillat tigummigallarneqartut kiffaanngissusiiarneqarsimasulluunniit allat imaluunniit inuit allat politiitut atorfiliunngitsut tigummigallarneqartut paasiniaavigineqarneranni.

Pisortatigoortumik aalajangersakkat

§ 383. Inatsiseqarnermut ministeri imaluunniit inuk inatsiseqarnermut ministerip tamatumunnga piginnaatitaa tigummigallarneqartut qanoq pineqartarnerat pillugu erseqqinnerusunik malittarisassiussaaq, matumunnga ilanngullugit tigummigallarneqartut kisimiititaasut tigummigallarneqartullu politiit isertitsiviinut inissitat.

Kapitali 36

*Nalunaaritini isertuussani akuliuffiginnittarneq, alaatsinaattarneq, timikkut akuliuffiginnittarneq,
aamma uppermarsaatissanik ujarlertarneq*

Nalunaarutini isertuussani akuliuffiginnittarneq aamma alaatsinaattarneq

Allakkanik ammaasarneq unitsitsisarnerlu

§ 384. Politiiniit noqqaavigineqarneq naapertorlugu eqqartuussisut tunngavilersukkamik aalajangiinikkut aalajangersinnaavaat allakkat nassiuussallu allat politiinut, uninngatitsisinnaasunut, ammaasinnaasunut tamakkualu imarisaaannik paasisassarsiorfiginnissinnaasunut, tunniunneqartassasut (allakkanik ammaasarneq),

- 1) aalajangersimasunik tunngavissaqarluni isumaqartoqarpat taamaaliornikkut pasisamut imaluunniit pasisamiit nalunaaruteqartoqartartoq imaluunniit nassitsisoqartartoq,
- 2) akuliunnissaq paasiniaanermut pingaaruteqarluinnartuusorineqarpat, aamma
- 3) paasiniaaneq inatsisinik unioqqutitsinermut immikkut peqqarniissusilimmut imaluunniit meeqqat pillugit tiingasulersaarutinut tunngassuteqarpat.

Imm. 2. Politiit nassiussanik il.il. imm. 1-im i taaneqartunik nuutsitsisinnaapput, tamakku imarisannik politiit paasisassarsiorfiginnissinnaatitaanerat naapertorlugu.

Imm. 3. Politiinit noqqaassuteqarneq naapertorlugu eqqartuussisut aalajangersinnaavaat pasisamut pasisamiillu allakkat nassiussallu allat politiinut, uninngatitsisinnaasunut, ammaasinnaasunut tamakkulu imarisannik paasisassarsiorfiginnissinnaasunut, tunniunneqartassasut, immikkut qulaarnaallisillugu pasitsaanneqarpat nassiussat arsaarinnissutaasariaqartunik imaqtut, imaluunniit pinerlunnikut arlaanniit, taakku utertinneqarnissaannik piumasaqarsinnaasumiit, tiguneqarsimasut. Aalajangiineq tunngavilersukkamik aalajangiinerussaaq.

Imm. 4. Nassiussat, allakanik ammaanissaq siunertaralugu uninngatinneqarsimasut, tak. imm. 1, tigusisussatut allassimasumut sapinngisamik piaernerpaamik ingerlateqqinnejartassapput. Nassiussanik ingerlatitseqqiinarnerup unitsinnejarnissaa politiit kissaatigippassuk allakkat uninngatinneqartarnissaannik noqqaassut eqqartuusivimmut tunniunneqassaaq uninngatitsilernermiit nal. akunneri 48-t qaangiutsinnagit. Imm. 1 taamatullli atortuutinnejassaaq.

Oqarasuaatitigut oqaloqatigiinnernik naalaarneq

- § 385.** Politiiniit noqqaassuteqarneq naapertorlugu eqqartuussisut aalajangiinikkut, tunngavilersorneqartussakkut, aalajangiisinnaapput politiit oqarasuaatinuit aalajangersimasuniit oqaloqatigiinnernik imaluunniit tamatumunnga assingusumik nalunaarasuaatitigut attaveqaqatigiinnernik (oqarasuaatitigut oqaloqatigiinnernik naalaarneq) piffissaliunnejartup ersarinnerusup iluani nalaarsinnaatinneqassasut,
- 1) aalajangersimasunik tunngavissaqarluni isumaqartoqarpat taamaaliornikkut pasisamut imaluunniit pasisamiit nalunaaruteqartoqartartoq,
 - 2) akuliunneq paasiniaanermut pingaaruteqarluinnartuusorineqarpat, aamma
 - 3) paasiniaaneq inatsisinik unioqqutitsinermut immikkut peqqarniissusilimmut, eqqissiviilliortitsinernut imaluunniit meeqqat pillugit tiingasulersaarutinut tunngassuteqarpat.

Imm. 2. Politiit oqaloqatigiinnerit il.il. imm. 1-im i taaneqartut immiussinnaavaat, taakku imarisannik paasisassarsiornissamut piginnaatitaanertik naapertorlugu.

Nalunaarasuaatit pillugit paasissutissarsiortarneq

- § 386.** Politiiniit noqqaassuteqarneq naapertorlugu eqqartuussisut aalajangiinikkut, tunngavilersorneqartussakkut, aalajangersinnaavaat politiit piffissap erseqqinnerusup iluani paasissutissarsiorsinnaatitaassasut oqarasuaatit imaluunniit attaveqaatit assingusut sorliit oqarasuaammut attaveqaammulluunniit allamut aalajangersimasumut atassuserneqarsimanersut imaluunniit atassuserneqartarsimanersut, naak piginnittoq taamaaliornissamut akuersissuteqarsimanngikkaluartoq (nalunaarasuaatit pillugit paasissutissarsiorneq),
- 1) aalajangersimasunik tunngavissaqarluni isumaqartoqarpat taamaaliornikkut pasisamut imaluunniit pasisamiit nalunaaruteqartoqartartoq,
 - 2) akuliunneq paasiniaanermut pingaaruteqarluinnartuusorineqarpat, aamma
 - 3) paasiniaaneq inatsisinik unioqqutitsinermut immikkut peqqarniissusilimmut, eqqissiviilliortitsinernut imaluunniit meeqqat pillugit tiingasulersaarutinut tunngassuteqarpat.

Nalunaarasuaatit pillugit annertusisamik paasissutissarsiortarneq

§ 387. Politiiniit noqqaassuteqarneq naapertorlugu eqqartuussisut aalajangiinikkut, tunngavilersorneqartussakkut, aalajangersinnaavaat politiit piffissap erseqqinnerusup iluani paasissutissarsiorsinnaatitaassasut oqarasuaatit imaluunniit attaveqaatit assingusut sorliit oqarasuaammut attaveqammulluunniit allamut aalajangersimasumut atassuserneqarsimanersut imaluunniit atassuserneqartarsimanersut, naak piginnittooq taamaaliornissamut akuersissuteqarsimannngikkaluartoq (nalunaarasuaatit pillugit annertusisamik paasissutissarsiorneq),
1) akuliunneq paasiniaanermut pingaaruteqarluinnartuusorineqarpat, aamma
2) paasiniaaneq inatsisinik unioqqutitsinermut immikkut peqqarniissusilimmut, inuit inuunerisa atugarissaarnerisaluunniit imaluunniit inuiaqatigiit naliliutaasa annertuut navianartorsiortinnejcarnerannik kinguneqarsimasumut imaluunniit kinguneqarsinnaasumut tunngassuteqarpat.

Ininik naalaarneq

§ 388. Politiiniit noqqaassuteqarneq naapertorlugu eqqartuussisut aalajangiinikkut, tunngavilersorneqartussakkut, aalajangersinnaavaat politiit oqaloqatigiinnernik oqaaserisanilluunniit § 385-imi taaneqartuniit allaanerusunik atortorissaarutinik atuillutik naalaarsinnaassasut (ininik naalaarneq),
1) aalajangersimasunik tunngavissaqarluni isumaqartoqarpat taamaaliornikkut pasisamut imaluunniit pasisamiit nalunaaruteqartoqartartoq,
2) akuliunneq paasiniaanermut pingaaruteqarluinnartuusorineqarpat, aamma
3) paasiniaaneq inatsisinik unioqqutitsinermut immikkut peqqarniissusilimmut, inuit inuunerisa atugarissaarnerisaluunniit imaluunniit inuiaqatigiit naliliutaasa annertuut navianartorsiortinnejcarnerannik kinguneqarsimasumut imaluunniit kinguneqarsinnaasumut tunngassuteqarpat.

Imm. 2. Politiit oqaloqatigiinnernik il.il., imm. 1-imi taaneqartunik, immiussisinnaapput, oqaloqatigiinnerit imarisaannik paasisassarsiorsinnaatitaanertik naapertorlugu.

Atsikkutigiissaarinissamik piumasaqaatit il.il.

§ 389. Nalunaarutini isertuussani akuliuttoqartassanngilaq akuliunnermi siunertarisaq, suliassap qanoq ittuunera peqqarniissusaalu naapertorlugu tamanna naleqquttuusorineqanngippat aamma akuliunnerup inunnut eqquaasunut ajualaataasinnaasorineqarneranut akornusersuutaasinnaasorineqarneranullu naleqqiullugu naleqquttuusorineqanngippat.

§ 390. Pasisap inunnut, malittarisassat § 143-miittut naapertorlugit ilisimannittutut nassuaateqarsinnaanngitsunut, atassuteqarfiginninneranut tunngatillugu oqarasuaatinik naalaartoqartassanngilaq, allatut naalaartoqartassanngilaq, allakkanik ammaasoqartassanngilaq allakkanillu uninngatitsisoqartassanngilaq.

Eqqartuussiviup aalajangiinera

§ 391. Eqqartuussiviup aalajangiinermini taagussavai oqarasuaatit normui, sumiiffii, najukkut imaluunniit nassiussat, akuliunnermut tunngasut. Aammattaaq taaneqassapput suliassami pissutsit aalajangersimasut akuliunnermut piumasaqaatit naammassineqarsimanerannut tapersiutaasut. Aalajangiineq sukkulluunniit allangortinneqarsinnaavoq.

Imm. 2. Eqqartuussiviup aalajangiinermini piffissaq akuliunnerup ingerlaffissa aalajangissavaa. Piffissaq taanna sapinngisamik sivikitsuutinneqassaaq sapaatillu akunneri sisamat sinnissanagit. Eqqartuussivik politiinit noqqaavagineqarnermigut piffissamik sivitsuisarsinnaavoq, sivisunerpaamilli sapaatip akunneri sisamakkaarlugit.

Imm. 3. Akuliunnerup siunertarisaq maangaannassagaluarpat, eqqartuussiviup aalajangiinissaq utaqeqassappat, politit akuliunniarlutik aalajangersinnaapput. Taamaattoqassappat politit sapinnigisamik piaarnerpaamik kingusinnerpaamillu akuliunnerup aallarnerneqarneraniit nalunaqaqtap akunneri 24-it qaangiutsinnagit suliassaq eqqartuussivimmut saqqummiutissavaat. Eqqartuussivimmut aalajangiiffigineqassaaq akuliunneq akuerineqarsinnaanersoq, kiisalu ingerlatiinnarneqarsinnaanersoq, taamaassappallu piffissami qanoq sivisutigisumi ingerlanneqassanersoq, tak. imm. 1, oqaaseqatigiit aappaat pingajuilu, aamma imm. 2. Eqqartuussiviup aalajangiinera tunngavilersugaassaaq. Eqqartuussiviup isumaa malillugu akuliuttoqarsimasussaanngikkaluarpat, eqqartuussiviup Inatsiseqarnermut Ministereqarfik tamatuminnga nalunaarfigissavaa.

Illersuisumik ivertitsineq il.il.

§ 392. Nalunaarutitigut isertuussinermi akuliuttoqarsinnaanersoq eqqartuussivik aalajangiitinnagu akuliunnermi pineqartoq illersuisulerneqassaaq, illersuisorlu oqaaseqaateqarnissamut periarfissaqartinneqassaaq.

Imm. 2. Illersuisoq, imm. 1 malillugu ivertinnejqarsimasoq, suliassami eqqartuussinissanik tamanik ilisimatinneqartassaaq taakkunani lu najuussinnaatitaassaaq aammalu paasissutissanik, politit pissarsiarisimasaannik, paasisaqarsinnaatitaassaaq. Illersuisoq aammattaaq piginnaatitaavoq paasissutissarsiat assilineqarnerinik tunineqartarnissaminut. Politit isumaqarpata paasissutissarsiat immikkut isertuunnejqartariaqartut, taamaattumillu taakku assilineqarneri tunniunnejqartariaqanngitsut, tamanna pillugu apeqput illersuisup noqqaassuteqarneratigut politiinit eqqartuussivimmut aalajangiiffigisassanngortinnejqassaaq. Illersuisup paasissutissarsiani allanut ingerlateqqissanngilai imaluunniit politit akuersiseqqaartinnagit akuliuffigineqartoq attavigisassanagu. Illersuisussatut ivertinnejqartoq nammineerluni orniguttassaaq.

Imm. 3. Eqqartuussiviup aalajangersinnaavaa illersuisussatut ivertinnejqartoq suliassap ingerlanneqarnerani pasisamut kimulluunniit illersuisusinnaanngitsqoq.

Imm. 4. Paasiniaaneq pinerluttulerinermi inatsimmi kapitali 7-imik imaluunniit 8-mik unioqqutitsinermut tunngasuuppat suliassaq Kalaallit Nunaanni Eqqartuussivimmut suliarineqassaaq, illersuisorlu immikkut illersuisartoqatigiinneersuussaaq, oqaaseqatigiit pingajuini taaneqartuniit. Illersuisumik immikkut ittumik illersuisartoqatigiinneersuunngitsumik ivertitsinissamik eqqartuussiviup aalajangiinera eqqartuussivimmut qulliunerusumut aalajangeqqitassanngortinnejqarsinnaavoq. Inatsiseqarnermut ministeri Kalaallit Nunaannut tunngatillugu illersuisumik ataatsimik aralinnilluunniit sulisussarsissaaq, suliassani oqaaseqatigiinni siullerni taaneqartuni ivertinnejqarsinnaasunik. Inatsiseqarnermut ministeri illersuisut pineqartut pigaartuusarnissaannut aaqqiissuteqarnissaq, suleriaannaanissamut akissarsiassaat aammalu apeqputit isumannaatsuutitsinermut tunngasut pillugit erseqqinnerusunik malittarisassisaaq, matumunnga ilanngullugu allatsimik ikiorteqarnissap akuersissutigineqartarnera.

Politiinut ikorsiineq

§ 393. Allakkeriviit aamma nalunaarasuaatinut atassusiinissamik neqerooruteqartartut nalunaarasuarterfiillu nalunaarutitigut isertuussisussaaneq pillugu politit akuliunneranni ikorsiisassapput, matumunnga ilanngullugu oqarasuaatitigut oqaloqatigiinnernik il.il. naalaarnissat aaqqissuulligit, §§ 386-imi aamma 387-imi taaneqartunik paasissutissillutik kiisalu nassiusanik il.il. unitsitsillutik tunniussisarlutillu.

Imm. 2. Pisut § 386-imi aamma 387-imi taaneqartut saniatigut eqqartuussiviup politiinit noqqaavagineqarnikkut oqarasuaammik attaveqaammilluunniit allamik piginnituusoq akuersisillugu ingerlatsivinnut il.il. imm. 1-imi taaneqartunut ilisimatitsissutigeqqusinnaavaa attaveqaammut pineqartumut attaveqaatit allat suut attaveqartinneqarnersut..

Imm. 3. § 150, imm. 1-imi aalajangersagaq taamatulli atortuutinnejassaaq imm. 1-imi taaneqartutut pissutissaqarani ikuutinngitsoortumut, imaluunniit imm. 2 malillugu peqqussutaasunik malinninngitsumut.

Imm. 4. Nalunaarasuaatinut atassusiinissamik neqerooruteqartartut nalunaarasuarterfiillu nalunaarasuaatitigut paasissutissarsiat inatsisinik unioqqutitsinernik paasinianermerilu atugassiat nalunaarsorlugillu ukioq ataaseq toqqortarisassavaat. Inatsiseqarnermut ministeri taamatut nalunaarsuisarneq toqqortarininnissarlu pillugit erseqqinnerusunik malittarisassiussaaq.

Imm. 5. Inatsiseqarnermut ministeri nalunaarasuaatinut atassusiinissamik neqerooruteqartartut nalunaarasuarterfiillu nalunaarutinik isertuussisussaanermeri iliuuseqarnermut atatillugu suliassatigut politiinut ikuunnissaat pillugu malittarisassiorinnaavoq.

Imm. 6. Imm. 4-mi oqaaseqatigiinnik siullernik unioqqutitsineq pinerluttulerinermi inatsit malillugu pineqaatissinnejarnernik kinguneqarsinnaavoq. Ingerlatsiviit il.il. (inuit pisinnaatitaasut pisussaatitaasullu) pinerlunnerni inatsisitigut akisussaatitaasinnaapput pinerluttulerinermi inatsisip kapitali 5-iani malittarisassat malillugit.

Imm. 7. Najoqqutassani, imm. 4-mi oqaaseqatigiit aappaat aamma imm. 5 naapertorlugit aalajangersarneqarsimasuni, aalajangersarneqarsinnaavoq peqqussutini aalajangersakkanik unioqqutitsineq pinerluttulerinermi inatsit malillugu pineqaatissiissutinik kinguneqarsinnaasoq. Aammattaaq aalajangersarneqarsinnaavoq ingerlatsiviit il.il. (inuit pisinnaatitaasut pisussaatitaasullu) unioqqutitsinerini ingerlatsivik il.il. pinerluttulerinermi inatsisitigut akisussaatitaasinnaasoq pinerluttulerinermi inatsimmi kapitali 5-imi malittarisassat malillugit.

Imm. 8. Inatsiseqarnermut ministeri malittarisassiorinnaavoq nalunaarutitigut isertuussisussaanermeri akuliunnerit naammassiniarneranni politiinut ikorsiinerup aningasatigut taartisissutaasinnaanera pillugu.

Qarasaasiakkut paasissutissanik nukinngullugu qulakkeerineq

§ 394. Paasinianermet ilaatillugu qarasaasiakkut uppermarsaatissat pingaaruteqarsinnaatillugit politiit nalunaarasuaatinik atassusiinissamik neqerooruteqartartunut nalunaarasuarterfinnullu peqqusisinnaapput qarasaasiakkut paasissutissat, matumunnga ilanngullugit angallannermik paasissutissat, nukinngullugit qulakiissagaat.

Imm. 2. Imm. 1 naapertorlugu nukingullugu qulakkeerinissamik peqqussuteqarnemi qarasaasiakkut paasissutissat, peqqussuteqarnerup nalunaarutigineqarnerani piffissami toqqortarineqartut, taamaallaat ilaatinnejarsinnaapput. Peqqussuteqarnermi taaneqassaaq paasissutissat suut qulakkeerneqassanersut, aamma piffissami sorlermi qulakkeerneqassanersut (piffissaq qulakkeerinniffiusussaq). Peqqussuteqarneq taamaallaat paasissutissanut, paasinianermeri pisariaqartutut nalilerneqartunut, killilerneqartassaaq aamma qulakkeerinermi piffissaritaasoq sapinngisamik sivikitsuusassaaq ullunillu 90-init sivisunerusinnaanani. Peqqussuteqarneq sivitsorneqarsinnaangilaq.

Imm. 3. Nalunaarasuaatinut atassusiinissamik neqerooruteqartartut nalunaarasuarterfiillu pisussaaffigaat, imm. 1 malillugu qulakkeerinissamut ilaatillugu, qarasaasiakkut attaveqaatigiinnermut atatillugu atorneqarsimasut attassuteqaataat imaluunniit kiffartuussinerat, paasinianermet pingaaruteqarsinnaasut, nalunaarasuaatinut atassusiinissamik neqerooruteqartartut imaluunniit nalunaarasuarterfiit allat pillugit qarasaasiakkut paasissutissat kinguarsarnagit ingerlateeqiissaallutik.

Imm. 4. Imm. 1-imik aamma 3-mik unioqqutitsineq pinerluttulerinermi inatsit malillugu pineqaatissiissutaasinnaavoq. Ingerlatsivit il.il. (inuit inatsisitigut pisinnaatitaasut pisussaatitaasullu) pinerluttulerinermi inatsimmi kapitali 5-imi malittarisassat malillugit pinerluttulerinermi inatsisitigut akisussaatinneqarsinnaapput.

Allakkanik ammaanermi il.il. illersuisup peqataasarnera

§ 395. Illersuisoq § 392 malillugu ivertinnejarsimasoq piumasaqarsinnaavoq allakkanik nassiusanillu allanik matoqqasunik ammaaneq najuuffigumallugu. Taamaassanngilarli ammaanissaq kinguartinneqarsinnaanngippat.

Kalerriisarneq

§ 396. Nalunaarutitigut isertuussisussaanermi akuliunnerup naammassereerneraniit akuliunneq ilisimatitsissutigineqartassaaq, taamaattoq tak. imm. 4. Inuk imm. 2 malillugu ilisimatinnejartussaq suliassami pasisaasimappat aamma tamanna pillugu ilisimatinnejartassaaq kiisalu pasilliut inatsisinik unioqqutitsinermut sumut tunngasuunersoq.

Imm. 2. Kalerriisoqartassaaq

- 1) oqarasuaammik naalaarnermi aamma nalunaarasuaatitigut paasissutissarsinermi oqarasuaammik pineqartumik piginnittumut,
- 2) inimik naalaarnermi inuk sumiiffimmik imaluunniit inimik oqaloqatigiiffiusimasumik imaluunniit oqaaseqarfiusimasumik atuisartumut, aamma
- 3) allakkanik ammaanermi allakanillu uninngatitsinermi nassitsisuusumut imaluunniit nassiuunnejartunik tigusisussamut.

Imm. 3. Kalerriissassaaq eqqartuussivik, § 391 malillugu aalajangiisuuusimasoq. Politiit piffissap iliuuseqarfiusussatut akuerisap naaneraniit kingusinnerpaamik ullut 14-it qaangiutsinnagit kalterriisoqannginnissaanik imaluunniit kalterriinissap kinguartikkallarneqarnissaanik noqqaassuteqarsimannngippata kalterriineq pisassaaq sapinngisamik piaarnerpaamik, tak. imm. 4. Kalterriissutip assilineqarnera § 392 malillugu illersuisussangortitamut nassiunneqassaaq.

Imm. 4. Kalterriinissaq imm. 1-3-mi taaneqartutut paasinianermet ajoqutaassappat imaluunniit pissutsit kalterriinissamut akerliuppata eqqartuussivik politiinit noqqaavagineqarnikkut aalajangiisinnaavoq kalterriisoqassanngitsoq imaluunniit kalterriinissaq piffissamut erseqqinnerusumik sivisussusilikamut, kingusinnerusukkut sivitsorneqarsinnaasumut, kinguartinneqassasoq. Eqqartuussiviup aalajangiinera tunngavilersugaassaaq. Illersuisoq § 391 malillugu ivertinnejarsimasoq, eqqartuussivik tamanna pillugu aalajangiitinnagu oqaaseqaateqarnissamut periarfissaqartinneqassaaq.

Imm. 5. Nalunaarasuaatinik annertusisamik paasissutissiinkut nalunaarutinik isertuussisussaanermi akuliunnerup naanerani akuliussimaneq oqarasuaatinik pineqartunik piginnittunut kalterriunneqartassanngilaq.

Nalaatsornikkut nassaat

§ 397. Politiit nalunaarutinik isertuussisussaanermi akuliunnermikkut inatsisinik unioqqutitsineq pillugu paasissutissamik, akuliunnermet tunngaviusimanngitsumik aamma § 384, imm. 1, nr. 3, § 385, imm. 1, nr. 3, § 386, nr. 3, § 387, nr. 2 imaluunniit § 388, imm. 1, nr. 3, naapertorlugu tunngavigineqarsinnaasimanngitsumik, paasisaqarunik paasisaq tamanna inatsisinik unioqqutitsinermik pineqartumik paasinianerup ilaatut atorsinnaavaat, kisianni inatsisinik unioqqutitsinermut tunngatillugu eqqartuussivimmi upternarsaatitut atorsinnaanngilaat.

Imm. 2. Eqqartuussivik aalajangiinikkut, tunngavilersorneqartussakkut, aalajangiisinnaavoq imm. 1 atortuutinnejassanngitsoq

- 1) paasinianermi iliuutsit allat uppernarsaatissanik qularnaarinissamut atorsinnaanngippata,
- 2) suliassaq inatsisinik unioqqutitsinermut peqqarniitsumut tunngasuuppat, aamma
- 3) eqqartuussiviup tamanna eqqarsarnartoqartinngippagu.

Suujunnaarsitsisarneq

§ 398. Båndinut immiussat, nuutsitat allatulluunniit issuakkat, akuliuttoqarneratigut politiinit ilisimaneqalersimasut, suujunnaarsinnejartassapput, inatsisinik unioqqutitsinermut, akuliunnermet tunngaviusimasumut, arlaat pasillerneqalinngippat imaluunniit unnerluussut kingusinnerusukkut

taamaatinneqarpat. Suujunnaarsitsisoqaraangat illersuisoq, § 392 malillugu ivertitaq, politiinit kalerrinneqartassaaq.

Imm. 2. Paasissutissaatit paasiniaanerup tungaatigut pingaaruteqartuarpata suujunnaarsitsisoqanngitsoorsinnaavoq imaluunniit tamanna piffissami erseqqinnerusumik aalajangikkami kinguartikkallarneqarsinnaavoq. Politiit tamanna pillugu apeqqut eqqartuussivimmut saqqummiutissavaat. Eqqartuussivik tamanna pillugu aalajangiitinnagu illersuisoq, § 392 malillugu ivertitaq, oqaaseqaateqarnissamut periarfissinneqartassaaq. Aalajangiineq tunngavilersukkatut aalajangiinerussaaq. Aalajangersakkat oqaaseqatigut aappaanniittut atortuutinneqassangillat paasianut pinerluttulerinerimi inatsimmi §§ 23-35-mik unioqqutitsinerit paasiniarneqarnerisa ilaatus pissarsiaasunut.

Imm. 3. Oqarasuaammik naalaarnermut, allatut naalaarnermut imaluunniit allakkanik ammaanermut atatillugu pasisap inunnut, § 143-mi malittarisassat malillugit ilisimannittut nassuaatinneqarsinnaanngitsunut, attaviginninera akuliuffigineqarsimappat akuliunneq tamanna pillugu paasissutissaatit ingerlaannaq suujunnaarsinneqartassapput. Taamaassangilarli paasissutissaatit inuup eqqartorneqartup pasisaanissaanut pissutissiippata imaluunniit illersuisutut suliassaq taassumannga arsaarinnissutaappat, tak. §§ 325-326.

Imm. 4. Aamma politiit suujunnaarsittassavaat paasissutissaatit, nalunaarutitigut isertuussisussaanermi akuliunnikkut pissarsiat, paasiniaanerullu tungaatigut pingaaruteqanngitsut.

Alaatsinaanneq

§ 399. Politiit inunniq, imaaliallaannaq tikinneqarsinnaanngitsumiittunik, assiliisinnaapput imaluunniit qinngutit atortorissaarulluunniit alla atorlugu alaatsinaassinjaapput (alaatsinaanneq),

- 1) akuliunneq paasiniaanermut pingaaruteqarluinnartussatut isumaqarfingineqarpat, aamma
- 2) paasiniaaneq inatsisinik unioqqutitsinermut, inatsit malillugu inissiisarfimmittussanngortitsinermik kinguneqarsinnaasumut, tunngasuuppat.

Imm. 2. Tv-ikkut assiliissut ungasianiit aqunneqarsinnaasoq imaluunniit automatiskeq, assiliivik atortorissaarulluunniit alla atorlugu imm. 1-im i taaneqartutut alaatsinaanneq aatsaat pisinnaavoq paasiniaaneq inatsisinik unioqqutitsinermut peqqarniitsumut tunngasuuppat.

Imm. 3. Inunniq, inigisaminniittunik imaluunniit inigisap initaasa ilaanniittunik tv-ikkut assiliissut ungasianiit aqunneqarsinnaasoq imaluunniit automatiskeq, assiliivik atortorissaarulluunniit alla assingusoq atorlugu imaluunniit atortorissaarut inigisami imaluunniit inigisap initaani atorneqartoq atorlugu alaatsinaanneq aatsaat pisinnaavoq

- 1) aalajangersimasunik pissutissaqarluni isumaqartoqarpat akuliunnikkut suliassami upernarsaatissanik pissarsisoqarsinnaasoq
- 2) akuliunneq paasiniaanermut aalajangiisumik pingaaruteqartutut isumaqarfingineqarpat,
- 3) paasiniaaneq inatsisinik unioqqutitsinermut immikkut peqqarniissusilimmut, inuit inuunerisa atugarissaernerisaluunniit imaluunniit inuiaqatigut naliliutaasa annertuut navianartorsiortinnejernerannik kinguneqarsimasumut imaluunniit kinguneqarsinnaasumut, tunngasuuppat.

Imm. 4. Sumiiffimmik imm. 1-3-mi taaneqartutut tikikkuminaatsumiittumik inatsisinik unioqqutitsinermi pinerlineqarsimasuunerartup atortagaanik alaatsinaanneq aalajangersakkami matumani malittarisassani pineqanngilaq, pineqartoq taanna alaatsinaannissamut allakkatigut akuersaarpas.

Imm. 5. Alaatsinaattoqassanngilaq akuliunermi siunertaasoq suliassap qanoq ittuunera peqqarniissusaalu aammalu akuliunnerup inummut inunnnulluunniit eqqorneqassasorineqartunut narrunarsaanissaa akornusiinissaalu naleqqutinngitsusuusorineqarpat.

Imm. 6. § 390-im, § 391-im, § 392-im, § 396, imm. 1-im, § 396, imm. 2, nr. 2-mi § 396, imm. 3-4-mi, § 397-im aamma § 398-im malittarisassat imm. 2-mi 3-milu eqqartorneqartutut pisunut taamatulli atortuutinneqassapput.

Qarasaasiami paasissutissanik atuaaneq

§ 400. Paasissutissanik tamanut ammatitaanngitsunik qarasaasiami paasissutissaasivimmiittunik programmit atortulluunniit allat atorlugit tigooraasoqarsinnaavoq (qarasaasiami paasissutissanik atuaaneq), 1) aalajangersimasumik pissutissaqarluni isumaqartoqarpat, paasissutissaasivimmiittut pasisamit nr. 3-mi taaneqartutut pinerluuteqassamaarnermut atorneqassasut imaluunniit pinerluuteqarsimanermut atatillugu atorneqarsimasut,

2) akuliunneq paasiniaanermut aalajangiisuusumik pingaaruteqartuusorineqarpat aamma

3) paasiniaaneq pinerluttulerinermi inatsimmi kapitali 7-mik imaluunniit 8-mik imaluunniit §§ 65, imm. 1-imik, 66-imi oqaaseqatigiinnik siullernik 67-imik, 69-imik, 71-imik imaluunniit 86-imik piaaraluni unioqqutitsinermut imaluunniit ikiaroornartut pillugit inatsimmik imaluunniit sakkut pillugit inatsimmik piaaraluni unioqqutitsinermut peqqarniitsumut tunngassuteqarpat.

Imm. 2. Imm. 1-imik taaneqartutut akuliuttoqassanngilaq akuliunermi siunertaasoq, suliassap qanoq ittuunera peqqarniissusaalu aammalu akuliunnerup inummut inunnnulluunniit eqqorneqassasorineqartunut narrunarsaanissaakornusiinissaalu naleqqutinngitsuusorineqarpat.

Imm. 3. Paasissutissaasivinniititanik tigooraanissaq eqqartuussivimmit aalajangiiffigineqassaaq, tunngavilersorneqartussamik. Aalajangiinermi taaneqassaaq paasissutissaasivik, akuliunnermi pineqartoq. Aamma § 391, imm. 1-imik oqaaseqatigiit aappaat pingajuilu kiisalu imm. 2 aamma 3 taamatulli atortuutinnejassapput.

Imm. 4. Akuliussimaneq pillugu kingusinnerusukkut kalerrineq pisassaaq § 396, imm. 1-imik, 3-mi aamma 4-mi malittarisassat malillugit. Inummut paasissutissaasivimmik tigooraavigineqartumik atuisinnaatitaasumut kalerrisoqassaaq. Aamma §§ 390-imik, 392-imik, 397-imik kiisalu 398-imik malittarisassat taamatulli atortuutinnejassapput.

Timimik misissuisarneq

Timimik qimerluuisarneq aamma misissuisarneq

§ 401. Paasiniaanerup ilaatut politiit § 402 aamma §§ 405-407 malillugit pasisap allallu timaannik misissuisinnaapput timip isikkuanik qimerluuinermikkut, assiliivimmik assiliinermikkut, timip pisataasa ilusaannik assigisaannillu ininititsilluni naqtsinermikkut kiisalu atisanik pineqartup atugaanik misissuillutik.

Imm. 2. Paasiniaanerup ilaatut §§ 403-407 malillugit pasisap allallu timaat misissorneqarsinnaapput timimik sukumiinerusumik misissuinikkut, matumunnga ilanngullugittaak timip ammaneri, aaviinernik misissugassanilluunniit allanik assingusunik tigusilluni, tarrarsuilluni assigisaatulluunniit iliirluni.

Pasisap timaanik qimerluuisarneq

§ 402. Politiit, taamaattoq tak. imm. 2 aamma 3, pasisap timaanik aatsaat misissuiffiginnissinnaapput 1) pineqartoq taanna inatsisinik unioqqutitsisimanermut, pisortatigoortumik unnerluussutaasussamut, naleqquttumik pissutissaqartumik pasineqarpat, aamma

2) akuliunneq paasiniaanermut pingaaruteqarluinnartutut isumaqarfingineqarpat.

Imm. 2. Kingusinnerusukkut kinaassusersiuinissaq siunertalarugu inussat ipaasiuisoqarsinnaallunilu inummiik assiliisoqarsinnaavortaaq, pineqartoq inatsisinik peqqarniitsumik unioqqutitsisimanermut naleqquttumik pissutissaqartumik pasineqarpat.

Imm. 3. Tigusarineqartup timaa aamma misissuiffigineqarsinnaavoq § 355, imm. 3 malillugu.

Pasisap timaanik misissuisarneq

§ 403. Pasisap timaa aatsaat misissorneqarsinnaavoq

- 1) tunngavissaqartumik pasitsaaneeqarpat pineqartoq taanna inatsisinik peqqarniitsumik unioqquitsisimasoq aamma
- 2) akuliunneq paasiniaanermut aalajangiisuuusumik pingaaruteqarsorineqarpat.

Imm. 2. Aammattaaq misissugassamik aaviisoqarsinnaavoq tunngavissaqartumik pasitsaaneeqarpat pineqartoq taanna inatsisinik unioqquitsisimasoq, iliuusaanut ilaasimallunitaaq imigassartorsimaneq, nakorsaatitorsimaneq imaluunniit ikiaroornartunik sunnertisimaneq.

Imm. 3. Timimik aatsaat misissusoqarsinnaavoq peqqinnissaqarfinni sulisut peqataatillugit, taakkua isummerfigissavaat akuliunneq peqqissutsip tungaatigut illersorneqarsinnaanersoq, tamatumani isiginiarneqassalluni taamaalionermi anniaataasinaasut aamma ajoquserneqariataarsinnaaneq kiisalu inuup misissorneqartup qanoq innera.

§ 404. Timip qaavaniit misissugassanik qularnaarilluni aavillunilu pasisap timaanik misissuinissaq pillugu aalajangiineq politinit aalajangiivigineqassaaq.

Imm. 2. Pasisap timaanik allatigut misissuiffiginninnissaq eqqartuussivimmit aalajangiinikkut aalajangiivigineqassaaq, taamaattoq tak. imm. 5. Aalajangiinermi taagorneqassapput suliassami pissutsit aalajangersimasut, akuliunissamut piumasaqaatit naammassineqarnerannut tapersiisuuusut. Aalajangiineq qaqugukkulluunniit allanngortinneqarsinnaavoq.

Imm. 3. Akuliunnermi siunertarisaq maangaannassagaluarpat, eqqartuussiviup aalajangiinissaai utaqeqassagaluarpat politit akuliunniarlutik aalajangiisinnapput. Taamaassappat politit sapinngisamik piaarnerpaamik kingusinnerpaamillu nal. akunnerisa 24-t pingasoriarneri qaangiutsinnagit suliassaq eqqartuussivimmut, akuliunnerup akuersissutigineqarnissaanik aalajangiisussamut, saqqummiutissavaat. Aalajangiineq tunngavilersukkamik aalajangiinerussaaq. Tamannali atutissanngilaq, akuliunnerup kingorna tamatumunnga isumaqataaneq allakkatigut nalunaarutigineqarpat.

Imm. 4. Eqqartuussivik imm. 2 imaluunniit imm. 3-mi oqaaseqatigiit aappaat malillugit aalajangiitinnagu akuliuffigineqartoq oqaaseqaateqarsinnaatitaassaaq. Illersuisoq ivertinneqassaaq, tamanna pasisap noqqaassutigippagu. Pasisaq illersuisulerneqarsinnaanerminik ilitsersorneqartassaaq.

Imm. 5. Pasisap akuliunissamut isumaqataanini allakkatigut nalunaarutigippagu, imm. 2-mi taaneqartutut timikkut misissuiffiginninnissaq aamma politiinit aalajangiiffigineqarsinnaavoq. Pasisaq illersuisulerneqarsimappat aamma taanna akuersisimasariaqarpoq.

Pasisaanngitsup timaanik qimerluuisarneq aamma misissuisarneq

§ 405. Inuup pasisaanngitsup timaanik misissuiffiginnittarneq kapitalimi matumani malittarisassani pineqanngilaq, pineqartoq akuliunissamut akuersisimappat. Isumaqataalluni akuersineq sapinngisamik allakkatigut pitinniarneqartassaaq. Isumaqataalluni akuersisoqanngippat timimik misissuisoqassanngilaq, atisaajaqqusisoqarfiusumik. Allatut iliorluni timimik misissuisoqartassaaq imm. 2-4-mi malittarisassat malillugit.

Imm. 2. Inuk pasisaanngitsoq timikkut misissuiffigineqarsinnaavoq atisaajarfiusariaqanngitsumik, tamatumani eqqarsaatigineqarlunitaaq assiliivimmik assiliinerit, timip pisataasa ilusaannik ininititsilluni naqtsinerit assigisaallu aamma atisanik misissuiffiginninnerit,

- 1) paasiniaaneq inatsisinik unioqquitsinermut peqqarniitsumut tunngasuuppat, aamma
- 2) akuliunneq paasiniaanermut aalajangiisuuusumik pingaaruteqartuusorineqarpat.

Imm. 3. Imm. 2 malillugu timikkut misissuiffiginninnissamik aalajangiineq eqqartuussiviup aalajangiinerissavaa, tunngavilersorneqartussaq. § 404, imm. 2, oqaaseqatigiit aappaanni pingajuinilu kiisalu imm. 3-mi aamma 4-mi oqaaseqatigiinni siullerni aalajangersakkat taamatulli atortuutinnejassapput. Toqqaannartumik pinngitsaaliinissamut taarsiullugu pinngitsaaliissutit § 150, imm. 1-imi taaneqartut timikkut misissuiffiginninnissani atorneqarsinnaapput.

Imm. 4. Ilungersunartumik nakuusertoqarluni pinerluuteqartoqarsimatsiaannartoq imaluunniit taamaaliornissamik qunusaarisqarsimatsiaannartoq pinerluffiusimasumik paasinianermi kiisalu allatigut paasinianerni, najuuttut arlaata sakkumik timimini toqqortaqarnera tunngavissaqaqtumik pasitsaaaneqarsimatillugu, politiit inuit sumiiffimiittut tamaasa atisaat misissuiffigisinnaavaat, sakkumik nassaarnissaq siunertaralugu.

Atsikkutigiissaarinissamik piumasaqaatit

§ 406. Timikkut misissuiffiginnitoqartassanngilaq timimillu misissusoqartassanngilaq akuliunnermi siunertarisaq, unioqqutitsinerup suunera peqqarniussusaalu aammalu narrunarsagaanissaq nuanniilliortitaanissarlu akuliunnissamut naleqqiullugit naleqqutinngippata.

Qajassuussinissamik piumasaqaatit

§ 407. Timikkut misissuiffiginninneq timimillu misissuineq sapinngisamik pissutsit pisariaqartitsinerat naapertorlugu qajassuartumik ingerlanneqartassaaq. Akuliunneq, kanngutsatsuliorfigineqarnertut misagineqarsinnaasoq, inunnit misissuiffigineqartup suaassuseqataanit imaluunniit peqqinnissaqarfimmi sulisunit sapinngisamik isumagineqartassaaq. Akuliunneq taamaattoq atisaajarfiusariaqarpat tamanna misissuiffigineqartup suaassuseqataanit imaluunniit peqqinnissaqarfimmi sulisunit taamaallaat sapinngisamik najuuffigineqartariaqarpoq.

Inuup assinginik il. il toqqortarinnittarneq

§ 408. Politiit inuup assinginik toqqortarinnissinnaanngillat, inunnik pasisaasimannngitsunik imaluunniit pinngitsuutitaasimasunik imaluunniit unnerluutigineqarnissaat taamaatinneqarsimasunik kingusinnerusukkut kinaassusersiinissaq siunertaralugu.

Imm. 2. Politiit atortussanik allanik paasissutissanillu allanik, inunnut pasisaasimasunut timikkut akuliunnikkut pissarsiarineqarsimasunik toqqortaqarsinnaapput.

Imm. 3. Paasissutissat atortussallu akuliunnerit, eqqartuussivimmit § 404, imm. 3-mi oqaaseqatigii aappaat naapertorlugit akuersissutigiumaneqanngitsut imaluunniit eqqartuussivimmit tunngavissaqorsorneqanngitsut, aqqutigalugit pissarsiarineqartut piaarnerpaamik suujunnaarsinneqartassapput.

Uppernarsaatissanik ujaasineq

Uppernarsaatissanik ujaasinerup isumaata imarisaa

§ 409. Politiit §§ 409-416-imi malittarisassat malillugit upternarsaatissanik ujaasiffigisinnaavaat
1) inigisat illumilu init allat, allakkiat upternarsaatissat, pappiaraatit assigisaallu kiisalu pigisat parnaaqgasut imaat aamma
2) pigisat allat kiisalu sumiiffiit illup avataanniittut.

Imm. 2. Uppernarsaatissanik ujaasinermi ujarneqarsinnaapput pigisat ujaarineqartut imaluunniit pigisat suliassap paasiniarneqarneranut pingaaruteqarsinnaasut imaluunniit arsaarinnissutaasariaqartut imaluunniit inummut pinerlunniikkut pigisamik arsaarneqarsimasumut tunniunneqartariaqartut, imaluunniit ujarneqarsinnaavoq pasisaq eqqartuussaasimasorluunniit toqkoqqasoq.

Imm. 3. Sumiiffinnik pigisanilluunniit, politiinit imaaliallaannaq tikinnejqarsinnaasunik, misissuinerit §§ 409-416-imi malittarisassaniittut pineqanngillat.

Imm. 4. Inuup timaanik misissuineq aamma pineqartup atisaanik atugaanik misissuineq pillugit atutissapput malittarisassat §§ 401-408-imiittut. Allakkanik, nalunaarasuaatinik assigisaattullu nassiuissanik misissuiffiginninneq pillugu atutissapput §§ 384-398-imi malittarisassat.

Pasisap uppermarsaatissanik ujaasiffigineqarnera

§ 410. Illup initaani, sumiiffinniluunniit allani imaluunniit pigisani, pasisap atugaani, uppermarsaatissanik aatsaat ujaasisoqarsinnaavoq

- 1) pineqartoq inatsisinik unioqqutitsinermut, pisortatigoortumik unnerluutigisassaatitaasumut, naapertuuttumik pissuteqartumik pasisaappat, aamma
- 2) uppermarsaatissanik ujaasineq paasiniaanermut pingaaruteqarluinnartutut isumaqarfingineqarpat.

Imm. 2. § 409, imm. 1, nr. 1-imí taaneqartutut ittumik uppermarsaatissanik ujaasinerni tamatuma saniatigut piumasarineqassaaq suliassaq inatsisinik unioqqutitsinermut, inatsit malillugu inissiisarfimmiittussanngortitaanermik kinguneqarsinnaasumut, tunngassuteqassasoq imaluunniit aalajangersimasumik pissutissaqarluni isumaqartoqassaaq suliassami uppermarsaatissat imaluunniit pigisat, arsaarinnissutaagallarsinnaasut, uppermarsaatissanik ujaasinermi nassaarineqarsinnaasut.

Imm. 3. Pasisap uppermarsaatissanik ujaasiffigineqarnerani allakkatigut nalunaarutinik assigisaannilluunniit nassaartoqarpat, inummiit § 143-mi malittarisassat malillugit suliassami ilisimannittutut nassuaatinneqarsinnaanngisumiit pisunik, taakku uppermarsaatissarnik ujaasiffingeqassanngillat. Aamma atortunut, inummiit § 145-mi pineqartumiit pisunut, tunngatillugu tamanna atuuppoq, atortut taakku paasissutissanik imaqpata pineqartup § 145 malillugu ilisimannittutut nassuaateqarfigisussaanngisaanik.

Pasisaanngitsumi uppermarsaatissanik ujaasineq

§ 411. Illup initaanik, ininik pigisanilluunniit allanik, inuup pasilligaanngitsup atugarisaanik, uppermarsaatissanik ujaasisarneq, taamaattoq tak. imm. 2, aatsaat pisassaaq

- 1) paasiniaaneq inatsisinik unioqqutitsinermut, inatsit malillugu inissiisarfimmiittussanngortitsinermik kinguneqarsinnaasumut, tunngasuuppat, aamma
- 2) aalajangersimasumik pissutissaqarluni isumaqartoqarpat suliassami uppermarsaatissat imaluunniit pigisat, arsaarinnissutaagallarsinnaasut, uppermarsaatissanik ujaasinermi nassaarineqarsinnaasut.

Imm. 2. Aammattaaq uppermarsaatissanik ujaasisoqarsinnaavoq pineqartup taamatut ujaasinissaq allakkatigut isumaqataaffigippagu imaluunniit pinerluuteqarnerup paasineqarneranut imaluunniit nalunaarutigineqarneranut atatillugu pineqartoq taamaaliortoqarnissaanut isumaqataalluni akuersarpat.

Imm. 3. Inunni, § 143-mi malittarisassat malillugit suliassami ilisimannittutut nassuaateqartussaatitaanngitsuni, pasisap inuullu pineqartup akornanni allakkatigut nalunaarutit assigisaallu kiisalu inuup pineqartup pasisaq pillugu allattugai assigisaallu ujaasiffingeqartassanngillat. Inunni, § 145-mi pineqartuni, uppermarsaatissanik ujaasiffingeqassanngillat atortut, § 145 malillugu inuup pineqartup ilisimannittutut nassuaateqarfigisussaanngisaanik paasissutissartallit.

Uppermarsaatissanik ujaasinissaq pillugu aalajangiineq

§ 412. Pigisat inilluunniit § 409, imm. 1, nr. 2-mi taaneqartut, pasisap atugarisai, pillugit uppermarsaatissanik ujaasiffinginninnissaq politiinit aalajangiiffingeqassaaq.

Imm. 2. Pisuni allani uppermarsaatissanik ujaasinissaq eqqartuussivimmit aalajangiiffingeqartassaaq, taamaattoq tak. imm. 5 aamma 6. Aalajangiinermi taagorneqassapput suliassami pissutsit aalajangersimasut, akuliunnermut piumasaqaatit naammassineqarnerannut tapersiisuuusut. Aalajangiineq sukkulluunniit allanngortinneqarsinnaavoq.

Imm. 3. Misissuinermi siunertarisaq maangaannartussanngussappat, eqqartuussiviup aalajangiinissaat utaqqineqassappat, politiit aalajangersinnaapput uppermarsaatissanik ujaasisoqassasoq. Inigisap initaanik, sumiiffinnik pigisanilluunniit uppermarsaatissatigut ujaasiffinginiarneqartoq tamatuminnga kissaateqarnerminik saqqummiussippat, politiit sapinngisamik piaernerpaamik kingusinnerpaamillu nal. akunnerisa 24-it pingasoriarneri naatinnagit, suliassamik eqqartuussivimmut akuliunnissamut akuersissutiginnittussamut saqqummiussissapput. Aalajangiineq tunngavilersugaassaaq.

Imm. 4. Eqqartuussivik imm. 3-mi oqaaseqatigiit aappaat malillugit aalajangiilersinnagu inigisap initaanik, sumiiffinnik pigisanilluunniit uppernarsaatissatigut ujaasiffinginarneqartoq oqaaseqarsinnaatinneqassaaq. § 344, imm. 2-3 taamatulli atortuutinneqassapput.

Imm. 5. Uppernarsaatissanik ujaasineq inigisap initaanut, sumiiffinnut pigisanilluunniit pasisap atugarisaanut tunngasuuppat, taannalu uppernarsaatissani ujaasisoqarnissaanut allakkatigut akuersinerminik nalunaarpat uppernarsaatissanik ujaasinissaq aamma politiit aalajangiiffigissavaat.

Imm. 6. Taamaattorli politiit imm. 2-mi aalajangersagaq apeqqutaatinnagu aalajangersinnaavaat, pinerlunnerup paasineqarneranut imaluunniit nalunaarutigineqarneranut atasumik pinerluffiusumi uppernarsaatissanik ujaasisoqassasoq, inuk inigisap initaanik, sumiiffinnik pigisanilluunniit atuisinnaatitaasoq pasilligaanngippat aamma pineqartoq taanna ingerlaannaq attavigineqarsinnaanngippat. Taamaassappat pineqartoq piaernerpaamik uppernarsaatissanik ujaasineq pillugu ilisimatinneqassaaq.

Atsikkutigiissaarinissamik piumasagaatit

§ 413. Uppernarsaatissanik ujaasisoqassanngilaq akuliunnermi siunertarisaq, unioqqutitsinerup suunera peqqarniissusaalu aammalu nikanarsagaanissaq akornusersorneqarnissarlu, misissuinerup kingunerisinnaasaatut ilimagineqarsinnaasut, naleqqutinngitsumik akuliunnerussappata. Taamatut naliliinermi pingartinneqartassaartaaq uppernarsaatissanik ujaasineq pigisanik aseruinermik imaluunniit ajoqsiinermik kinguneqassanersoq.

Uppernarsaatissanik ujaasinerup ingerlanneqarnera

§ 414. Uppernarsaatissanik ujaasineq pissutsit naapertorlugit sapinngisamik qajassuartumik ingerlanneqartassaaq, sapinngisamik aseruinaveersaarluni imaluunniit ajoqsiinaveersaarluni kiisalu akuliunnerup qanoq ilineratigut pinera imaluunniit periuseq atorneqartoq pissutaalluni pisariaqanngitsumik allanut uitsataalersinnaveersaarlugu.

Imm. 2. Inuk uppernarsaatissanik ujaasiffingeqartussaq imaluunniit taassuma qimagusimanerani inuit allat ujaasiffingeqartussami naammattoorneqassappata, pineqartut taakku uppernarsaatissanik ujaasiniarnermik tamatumunngalu tunngaviusumik ilisimatinneqassapput kajumissaarneqassallutilu ujaasineq najuuffigeqqullugu. Uppernarsaatissanik ujaasineq eqqartuussiviup aalajangiinera tunngavigalugu pissappat, aalajangiineq noqqaavigineqarnikkut takutinneqassaaq. Uppernarsaatissanik ujaasineq § 412, imm. 3 malillugu pissappat politiit pineqartoq ilitsersussavaat apeqqummik tamatuminnga eqqartuussivimmut saqqummiussisinnaaneranik. Inuup, uppernarsaatissanik ujaasiffingeqartup, piumasarisinnaavaa inuk, ilisimannittut nammineq toqqakkami, ujaasisoqarnerani najuutissasoq, piffissap imaluunniit paasinianerup tungatigut pissutigisat tamatumunnga akerliussanngippata. Uppernarsaatissanik ujaasinermi siunertarisamit tamanna pisariaqartinneqarpat aamma uppernarsaatissanik ujaasineq akornusersorneqarpat, politiit aalajangersinnaavaat inuit ujaasifflusumiittut ujaasisoqarnerani qimagutsinneqassasut.

Imm. 3. Uppernarsaatissanik ujaasisoqarnerani inunnik najuuttoqanngippat inuup ujaasiffingeqartup illoqatai ajornanngippat marluk imaluunniit ilisimannittut allat marluk ujaasinermi najuuteqqullugit aggersarneqassapput.

Imm. 4. Inuk uppernarsaatissanik ujaasiffingeqartoq ujaasisoqarnerani najuutinngippat politiit pineqartoq taanna tamatuminnga kalerrissavaat. Uppernarsaatissanik ujaasineq § 412, imm. 3 malillugu ingerlanneqarsimappat politiit pineqartoq taanna apeqqummik eqqartuussivimmut saqqummiussisinnaanera pillugu ilitsersussavaat. Kalerriisoqassaaq immaqalu ilitsersuuteqartoqarsinnaavoq politiit allakkatigut nalunaarummik ujaasiffigisami ilisineratigut.

Isertortumik uppernarsaatissanik ujaasineq

§ 415. Pasisaq allalluunniit ilisimateqqaarnagit upternarsaatissanik ujaasinissaq paasiniaanermut aalajangiisuusumik pingaaruteqassappat eqqartuussivik, paasiniaaneq pinerluttulerinermi inatsimmi kapitali 7-mik imaluunniit 8-mik imaluunniit § 65, imm. 1-imik, § 66-imi oqaaseqatigiinnik siullernik, § 67-imik, § 68, imm. 1-2-mik, § 69-imik, § 71-imik imaluunniit § 86-imik piaaraluni unioqqutitsinermut imaluunniit ikiaroornartut pillugit inatsimmik imaluunniit sakkut pillugit inatsimmik piaaraluni unioqqutitsinermut peqqarniitsumut tunngassuteqarpat, aalajangiisinnaavoq § 414, imm. 2-mi oqaaseqatigiit siullerniit sisamaannut, imm. 3-mi aamma 4-mi malittarisassat sanioqqunneqassasut. Taamaassanngilarli inigisap initaanik, sumiiffinnik pigisanilluunniit, inuup § 143-mi malittarisassat malillugit suliassami ilisimannittutut nassuaasinneqarsinnaangngitsup imaluunniit § 145-mi malittarisassat malillugit nassuaateqanngitsooqquneqartup, atugaanik upternarsaatissanik ujaasinermi. Aalajangiineq tunngavilersugaassaaq.

Imm. 2. § 391, imm. 2-mi aamma 3-mi, § 392-imi kiisalu § 396-imi malittarisassat atortuutinnejassapput imm. 1-imi oqaaseqatigiinni siullerni eqqartorneqartutut pisoqartillugu.

Imm. 3. Eqqartuussiviup aalajangersinnaavaa piffissap imm. 2 malillugu § 391, imm. 2 naapertorlugu aalajangerneqartup iluani upternarsaatissanik ujaseqqitaartoqarsinnaasoq. Eqqartuussiviup tamatumunnga atatillugu ujaasinissat amerlassusissaat aalajangissavaa. Taamaasiornissamut immikkut ittunik tunngavissaqarpat eqqartuussiviup aalajangersinnaavaa aalajangersimanngitsumik amerlassusilinnik ujaasisoqarsinnaasoq.

Nalaatsornikkut nassaarisat

§ 416. Politiit upternarsaatissanik ujaasinermi paasissutissarsippata inatsisinik unioqqutitsisoqarsimasoq, akuliunnermut § 410, imm. 1, nr. 1-imi aamma imm. 2-mi, § 411, imm. 1, nr. 1-imi imaluunniit § 415, imm. 1-imi malittarisassat malillugit tunngavineqarsinnaangngitsunik, politiit paasissutissarsiaq taanna inatsisinik unioqqutitsinermik tamatuminnga paasinianerup ilaatut atorsinnaavaat, kisianni inatsisinik unioqqutitsineq pillugu eqqartuussivimmi upternarsaatitut atorsinnaanagu.

Imm. 2. Eqqartuussiviup aalajangersinnaavaa politiit § 415, imm. 1 naapertorlugu upternarsaatissanik ujaasinermiinna paasissutissarsiaannut imm. 1 atuutsinneqassanngitsooq

- 1) paasinianermermi iliuuserisat allat suliassami upternarsaatissanik qularnaarinissamut piukkunnanngippata,
- 2) suliassaq inatsisinik unioqqutitsinermut immikkut peqqarniissusilimmut tunngasuuppat, aamma
- 3) eqqartuussiviup tamanna eqqarsarnartoqartinngippagu.

Kapitali 37

Paasinianerup nalaani pinngitsaaliissutaasartut allat

*Arsaarinnikkallarneq aamma saqqummiusseqqusineq
Arsaarinnikkallarneq*

§ 417. Arsaarinnikkallartoqarsinnaavoq

- 1) upternarsaatissat qularnaarniarlugit,
- 2) pisortat arsaarinninnissamik, akiliisitsinissamik aamma suliassami aningaasartuutinut piumasaqaataat qularnaarniarlugit,
- 3) pinerlineqartup utertitsivigineqarnissamik imaluunniit taarsiivigineqarnissamik piumasaqaatai qularnaarniarlugit, aamma
- 4) unnerluutigineqartup suliassamik malersueqqinnissaq pinngitsoortikaangagu.

Imm. 2. Arsaarinnikkallartarneq pillugu malittarisassani pineqanngillat pigisat, politiinit tiguneqartut, arlaannaannilluunniit pigineqanngitsut imaluunniit pigumaneqanngitsut kiisalu arlaannaannilluunniit piumasaqaateqarfugmaneqanngitsut.

Imm. 3. Allakkanik assigisaannillu nassiunneqartunik tunniussinermi kiisalu oqarasuaatitigut il.il. atassuteqarnerit pillugit paassisutissiinermi malittarisassat §§ 384-398-imiittut atuutissapput. Tigusarineqartoq § 355, imm. 3 malillugu pigisanik aningaasanillu arsaarneqarsinnaavortaaq.

Pasisamiittunik arsaarinnikkallartarneq

§ 418. Pigisat pasisamit atorneqartut arsaarinnissutaagallarsinnaapput,

- 1) pineqartoq inatsisinik unioqqutitsinermut, pisortatigoortumik unnerluutigineqartussamut, naleqquatumik pissutissaqarpat aamma
- 2) pissutissaqarpat isumaqassalluni arsaarinnissutigineqarallartussaq uppermarsaatitut atorneqarsinnaasoq imaluunniit arsaarinnissutaasariaqartoq, taamaattorli tak. imm. 2, imaluunniit arlaat, utertinnissaanik piumasaqarsinnaasoq, inatsisinik unioqqutitsinermi arsaarneqarsimappat.

Imm. 2. Pasisap pigisai nalillit arsaarinnissutigineqarallarsinnaapput,

- 1) pineqartoq inatsisinik unioqqutitsinermut, pisortatigoortumik unnerluussutaasussamut, naleqquatumik pissutissaqarpat aamma
- 2) arsaarinnikkallarnissaq pisariaqarsorineqarpat, pisortat arsaarinninnissamik pinerluttulerinermi inatsimmi § 166, imm. 1-imi oqaaseqatigiit siulliit, titarnerit aappat aamma imm. 4, § 168, imm. 5, aamma § 170-imi oqaaseqatigiit aappaat malillugit piumasaqaataat, akiliisitsinissamik piumasaqaataat, suliassamut aningaasartutinut piumasaqaataat imaluunniit pinerlineqartup taarsiivigineqarnissamik piumasaqaatai qularnaarniarlugit.

Imm. 3. Pasisap aningaasaataanik pigisaanillu nalilinnik tamakkerlugit ilaannaannilluunniit, matumunnga ilanngullugit pisuussutaatit kingusinnerusukkut pissarsiarisinnaasai, arsaarinnikkallartoqarsinnaavoq inatsisinik unioqqutitsineq peqqarniitsqoq pillugu unnerluussissuteqartoqarpat aamma unnerluutigineqartup suliassami malersueqqinnissaq pinngitsoortissimappagu.

Imm. 4. Allakkatigut nalunaarutinik assigisaannilluunniit, inummiit § 143-mi malittarisassat malillugit suliassami ilisimannittutut nassuaateqarsinnaanngitsumiit pisunik, pasisaq arsaarinniffigineqarallarsinnaanngilaq. Tamannattaaq atuuppoq atortunut, inummiit § 145-mi pineqartumiit pisunut tunngatillugu, atortut taakku paassisutissanik imaqpata pineqartup § 145 malillugu suliassami ilisimannittutut nassuaateqarfugisassarinngisaanik.

Pasisaanngitsumiit arsaarinnikkallartarneq

§ 419. Pigisat, inuup pasisaanngitsup atugai, arsaarinnissutigineqarallarsinnaapput inatsisinik unioqqutitsinermik, pisortatigoortumik unnerluutigineqartussamik, paasiniaanerup ilaatut, pissutissaqarpat isumaqassalluni pigisaq taanna uppermarsaatitut atorsinnaassasoq, arsaarinnissutaasariaqartoq imaluunniit inatsisinik unioqqutitsinikkut arlaanniit, utertinnissaanik piumasaqarsinnaasumiit, tiguneqarsimasoq. Naliliutit allat, matumunnga ilanngullugit aningaasat, inuup pasisaanngitsup atugai, arsaarinnissutigineqarallarsinnaapput inatsimmiik unioqqutitsinermik pisortatigoortumik unnerluutigineqartussamik paasiniaarnerup ilaatut, pissutissaqarpat isumaqassalluni naliliutit taakku arsaarinnissutaasariaqartut. § 161 taamatulli atortutinnejassaaq.

Imm. 2. Inunni, § 143-mi malittarisassat malillugit suliassami ilisimannittutut nassuaateqarsinnaatitaanngitsuni, pasisap inuullu pineqartup taassuma akornanni allakkatigut nalunaarutit kiisalu taassuma pasisaq pillugu allattugai assigisaallu uppermarsaatissatut arsaarinnissutaagallarsinnaanngillat. Inunni § 145-mi pineqartuniittut atortut, pissutsinik pineqartup § 145 malillugu suliassami ilisimannittutut nassuaateqarfugisassarinngisaanik paassisutissartallit, arsaarinnissutigineqarallarsinnaanngillat.

Saqqummiusseqqusineq

§ 420. Inatsisinik unioqqutitsinermik, pisortatigoortumik unnerluutigisassaasumik, paasiniaanerup ilaautut eqqartuussiviup inuk pasisaanngitsoq peqqusinnaavaa pigisanik nittaqqullugu imaluunniit tunniusseqqullugu (saqqummiusseqqusineq), pissutissaqarpat isumaqassalluni pigisaq pineqartup atortagaa upfernarsaatitut atorsinnaasoq, arsaarinissutaasariaqartoq imaluunniit inatsisinik unioqqutitsinikkut arlaanniit, utertinnissaanik piumasaqarsinnaasumiit, tiguneqarsimasoq.

Imm. 2. Pigisaq eqqartuussiviup saqqummiusseqqusinera malillugu politiinut tunniunneqarpat arsaarinnikkallartarneq pillugu malittarisassat § 419, imm. 1-imiittut taamatulli atortuutinnejassapput.

Imm. 3. Pigisap tunniunneqarnissaa peqqussutigineqarani imm. 1-imi taaneqartut tunngavigalugit politiinut tunniunneqarpat § 423, imm. 5 atortuutinnejassaaq. Tunniussinissaq noqqaassutigineqarpat, tamannalu politiit akueriumaneqanngippat, politiit sapinngisamik piaernerpaamik aammalu nal. akunnerisa 24-it pingasoriarlugit qaangiutsinnagit suliassamik eqqartuussivimmut saqqummiussissapput arsaarinnikkallarnissaq noqqaassutigalugu. Taamaassappat § 422, imm. 3-mi oqaaseqatigiit aappaat aamma imm. 5-imi oqaaseqatigiit siullit atortuutinnejassapput.

Imm. 4. Uppernarsaatissatut saqqummiusseqqusisoqarsinnaanngilaq taamaaliornikkut pissutsit, pineqartup ilisimannittutut nassuaateqarnissaanut pinngitsoortitsisussat, pillugit paassisutissat saqqummertussaassappata, tak. §§ 142-145.

Imm. 5. Inatsiseqarnermut ministeri malittarisassiorsinnaavoq saqqummiusseqqusinermik naammassinninniutitut pisuni immikkut ittuni aningaasatigut taarsiissuteqarnissaq pillugu.

Atsikkutigiissaarinissamik piumasaqaatit il.il.

§ 421. Arsaarinnikkallartoqarsinnaanngilaq imaluunniit saqqummiusseqqusisoqarsinnaanngilaq akuliunneq suliassap qanoq ittuuneranut peqqarniissusaanullu kiisalu akuliunnerup nassatarisinnaasaanik annaasanut imaluunniit akornuserneqarnermut naleqquttuusorineqanngippat.

Imm. 2. Akuliunnermi siunertarisaq sakkukinnerusumik iliuuseqarnikkut, matumunnga ilangullugu qularnaveeqquisiinkut, anguneqarsinnaappat, akuliuffigineqartoq tamanna pillugu allakkatigut isumaqatigiissusioqatigineqarsinnaavoq.

Imm. 3. Pisortat arsaarinninnissamik pinerluttulerinermi inatsimmi §§ 166, imm. 1-imi oqaaseqatigiit siullit, titanerit aappaat, 166, imm. 1, oqaaseqatigiit aappaat, 166, imm. 2, oqaaseqatigiit aappaat, 166, imm. 4, 168, imm. 5 aamma § 170-imi oqaaseqatigiit aappaat malillugit piumasaqaataat, akiliisitsinissamik piumasaqaataat, suliassamut aningaasartuutinut piumasaqaataat imaluunniit pinerlineqartup taarsiivigineqarnissamik piumasaqaatai qularnaarniarlugit arsaarinnikkallarnermi §§ 618-623-mi malittarisassat taamatulli atortuutinnejassapput.

Eqqartuussisut aalajangiinerat

§ 422. Arsaarinnikkallarnissamik aamma saqqummiusseqqusinermik aalajangiineq politiinit noqqaavigineqarneq naapertorlugu eqqartuussiviup aalajangiinerissavaa. Taarsiivigineqarnissamik piumasaqaatit qularnaarniarlugit arsaarinnikkallarnissamik noqqaassut aamma pinerlineqartumiit saqqummiunneqarsinnaavoq.

Imm. 2. Aalajangiineq eqqartuussiviup aalajangiineratigut aalajangiinerussaaq, taamaattorli tak. imm. 7. Aalajangiinermi taagorneqassapput suliassami pissusiviusut, akuliunnissamut piumasaqaatit naammassineqarsimanerannut tapersiisuusut. Aalajangiineq sukkulluunniit allanngortinneqarsinnaavoq.

Imm. 3. Akuliunnermi siunertarisaq maanngaannartussanngussappat, eqqartuussiviup aalajangiinissaatuaqqineqassappat, politiit arsaarinnikkallarnissamik aamma saqqummiusseqqusinissamik aalajangiiffiginnissinnaapput, taamaattoq tak. imm. 4. Akuliuffigineqartoq tamatuminnga noqqaassuteqarpat politiit sapinngisamik piaernerpaamik kingusinnepaamillu nal. akunneri 24-t

pingasoriarlugit naatinagit suliassamik eqqartuussivimmut saqqummiussissapput, akuliunnissap akuerineqarsinnaaneranik aalajangiisussamut. Aalajangiineq tunngavilersugaassaaq.

Imm. 4. § 418, imm. 3 malillugu aatsaat arsaarinnikkallarnissaq pisinnaavoq eqqartuussiviup aalajangeereerneratigut. Tamannattaaq atuuppoq allagaatinik naqitanik imaluunniit tusarnaagassianik isiginnaagassianilluunniit tusagassiornermi akisussaassuseqarneq pillugu inatsimmi pineqartunik arsaarinnikkallarnermi, taakku imarisannut akisussaaffiginninnerup atuutsinniarneqarnissaanut tunngatillugu.

Imm. 5. Eqqartuussivik imm. 3, oqaaseqatigiit aappaat malillugit aalajangiilersinnagu akuliuffiginiarneqartoq oqaaseqarsinnaatitaassaaq. § 344, imm. 2 aamma 3 taamatulli atortuutinnejassapput.

Imm. 6. Eqqartuussivik § 420 malillugu saqqummiusseqqusinermik peqqussuteqarnissaq pillugu aalajangiilersinnagu pigisamik atuisoq oqaaseqarsinnaatitaassaaq. § 344, imm. 2 aamma 3 taamatulli atortuutinnejassapput.

Imm. 7. Arsaarinnikkallarnissaq pillugu aalajangiineq politiit aalajangiinerissavaat, akuliuffiginiarneqartoq tamatumunnga isumaqataanerminik allakkatigut nalunaaruteqassappat.

Arsaarinnikkallarnissamik aamma saqqummiusseqqusinermik naammassinninneq

§ 423. Politiit arsaarinnikkallartuussapput. Eqqartuussiviup aalajangiinera tunngavigalugu arsaarinnikkallartoqassappat aalajangiineq noqqaassuteqarnikkut akuliuffigineqartumut takutinnejassaaq. Arsaarinnikkallarneq § 422, imm. 3-mi malittarisassaq malillugu pissappat politiit pineqartumut ilitsersuissapput tamatuminnga eqqartuussivimmut saqqummiussisinnaanera pillugu.

Imm. 2. Politiit isumagissavaat saqqummiusseqqusinermik aalajangiinerup naammassineqarnissa inummut akuliuffiginiarneqartumut saaffiginninnikkut. Eqqartuussiviup aalajangiinera noqqaavagineqarnikkut pineqartumut takutinnejassaaq. Pineqartoq pissutissaqarani peqqussutaasunik malinnikkumanngippat § 150, imm. 1-imi aalajangersagaq taamatulli atortuutinnejassaaq.

Imm. 3. Atortut inunniit, § 145-mi pineqartuniit, arsaarinnissutigineqarallarpata pineqartup piumasarisinnaavaa atortunik taakkuninnga misissuataareqqaarneq eqqartuussivimmit ingerlannejassasoq. Eqqartuussiviup misissuataarinerani § 422, imm. 5-imi oqaaseqatigiit siullit taamatulli atortuutinnejassapput. Siullermeersumik misissuataarinissap tungaanut atortut politiinit paarineqassapput.

Imm. 4. Eqqartuussiviup aningasaatinik aningasaatilluunniit ilaannik arsaarinnikkallarnissaq aalajangiiffigisimappagu, tak. § 418, imm. 3, politiit isumagissavaat aningasaatinik uninngasussangortitanik aqutsisussamik nakkutiliisumik ivertitsisoqarnissaa. Aalajangiineq unnerluutigineqartumut nalunaarutigineqassaaq § 137-mi malittarisassat malillugit.

Imm. 5. Pigisat, arsaarinnikkallarnerup imaluunniit tunniusseqqusinerup nassatarisaanik politiinit tigummisarineqalersut, sapinngisamik piaarnerpaamik allattorneqassapput nalunaqqutsorsorneqarlillu. Politiit noqqaavagineqarnermikkut pigisat tigunerinut uppernarsaasiisassapput.

Inuinnaat arsaarinnikkallarsinnaatitaanerat

§ 424. Kikkulluunniit inatsisink unioqqutitsisumik imaluunniit unioqqutitsinermut attuumassutilimmik naammattoorsisut politiitulli arsaarinnikkallarsinnaatitaapput, tak. § 422, imm. 3. Arsaarinnissutaasut sapinngisamik piaarnerpaamik politiinut tunniunnejassapput qanga arsaarinnikkallartoqarsimanera arsaarinnikkallarnermullu tunngaviusoq paassisutissiissutigineqarluni. Politiit suliassaq eqqartuussivimmut saqqummiutissavaat § 422, imm. 3-mi oqaaseqatigiit aappaat naapertorlugit, arsaarinnissutaaggallartut inummut arsaarneqartumut nal. akunneri 24-t pingasoriarlugit naatinagit tunniunnejarsimassanngippata, imaluunniit taanna arsaarinnikkallarnermut isumaqataalluni allakkatigut nalunaarsimassanngippat, tak. 422, imm. 7.

Arsaarinnikkallarnerup inatsisitigut sunniutai

§ 425. § 418, imm. 1, aamma 419, imm. 1-imi oqaaseqatigiit siullit malillugit arsaarinnikkallarnerup nassatarissaanik isumaqatigiissut imaluunniit akiligassaqarfisap malersuinera aqqutigalugu arsaarinissutaagallartunik atuisoqarsinnaanngilaq, akuliunnerup siunertaanut akerliusumik.

Imm. 2. § 418, imm. 2, aamma 419, imm. 1-imi oqaaseqatigiit aappaat malillugit arsaarinnikkallarneq, § 425, imm. 2, naleq. imm. 3, malillugu aalajangiisoqarnissaa tikillugu, pigisanik arsaarinnikkallarnertulli inatsisitigut sunniuteqarpooq, tak. §§ 678-688.

Imm. 3. § 418, imm. 3 malillugu arsaarinnikkallarnerup kingunerisaanik unnerluutigineqartoq pisuussutaatinik atuisinnaatitaanngilaq. Unnerluutigineqartumut piumasaqaatinut tunngatillugu akiligassat, arsaarinnikkallarnissaq pillugu aalajangiineq sioqquillugu akiligassaasut kisimik, akiligassaqarfingeqartumit akileqquneqarsinnaapput.

Arsaarinnikkallarnerup atuuukkunnaarnera

§ 426. Suliassap naammassineqarnissaa tikillugu arsaarinnikkallarnerup tamakkiisumik ilaannakuusumilluunniit atorunnaarsinnejarnissaanik noqqaassut inummit, tamatumani soqutigisalimmit, eqqartuussivimmuit saqqummiunneqarsinnaavoq. Eqqartuussivik aalajangiissaaq, inuit aalajangiisummik soqutigisaqtut, oqaaseqaateqarsinnaatitaareerpata. Aalajangiineq tunngavilersugaassaaq.

§ 427. § 418, imm. 1 aamma § 419, imm. 1-imi oqaaseqatigiit siullit malillugit arsaarinnikkallarnerup nassatarisaatut atuisinnaatitaannginneq kingusinnerpaamik atorunnaartassaaq suliassaq eqqartuussutikkut, assuarlummik taamaatitsinikkut imaluunniit unnerluussummik taamaatitsinikkut naammassivinneqaraangat, taamaattoqassananili arsaarinnissutigineqarallartut arsaarinnissutigineqarpata. Isumaqtigiiungissutigineqarpat arsaarinnissutaagallartut kimut utertinneqassasut eqqartuussivik noqqaavigineqarnikkut tamatuminnga aalajangiiffiginisinnissaavoq. Aalajangiineq tunngavilersugaassaaq

Imm. 2. Pigisat nalillit, § 418, imm. 2, imaluunniit § 419, imm. 1-imi oqaaseqatigiit aappaat malillugit arsaarinnissutigineqarallarsimasut imaluunniit § 421, imm. 2 malillugu qularnaveeqqusiusaasimasut, pinerlineqartup taarsiissutissatigut piumasaqaataanik naammassinninniitut atorneqaqqaartassapput, tamannalu pereerpat pisortat suliassami aningaasarutuitigut akileqqusaannut, tulliullugu pinerluttulerinermi inatsimmi § 166, imm. 1-imi oqaaseqatigiinni siullerni, titarnerit aappat aamma oqaaseqatigiit aappaat kiisalu imm. 4, § 168, imm. 5, aamma § 170-imi oqaaseqatigiit aappaat malillugit arsaarinninnissamik piumasaqaatinut, kingullertullu akiliisitsissutissatigut piumasaqaatinut. Eqqartuussivik naammassinninniaanerup allatut tulleriinnilorsorneqarnissaa pillugu qaqtigoortumik aalajangiisinnissaavoq.

Imm. 3. Pigisat nalillit piumasaqaatinik imm. 2-mi taaneqartunik naammassinninnissamut atorneqarnissaat pillugu aalajangiineq noqqaavigineqarneq naapertorlugu tunngavilersukkatut aalajangiinerussaaq. Aamma taamaassaaq aalajangiinerup qanoq paasineqarnissaa pillugu kingusinnerusukkut nalornisoruteqartoqassappat. Aalajangiineq inatsisitigut sunniuteqarpooq eqqartuussiviup saniatigut akiliisitsiniarsinnaatitaasut allat qularnaveeqqutit sillimmasiussinerattulli, tak. § 614, imm. 4. Suliassaq assuarliutaasup taamaatinneqarneranik imaluunniit pinngitsuutitaanermik inaerneqassappat arsaarinnikkallarneq atorunnaassaaq.

Imm. 4. Eqqartuussivik pinerlunnermik suliassap suliarineqarnerani taarsiivigineqarnissamik piumasaqaat pillugu aalajangiissuteqarumanngippat, tak. § 334, imm. 2, tamatumunnga atatillugu eqqartuussiviup aalajangersinnaavaa piumasaqaatinut taakkununnga qularnaarilluni arsaarinnikkallarneq taarsiivigineqarnissamik apeqqutip naammassineqarnissaata tungaanut atuussinnaassuseqaannassasoq, tak. § 425, imm. 2, tamatumani naatsorsuutigineqarluni sapaatit akunneri sisamat qaangiutsinnagit

saqtsaannermik suliassiisoqarsimassasoq imaluunniit Nakuuserfigineqarsimasut Taartisinissaannik Aalajangiisarneq pillugu inatsit naapertorlugu qinnuteqaammik tunniussisoqarsimassasoq. Tamatuma kingorna taarseeqqusissutit annertussusilerneqassappata eqqartuussiviup pinerlunnermik suliassami eqqartuussuteqartup, pinerlineqartumiit noqqaavagineqarnermigut, aalajangersinnaavaa taarseeqqusissutit naliliutit arsaarinissutigineqarallarsimasut iluanaarutitaannit tamakkisumik ilaannakuusumilluunniit matussuserneqassasut, aammalu matussusiinissaq pisortat arsaarinninnissamik, akiliisitsinissamik kiisalu suliassamut aningaaartuutinik akiliinissamik piumasaqaataanniit salliuutinneqarluni pissasoq. Taamatut aalajangiineq inatsisitigut sunniuteqassaaq akiliisitsiniaanermut pisortat eqqartuussivimmii allaanerusut allat qularnaveeqputut sillimmasiussisarnerattulli, tak. § 614, imm. 4. Suliassaq suliarineqassaaq pinerluttulerinermi eqqartuussisarnertut.

Imm. 5. § 418, imm. 3 malillugu arsaarinnikkallarneq atorunnaassaaq unnerluutigineqartup akiliisitsinnaaneq pinngitsoortinniarsariunnaarpagu, aalajangersimasumik pissuteqarluni isumaqartoqanngippat unnerluutigineqartup akiliisitsiniaaneq pinngitsoortinniaqqissinnaassagaa. Arsaarinnikkallarnerup atorunnaarneranik aalajangiineq eqqartuussiviup aalajangiinerissavaa.

Assinik qimerloortitsisarneq, kinaassusersisitsisarneq aamma ujaasisarneq

Pasisap assinginik qimerloortitsisarneq

§ 428. Pasisap assingi politiit avaqqullugit inunnut aatsaat qimerloortinnejqarsinnaapput

- 1) pineqartoq inatsisinik unioqqutitsinermi, pisortatigoortumik unnerluutigisassaatitaasumi, naleqquttumik pissutissalimmik pasilligaappat, aamma
- 2) akuliunneq paasiniaanermut pingaaruteqarluinnartussatut isumaqarfingineqarpat.

Imm. 2. Assinik qimerloortitsinissamik politiit aalajangiisuussapput.

Pasisaanngitsut assinginik qimerloortitsineq

§ 429. Inuup pasisaanngitsup assingi politiit avataasigut inunnut aatsaat qimerloortinnejqarsinnaapput § 430-mi imaluunniit § 431-mi malittarisassat malillugit.

§ 430. Pinerlineqartut ilisimannittullu allat akuersarnerminnik, ajornanngippat allakkatigut, nalunaarsimanngitsut assinginik aatsaat qimerloortitsisoqarsinnaavoq,

- 1) paasiniaaneq inatsisinik unioqqutitsinermut peqqarniitsumut tunngasuuppat, aamma
- 2) akuliunneq paasiniaarnermut pingaaruteqarluinnartussatut isumaqarfingineqarpat.

Imm. 2. Eqqartuussiviup assinik qimerloortitsinissaq aalajangiiffigissavaa. Aalajangiinermi taagorneqassapput suliassami pissusiviusut, akuliunnissamut piumasaqaatit naammassineqarnerannik tapersiisuuusut. Aalajangiineq sukkulluunniit allanngortinnejqarsinnaavoq.

Imm. 3. Misissuinermi siunertarisat maangaannartussanngussappata, eqqartuussiviup aalajangiinissa uteaqqineqassappat assinik qimerloortitsinissaq politiinit aalajangiiffingineqarsinnaavoq. Akuliuffingineqartussap tamanna noqqaassutigippagu politiit sapinngisamik piaernerpaamik kingusinnerpaamillu nal. akunneri 24-t pingasoriarlugit qaangiutsinnagit suliassaq eqqartuussivimmuit saqqummiutissavaat, akuliunnissap akuerineqarsinnaaneranik aalajangiisussamut. Aalajangiineq tunngavilersukkhatut aalajangiinerussaaq.

Imm. 4. Eqqartuussivik imm. 2 imaluunniit 3 malillugu aalajangiilersinnagu akuliuffingineqartussaq oqaaseqaateqarsinnaatitaassaaq.

Assinik assiisivinneersunik qimerloortitsineq

§ 431. Assinik, kingusinnerusukkut kinaassusersiinissaq siunertalarlugu politiinit pigineqareersunik, tak. § 408, pisut imm. 1, § 428-mi imaluunniit § 430-mi eqqartorneqartut avataasigut aatsaat

nittaasoqartassaaq paasiniaaneq inatsisinik unioqqutitsinermut peqqarniitsumut tunngasuuppat, assilineqarsimasorlu

1) ukiut kingullit tallimat iluini inatsisinik unioqqutitsinermut peqqarniitsumut pisuutitaasimappat imaluunniit

2) ukiut kingulliit qulit iluini inatsisinik unioqqutitsinermut immikkut peqqarniissusilimmumt pisuutitaasimappat.

Imm. 2. Assinik qimerloortitsinissamik aalajangiineq politiit aalajangiinerissavaat.

Atsikkutigiissaarinissamik piumasaqaatit il.il.

§ 432. Assit §§ 428-431-mi malittarisassat naapertorlugit qimerloortinnejarsinnaangillat akuliunnermi siunertarisaq, suliassap suussusaa peqqarniissusaalu aamma ajuallatsitsinissaq akornusiinissarlu eqqorneqartumut tuttussaasorineqartoq akuliunnermut naleqqiullugit naleqqutinngippata.

Imm. 2. Inatsiseqarnermut ministeri assinik qimerloortitsinermi periaasissat pillugit erseqqinnerusunik malittarisassiussaaq.

Kinaassusersisitsineq

§ 433. Inuk pasisaq politiit avaqqullugit inunnut allanut aatsaat qimerloortinnejarsinnaavoq (toqqaannartumik kinaassusersisitsineq)

1) pineqartoq inatsisinik unioqqutitsinermut, pisortatigoortumik unnerluutigisassaasumut, pissutissaqarluartumik pasilligaappat, aamma

2) akuliunneq paasiniaanermut pingaaruteqarluinnartutut isumaqarfingineqarpat.

Imm. 2. Taamaattorli pasisaq inunnut arlalinnut kinaassusersiugassanut ilaatiillugu politiit avaqqullugit inunnut allanut qimerluugassanngortinnejarsinnaavoq, pineqartoq inatsisinik unioqqutitsinermut peqqarniitsumut pissutissaqarluartumik pasineqarpat.

Imm. 3. Pasisamik toqqaannartumik kinaassusersisitsineq imaluunniit inuit arlallit akornanniit kinaassusersisitsineq pisut, imm. 1-im i aamma 2-mi eqqartorneqartut, avataatigut pisinnaavoq pineqartoq tamatumunnga isumaqataalluni akuersisimappat. Akuersineq sapinngisamik allakkatigut pisassaaq.

Imm. 4. Pasisamik toqqaannartumik kinaassusersisitsisoqassanngilaq imaluunniit inuit arlallit akornanniit kinaassusersisitsisoqassanngilaq akuliunnermi siunertarisaq, suliassap suussusaa peqqarniissusaalu aamma ajuallatsitsinissaq akornusiinissarlu eqqorneqartumut tuttussaasorineqartoq akuliunnermut naleqqiullugit naleqqutinngippata.

Imm. 5. Pasisamik imm. 1-3-mi taaneqartutut kinaassusersisitsineq pillugu aalajangiinerit politiit aalajangiinerissavaat.

Imm. 6. Inatsiseqarnermut ministeri inuit arlallit akornanniit kinaassusersitsarnermi periaasissat pillugit erseqqinnerusunik malittarisassiussaaq.

Ujartuineq

§ 434. Politiit inuup isikkumigut ilisarnarnaataanik imaluunniit paassisutissanik allanik, pinerluuteqarsorisap kinaassusersineqarnissaanut atorsinnaasunik, aatsaat tamanut saqqummiisinnapput

1) pineqartoq inatsisinik unioqqutitsinermut, pisortatigoortumik unnerluutigisassaasumut, pissutissaqarluartumik pasilligaappat, aamma

2) tamanut saqqummiussineq paasiniaanermut pingaaruteqarluinnartuusorineqarpat, matumunnga ilanngullugu pineqartup kinaassusersineqarnissaa imaluunniit inatsisinik suli allatigut unioqqutitsinissamik pitsaliuinissaq.

Imm. 2. Pinerluuteqarsorisap assinganik tamanut aatsaat saqqummiussisoqarsinnaavoq pissutissaqartumik pasitsaanneqarpat, pineqartoq inatsisinik peqqarniitsumik unioqqutitsisimasoq.

Imm. 3. Taamaattorli imm. 1-im iamma 2-mi taaneqartutut tamanut saqqummiussisoqassanngilaq, akuliunnermi siunertarisaq, suliassap suussusaa peqqarniissusaalu aamma ajuallatsitsinissaq akornusiinissarlu eqqorneqartumut tuttussaasorineqartoq akuliunnermut naleqqiullugit naleqqutinngippata.

Imm. 4. Imm. 1-im i 2-milu taaneqartutut tamanut saqqummiussinissamik aalajangiineq politiit aalajangiinerissavaat.

§ 435. Immikkut pasitsaassisoqarpat inuk, kinaassusaa politiinit ilisimaneqartoq, inatsisinik peqqarniitsumik unioqqutitsisimasoq politiit pineqartumik ujartuisinnaapput aviisit, radio, isiginnaarutit aqqutigalugit imaluunniit allatut iliornikkut pisortatigoortumik ujartuisinnaallutik, tamanna eqqartuussisutigut malersuinissamut aalajangiisuusumik pingaaruteqartuusorineqarpat imaluunniit taamatulli peqqarniitsigisumik inatsisinik unioqqutiseqqinnissaq pinaveersaartinniarlugu.

Imm. 2. Imm. 1-im i taaneqartutut ujartuinerni paasissutissiissutigineqarsinnaapput pasisap pinerluuta aammalu pasisap kinaassusaa, matumunnga ilanngullugit aqqa, atorfia najugaalu. Ujartuinermi pineqartup assinganik tamanut aamma saqqummiussisoqarsinnaavoq.

Imm. 3. Ujartusoqassanngilaq akuliunnermi siunertarisaq, suliassap suussusaa peqqarniissusaalu aamma ajuallatsitsinissaq akornusiinissarlu eqqorneqartumut tuttussaasorineqartoq akuliunnermut naleqqiullugit naleqqutinngippata.

Imm. 4. Ujartuinissamik aalajangiineq politiit aalajangiinerissavaat.

Inummik misissuinerit

§ 436. Pasisap inuttut atugarisai pillugit paasissutissat pasisap qanoq pineqaatissinneqarnissaata aalajangiiffiginissaanut pingaaruteqarsorisat pissarsiarineqassapput. Pasisap inuttut atugarisai pillugit erseqqinnerusumik misissuineq (inummik misissuineq) nalinginnaasumik pisassaaq piumasaqaasiinikkut inissiisarfimmittussanngortitsinngikkallarnermiit sunniuteqarnerusumik pineqaatissiissuteqarnissaq apeqqutaatinneqarsinnaaleraangat.

Imm. 2. Pasisaq eqqarsartaatsimigut misissugassanngortinneqartassaaq tamanna suliassap aalajangiiffiginissaanut pingaaruteqartuusorineqarpat, tamatumungalu atatillugu akornusiinissaq aningaasartuutilu suliassap suussusaanut peqqarniissusaanullu naleqqiullugit naleqqutinngitsuusorineqanngippata. Pasisaq tigummigallagaappat imaluunniit misissortinnissamut ersarissumik akuersaanngippat tamanna aatsaat pisinnaavoq eqqartuussiviup aalajangiineratigut. Aalajangiineq tunngavilersukkatut aalajangiinerussaaq.

Imm. 3. Pisariaqarsorineqarpat pasisaq napparsimmavissuarmut Kalaallit Nunaanniittumut avataniiittumulluunniit imaluunniit paaqqinniffimmut tamatumunnga assingisumut allamut unitsinneqarluni eqqarsartaatsimigut misissorneqassasoq, tamatuminnga eqqartuussivik aalajangiissaq. §§ 362- 366 taamatulli atortuutinnejassapput.

Imm. 4. Pasisaq akuersissuteqanngippat qanigisaminut inuinnarnulluunniit allanut saaffiginninnikkut inuttut atugarisani pillugit paasissutissarsiorqarsinnaasoq aatsaat taamaaliortoqarsinnaavoq, tamanna suliassap aalajangiiffigininarneranut aalajangiisuusumik pingaaruteqarpat aammalu eqqartuussiviup tamatuminnga aalajangeereerneratigut. Eqqartuussiviup aalajangiinera tunngavilersukkatut aalajangiinerussaaq.

Imm. 5. Inatsiseqarnermut ministeri inummik misissuisarneq pillugu erseqqinnerusunik malittarisassiussaaq.

Unnerluussut

§ 437. Unnerluutigisassanngortitsineq pisassaaq unnerluussissut politiit sanasimasaat atsorsimasaallu aqqutigalugu.

Imm. 2. Unnerluussissutip makkunngut imarissavai:

- 1) eqqartuussiviup, suliassiissuteqarfiusup aqqa,
- 2) unnerluutigineqartup aqqa, najugaa aamma inuttut normua, aamma
- 3) pissutsit unnerluutiginnissutaasut pillugit paasissutissat.

Imm. 3. Imm. 2, nr. 3 malillugu paasissutissiineq makkunngut ilaqassaaq:

- 1) malittarisassaaq, unioqqutinneqarneragaq,
- 2) pinerluutaasup malittarisassaaq malillugu taaguutaa,
- 3) pineqaatissiinissamut inatsisitigut tunngavigisaq,
- 4) pissutsit unnerluutiginnissutaasut naatsumik nassuiarneqarnerat, piffissaq, sumiiffik, eqqugaq, pinerlunnermi periaaseq pissutsillu allat naammaginartumik erseqqissumillu nassuaateqarnissamut pisariaqarsorineqartut taagorlugit, aamma
- 5) pissutsit, suliassap suliarineqarnerani pineqaatissiissutissamik aalajangiinissamut tunngatillugu patsisiginiarneqartussaasut.

Imm. 4. Allanik imaluunniit tulliutitamik unnerluussuteqartoqarsinnaavoq.

Imm. 5. Unnerluussissut uppernarsaatissanik, saqqummiunnialersaakkanik, imaluunniit apeqqutit inatsisinut tunngassutillit pillugit nassuaammik imaqqassanngilaq.

§ 438. Unnerluussissut oqaatsit unnerluutigineqartup paasisinnaasai atorlugit allagaassaaq imaluunniit nutserneqarsimassaaq.

§ 439. Inatsisartunut ilaasortaq kinaluunniit Inatsisartut isumaqataallutik akuerseqqaartinnagit unnerluutigineqarsinnaanngilaq, taamaassananili ilaasortaq iliuuseqaleruttoq pakasarneqarsimappat.

Imm. 2. Inatsisartuni oqaaserisimasaminut inatsisartunut ilaasortaq kinaluunniit Inatsisartut isumaqataallutik akuerseqqaartinnagit tamatuma silataani akisussaatinniarneqarsinnaanngilaq.

*Akiliisitsissutissat eqqartuussinertaqanngitsumik akuersissutaasarnerat aamma
arsaarinnissuteqartarneq*

§ 440. Politiit isumaqarpata iliuuserisimasaq akiliisitsissuteqarnermk imaluunniit arsaarinnissuteqarnermk taamaallaat kinguneqassasoq unnerluussissut pasisamut nassiuunneqarsinnaavoq maluginiaqqusissutitut allallugu pasisaq, taanna pisuulluni nassuerpat taamatullu aalajangiisoqarnissaanik kissaateqarpat, nalunaarsinnaasoq eqqartuussinertaqanngitsumik akiliisitsissut maluguniaqqusissummi annertussusiligaq piffissaliinerup nalequttup iluani akilerumagini aammalu arsaarinnissuteqarnissaq akuersaarsinnaqunarini.

Imm. 2. Pasisaq nalunaarpat suliassap taamatut aalajangiiffiginssaa kissaatiginngikkini imaluunniit pasisaq nalunaaruteqanngivissorpat, unnerluussissut tamatumingga maluginiaqqusissutitalerlugu eqqartuussivimmut tunniunneqassaaq.

Unnerluussissut

§ 441. Politiit unnerluussissumik eqqartuussivimmut tunniussissapput. Tunniussisoqarnerani suliassaaq eqqartuussivimmi aallarnerneqassaaq.

Imm. 2. Unnerluussissutip eqqartuussivimmut tunniunneqarneranut peqatigitillugu unnerluutigineqartoq aamma nassinneqassaaq. Unnerluussissut nalunaarutigineqassaaq eqqartuussivimmi eqqartuussutissap isumaqatigiinniutigineqarnissaanut aggeqqusissummut

peqatigitillugu, kingusinnerpaamillu eqqartuussutissap isumaqatigiinniutigineqarnissaa sapaatip akunneranik ataatsimik sioqqullugu.

Imm. 3. Nukinginnartunik pisoqartillugu eqqartuussiviup imm. 2-mi piffissarititatut aalajangigaq sanioqqussinnaavaa, unnerluutigineqartumik qajassuussinissamut tamanna naleqquttuusorineqarpat.

Unnerluussissummik allannguuteqartitsineq

§ 442. Politiit eqqartuussutissaq isumaqatigiinniutigineqalersinnagu unnerluussissuteqarneq annertusiniarpassuk, pinerlunnerit unnerluussissummi eqqaaneqartuniit allaanerusut ilanngullugit, imaluunniit unnerluussissummi taagorneqartunut naqqiissuteqarniarunik, tamanna pisariaqarpoq unnerluussissummik ilasamik imaluunniit nutaamik tunniussaqarnikkut nalunaarutiginninnikkullu.

Imm. 2. Eqqartuussutissap isumaqatigiinniutigineqarnerani eqqartuussisut akuersinerisigut unnerluussissut annertusineqarsinnaavoq pinerluutaassimasut allat ilanngunneqarlutik, unnerluutigineqartoq akuersippat, imaluunniit pisimasoq, ilanngussassatut apeqquaatinneqartoq, eqqartuussutissap isumatigiinniutigineqarnerata nalaani piliarineqarsimappat.

Imm. 3. Annertusisitsineq pissaaq eqqartuussisut aalajangiinerat malillugu unnerluussissummut ilassusiinkkut imaluunniit eqqartuussisut suliaannik allassimaffimmut allattuinikkut. Aamma tamanna atuuppoq iluarsiissutinut, eqqartuussutissap isumaqatigiinniutigineqarnerani politiit unnerluussissummi iluarsiissutaannut.

Imm. 4. Unnerluussissutip annertusisinniarneqarnera unnerluutigineqartumit isumaqataaffigineqanngippat pineqartumut nutaamik suliassiissuteqartoqartariaqarpoq.

Uppernarsaatissat allattorsimaffiat il.il.

§ 443. Unnerluussissummik tunniussaqarnermut peqatigitillugu eqqartuussivimmum tunniunneqassapput suliassami uppermarsaatissatut allakkiait taakkualuunniit nuutsinneqarneri kiisalu ilisimannittut suliassap suliarineqarnerani uppermarsaatinneqartussat uppermarsaatissallu patsisiginiarneqassamaartut allattorsimaffiat.

Imm. 2. Uppernarsaatissat allattorsimaffiat oqaatsit unnerluutigineqartup paasisinnaasai atorlugit sananeqassaaq imaluunniit nutserneqarsimassaaq.

§ 444. Unnerluutigineqartoq illersuisoqarpat politiit unnerluussissut, uppermarsaatissat allattorsimaffiat suliassamilu allakkiaatit illersuisumut nassutiessavaat taakkua eqqartuussivimmum nassiuunnenut peqatigitillugu. Illersuisoq unnerluussissutip tiguneqarnerani eqqartuussivimmit aatsaat ivertinnejassappat eqqartuussiviup illersuisumut nassutiessavai unnerluussissutip, uppermarsaatissat allattorsimaffiati kiisalu suliassami allakkiaatit nuutsinneqarneri.

Misissueqqinnerit il.il.

§ 445. Unnerluutigineqartoq taassumaluunniit illersuisua politiinut noqqaassuteqarsinnaavoq misissueqqittoqassasoq imaluunniit uppermarsaatinik pissarsiniartoqassasoq. Taamatut noqqaassuteqarneq politiit tamakkiisumik ilaannakortumilluunniit akuersaarumassanngippassuk, aammalu noqqaassut eqqartuussutissaq isumaqatigiinniutigineqalersinnagu saqqummiunneqarsimappat eqqartuussisut apeqqu pillugu immikkoortumik aalajangiissuteqassappat. Aamma taamaassaaq politiit uppermarsaat saqqummiukkusutaat illersuisup akerliuffigippagu.

§ 446. Misissueqqittoqarnissamik imaluunniit uppermarsaatissamik piniartoqarnissamik noqqaassut politiit, unnerluutigineqartup illersuisullu tungaanniit sabinngisamik saqqummiunneqartariaqarpoq eqqartuussutissaq isumaqatigiinniutigineqalersinnagu aammalu ima sioqqutsitigisumik noqqaasoqartassaaq uppermarsaatissanik pissarsiornissamut naammattumik

piffissaqartoqartitsissalluni, matumunnga ilanngullugu ingammik eqqarsaatigineqarlunitaaq ilisimannittuusinnaasunut aggeqqusissummik nalunaarutiginninnissaq.

Imm. 2. Taamatut pisoqanngippat, kisiannili ilisimannittooq imaluunniit upternarsaatissaq piareersimappat, upternarsaat tamatigut saqqummiuneqarsinnaassaaq.

Imm. 3. Politiit imaluunniit unnerluutigineqartoq upternarsaasiissuteqarusuppata, illuatungerisamut piffissaalluartillugu ilisimatitsissutigineqarsimanngitsumik, eqartuussisut aalajangiiffigissavaat suliassaq kinguartikkallarneqassanersoq. Suliassaq aatsaat kinguartikkallarneqarsinnaavoq eqqartuussisut naliliippata upternarsaasiissuteqarnissaq illuatungerisap upternarsaatissanik allanik pissarsiorusulernissaanut naleqquttumik tunngavissiisoq, tamannalu pisinnaassanngitsoq eqqartuussutissaq isumaqatigiinniutigineqartillugu.

Imm. 4. Uppernarsaatissaq eqqartuussutissamik isumaqatigiinniarfissatut aalajangikkap nalaani saqqummiunneqarsinnaanngippat eqqartuussisut aalajangiiffigissavaa suliassaq kingartinneqassanersoq imaluunniit suliassaq upternarsaatissanik saqqummiussisoqarani aalajangiiffigineqassanersoq. Tamatuma naliliivigineqarnerani ingammik soqutiginiarneqartassaaq isumaqartoqartariaqarnersoq upternarsaatissamik saqqummiussinissaq suliassap inernissaanut annertuumik pingaaruteqarsinnaassanersoq.

Kapitali 39

Suliassamik eqqartuussivimmisuliarinnittarneq

Piareersaaneq

§ 447. Eqqartuussisut piareersaataasumik ataatsimiinnissamut immikkut ittumut aggersaasinnaapput, tamanna pisariaqartutut nalilerneqarpat, illuatungeriit suliassami pissusiviusunut aammalu pissutsinut inatsisinut tunngassutilinnut isummernerisa paasineqarnissaa siunertarineqarluni, matumunnga ilanngullugu pissutsit suut assortorneqannginnersut aamma suut upternarsaasiissuteqarfingineqassanersut kiisalu eqqartuussutissap isumaqatigiinniutigineqarnissaata aaqqissuunneqarnissa. Eqqartuussineq matoqqasuuvooq. § 466 taamatulli atortuutinneqarpoq.

Imm. 2. Imm. 1 malillugu piareersaataasumik ataatsimiinnermi upternarsaatissanik § 465-imut naapertuutumik saqqummiisoqarsinnaavoq unnerluutigineqartoq imaluunniit taassuma illersuisua najuuppat. Eqqartuussinerup ilaa tamanna tamanut ammasuuvooq.

§ 448. Matut matuneqarnissaat, issuaaqqusinnginnej, atinik taaseqqusinnginnej pillugu aamma ilisimannitumik killisiuisoqartillugu unnerluutigineqartup inimiit eqqartuussiviusumiit qimagunnissaanik eqqartuussutissap isumaqatigiinniutigineqarnissa sioqquillugu aalajangiisoqarsinnaavoq, tamanna politiinit, illersuisumit imaluunniit ilisimannitumit noqqaassutigineqarpat.

§ 449. Eqqartuussisut politiinik, unnerluutigisamik illersuisumillu aggersaasassapput piffissaq sumiiffissarlu eqqartuussutissamik isumaqatigiinniuteqarfissaq taallugit.

Imm. 2. Eqqartuussisut aalajangissavaat, ilisimannittut suliassami eqqartuussinissamut siullermut aggersarneqassanersut.

Unnerluutigineqartup najuunnissaa

§ 450. Unnerluutigineqartup, tigusaqqanngitsup, inatsisinut naapertuutumik aggersarneqarnermi kingorna eqqartuussivimmut nammineq ornigunnissani pisussaaffigaa.

Imm. 2. Unnerluutigineqartoq kiffaanngissusiagaasimappat politiit taassuma eqqartuussiviliaannissaa isumagissavaat.

§ 451. Inatsimmi allatut aalajangiisoqarsimanngippat, unnerluutigineqartoq eqqartuussutissap isumaqatigiinniutigineqarnera tamaat eqqartuussivimmi nammineq najuuttussaavoq suliassami eqqartuussutissap aalajangiiffisassanngortinnejarnera tikillugu. Eqqartuussisulli siulittaasuata, unnerluutigineqartoq nassuaateqareerpat, unnerluutigineqartup eqqartuussivimmiit qimagunnissaa akuerisinnaavaa.

§ 452. Unnerluutigineqartoq inatsisinut naapertuuttumik aggersarneqaraluarluni takkutinngitsoorpat eqqartuussisut aalajangersinnaavaat, unnerluutigineqartoq tigusarineqassasoq eqqartuussivimmi sassartitaanissaq siunertaralugu.

Imm. 2. Unnerluutigineqartoq takkutinngitsoorpat pissutissaqavilluni takkutinngitsoornissaq nalunaarutiginagu imaluunniit unnerluutigineqartoq nassuaateqarumanngippat tamatumunnga taarsiullugu eqqartuussisut suliassaq suliarisinnaavaat unnerluutigineqartoq nassuersimasutut naatsorsuutigalugu, sulissarlu uppermarsaasiisoqanngikkaluartoq aalajangiiffigalugu. Aatsaalli taamaattoqassaaq suliassaq suliarineqartillugu akiliisitsinissamiit, arsaarinnissuteqarnissamiit, biilersinnaanermut allagartaajarneqarnissaamit taarsiissuteqarnissamiillu allaanerusunik pineqaatissiissuteqarnissaq pillugu apeqqut pineqanngikkaangat, aamma suliassaq unnerluutigineqartumut immikkut sunniuteqartumik pingaaruteqanngikkaangat. Eqqartuussut unnerluussisummi maluginiaqqusissuteqarnikkut sananeqarsinnaavoq.

Imm. 3. Unnerluutigineqartoq imm. 2 malillugu takkutinngitsoortutut eqqartuunneqarpat pineqartup taassuma suliassamik nangitseqqinnissaq noqqaassutigisinnavaa. Noqqaassut eqqartuussisunut, eqqartuussuteqarsimasunut, saqqummiunneqartassaaq kingusinnerpaamik eqqartuunneqartup eqqartuussummik nalunaarfigineqarneraniit ullut 14-it qaangiutsinnagit. Nangititsinissaq itigartitsissutigineqarpat, apeqqut Immikkut Ittumik Eqqartuussivimmut Maalaaruteqarfingineqarsinnaasumut saqqummiunneqarsinnaassaaq eqqartuussisut itigartitsinermik aalajangiineranniit sapaatit akunneri sisamat qaangiutsinnagit.

Imm. 4. Eqqartuussaasimasoq eqqartuussutip isumaqatigiinniutigeqqinnejarnerani takkutinngitsoorpat suliassaq eqqartuussisunit unitsinneqassaaq, siusinnerusukkullu eqqartuussutaasoq atuuttussaatitaassaaq.

§ 453. Unnerluutigineqartoq eqqartuussutissap isumaqatigiinniutigineqarnerata aallartinnerani imaluunniit ingerlanerani takkutinngitsoorpat, tamanna § 452, imm. 2-mut ilaanani, aamma pineqartoq taanna ingerlaannaq eqqartuussiviliaanneqarsinnaannangippat suliassaq kinguartinneqassaaq, eqqartuussisut aalajangiinngippata eqqartuussutissaq tamakkiisumik ilaannakortumilluunniit isumaqatigiinniutigineqassasoq imm. 2 aamma 3 naapertorlugu.

Imm. 2. Unnerluutigineqartoq inatsisit malillugit aggersaasoqaraluartoq aamma pissutissaqavilluni agginngitsoornissani nalunaarutiginagu takkutinngitsoorpat eqqartuussisut aalajangersinnaavaat ilisimannittut, misissuisarlillu naliliisartut, takkussimasut, killisorneqassasut, tamanna unnerluutigineqartumik qajassuussinissamut naapertuuppat, aamma killisiuinissamik kinguartitsinissaq ornigussimasunut annertuumik akornusersuutaassappat imaluunniit tamanna suliassap sivisuumik kinguartinneqarnissaanik kinguneqartussaassappat. Unnerluutigineqartorli illersuisoqarpat aatsaat killisiusoqarsinnaavoq illersuisoq ornigussimappat.

Imm. 3. Eqqartuussutissamik isumaqatigiinniarneq ingerlanneqarsinnaavoq, unnerluutigineqartorlu najuutinngikkaluartoq eqqartuussuteqartoqarsinnaavoq eqqartuussisut unnerluutigineqartup najuunnissaa pisariaqarsorinngippassuk,

- 1) nalilerneqarpat akiliisitsinissamiit, arsaarinnissuteqarnissamiit, biilersinnaanermut allagartaajartinnissamiit imaluunniit taarsiissuteqarnissamiit allaanerusumik kinguneqartitsisoqassasoq,
- 2) unnerluutigineqartoq isumaqataasimappat suliassaq najuutsinnani suliarineqarlunilu aalajangiiffineqassasoq,
- 3) eqqartuussisut naliliippata suliassamik suliarinnineq unnerluutigineqartup pinngitsuutitaaneranik qularutissaanngitsumik kinguneqartussaasoq,

- 4) unnerluutigineqartoq suliassap aallartinnerani najuussimagaluarluni eqqartuussisunit akuerineqarani eqqartuussivimmik qimatsisimatillugu, imaluunniit
5) unnerluutigineqartoq unnerluussissut nalunaarutigineqareersoq qimaasimagaangat.

Imm. 4. Unnerluutigineqartoq illersuisoqarpat suliassaq aatsaat imm. 3 malillugu suliarineqarsinnaavoq, illersuisoq najuuppat. Pisuni imm. 3-mi nr. 1-imi eqqartorneqartuni aammattaaq piumasaqaataavoq unnerluutigineqartoq eqqartuussutissamik isumaqatigiinniarnissamut aggersaanermi ilisimatinneqarsimassasoq pissutissaqavilluni nalunaarani takkuttingitsoornissap kingunerisinhaagaa unnerluutigineqartoq pissutsinut, unnerluussissummi pineqartunut, eqqartuunneqartoq, matumani ilisimatisssutigineqassallunittaaq akiliisitaanissamik, arsaarinnissuteqarnissamik, biilersinnaanermut allagartaajaanissamik imaluunniit taarsiissuteqarnissamik piumasaqaateqartoqartoq.

Eqqartuussaasimasup najuunnissaa

§ 454. Pineqaatissiissutaasimasup allanngortinnissaa pillugu suliassani eqqartuussaasimasoq nammineerluni eqqartuussivimmii suliassap suliarineqarnera tamakkerlugu najuunnissaminut piginnaatitaavoq. Tamannali atuutinngilaq

- 1) pineqaatissiissutaasimasup allanngortinneqarnissaa pillugu innersuussut isumaqatigiissutaappat,
- 2) eqqartuussaasimasup nammineerluni najuunnissaa pisariaqarsorineqanngippat, imaluunniit
- 3) eqqartuussaasimasoq allanik pissuteqartumik, aamma peqqissutsikkut atugarisat pissutigalugit, eqqartuussivimmii najuussinnaanngitsutut isumaqarfingineqartariaqarpat.

Imm. 2. Pisuni imm. 1-imi nr. 2-mi aamma 3-mi eqqartorneqartuni eqqartuussisut alajangersinnaavaat eqqartuussaasimasoq ungasianiit attaveqaatinik atuinikkut eqqartuussinermi peqataassasoq, tak. § 466.

Unnerluussisup aamma illersuisup najuunnissaat

§ 455. Unnerluussisoq eqqartuussutissap isumaqatigiinniutigineqarnera tamaat najuutissaaq, suliassap eqqartuussutissanngortinneqarnissaa tikillugu. Unnerluutigineqartoq illersuisoqarpat tamanna taassumunngattaaq atuuppoq.

Imm. 2. Unnerluussisoq eqqartuussutissamik isumaqatigiinnuteqarnerup aallartinnerani imaluunniit ingerlanerani takkuttingitsoorpat suliassaq kinguartinneqassaaq. Aamma taamaassaaq unnerluutigineqartoq illersuisoqartillugu, taassuma takkuttingitsoornerani, taamaattoqassanngilarli illersuisumik, suliassaminik ingerlaannaq isumaginnilersinnaasumik, ivertitsinissaq pissutsit ajornartinngippassuk.

Killisiuinerit

§ 456. Unnerluutigineqartoq eqqartuussivimmut orniguttoq imaluunniit sassartinneqartoq apereqqaarneqartassaaq aqqa, ulloq inunngorfia najugaalu kiisalu allat, unnerluutigineqartup kinaassusaanik qularnaarinissamut pisariaqarsorineqartut pillugit.

Imm. 2. Unnerluutigineqartup unnerluussissumik aammalu taassuma oqaaseqaateqarnissamut pisussaatitaannginneranik ilisimatinneqareerneratigut unnerluutigineqartup unnerluussutaasumut qanoq isumaqarfinginnnera aammalu unnerluutigineqartup oqaaseqarumasinnaanera eqqartuussisut apeqqutigissavaat. Oqaaseqartarumappat unnerluutigineqartoq politiinit suliassaq pillugu apersoqqaarneqassaaq tamannalu pereerpat illersuisumit. Politiit, illersuisoq imaluunniit eqqartuussisunut ilaasut allanik apeqquteqaqqissinnaapput.

§ 457. Unnerluutigineqartoq akissuteqarumanngitsoq pinngitsaalineqassanngilaq. Taamatut akissuteqarumannginnej suliassap kinguartinneqarneranik nassataqarsinnaappat imaluunniit

illersuiniarnermut ajornakusoortitsippat eqqartuussisut unnerluutigineqartoq tamatuminnga paasitissavaat.

Imm. 2. Unnerluutigineqartoq eqqissisimasumik ataaqinassusilimmillu oqaluffigineqartassaaq. Apeqqutaasut aalajangersimasuussapput, erseqqissuullutik aammalu ima paasinartigisumik apeqqutigineqartassapput unnerluutigineqartup ersarissumik paassisallugu suna akuersaarnerlugu imaluunniit suna misiutignerlugu. § 346, imm. 2-4, aamma § 347 taamatulli atortuutinnejassapput.

§ 458. Eqqartuussisut aalajangersinnaavaat unnerluutigineqartup ini eqqartuussiviosoq qimassagaa ilisimannittup imaluunniit unnerluutigineqaqataasup killisiorneqarnerani, immikkut tunngavissaqarpat isumaqassalluni taamaattoqanngippat nassuitsumik nassuaasoqarsinnaanngitsaq.

Imm. 2. Unnerluutigineqartoq imm. 1 malillugu aalajangiinerup kingunerisaatut imaluunniit § 141, imm. 5 naapertorlugu ilisimannittumik imaluunniit unnerluutigineqaqataasumik killisiuinermut najuussimanani eqqartuussiviuup initaanut iseqqikkuni ilisimatinneqassaaq qimagusimanermini kina nassuaateqarsimasoq. Unnerluutigineqartoq tamatuma saniatigut nassuaatigineqartunik ilisimatinneqassaaq, nassuaataasoq unnerluutigineqartumut tunngassuteqarpat. Eqqartuussisut aalajangissavaat nassuaataasut unnerluutigineqartoq nammineq nassuaateqalersinnagu imaluunniit nassuaateqareerneratigut issuarneqassanersut.

§ 459. Ilisimannittunik aggersaanerit killisiuinerillu pisassapput kapitali 12-imni aalajangersakkanut naapertuuttumik.

§ 460. Eqqartuussisut killisiorneqartumut apeqquteqartassapput, tamanna ilumoortup paasineqarnissaa anguniarlugu sukkulluunniit tunngavissaqartinneqaraangat.

§ 461. Nassuaatit, killisiuinermi nassuaatigineqartut, eqqartuussisut suliaannik alassimaffimmut issuarneqartassapput oqaatsit, nassuaanermi atorneqartut, atorlugit. Tamannali sanioqqunneqarsinnaavoq taamaasiornissaq pisariaqarsorineqarlunilu illorsorneqarsinnaasorineqarpat. Nassuaataasunik pineqartumut atuffanneqartassaaq kajumissaarneqassallunilu nassuaatit eqqortumik issuarneqarsimanersut oqaaseqaateqaqqullugu. Nassuaat, eqqartuussisut suliaannik alassimaffimmi issuarneqarneratut itsillugu eqqartuussinermi peqataasunut, oqaatsinik issuaanermi atorneqartunik paasinninngitsunut, nutserneqartassaaq.

Imm. 2. Eqqartuussisut suliaannik alassimaffimmi nassuaatinik issuaanermi tamatuma naammaginartumik peqqissaassuseqartumik allanneqarsimanera pingaartumik qularnaarniartariaqarpoq, taamaasilluni nunatta eqqartuussisuuneqarfiata eqqartuussut suliareqqitassanngortinneqassappat paasisinnaaniassammagu suna tunngavigalugu aalajangiisoqarsimanersoq.

§ 462. Ilisimannittut ataasiakkaat tamarmik immikkut nassuaateqareerner aammalu allatigut uppernarsaasiissuteqartoqareerner tamaasa unnerluutigineqartoq nassuaateqarsinnaatitaavoq, uppernarsaat taamaasiornissamut tunngavissiissappat.

Uppernarsaatissanik saqqummiussisarneq

§ 463. Politiit unnerluutigineqartorlu taassumalu illersuisua tamarmik uppernarsaatissanik saqqummiussisinnaapput.

Imm. 2. Eqqartuussisut uppernarsaatissanik, suliassamut sunniuteqassanngitsutut nalilerneqartunik, saqqummiussinissaq pinngitsoortissinnaavaat.

Imm. 3. Eqqartuussisut kajumissaarutigisariaqarpaat uppernarsaatissanik, suliassap aalajangiiviginarnissaani annertuumik pingaaruteqartussaasorineqartunik, saqqummiussisoqarnissaq, pingaartumillu equeersimaarfiginiartariaqarpaat uppernarsaatissat unnerluutigineqartumut iluaquataassasorineqartut saqqummiunneqarnissaat.

§ 464. Uppernarsaatissanik saqqummiussineq pisassaaq eqqartuussutissap isumaqatigiinniutigineqarnerani. Arlaat uppernarsarneqarsimandersoq uppernarsarneqarsimanningersorluunniit pillugu aalajangiinermi uppernarsaatissat eqqartuussutissap isumaqatigiinniutigineqarnerani saqqummiunneqartut taamaallaat tunngavagineqartassapput, taamaattoqtak. §§ 465 aamma 466, imm. 2 aamma 3.

§ 465. Eqqartuussutissap isumaqtiginniutigineqarnerani uppernarsaatissanik saqqummiussinissaq immikkut ajornartorsiutissartaqassappat imaluunniit aningaašartuutaassappat imaluunniimmi immikkut illuinnartunik pissutissaqartoqarpat eqqartuussisut aalajangersinnaavaat uppernarsaatissanik saqqummiussinissaq tamarmi ilaannaaluunniit pissasoq suliassap piareersarneqarnerani, tak. § 447, imm. 2.

§ 466. Eqqartuussisut aalajangersinnaavaat unnerluutigineqartoq eqqartuussinerni peqataassasoq ungasianit attaveqaatit assiliartallit atorlugit, unnerluutigineqartup nammineerluni eqqartuussivimmi najuunnissaa pisariaqassanngippat. Taamaassappat oqaaseqatigiit siullit malillugit eqqartuussisut aalajangiineranni aamma illersuisoq, eqqartuussinermi unnerluutigineqartup sumiiffigisaani peqataasussaq, pineqassaaq, taamaassananili illersuisoq tamatumunnga taarsiullugu nammineerluni eqqartuussivimmuit ornigunnissaa eqqartuussisunit eqqarsarnartoqartinneqanngippat. Unnerluutigineqartup illersuisullu eqqartuussinermi peqataasinnaanerat pillugu aamma §§ 128 kiisalu 163 atuutissapput.

Imm. 2. Ungasianiit attaveqaatit assiliartallit atorlugit unnerluutigisamik killisiuisoqarsinnaanngippat, eqqartuuassisut imm. 1-im i oqaaseqatigiinni siullerni piumasaqaatit assingi tunngavigalugit aalajangersinnaavaat unnerluutigineqartoq tamatumunnga taarsiullugu sumiiffimmi naalequnnerpaasorneqartumi killisorneqarnissaminut aggersarneqassasoq.

Imm. 3. Ungasianiit attaveqaatit atorlugit ilisimannittunik killisiuisinnaanermi aammalu ilisimannittunik eqqartuussisoqarfiup najugaqarfingineqartup avataanut nassuaateqariartoqqusinermi § 141 atuutissaag.

§ 467. Allagartat uppernarsaatissat, inatsisinik unioqqutitsinermut pissutaatinniarneqartut imaluunniit unioqqutitsinikkut pissarsiarineqarsimasut imaluunniit atorneqarsimasut imaluunniit taamatut iliuuseqarnissamut atorneqartussaasimasut, imaluunniit iliuusaasimasumik imaluunniit unnerluutigineqartup tamatumunnga attuumassuteqarneranik paassisutissiisut atuarneqassapput, tamanna uppernarsaasiinissamit pisariaqartinneqarpat.

Imm. 2. Aammattaaq allagartat uppernarsaatissat makku eqqartuussutissap isumaqatigiinniutigineqarnerani uppernarsaatitut atorneqarsinnaallutillu atuarneqartassapput:

- isumaqatigiinniutiginoqarneran uppernarsaatit atoqeqarinniaalutit uataarneqartasappat.

 - 1) uppernarsaatissanik ujaasinerit, arsaarinnikkallarnerit, misissuinerit aamma misissuisartut naliliisartullu sulineri, eqqartuussutissap isumaqatigiinniutigineqarnerata avataani pisimasut pillugit eqqartuussisut suliaannik allassimaffimmut allattukkat kiisalu misissuisartuniit naliliisartuniillu eqqartuussivimmut nalunaarutit.
 - 2) nassuaatinik, unnerluutigineqartup pasilliutaasoq pillugu killisiorneqarnermini nassuaatigisimasaanik, eqqartuussisut suliaannik allassimaffinni issuaanerit, imattoqartillugu
 - a) unnerluutigineqartoq maanna nassuaateqarumanngippat,
 - b) unnerluutigineqartup nassuaatai siusinnerusukkut nassuaataaniit allaaneruppata, imaluunniit
 - c) unnerluutigineqartoq takkutinngitsoorpat, eqqartuussutissamillu isumaqatigiinniarneq § 453, imm. 3, malillugu ingerlanneqarpat.
 - 3) nassuaatinik, ilisimannittut aamma misissuisartut naliliisartullu nassuaatigisimasaannik, eqqartuussisut suliaannik allassimaffinni issuaanerit, imattoqartillugu
 - a) pineqartut taakkua toqsimappata allanilluunniit pissuteqartumik killisioqqinnejarsinnaanngippata,
 - b) pineqartut taakkua eqqartuussivimmi allami, suliassamik sularinniffiunngitsumi, killisiornejarsimappata, tak. § 466, imm. 2,

c) pineqartut taakkua unnerluutigineqartoq najuutsinnagu killisiorneqarsimappata, tak. § 453, imm. 2,
d) pineqartut taakkua nassuaataat siusinnerusukkut nassuaataanniit allaaneruppata, imaluunniit
e) ilisimannittooq maannakkut nassuaateqarumanngippat, pinngitsaaliissutinillu atuisoqartariaqanngippat imaluunniit iluatsinngitsumik atuisoqarsimappat.

4) Kunngikkormiut, naalagaaffiit aallartitaasa allalluunniit, eqqartuussisutigoortumik malersorniarneqarsinnaanngitsut, nassuaataat nalunaarutaallu pillugit eqqartuussisut suliaannik allassimaffinnut ilassuteqaatit, pineqartut taakkua eqqartuussutissap isumaqatigiinniutigineqarnerani eqqartuussivimmut ornigussimannngippata.

5) Nalunaarutit ilisimannittutullu nassuaatit, pisortatigoortumik suliassaqtitaaneq naapertorlugu suliaasimasut, matumunnga ilanngullugit unnerluutigineqartup siusinnerusukkut pinerluuteqarluni eqqartuussutisiarisimasaasa assilineqarneri.

Imm. 3. Pisut imm. 1-im 2-milu taaneqartut avataasigut allakkiat upternarsaatissat, nalunaarutinik ilisimannittutullu nassuaatinik imallit, aatsaat upternarsaatitut atorneqarsinnaapput eqqartuussisut taamaasiornissamut qaqutigoortumik akuersippata. Unnerluutigineqartup siusinnerusukkut inuusaasia pillugu nalunaarutit eqqartuussivik avaqqullugu pineqarsimasut qaqugukkulluunniit atorneqartassanngillat.

§ 468. Unnerluutigineqartup, ilisimannittut imaluunniit misissuisartut naliliisartullu nassuaataannik eqqartuussisut suliaannik allassimaffinniitnik issuaanerit, maannakkut nassuaatigineqartut siornatigut nassuaatigineqarsimasunut naapertuutinngimmata, aatsaat atuarneqartassapput pineqartoq killisiorneqarnermut tunngasunik ataqtigiiusunik oqaaseqaateqarnissaminut periarfissinneqareerpat aamma apeqqutinik, pineqartup nassuaateqarnera pissutigalugu apeqqutigineqartariaqartunik, apereqqittoqareeraangat.

§ 469. Eqqartuussisut inunnik, pequtinik ininillu misissuiffiginnissinnaapput, tamanna suliassap paasisaqarfingineqarnissaanut pisariaqarsorineqarpat. Misissuineq inunnit, eqqartuussutissap isumaqatigiinniutigineqarnerani najuuttusanit, najuuffigineqartassaaq.

Eqqartuussinissaq sioqqullugu aamma eqqartuussisoqarnerani suliassamik kinguartitsineq

§ 470. Kinaluunniit, kinguartitsinissamik kissaateqartoq, eqqartuussisunut sapinngisamik piaernerpaamik ilisimatitsisassaaq. Tamanna pereeraangat eqqartuussisunit aalajangiiffigineqartassaaq suliassaq kinguartinnejassanersoq.

§ 471. Eqqartuussutissap isumaqatigiinniutigineqarnerani upternarsaatissamik saqqummiussinissaq, suliassamik kinguartitsiffusariaqartoq, pillugu apeqqummik saqqummertoqarpat eqqartuussisut aalajangiisassapput suliassaq kinguartinnejassanersoq, eqqarsaatigutigalugu upternarsaatissaq qanoq pingaaruteqartigisutut isumaqarfingineqartoq.

Eqqartuussutissamik isumaqatigiinniuteqarneq

§ 472. Eqqartuussutissamik isumaqatigiinniuteqarneq aallarnerneqartassaaq paasisutissiissutigineqarluni suliassaq suna eqqartuussisunit suliarineqassasoq. Tamatuma kingorna unnerluussissut atuarneqassaaq unnerluutigineqartorlu § 456, imm. 2 naapertorlugu ilitsorsorneqassaaq. Eqqartuussisut unnerluussisoq qinnuigisinnaavaat suliassaq pingaarmersiorlugu saqqummiuteqquillugu (saqqummiussineq). Tamanna pereerpat upternarsaatissanik saqqummiussineq tulliussaaq, tak. §§ 464-468.

Imm. 2. Uppernarsaatissanik saqqummiussineq naammassipat unnerluussisoq siulliulluni tulleralugulu illersuisoq kiisalu unnerluutigineqartoq upternarsaatissatigut saqqummiussinermi angusat suliassamilu apeqqutit inatsisinut tunngassutillit (naggataarutaasumik tunngavilersuuteqarneq) pillugit

oqaaseqaateqarnissaminut periarfissinneqassapput. Suliassap eqqartuussutissanngortinnejarnissa sioqqullugu eqqartuussisut siulittaasuata unnerluutigineqartoq erseqqissumik aperissavaa suli allatigut ilassutissaqarnersoq.

§ 473. Eqqartuussutissamik isumaqatigiinniuteqarneq naggaserlugu eqqartuussisut suliassami eqqartuussuteqassapput. Eqqartuussisut qaqutigoortumik aalajangiisinhaapput unnerluutigineqartup pisuuneneranik apeqqut siulliullugu suliarineqarlunilu aalajangiiffigineqassasoq.

Imm. 2. Suliassap aalajangiiffigineqarnissa pillugu eqqartuussisut siunersioqatigiittarnerannut tunngatillugu kapitali 9-mi aalajangersakkat atuutissapput.

§ 474. Eqqartuussutissamik isumaqatigiinniuteqarneq naammassereeraangat eqqartuussisut sapinnigisamik piaarnerpaamik aalajangiisassapput. Suliassaq eqqartuussutissanngortinnejarpas eqqartuussisut tusarliuttassavaat eqqartuussut qaqugu nalunaarutigineqassanersoq. Eqqartuussut ulloq taanna nalunaarutigineqarsinnaanngippat sapaatit akunneri marluk qaangiutsinnagit nalunaarutigineqartassaaq.

Imm. 2. Pissutsit immikkut ittut tamanna pisariaqartippassuk eqqartuussisut aalajangersinnaavaat imm. 1-imi piffissarititamik sanioqqutitsisoqassasoq. Aalajangiineremi eqqartuussisut pissutsit piffissarititaasumik malinninnginnissamut pissutaasut oqaatigisassavaat.

Imm. 3. Eqqartuussut nalunaarutigineqartassaaq eqqartuussutip inerneranik eqqartuussinermi atuaanikkut. Nalunaaruteqarneremi unnerluutigineqartoq najuutinngippat politiit eqqartuussutip allassimaffiata assilineqarneranik unnerluutigiteqartumut nassiuississapput. Suliassaq § 453, imm. 3 naapertorlugu unnerluutigineqartumit najuuffigineqarani suliarineqarlunilu aalajangiiffigineqassappat, aalajangiinerup assilineqarnera unnerluutigineqartumut nalunaarutigineqassaaq.

Akiliisitsissuteqarnissamik eqqartuussivikkoortumik akuersissutiginnittarneq

§ 475. Suliassaq inatsisinik unioqqutitsinermut, akiliisitsinermik imaluunniit arsaarinnissuteqarnissamik taamaallaat kinguneqassanngatinnejartumut, tunngassuteqarpat eqqartuussisut, unnerluutigineqartup pisuunera qularutigissallugu tunngavissaqarsorineqartinnagu politiillu tamatumani isumaqataallutik nalunaarpata, akiliisitsissutissatut aalajangerneqartunik akiliinikkut imaluunniit arsaarinnissuteqarnissamut akuersaarnikkut unnerluutigineqartoq suliassap aalajangiiffigineqarnissaanut piginnaatissinnaavaat.

Imm. 2. Aalajangiinissatut neqeroorutaasoq unnerluutigineqartumit akuerineqarpat, tamanna eqqartuussisut suliaannik allassimaffimmut allanneqassaaq. Taamatut aalajangiineq eqqartuussutitulli sunniuteqassaaq.

Eqqartuussut

§ 476. Eqqartuussut unnerluutigineqartumik pineqaatissiilluniluunniit pinngitsuutitsissaq.

Imm. 2. Eqqartuussisut pisimasumut, unnerluussissummut ilaatinneqanngitsumut, eqqartuussuteqarsinnaanngillat.

Imm. 3. Akerlianik eqqartuussisunut ajornartinneqanngilaq pisimasumik unnerluutiginnissutaasumik aalajangersakkamut allamut, unnerluussisussaatitaasut atorniagaanniit allaanerusumut, tunngatitsinissaq, soorluttaaq eqqartuussisut pissutsit taaneqanngitsut (piffissap qanoq ilinera aamma sumiiffik il.il.) inatsisinik unioqqutitsinermut attuumassutilit tungaasigut unnerluussummik sanioqqutitsisinaasut. Taamaattoqartassaari aatsaat eqqartuussisut qularatik naliliippata unnerluutigineqartoq aamma unnerluussummik taamatut saneqqutaaqisoqarnerani imminut illersornissaminut naammattumik piginnaatitaasimassasoq. Eqqartuussisut taamaattoqarsorinngikkuniku imaluunniit tamatuma tungaatigut qularunik eqqartuussinissamut allaanerusunik tunngavissiinissaq isummerfiginialersinnagu

illuatungerit oqaaseqaateqarnissaannut periarfississavaat, pissutsillu naapertorlugit suliassaq kinguartissavaat piffissami, illersorniarnissap isumagineqarnissaanut pisariaqartinneqartumi.

§ 477. Unnerluutigineqartoq eqqartuunneqassappat, eqqartuussisut eqqartuussummut tunngavilersuuttit taagussavaat

- 1) pissutsit, upernarsarneqartutut isigisat aammalu eqqartuussuteqarnermut tunngavigineqartut,
- 2) malittarisassaq unioqqutinnejqarsimasoq,
- 3) pineqaatissiinermut inatsisitigut tunngavigisaq, aamma
- 4) pissutsit, pineqaatissiissutissamik toqqaanermi sivisussusiliinermilu pingartinneqartut.

Imm. 2. Unnerluutigineqartoq pinngitsuutinnejqarpal, eqqartuussisut eqqartuussummut tunngavilersuuttit taagussavaat

- 1) pissutsit, eqqartuussuteqarnissamut piumasaqaataasut aammalu amigaataasutut imaluunniit upernarsarneqanngitsutut isigineqartut, imaluunniit
- 2) pissutsit pinerluttulerinermi inatsisitigut akisussaaffiliinngitsut aammalu atuuttutut isigineqartut, kiisalu
- 3) inatsisip aalajangersagartai atorneqarsimasut.

§ 478. Eqqartuussut oqaatsinut unnerluutigineqartup paasisinnaasaanut allanneqartassaaq imaluunniit nutserneqartassaaq.

Suliareqqitassanngortitsisarneq pillugu ilitsersuineq

§ 479. Unnerluutigineqartoq eqqartuussummik suliareqqitassanngortitsinissamut piginnaatitaaneranik ilitsersorneqartassaaq. Ilitsersuisoqartassaaq eqqartuussutip nalunaarutigineqarnerani, unnerluutigineqartoq najuuppat, taamaannngippallu eqqartuussummik kingusinnerusukkut ilisimatissuteqarnikkut imaluunniit eqqartuussutip nalunaarutiginneqarnerani, tak. § 474, imm. 3. Eqqartuussisut suliaannik allassimaffimmut allanneqassaaq eqqartuussinermi unnerluutigineqartup najuuffigisaani ilitsersuisoqarsimappat.

Imm. 2. Illersusoq, suliaannik eqqartuussivimmi suliarinninnermi unnerluutigineqartumut ikuuissimasoq, pisussaaffeqarpoq unnerluutigineqartoq Kalaallit Nunaata Eqqartuussisuuneqarfianut suliareqqitassanngortitsinissamut piginnaatitaaneranik ilitsersussallugu, tak. § 434, aamma unnerluutigineqartoq taamaaliornissaanik ikorsissallugu.

Kapitali 40

Suliassamut aningaasartuutit

§ 480. Pinerlunnernik suliaanni, pisortatigoortumik malersorneqartussaasuni, suliaannik suliarinninnermi naammassinninnermilu aningaasartuutit naalagaaffiup karsianit akilerneqartussaapput.

Imm. 2. Taamaattori unnerluutigineqartoq pisuutaappat, taamaasiornissamut immikkut ittunik pissutissaqartoqartillugu eqqartuussutikkut aalajangerneqarsinnaavoq unnerluutigineqartup aningaasartuutaasimasut pisariaqartut tamakkerlugit ilaannaalluunniit pisortanut taarsissagai.

Kapitali 41

Avammut oqaaseqartarneq il.il.

§ 481. Kinaluunniit, atorfini naapertorlugu pinerlunnermik suliaannik suliaqartoq, suliaassaq aalajangiiffigineqartinnagu imaluunniit taamaatiinnarneqartinnagu eqqartuussinerup avataatigut pisuunermut apeqqut pillugu avammut oqaaseqaateqartussaanngilaq.

§ 482. Eqqartuussinermi isumaqatigiinniutaasunik avammut issuaaneq piviusorsiortuullunilu ilumoortuussaaq.

Imm. 2. Kinaluunniit piaaraluni avammut imaluunniit amerlasuunut siaruaattussanik oqaatsitigut allakkatigullunniit, piaaraluni imaluunniit mianersuaalliorujussuarluni

- 1) suliassamik pineqaatissiissutaasussamik, suli inaarutaasumik aalajangiiffineqanngitsumik imaluun niit taamaatiinnarneqanngitsumik, pingaarutiltsigut eqqunngitsunik paassisutissiisoq,
- 2) suliassap paasinarsarneqarnissaanik akornusersuisoq imaluunniit
- 3) suliassami pineqaatissiissutaasussami inaarutaasumik eqqartuussuteqartoqartinnagu oqaaseqaateqartoq, eqqartuussisunut imaluunniit eqqartuussisooqataasunut suliassap aalajangiiffineqarnissaanut tunngatillugu illersorneqarsinnaanngitsumik sunniiniutaasinnaasumik, pineqaatissinneqarsinnaavoq pinerluttulerinermi inatsit malillugu.

§ 483. Suliassap politiinit paasiniarneqartup tamanut ammasumik eqqartorneqannginnissaa naalagaaffinnut allanut pingaaartitassanit pisariaqartinneqarpat suliassap tamakkiisumik ilaannakortumilluunniit avammut ammasumik eqqartorneqarnissaata inerteqqutaanera politiit eqqartuussisunut aalajangeeqqusinnaavaat. Apeqput matoqqasumik suliarineqarlunilu aalajangiineq nalunaarutigineqassaaq. Eqqartuussisut aalajangiinerat tunngavilersugaassaaq.

Imm. 2. Aalajangiineq atorunnaassaaq unnerluussissuteqartoqarpat imaluunniit unnerluussut taamaatinneqarpat. Suliarli inunnut arlalinnut tunngassuteqarpat aalajangiineq atuutsiinnarneqarsinnaavoq, paasinianerup tamanut tunngasup naammassineqarnissaa tikillugu.

Imm. 3. Inatsiseqarnermut ministeri erseqqinnerusunik malittarisassiussaaq eqqartuussisut aalajangiineri qanoq tusagassiutinut aalajangersagaq una malillugu nalunaarutigineqartassasut.

Imm. 4. Inerteqqummik unioqqutitsineq pinerluttulerinermi inatsit malillugu pineqaatissiissutaasinnaavoq.

§ 484. Kinaluunniit, pinerluttulerinermi inatsimmi atoqatigiinnikkut pinerluuteqarnernik malittarisassanik unioqqutitsineq pillugu suliassamik eqqartuinermut atatillugu imaluunniimmi suliassaq taamaattoq eqqarsaatigalugu, pinerlineqartup aqqanik, atorfianik najugaqarfianilluunniit imaluunniit allatut iliornikkut pineqartup kinaassusaanik tamanut saqqummiussisoq pineqaatissinneqarsinnaavoq pinerluttulerinermi inatsit malillugu.

Imm. 2. *Imm.* 1 akornutaassangilaq politiit pinerlineqartup kinaassusaanik saqqummiussinissaannut, tamanna suliassap paasiniarneqarnissaa pissutigalugu pisariaqassappat imaluunniimmi tamanut soqtiginaatilittut isumagineqarnissaa tunngavissaqarpat. Taamaattorli pinerlineqartup assinginik qimerloortitsinermi §§ 430 aamma 432 atortuutinneqassapput.

§ 485. Kinaluunniit, pinerlunnermik suliassamik imaluunniimmi suliassap taamaattup siunertarineqarneranut eqqartuinermut atatillugu, eqqartuussisooqataasup peqataasup aqqanik, atorfianik najugaqarfianilluunniit avammut saqqummiussisoq imaluunniit allatut iliornikkut pineqartup taassuma kinaassusaanik avammut saqqummiussisoq pineqaatissinneqarsinnaavoq pinerluttulerinermi inatsit malillugu.

Kapitali 42

Pinerluttulerinermi inatsisitigut malersuineq pissutigalugu taarsiissuteqartarneq

§ 486. Kinaluunniit, pinerluttulerinermi inatsisitigut malersuiniarnerup ilaatut tigusarineqarsimasoq imaluunniit tigummigallagaasimasoq, tamatumuuna ajoqusigaanerminut taarsiivigineqartussaavoq, unnerluussut taamaatiinnarneqassappat imaluunniit unnerluutigineqartoq pinngitsuuitaassappat. Taarsiissuteqartoqassaaq aningaasarsiornikkut ajoqusiinermut kiisalu anniaateqarnermut,

narrujuummisitaanermut, ajoqusigaanermut akornusigaanermullu imaluunniit atorfigisamik atugarisanilluunniit aseruinermut.

Imm. 2. Naak imm. 1 malillugu taarsiissuteqarnissamut piumasaqaatit naammassineqanngikkaluartut taarsiissuteqartoqarsinnaavoq, kiffaanngissusiianeq, suliassap ingerlanerani atorneqarsimasoq, malersuinerup inerneranut naleqqiullugu naapertuitinngippat imaluunniit tamanna allat immikkut ittut tunngavigalugit naleqquttuusorineqarpat.

Imm. 3. Taarsiissutissat annikillilerneqarsinnaapput imaluunniit itigartitsissutigineqarsinnaapput pasisaq nammineq tigusarinninnermut imaluunniit tigummigallagassangortitsinermut pissutissiisimappat.

§ 487. Pasisaq, pinerluttulerinermi inatsisitigut malersugaanerup ilaatut pinerlunnernik suliarinnitarneq malillugu allatigut akuliuffigineqarsimasoq, taarsiivigineqarsinnaavoq § 486-imi malittarisassat malillugit.

§ 488. Inummut, pasisaasimanngitsumut, pinerluttulerinermi inatsisitigut malersuinerup ilaatut akuliunneq aallarnerneqarsimappat taarsiissuteqartoqarsinnaavoq, tamanna naleqquttuusorineqarpat.

§ 489. Kinaluunniit inissiisarfimmitsitaasimasoq imaluunniit pinerluttulerinermi inatsisitigut allatut pineqaatissinnejarsimasoq taarsiivigineqartussaavoq § 486-imi malittarisassat malillugit, suliareqqitassangortitsineq imaluunniit suliassamik nangitseqqiineq pineqaatissiissutaasup atorunnaarneranik kinguneqarpat. Sakkukillisaavagineqarnermi taarsiissuteqartoqassaaq, eqqartuussaanerup kingunerisaa naammassineqarsimasoq suliareqqitassangortitsinerup imaluunniit suliassamik nangitseqqiinerup kingorna eqqartuussutaasussamiit sakkortuneruppat.

Imm. 2. Taarsiissutissat itigartitsissutaasinaapput imaluunniit ikilineqarsinnaapput eqqartuunnejarsimasoq nammineq suliassap ingerlanneqarnerani pissusilorsornermigut eqqartuussaanerminut pissutissiisimappat.

§ 490. Politimesteri §§ 486-489 naapertorlugit taarsiivigineqarnissamik piumasaqaatit pillugit aalajangiiffinginnituussaaq. Inatsiseqarnermut ministeri aalajangersaasinnaavoq suliassat erseqqinnerusumik taagukkat rigsadvokatimut imaluunniit inatsiseqarnermut ministerimut aalajangiiffigisassatut saqqummiunneqassasut. Inummiit, pasisaasimasumiit, piumasaqaatit saqqummiunneqartassapput malersorneqarnerup atuukkunnaarneranik pasilligaasup nalunaarfigineqareerneranit imaluunniit inaarutaasumik eqqartuussutip nalunaarutaaneranit kingusinnerpaamik qaammatit marluk qaangiutsinnagit. Eqqartuussutip oqaatigineqarnerani pasisaq nammineq najuussimanngippat piffissarititaq naatsorsorneqassaaq eqqartuussutip taassumunnga nalunaarutigineqarneranit aallartittumik, eqqartuussut nalunaarutigineqartussaasimappat. Allaniit piumasaqaatit saqqummiunneqartassapput akuliunnerup atorunnaarneranit kingusinnerpaamik qaammatit marluk qaangiutsinnagit.

Imm. 2. Piffissarititaq imm. 1-imi taaneqartoq qaangiutereersoq piumasaqaammik saqqummiussisoqarpat piumasaqaat suliarineqartarsinnaavoq, qaangiineq utoqqatsissutissaqarsorineqarpat.

Imm. 3. Taarsiivigineqarnissamik piumasaqaatit pillugit politimesterip aalajangiinerinik maalaarutit rigsadvokatimit suliarineqartassapput. Rigsadvokatip maalaarummik aalajangiiffinginninera inatsiseqarnermut ministerimut maalaarutigineqarsinnaanngilaq.

Imm. 4. Taarsiivigineqarnissamik piumasaqaatit pillugit rigsadvokatip suliarinneqqaartuulluni aalajangiinerinik maalaarutit inatsiseqarnermut ministerimut suliarineqartassapput.

Imm. 5. Taarsiivigineqarnissamik piumasaqaatit pillugit aalajangiinerinik maalaaruteqarnissamut piffissarititaq sapaatit akunnerinik sisamanik sivisussuseqassaaq, maalaaruteqartup aalajangiinerinik nalunaarfigineqarneranit. Piffissarititaasup taassumap qaangiutereernerani maalaaruteqartoqarpat maalaarut suliarineqassaaq, piffissarititamik qaangiineq utoqqatsissutissaqartutut isigineqarpat.

Imm. 6. Imm. 3-5-imik aalajangersakkat taamatulli atortuutinnejassapput, suliassanik ingerlatsinermut inatsit aamma tamanut saqqummiussisussaatitaaneq pillugu inatsit malillugit allagaatinik paasisassarsortarneq pillugu aalajangiinerni.

§ 491. Taarsiivigineqarnissamik piumasaqaat rigsadvokatip imaluunniit inatsiseqarnermut ministerip maalaarummik aalajangiiffinginninneratigut akuersaerneqanngippat taarsiivigineqarnissamik qinnuteqaateqartoq itigartitaanerup nalunaarutigineqarneraniit kingusinnerpaamik qaammait marluk qaangiutsinnagit kissaateqarsinnaavoq piumasaqaat eqqartuussivimmut, pinerlunnermik suliassamik aalajangiiffinginnitusimasumut, saqqummiuneqassasoq. Suliassaq politimesterimit eqqartuussivimmut saqqummiunneqassaaq. Pinerlunnermik suliassaq eqqartuussivimmit aalajangiiffingineqarsimangippat politimesterip taarsiivigineqarnissamik piumasaqaat sumiiffimmi pinerlunnerni suliassanik ingerlatsinikkut iliuuseqarnissamik aalajangiiffiusimasumi eqqartuussisunut imaluunniit taarsiivigineqarnissamik qinnuteqaateqartup eqqartuussisoqarfittut najugaani eqqartuussivimmut suliassanngortissavaa.

Imm. 2. Taarsiivigineqarnissamik qinnuteqaateqartumiit noqqaassuteqarneq naapertorlugu pineqartoq illersuisulerneqartassaaq.

Imm. 3. Taarsiivigineqarnissamik suliassaq pinerlunnernik eqqartuussisarnertulli suliarineqassaaq. Taamaattorli eqqartuussisut taarsiivigineqarnissamik piumasaqaat, pasisaasimanngitsumiit saqqummiussaaq, suliariumanngissinnaavaat piumasaqaat pinerlunnermik eqqartuussisarnertulli naleqquatumik suliarineqarsinnaanngippat. Pinerlineqartoq nammineq piumasaminik tamatuma kingorna piumasaqaateqarsinnaavoq saqtsaanermik suliassiissuteqartarneq pillugu malittarisassat malillugit.

Imm. 4. Suliassaq suliarineqassaaq eqqartuussisooqataasartut peqataatillugit, taamaattoqassanngilarli suliassap, inatsisinik unioqqutitsinermut tunngassutillip eqqartuussisooqataasartut peqataatillugit aalajangiiffingineqartussaanngitsup imaluunniit aalajangiiffingineqartussaasimanngikkaluartup, malitsigisaanik taarsiivigineqarnissamik piumasaqaat saqqummiunneqarpat.

§ 492. Taarsiivigineqarnissamik piumasaqaat kingornunneqartarpoq tamatuminnga malittarisassat nalinginnaasut malillugit, taamaattorli imaasillugu aningaasaqarnerup tunngaatiungunngitsoq ajoqusigaanermut taartisisinneqarnissamik piumasaqaatit kingornunneqartassallutik, tamanna § 430-imik malittarisassanut naapertuuttumik saqqummiunneqarpat.

§ 493. Taarsiivigineqarnissamik piumasaqaatit, taarsiissuteqartarnermik malittarisassat nalinginnaasut tunngavigalugit pasisaasunit, eqqartunneqarsimasunit allanilluunniit pinerluttulerinermi inatsisitigut malersuineq tunngavigalugu suliassiissutigineqartut, noqqaavagineqarnikkut suliarineqartassapput kapitalimi matumani malittarisassat malillugit.

Immikkoortoq VI

Ingerlateqqitassanngortitsisarneq aamma nangititsisarneq

Kapitali 43

Saqtsaanernik ingerlateqqitassanngortitsisarneq aamma nangititsisarneq

Suliareqqitassanngortitsineq

§ 494. Eqqartuussutit, najukkami eqqartuussivimmit imaluunniit Kalaallit Nunaanni Eqqartuussivimmit eqqartuussutigineqarsimasut illuatungiliuttumit, eqqartuussummi piumasaqaatiminik tamakkiisumik tapserneqarsimanngitsumit, Kalaallit Nunaata Eqqartuussisuuneqarfianut suliareqqitassanngortinnejarsinnaapput. Suliareqqitassanngortitsineq pisinnaavoq

allanguuteqartitsinissaq, atorunnaarsitsinissaq imaluunniit suliamik najukkami eqqartuussivimmut utertitsinissaq siunertaralugu.

Imm. 2. Suliareqqitassanngortitsinermi ilangunneqarsinnaapput aalajangiinerit, suliassap suliarineqarnerani aalajangiinerusut, inatsisikkut allatut aalajangiisoqarsimanngippat.

Imm. 3. Illuatungiliuttoq suliareqqitassanngortitsinermik taamaatitsisinnaavoq, eqqartuussutip oqaatigineqareernerata kingorna.

§ 495. Kinaluunniit, najuutinngitsoortutut eqqartuunneqartoq, aatsaat eqqartuussummik suliareqqitassanngortitsisinnaavoq suliassap suliarineqarnerani kukkuluttornerit patsisissaatillugit.

Imm. 2. Eqqartuussutit, suliassap eqqartuussivimmut eqqortumut saqqummiunneqarsimannginnerra imaluunniit piffissaq eqqorlugu eqqartuussivimmut imaluunniit eqqartuussivimmut ingerlatitseqqiviusartumut saqqummiunneqarsimannginnerra pissutigalugu eqqartuussisut suliassamik itigartitsissuteqarfigisaat, aalajangeqqitassanngortitsinikkut aatsaat eqqartuussivimmut qulliunerusumut suliassiissutigineqarsinnaapput.

Imm. 3. Suliassamut aningaasartuutit pillugit aalajangiinerit eqqatuussivimmut qulliunerusumut aalajangeqqitassanngortitsinikkut aatsaat immikkut suliassanngortinneqarsinnaapput.

Suliareqqitassanngortitsinissamut piffissarititaq

§ 496. Suliareqqitassanngortitsinissamut piffissarititaq eqqartuussutip oqaatigineqarneraniit sapaatit akunnerinik sisamanik sivisussuseqarpoq, tak. § 237 aamma § 132.

Suliareqqitassanngortitsinermik il.il. aallarniineq

§ 497. Suliareqqitassanngortitsineq pissaaq suliareqqitassanngortitsissummik piffissaq suliareqqitassanngortitsivissaq qaangiutsinnagu tuniussinikkut, ilangunneqassalluni nuutsinneqarnera ataaseq nunatta eqqartuussisuuneqarfiata pissaa.

Imm. 2. Suliareqqitassanngortitsissutip imarissavai:

- 1) eqqartuussutip, suliareqqitassanngortitap, taaneqarnera,
- 2) suliareqqitassanngortitsisup aamma suliareqqitassanngortinneqartup aqqi najugaallu, aamma najugaq nalunaarutinik suliareqqitassanngortitsisumut suliareqqitassanngortinneqartumullu nassitsiviusinnaallunilu nalunaarutiginniffiusinnaasoq,
- 3) suliareqqitassanngortitsisup oqarasuaatigisinnasaata telefaxerisinnaasaatalu normui,
- 4) suliareqqitassanngortitsisup piumasqaataa,
- 5) suliareqqitassanngortitsisup piumasqaammut tunngavigisaasa allaaserineqarnerat, aamma
- 6) allakkiat uppermarsaatissat allatigullu uppermarsaatissat, suliareqqitassanngortitsisup patsisiginiaagaasa eqqartuussivimmilu siuliani patsisaatinneqarsimanngitsut, allaaserineqarnerat.

Imm. 3. Eqqartuussutip, suliareqqitassanngortinneqartup, assilineqarnera suliareqqitassanngortitsissummut ilangunneqassaaq. Aammattaaq ilangunneqassapput allakkiatigut uppermarsaatissat imm. 2, nr. 6-imi taaneqartut, ataatsimik assilinertalerlugit, taakku suliareqqitassanngortitsisup pigissappagit.

Imm. 4. Suliareqqitassanngortitsisoq noqqaassuteqarnikkut suliareqqitassanngortitsissutip suliarinissaanut nunami maani eqqartuussivinni tamani pisariaqarneratut ikiorserneqarsinnaatitaavoq.

§ 498. Nunatta Eqqartuussisuuneqarfiata eqqartuussivik, eqqartuussuteqarsimasoq, suliareqqitassanngortitsineq pillugu ilisimatissavaa suliallu pappiarartaanik nassisusseqqussavaa.

§ 499. Suliareqqitassanngortitsissutip nalunaarutigineqareernerata kingorna suliareqqitassanngortitsisup suliassaq unitsissinnaanngilaa, suliareqqitassanngortinneqartoq eqqartuussutip atuuttussanngortinneqarnissaanik piumasqaammiit allaanerusumik piffissarititaq

eqqorlugu piumasaqaateqarsimappat, aamma suliareqqitassanngortinnejartup suliareqqitassanngortitsinerup suliarineqarnissaa kissaatigippagu.

Suliareqqitassanngortitsineq kingusinaartoq

§ 500. Suliareqqitassanngortitsineq, piffissarititap qaangiutereerneratigut pisoq, nunatta eqqartuussisuuneqarfianit itigartitsissutigineqassaaq.

Imm. 2. Taamaakkaluartoq eqqartuussutip oqaatigineqarneraniit ukioq ataaseq tikillugu suliareqqitassanngortitsisoqarnissaa nunatta eqqartuussisuuneqarfia qaqutigoortumik akuerisarsinaavaa. Nunatta eqqartuussisuuneqarfia akuersippat suliareqqitassanngortitsissut tunniunneqartassaaq illuatungiusup akuersinermik ilisimatinneqareerneranit sapaatit akunneri sisamat qaangiutsinnagit. § 524-mi aalajangersakkat taamatulli atortuutinnejassapput piffissarititap qaangiutereerneratigut suliareqqitassanngortitsinissamut akuerineqarnissamik qinnuteqaatinik suliariinninnermi. Nunatta Eqqartuussisuuneqarfia aalajangiinera Eqqartuussiviit Qullersaannut aatsaat suliassanngortinnejarsinnaavoq § 526-mi malittarisassat malillugit

Kinguartitsissutaasinnaasutut sunniuteqarneq

§ 501. Suliareqqitassanngortitsineq, suliareqqitassanngortitsinissamut piffissarititaasup qaangiutinnginnerani pisoq, kinguartsigallarnermik sunniuteqartassaaq, inatsimmi allatut aalajangiisoqarsimangippat imaluunniit tamanna eqqartuussivimmit, aalajangiinera suliareqqitassanngortitaasumit imaluunniit nunatta eqqartuussisuuneqarfianit aalajangerneqarsimassappat.

Suliareqqitassanngortitsissut amigaatilik

§ 502. Suliareqqitassanngortitsissutip piumasaqaatit § 497, imm. 2-miittut naammassisimanngippagit imaluunniit paasiuminaappat amigaateqarpalluunniit nunatta eqqartuussisuuneqarfia suliareqqatassanngortitsisumut saaffiginnissaaq, taannalu amigaatinik iluarsiinissaminut sivikinnerusumik piffissaliivigineqarsinnaavoq.

Imm. 2. Amigaatit iluarsineqarsinnaanngippata imaluunniit suliareqqitassanngortitsisoq piffissaliussap qaangiutinnginnerani taamaaliorumanngippat suliassaq nunatta eqqartuussisuuneqarfia itigartitsissutigissavaa.

Suliareqqitassanngortitsinermik piareersaaneq

§ 503. Suliareqqitassanngortitsissut suliareqqitassanngortitamut nalunaarutigineqassaaq, ilitsersuutitalerlugu taanna piffissap aalajangersimasup iluani qanoq iliorsinnaasoq suliassami nammineq soqtigisani isumaginiarlugit. Eqqartuussisut tamanna ilutigalugu aalajangissavaat akissutitit allakkiaq eqqartuussinermi saqqummiunneqassanersoq imaluunniit eqqartuussivimmut tunniunneqassanersoq.

Imm. 2. Suliareqqitassanngortitaq piffissaliussaq qaangiutsinnagu ornigunnaniluunniit akissuteqaateqanngippat naatsorsutigineqassaaq suliareqqitassanngortitaq eqqartuussutip atuuttussanngortinnejarnissaanik piumasaqaateqarsimasoq. Suliareqqitassanngortinnejartoq suliareqqitassanngortitsissutip nalunaarutigineqarneranut atatillugu tamatuminnga ilisimatinneqassaaq. Eqqartuussiviup suliareqqitassanngortitsisoq kalerrissavaa akissutitit allakkiamik piffissaq eqqorlugu tunniussisoqanngippat.

§ 504. Suliareqqitassanngortitamiit akissutitit allakkiap imarissavai:

- 1) suliareqqitassanngortitap aqqa najugaalu – aamma najugaq nalunaarutinik suliareqqitassanngortinnejartumut nassitsiviusinnaallunilu nalunaarutiginniffiusinnaasoq,
- 2) suliareqqitassanngortitap oqarasuaatigisinnaasaata telefaxerisinnaasaatalu normui
- 3) suliareqqitassanngortitap piumasaqaataa,
- 4) suliareqqitassanngortitsisup piumasaqaammut tunngavigisaasa allaaserineqarnerat, aamma
- 5) allakkiat uppernarsaatissat allatigullu uppernarsaatissat suliareqqitassanngortinnejartup patsisiginagaasa, eqqartuussivimmilu siuliani patsisaatinneqarsimannngitsut, allaaserineqarnerat.

Imm. 2. Allakkiatigut uppernarsaatissat, imm. 1, nr. 5-imi taaneqartut, ataatsimik assilinertalerlugin akissutitut allakkiamut ilanngunneqassapput, suliareqqitassanngortitamit pigineqarpata.

§ 505. Nunatta Eqqartuussisuuneqarfiata aalajangissavaa eqqartuussinerit arlallit ingerlanneqassanersut imaluunniit illuatungiliuttoq eqqartuussiviup piffissaliussaata iluani suliassami allakkianik suli allanik tunniussaqassanersoq, imaluunniit suliareqqitassanngortitsinermik piareersaaneq naamassineqassanersoq suliarlu eqqartuussutissanngorlugu ingerlaannaq piffissaliivigineqassanersoq.

Imm. 2. Nunatta Eqqartuussisuuneqarfiata aalajangersinnaavaa eqqartuussutissamik isumaqatigiinniuteqarneq piareersaataasumik ataatsimiinermut uiggiussatut ingerlanneqassasoq, tamanna illuatungeriit isumaqataaffigippassuk imaluunniit suliassaq naammattumik paasinarsarneqarsimasorineqarpata pissutsillu tamatumunnga akerliunngippata.

Piumasaqaatit, tunngavilersuutit uppernarsaatillu nutaat

§ 506. Piumasaqaatit tunngavilersuutilu, siullermeersumik eqqartuussinermi atuutsinniarneqarsimannngitsut, illuatungiliuttoq akerliutillugu taamaallaat nunatta eqqartuussisuuneqarfiata akuersineratigut naatsorsuutigineqarsinnaapput. Taamatut akuersisoqarsinnaavoq

- 1) piumasaqaatit tunngavilersuutilu pineqartut siusinnerusukkut saqqummiunneqarsimannnginnerat utoqqatsissutissalittut isigineqarpata,
- 2) illuatungiliuttoq soqutigisaminik isumaginninnissaminut periarfissaqarluarpata, imaluunniit
- 3) tunngavissaqarpata isumaqassalluni akuersiumannginneq illuatungiuliuttumut naleqqutinngitsunik annaasaqataasinjaasoq.

Imm. 2. Illuatungiliuttoq akerliliissuteqanngikkaluartoq nunatta eqqartuussisuuneqarfiata saqqummiukkumanngissinnaavai piumasaqaatit tunngavilersuutilu, siullermeersumik eqqartuussinermi atuutsinniarneqarsimannngitsut, nunattalu eqqartuussisuuneqarfiata pissutsinut siullermeersumik eqqartuussinermi atuussimannngitsunut isummertariaqalerneranik kinguneqartut.

Imm. 3. Suliareqqitassanngortitsinermik piareersaaneq naammassineqarpata eqqartuussutissallu isumaqatigiinniutigineqarnissaa qaqugu sumilu pissasoq aalajangerneqareerpat eqqartuussiviup akuersinissaq itigartitsissutigisinnaavaa, naak illuatungiliuttoq akerliliissuteqanngikkaluartoq, piumasaqaatit tunngavilersuutilu nutaat suliareqqitassanngortitsinermi siusinnerusukkut saqqummiunneqarsimasariaqarluarpata.

§ 507. Uppernarsaatissat saqqummiunneqarsinnaapput, siullermeersumik eqqartuussinermi saqqummiunneqarsimannngikkaluarlutik.

Imm. 2. Illuatungeriit tamarmik immikkut piareersaaneq naammassineqartinnagu illuatungerisaminnut eqqartuussivimmullu nalunaaruteqassapput allakkiat uppernarsaatissat uppernarsaatissallu allat suut saqqummiutsikkusunnerlugin. Uppernarsaatit, piffissap tamatuma kingornatigut nalunaarutigineqartut, aatsaat eqqartuussisut akuersinerisigut saqqummiunneqarsinnaapput.

Takkutinngitsoorneq

§ 508. Suliareqqitassanngortitsisoq suliareqqitassanngortitarlu eqqartuussinermut, tamarmik aggersarneqarfisaminnut, ornigutinngitsoorpata suliassaq nunatta eqqartuussisuuneqarfiaita unitsissavaa. Aamma taamaassaaq illuatungeriit nunatta eqqartuussisuuneqarfiaita aalajangiinera malillugu suliassami allakkiamik tunniussaqanngitsoorpata.

§ 509. Suliareqqitassanngortitsisoq eqqartuussinermut, aggersarneqarfisaminut, takkutinngitsoorpat imaluunniit suliareqqitassanngortitsisoq nunatta eqqartuussisuuneqarfiaita aalajangiinera malillugu suliassami allakkiamik tunniussaqanngitsoorpata suliareqqitassanngortitsineq nunatta eqqartuussisuuneqarfiaita itigartitsissutigissavaa. Itigartitsinerli aatsaat pisinnaavoq suliareqqitassanngortitsisoq periarfissamik tamatumunnga paasitinneqarsimappat.

Imm. 2. Suliareqqitassanngortinnejartoq eqqartuussutip atuuttussanngortinnejarnissaaniit allaanerusunik piumasaqaateqarpal suliassap suliarineqarnera ingerlatiinnarneqassaaq suliareqqitassanngortinnejartulli noqqaassuteqarnera malillugu, aalajangigassanngortinnejeqassalluni allakkatigut paasissutissaatit pigineqartut kiisalu suliareqqitassanngortinnejeqartup uppernarsaasiissutai oqaatsitigullu ilanngussai aallaavigalugit. Suliareqqitassanngortinnejartoq suliassamik piareersaanerup nalaami takkutinngitsoorpat tamatumunnga taarsiullugu nunatta eqqartuussisuuneqarfiaita, suliareqqitassanngortitamit noqqaavigineqarluni, akuerisinnaavaa suliassaq aalajangiivigineqassasoq allakkatigut paasissutissaatit pigineqartut aamma suliareqqitassanngortitamit allakkatigut ilanngussat aallaavigalugit.

Imm. 3. Suliassami eqqartuussineqaqqissappat, suliareqqitassanngortitsisoq tamatumunnga aamma aggersarneqassaaq.

Imm. 4. Suliareqqitassanngortinnejartup piumasaqaatini annertusisimappagu imaluunniit tunngavilersuutnik, siullermeersumik eqqartuussinermi patsisiginiarneqarsimannngitsunik, saqqummiussaqarpal suliassap imm. 2 malillugu aalajangiiffigineqarnerani tamanna kisiat isiginiarneqarsinnaavoq, piumasaqaat allanngortinnejeqarsimappat imaluunniit tunngavilersuut eqqartuussinermi, suliareqqitassanngortitsisup orniguffigisaani, imaluunniit suliassami allakkiam, suliareqqitassanngortitsisumut nalunaarutigineqarsimasumi, saqqummiunneqarpal. Aammattaaq uppernarsaatinik, suliareqqitassanngortitsisumut eqqartuussineq taassuma orniguffiginngisaa sioqqullugu ilisimatitsissutigineqarsimasunik, taamaallaat saqqummiussisoqarsinnaavoq.

§ 510. Suliareqqitassanngortinnejartoq eqqartuussinermut takkutinngitsoorpat imaluunniit nunatta eqqartuussisuuneqarfiaita aalajangiinera naapertorlugu suliassami allakkiamik tunniussaqanngitsoorpat, suliassamik suliaqarneq ingerlatiinnarneqassaaq suliassarlu aalajangigassanngortinnejeqassaaq allakkatigut paasissutissiat pigineqartut kiisalu suliareqqitassanngortitsisup uppernarsaasiissutai oqaatsitigullu ilanngussai aallaavigalugit. Suliareqqitassanngortinnejartoq suliassap piareersarneqarnerani takkutinngitsoorpat nunatta eqqartuussisuuneqarfiaita, suliareqqitassanngortitamit noqqaavigineqarluni, tamatumunnga taarsiullugu akuerisinnaavaa suliassaq aalajangiivigineqassasoq allakkatigut paasissutissaatit pigineqartut aamma suliareqqitassanngortitsisumit allakkatigut ilanngussat aallaavigalugit.

Imm. 2. Suliassami eqqartuussineqaqqissappat, suliareqqitassanngortinnejartoq tamatumunnga aamma aggersarneqassaaq.

Imm. 3. Suliareqqitassanngortitsisup piumasaqaatini annertusisimappagu imaluunniit tunngavilersuutnik, siullermeersumik eqqartuussinermi patsisiginiarneqarsimannngitsunik, saqqummiussaqarpal suliassap imm. 1 malillugu aalajangiiffigineqarnerani tamanna kisiat isiginiarneqarsinnaavoq, piumasaqaat allanngortinnejeqarsimappat imaluunniit tunngavilersuut eqqartuussinermi, suliareqqitassanngortinnejeqartup orniguffigisaani, imaluunniit suliassami allakkiam, suliareqqitassanngortitsisumut nalunaarutigineqarsimasumi, saqqummiunneqarpal. Aammattaaq uppernarsaatinik, suliareqqitassanngortinnejeqartumut eqqartuussineq taassuma orniguffiginngisaa sioqqullugu ilisimatitsissutigineqarsimasunik, taamaallaat saqqummiussisoqarsinnaavoq.

§ 511. Illuatungiusoq eqqartuussinermut ornigutinngitsoorpat imaluunniit illuatungiusoq suliassami allakkiamik piffissaq eqqorlugu tunniussaqanngitsoorpat, tamanna aatsaat itigartitsinermik imaluunniit najuutinngitsoornermi eqqartuussummik kinguneqarsinnaavoq, illuatungiusoq periarfissamik tamatuminnga ilisimatinneqarsimappat.

§ 512. Nunatta Eqqartuussisuuneqarfiata aalajangersinnaavaa najuutinngitsoorneq imaluunniit suliassami allakkianik tunniussinngitsoorneq §§ 508-510 malillugit sunniuteqassangitsoq, pingaartumik najuutinngitsoorneq imaluunniit iliuuseqanngitsoornissaq pissutissaqavilluni takkutinngitsoornerusoq isumaqarfingeqatariaqarpat imaluunniit pissutsinik utoqqatsissutaasinnaasunik pissuteqarpat, imaluunniit illuatungiusoq suliassap kinguartinneqarnissaanik kissaateqarsimatillugu.

§ 513. Piffissaq eqqorlugu suliareqqitassanngortitsineq, unitsinnejarsimasoq imaluunniit itigartitsissutaasimasoq, nunatta Eqqartuussisuuneqarfiata akuersineratigut suliarineqaleqqisinnaavoq, tamanna suliareqqitassanngortitsisup noqqaassutigippagu eqqartuussinermiit, suliassamik unitsitsiffiusumiit imaluunniit itigartitsiffiusumiit, kingusinnerpaamik sapaatip akunneri marluk qaangiutsinnagit.

Suliareqqitassanngortitsinermik suliariinnittarneq pillugu malittarisassat allat

§ 514. Aamma saqtsaannernik suliassanik suliariinninneq pillugu kapitalini 14-16-im aamma 19-21-mi malittarisassat taamatulli nunatta Eqqartuussisuuneqarfiani atortuutinneqassapput.

Imm. 2. Taamaattorli nunatta Eqqartuussisuuneqarfiata aalajangersinnaavaa illuatungeriit nassiuutissagaat suliassami allakkiat taartigeeqatigiissutaasimasut assilineri aalajangersumik amerlassusillit aamma uppermarsaatissatut allakkiat, eqartuussutissap isumaqatigiinniutigineqarnerani patsisiginiarneqartut, taakkuluunniit ilaasa assilineri, eqqartuussutissap isumaqatigiinniutigineqarnissa kingusinnerpaamik ullunik 14-inik sioqqullugu. Assilineqartut piffissaliussaq eqqorlugu nassiunneqanngippata najuutinngitsoorneq pillugu malittarisassat taamatulli atortuutinneqassapput.

Eqqartuussiviit Qullersaannut suliareqqitassanngortitsineq

§ 515. Eqqartuussutit, Kalaallit Nunaata Eqqartuussisuuneqarfianit eqqartuussutigineqarsimasut, suliareqqitassanngortinnejarsinnaanngillat. Taamaattorli Suliareqqitassanngortitsinissamik Aalajangiisartut, tak. danskit eqqartuussisarnermk inatsisaanni kapitali 1 a, Eqqartuussiviit Qullersaannut suliareqqitassanngortitsinissaq akuerisinnaavaat, suliassaq tunngaviousumik pingaaruteqartuuppat.

Imm. 2. Imm. 1 malillugu suliareqqitassanngortitsinissamut akuerineqarnissamik qinnuteqaat eqqartuussutip nalunaarutigineqarneraniit kingusinnerpaamik sapaatit akunneri arfineq-pingasut qaangiutsinnagit nunap eqqartuussiuneranut tunniunneqassaaq, taassumalu qinnuteqaat oqaaseqaateqarfigalugulu Suliareqqitassanngortitsinissamik Aalajangiisartunut ingerlatitseqqissavaa. Qinnuteqaat aamma Suliareqqitassanngortitsinissamik Aalajangiisartunut toqqaannartumik nassiuunnejarsinnaavoq, taakkualu taamaassappat nunap eqqartuussiunera suliassaq pillugu oqaaseqaammik piniarfigissavaat. Aalajangiisartut qaqtigoortumik akuersissutigisinnaavaat qinnuteqaat piffissaliussamiit taaneqartumiit kingusinnerusukkut tunniunneqarpat, kisianni eqqartuussutip oqaatigineqarneraniit kingusinnerpaamik ukioq ataaseq qaangiutsinnagu.

§ 516. Suliareqqitassanngortitsinerup Eqqartuussiviit Qullersaanni suliarineqarneranut tunngatillugu aamma danskit eqqartuussisarnermk inatsisaanni malittarisassat atortuutinneqassapput, pissutsit assiginnginnerisa nassatarisaannik allannguutitalerlugit.

Aalajangeqqitassanngortitsineq

§ 517. Aalajangiinerit, eqqartuussivimmit imaluunniit Kalaallit Nunaanni Eqqartuussivimmit aalajangiinerusut, Kalaallit Nunaata Eqqartuussisuuneqarfianut aalajangeqqitassanngortinnejarsinnaapput, inatsisikkut allatut immikkut ittumik aalajangiisoqarsimannagippat.

Imm. 2. Aalajangeqqitassanngortitsineq kikkunnilluunniit, aalajangiinerup imarisaani pineqartunit, aallarnerneqarsinnaavoq.

Imm. 3. Matut matuneqarnissaat pillugu aalajangiinerit aamma aalajangeqqitassanngortinnejarsinnaapput inunnit

1) § 145-mi pineqartunit, aamma

2) eqqartuussinermi, eqqartuussisut apeqqummik suliariinniffigisaanni, najuussimasunit imaluunniit inummit nr. 1-imni taaneqartutut tusagassiutiniit taakkunarpianiit sinniisuuffigineqarsimasumit.

Imm. 4. § 191, imm. 2 malillugu ilaannakuusumik aalajangiinerit suliassami inaarutaasumik aalajangiinissamut atatillugu aatsaat nunatta eqqartuussisuuneqarfianut saqqummiunneqarsinnaapput, taamaattoqassanngilarli aalajangiineq naammassineqarsinnaappat imaluunniit nunatta eqqartuussisuuneqarfia ilaannakuusumik aalajangiinerup immikkut saqqummiunneqarnissaanik akuersippat. Taamatut akuerineqarnissamik qinnuteqaat nunatta eqqartuussisuuneqarfianut tunniunneqassaaq § 518 malillugu piffissaliussaq qaangiutsinnagu. Akuersisoqarpat suliassaq nunatta eqqartuussisuuneqarfianut § 519-imut naapertuuttumik saqqummiunneqassaaq, illuatungiliuttup akuerineqarneraniit sapaatit akunneri sisamat qaangiutsinnagit.

Imm. 5. Suliassami eqqartuussuteqartoqareernerata kingorna, suliassap suliarineqarnerani aalajangiinerit, illuatungiliuttumit aalajangeqqitassanngortinnejarsinnaanngillat.

Imm. 6. Nunatta Eqqartuussisuuneqarfia aalajangeqqitassanngortitaq aallarnerneqareersoq unitsissinnaavaa, apeqput aalajangiinermi pineqartoq suliassamik kingusinnerusukkut suliareqqitassanngortitsinermi ilanngunneqarsinnaappat.

Aalajangeqqitassanngortitsinissamut piffissarititaq

§ 518. Aalajangeqqitassanngortitsinissamut piffissarititaq ullormiit aalajangiiffiusumiit sapaatit akunnerinik marlunnik sivisussuseqassaaq.

Imm. 2. Aalajangiisoqareersimappat, aalajangeqqitassanngortitsisoq najuutsinnagu, pineqartorlu piffissamik aalajangiiffiusussamik siumut nalunaarfigineqarsimanani, aalajangeqqitassanngortitsinissamut piffissarititaq naatsorsorneqassaaq ulloq aalajangiinermik nalunaarutip pineqartumut annguffigisimasaatut isumaqarfigineqartoq aallarnerfigalugu.

Aalajangeqqitassanngortitsinermik aallarniineq

§ 519. Aalajangeqqitassanngortitsisoqassaaq eqqartuussivimmut, suliassamik aalajangeqqitassanngortitamik aalajangiisimasumut, aalajangeqqitassanngortitsinissamut piffissarititaq qaangiutsinnagu oqaatsitigut noqqaassuteqarnikkut imaluunniit aalajangeqqitassanngortitsineq pillugu allakkiamik assilinertalimmik tunniussaqarnikkut.

Imm. 2. Aalajangeqqitassanngortitsinermik allakkiap imarissavai aalajangeqqitassanngortitsisup piumasaqataa, pisariaqassappallu oqaatigineqassapput aalajangeqqitassanngortitsisup piumasaqataanut tunngaviusut. Aalajangeqqitassanngortitsineq oqaatsitigut saqqummiunneqarpat paasissutissat tamakku eqqartuussisut suliaannik allassimaffimmut allanneqassapput.

Imm. 3. Aalajangiineq allangortinnejarsarpat, tak. § 110 imaluunniit § 150, imm. 2, eqqartuussiviup aalajangeqqitassanngortitsissut nunatta eqqartuussisuuneqarfianut erniinnaq nassiuressavaa.

Nassiuunneqartunut ilanngunneqassapput:

1) eqqartuussisut suliaannik allassimaffiup assilineqarnera aalajangeqqitassanngortitsinermut oqaatsitigut saqqummiunneqarsimasumut imaluunniit aalajangeqqitassanngortitsinermik allakkiamut tunniunneqarsimasumut tunngasoq,

- 2) aalajangiinerup, aalajangeqqitassanngortinnejartup, allassimaffiata assilineqarnera, aamma
3) suliassap pappiarartai, aalajangeqqitassanngortitsinermut pingaaruteqarsinnaasut.

Imm. 4. Eqqartuussivik aalajangeqqitassanngortitsinermut nalunaarummik ilanngussaqarsinnaavoq.

Imm. 5. Aalajangeqqitassanngortitsineq tunngavilersuutinik uppernarsaatinillu nutaanik taperserneqarsinnaavoq.

Aalajangeqqitassanngortitsineq kingusinaartoq

§ 520. Aalajangeqqitassanngortitsineq, piffissarititap qaangiutereerneratigut pisoq, nunatta eqqartuussisuuneqarfianit itigartitsissutigineqassaaq.

Imm. 2. Nunattali Eqqartuussisuuneqarfia qaqtigoortumik akuersisinnaavoq aalajangeqqitassanngortitsisoqarsinnaasoq aalajangiinermiit qaammatit arfinillit angullugit iluini. Akuersisoqarpal aalajangeqqitassanngortitsineq aallarnerneqassaaq illuatungiliuttup akuersinermik tigusaqarneraniit kingusinnerpaamik sapaatip akunneri marluk qaangiutsinnagit Piffissaliussap qaangiutereernerani aalajangeqqitassanngortitsinissamut akuerineqarnissamik qinnuteqaatip suliarineqarnerani aalajangersakkat § 524-miittut taamatulli atortuutinnejartassapput.

Kinguartitsissutitut sunniuteqarneq

§ 521. Aalajangeqqitassanngortitsineq kinguartsissutitut sunniuteqassanngilaq, inatsimmi allatut aalajangiisoqarsimanngippat imaluunniit tamanna aalajangerneqarpal eqqartuussivimmit, aalajangiinera aalajangeqqitassanngortitaasumit, imaluunniit nunatta eqqartuussisuuneqarfianit.

Aalajangeqqitassanngortitsissumvik allatigut suliarinninneq

§ 522. Nunatta Eqqartuussisuuneqarfia illuatungeriit nalunaarfigissavai aalajangeqqitassatut suliassaq tiguneqarsimasoq, aamma eqqartuussiviup § 519, imm. 4 malillugu nalunaarutaata imarisai pillugit.

§ 523. Illuatungeriit piginnaatitaapput allakkatigut oqaaseqaatiminik nunatta eqqartuussisuuneqarfianut nassitsinissamut. Nunatta eqqartuussisuuneqarfia taamaasiornissamut piffissaliissaaq, taamaalluni suliassami suli aalajangiisoqarsimanngippat aatsaat oqaaseqaatit, piffissaliussap taassuma kingornagut tiguneqartut, naatsorsutigineqassallutik.

Imm. 2. Eqqartuussisut naliliippata illuatungiusoq suliassami allakkatigut oqaasertaliorsinnaanngitsoq, nunatta eqqartuussisuuneqarfia aalajangiisinnavaq illuatungiusoq eqqartuussivimmut, nalequnnerpaasorineqartumut, taarsiullugu aggersarneqassasoq oqaatsitigut oqaaseqaateqariartorluni.

Imm. 3. Nunatta Eqqartuussisuuneqarfia paasissutissanik amerlanernik imaluunniit nalunaarutinik illuatungeriinniit imaluunniit eqqartuussivimmiit, aalajangiisuusimasumiit, piniarsinnaavoq. Illuatungeriit arlaanniit noqqaavigineqarnikkut taamaaliortoqarnerani aamma aalajangerneqarsinnaavoq aalajangeqqitassatut suliassami atugassatut uppernarsaatissanik saqqummiisoqassasoq.

§ 524. Nunatta Eqqartuussisuuneqarfia aalajangiisassaaq allakkatigut paasissutissat takkussimasut tunngavigalugit, matumunnga ilanngullugit illuatungeriit imaluunniit ilisimannittut suliassami aalajangeqqitassanngortitami atugassatut nassuaataannut il.il. pillugit eqqartuussisut suliaannik allassimaffiusinnaasut. Nunatta Eqqartuussisuuneqarfia aalajangiinera tunngavilersugaassaaq.

Imm. 2. Tamanna immikkut ittunik tunngavissaqarsorineqartillugu nunatta eqqartuussisuuneqarfia aalajangersinnaavaa suliassaq aalajangeqqitassanngortitaq oqaatsitigut suliarineqassasoq.

§ 525. Suliasap suliarineqarnerani aamma suliareqqitassanngortitsineq pillugu malittarisassat atortuutinnejassapput, pissutsit assigiinnginnerisa nassatarisaannik allannguutitalerlugit.

Eqqartuussiviit Qullersaannut aalajangeqqitassanngortitsineq

§ 526. Aalajangiinerit Kalaallit Nunaata Eqqartuussisuuneqarfiata aalajangiiffisimasai aalajangeqqitassanngortinnejarsinnaangillat. Taamaattorli Suliareqqitassanngortitsinissamik Aalajangiisartut, tak. danskit eqqartuussisarnermik inatsisaanni kapitali 1 a, akuersissuteqarsinnaapput Eqqartuussiviit Qullersaannut aalajangeqqitassanngortitsisoqassasoq, suliassaq apeqqutinut pingaarutilinnut tunngasuuppat.

Imm. 2. Imm. 1 malillugu aalajangeqqitassanngortitsinissamut akuerineqarnissamik qinnuteqaat Kalaallit Nunaanni eqqartuussisuunermut tunniunneqartassaaq aalajangiisoqarneraniit kingusinnerpaamik sapaatit akunneri sisamat qaangiutsinnagit, taamaattoq tak. § 518, imm. 2. Nunap eqqartuussisuunera qinnuteqaat pillugu oqaaseqaateqassaaq taannalu Suliareqqitassanngortitsinissamik Aalajangiisartunut ingerlateqqillugu. Qinnuteqaat aamma Suliareqqitassanngortitsinissamik Aalajangiisartunut toqqaannartumik nassiunneqarsinnaavoq, taamaassappat taanna suliassami oqaaseqaammik nunap eqqartuussisuuneranut piniassaaq. Aalajangiisartut qaqtigoortumik akuersissuteqartarsinnaapput qinnuteqaat piffissaliussatut taaneqartumiit kingusinnerusukkut tunniunneqarpat, kingusinnerpaamilli aalajangiisoqareerneraniit qaammatit arfinillit qaangiutsinnagit.

§ 527. Aalajangeqqitassanngortitap Eqqartuussiviit Qullersaanni suliarineqarneranut tunngatillugu aamma atuutissapput malittarisassat danskit eqqartuussisarnermik inatsisaanniittut, pissutsit assiginnginnerisa nassatarisaannik allannguutitalerlugit.

Kalaallit Nunaata Eqqartuussisuuneqarfianut immikkut ittumik suliareqqitassanngortitsisarneq

§ 528. Eqqartuussiviit Qullersaata qaqtigoortumik akuerisarsinnaavaa eqqartuussutit, najukkami eqqartuussivimmit imaluunniit Kalaallit Nunaanni Eqqartuussivimmit eqqartuussutigineqarsimasut, Kalaallit Nunaata Eqqartuussisuuneqarfianut suliareqqitassanngortinnejarsasut § 500, imm. 2-mi ukiumik ataatsimik piffissarititatut taaneqartup qaangiutereerneratigut,

- 1) ilimanarluinnartutut isagineqarpat suliassaq qinnuteqaateqartup kukkussutigingisaanik eqqunngitsumik paassisutissiissutigineqarsimasoq, aamma suliassaq suliareqqitassanngortitsinerup kingorna allaanerujussuarmik inerneqassasoq,
- 2) qularutigineqarsinnaangitsutut isagineqarpat qinnuteqaateqartoq aatsaat tamaasiornikkut annertuunik annasaqatsaaliorneqarsinnaassasoq, aamma
- 3) pissutsit suliareqqitassanngortitsinissamut tunngavissaqartitsilluinnarpata.

§ 529. Eqqartuussiviit Qullersaata piumasaqaatit § 528, imm. 1, nr. 1-3-mi taaneqartut tungavigalugit qaqtigoortumik akuerisarsinnaavaa eqqartuussiviup imaluunniit Kalaallit Nunaanni Eqqartuussiviup aalajangiinera, qaammatinik arfinilinnik piffissarititatap § 520, imm. 2-mi eqqaaneqartup qaangiutereerneragut, Kalaallit Nunaata Eqqartuussisuuneqarfianut aalajangeqqitassanngortinnejarsasut.

Eqqartuussiviit Qullersaannut immikkut ittumik suliareqqitassanngortitsisarmeq

§ 530. Kalaallit Nunaata Eqqartuussisuuneqarfiata eqqartuussutaata Eqqartuussiviit Qullersaannut suliareqqitassanngortinnejarsasaa Suliareqqitassanngortitsinissamik Aalajangiisartunit § 515 malillugu itigartitsissutigineqarsimappat imaluunniit § 515, imm. 2-mi oqaaseqatigiit aappaanni taamatut qinnuteqaammik tunniussinissamut ukiumik ataatsimik piffissarititaasoq qaangiutereersimappat, Eqqartuussiviit Qullersaata piumasaqaatit § 528, imm. 1, nr. 1-3-mi taaneqartut tungavigalugit qaqtigoortumik akuerisarsinnaavaa eqqartuussut Eqqartuussiviit Qullersaannut suliareqqitassanngortinnejarsasut.

§ 531. Kalaallit Nunaata Eqqartuussisuuneqarfia aalajangiineranik Eqqartuussiviit Qullersaannut aalajangeqqitassanngortitsinissaq Suliareqqitassanngortitsinissamik Aalajangiisartunit § 526 malillugu itigartitsissutigineqarsimappat imaluunniit § 526, imm. 2-mi oqaaseqatigiit appaat malillugit taamatut qinnuteqaammik tunniussinissamut qaammatnik arfinilinnik piffissaritaasoq qaangiutereersimappat, Eqqartuussiviit Qullersaat piumasaqaatit § 528, imm. 1, nr. 1-3-mi taaneqartut tunngavigalugit qaqutigoortumik akuersisarsinnaavoq aalajangiineq Eqqartuussiviit Qullersaannut aalajangeqqitassanngortinnejassasoq.

Eqqartuussiviit Qullersaannut immikkut ittumik nangititseqqiisarneq

§ 532. Eqqartuussiviit Qullersaat qaqutigoortumik akuersisinsinnaavoq suliassaq Eqqartuussiviit Qullersaannit aalajangiiffigineqarsimasoq nangeqqinnejassasoq, piumasaqaatit § 528, imm. 1, nr. 1-3-mi taaneqartut naammassineqarsimappata.

*Immikkut ittumik ingerlatitseqqitassanngortitsisarneq nangeqqiisarnerlu pillugit
aalajangersakkat allat*

§ 533. Eqqartuussiviit Qullersaannit aalajangerneqartassaaq §§ 528-532 malillugit akuerineqarnissamik qinnuteqaat qanoq suliarineqartassasoq, aamma suliassamik suliarinneqqinnermi inatsisip malittarisassai nalinginnaasut sanioqqunnejassanersut.

Imm. 2. Akuersisoqaraangat Eqqartuussiviit Qullersaata imaluunniit eqqartuussiviup, suliassamik suliarinnituusup, noqqaasoqarneratigut aalajangertassavaa eqqartuussutaasimasup imaluunniit aalajangiissutaasimasup sunniutai unitsikkallarneqassasut. Taamatut aalajangiineq qularnaveeqquisiinissamik piumasaqaatalerneqarsinnaavoq.

Imm. 3. Immikkut ittumik ingerlatitseqqitassanngortitsisinnaatitaanermik nangeqqiisinnaatitaanermillu taamaatitsineq pituttuisuunngilaq.

Kapitali 44

Pinerlunnernik suliassanik ingerlateqqitassanngortitsisarneq aamma nangititsisarneq

Suliareqqitassanngortitsineq

§ 534. Eqqartuussutit, eqqartuussivimmit imaluunniit Kalaallit Nunaanni Eqqartuussivimmit eqqartuussutigineqarsimasut, unnerluutigineqartumit imaluunniit unnerluussisussaatitaasunit Kalaallit Nunaata Eqqartuussisuuneqarfianut suliareqqitassanngortinnejassinoapput. Unnerluutigineqartoq imminut iluaquserniarluni suliareqqitassanngortitsisinnaavoq, unnerluussisussaatitaasulli unnerluutigineqartumut iluaqutaasussamik ajoqsiisussamillu suliareqqitassanngortitsisinnaapput.

Imm. 2. Suliareqqitassanngortitsineq suliassamik tamanna sioqqullugu suliarinnissimanermut aamma suliassap suliarineqarnerani aalajangiinernut tunngasuusinnaavoq.

Imm. 3. Unnerluussisussaatitaasut imaluunniit unnerluutigineqartup suliareqqitassanngortitsineq eqqartuussutip nalunaarutigineqarnerata kingorna tunuartissinnaavaa.

Imm. 4. Nunatta eqqartuussisuuneqarfia eqqartuussuteqartinnagu suliareqqitassanngortitsineq aallarneriigaq unitsinneqarsinnaavoq. Suliareqqitassanngortitsissut tunuartinnejarpal, eqqartuussutissaq Nunatta Eqqartuussisuuneqarfiani isumaqatigiiniutigineqalereersoq, taamaakkaluartoq nunatta eqqartuussisuuneqarfia § 548, imm. 2, nr. 1-3 malillugit misiliissaaq.

§ 535. Unnerluutigineqartoq 18-it inorlugit ukioqarpal unnerluutigineqartumut iluaquitissatut suliareqqitassanngortitsineq angajoqqaatut oqartussaassusilimmit aallarnerneqarsinnaavortaaq.

Imm. 2. Unnerluutigineqartoq toqukkut qimagussimappat, tamannali pitinnagu kiffaanngissusiaasumik pineqaatissinnejarsimalluni, unnerluutigineqartup aapparisaa, aapparisatut inooqatigisaa, kinguaariinni siulitigut kinguaatigullunniit ilaquaasoq imaluunniit qatanngutaasoq unnerluutigineqartoq sinnerlugu eqqartuussummik suliareqqitassanngortitsisinnaavoq. Aamma unnerluussisussaatitaasut pisuni taama ittuni unnerluutigineqartumut iluaqusiisussamik suliareqqitassanngortitsisinnaapput.

Suliareqqitassanngortitsinissamut piffissarititaq

§ 536. Suliareqqitassanngortitsinissamut piffissarititaq ullormiit eqqartuussuteqarfiusumiit ullunik 14-nik sivisussuseqassaaq. Taamaattorli eqqartuussutip nalunaarutigineqarnissaa peqqussutaasimappat unnerluutigineqartumut tunngatillugu piffissarititaasoq naatsorsorneqartassaaq nalunaarutiginninnermiit aallarnertumik.

Imm. 2. Eqqartuussut suliareqqitassanngortinnejarsimappat aamma illuatungiusoq suliareqqitassanngortitsisinnaavoq, tamanna pissappat illuatungerisap suliareqqitassanngortitsinermik nalunaarfigineqarneraniit ullt 14-it qaangiutsinnagit.

§ 537. Unnerluussisussaatitaasut unnerluutigineqartumut iluaqutaasussamik suliareqqitassanngortitsisinnaapput, suliareqqitassanngortitsinissamut piffissarititaq qaangiutereeraluertoq. Suliareqqitassanngortitsineq taamaattoq akornuserneqassanngilaq, aamma unnerluutigineqartup suliareqqitassanngortitsinermik taamaatitsineragut.

Suliareqqitassanngortitsinermik aallarniineq il.il.

§ 538. Unnerluutigineqartup tungaaniit suliareqqitassanngortitsineq pisassaaq oqaatsitigut imaluunniit allakkatigut noqqaassuteqarnikkut, eqqartuussivimmuit aalajangiisuusimasumut imaluunniit politiinut kommunefogedimulluunniit suliareqqitassanngortitsisinnaermet piffissarititaasup qaangiutinnginnerani saqqummiunneqartussamik.

Imm. 2. Eqqartuussut nalunaarutigineqartussaappat, unnerluutigineqartoq nalunaarutiginnittuusumut oqaatsitigut noqqaassuteqarluni suliareqqitassanngortitsisinnaavoq. Taamatut pisoqassappat tamanna nalunaarutiginisummut oqaaseqaatitut allanneqassaaq. *Imm.* 3 taamatulli atortuutinnejassaaq.

Imm. 3. Unnerluutigineqartup suliareqqitassanngortitsissutaata tiguneqarnerani paasiniarneqassaaq unnerluutigineqartup nunatta eqqartuussisuuneqarfianut suna piumasaqaatigineraa, ilangullugu oqaatigineqassalluni piumasaqaat unnerluutigineqartup pisuuneranut upernarsaatnik naliliinissamut tunngassuteqarnersoq.

Imm. 4. Unnerluutigineqartup suliareqqitassanngortitsissuta unnerluussisussaatitaasunut imaluunniit eqqartuussinermi, unnerluussisussaatitaasut sinniisutitaqarfigisaanni, saqqummiunneqarsimanngippat eqqartuussivik suliareqqitassanngortitsineq pillugu unnerluussisussaatitaasunut sapinngisamik piaernerpaamik ilisimatitsissuteqassaaq.

§ 539. Unnerluussisussaatitaasut unnerluutigineqartup suliareqqitassanngortitsissuta tiguguniku suliareqqitassanngortitsissummik sapinngisamik piaernerpaamik sanassapput, unnerluutigineqartumut nalunaarutigineqartussamik.

Imm. 2. Suliareqqitassanngortitsissutip imarissavai:

- 1) eqqartuussutip suliareqqitassanngortinnejarsimappat taaneqarnera,
- 2) unnerluutigineqartup suliareqqitassanngortitsissuta nunattalu eqqartuussisuuneqarfianut piumasaqaata pillugit paassisutisat, ilangullugu oqaatigineqarluni unnerluutigineqartup pisuuneranut upernarsaatnik naliliiffiginninnissaq piumasaqaammut ilaanersoq,
- 3) ilisimatitsissutigineqassaaq unnerluussisussaatitaasut eqqartuussummik suliareqqitassanngortitsinersut, aamma unnerluussisussaatitaasut nunatta eqqartuussisuuneqarfianut

piumasaqaataat, ilanngullugu oqaatigineqarluni unnerluutigineqartup pisuuneranut uppernarsaatnik naliliiffiginninnissaq piumasaqaammut ilaandersoq, aamma

4) unnerluutigineqartumut nalunaarut, unnerluutigineqartoq imaluunniit taassuma illersuisua suliassap nunatta eqqartuussisuuneqarfiani qaqugu suliarineqarnissaanik kingusinnerusukkut ilisimatinneqarumaarnissaat pillugu.

Imm. 3. Suliareqqitassanngortitsissut taassumaluunniit assilineqarnera oqaatsinut unnerluutigineqartup paasisinnaasaanut allanneqarsimassaq.

Imm. 4. Unnerluussisussaatitaasut nunatta eqqartuussisuuneqarfianut eqqartuussivimmullu, aalajangiisuusimasumut, suliareqqitassanngortitsissutip assilineqarnerinik nassiussissapput.

§ 540. Unnerluussisussaatitaasuniit suliareqqitassanngortitsineq pisassaaq suliareqqitassanngortitsissuteqarnikkut, unnerluutigineqartumut suliareqqitassanngortitsinissamut piffissarititaasup qaangiutinginnerani nalunaarutigineqartussamik, taamaattoq tak. § 537. § 539, imm. 3 aamma 4 taamatulli atortuutinnejassapput.

Imm. 2. Suliareqqitassanngortitsissutip imarissavai:

- 1) eqqartuussutip suliareqqitassanngortinnejartup taaneqarnera,
- 2) unnerluussisussaatitaasut suliareqqitassanngortitsissutaa nunattalu eqqartuussisuuneqarfianut piumasaqaata pillugit paassisutisat, ilanngullugu oqaatigineqarluni unnerluutigineqartup pisuuneranut uppernarsaatnik naliliiffiginninnissaq piumasaqaammut ilaandersoq, aamma
- 3) unnerluutigineqartumut nalunaarut, unnerluutigineqartoq imaluunniit taassuma illersuisua suliassap nunatta eqqartuussisuuneqarfiani qaqugu suliarineqarnissaanik kingusinnerusukkut ilisimatinneqarumaarnissaat pillugu.

Imm. 3. Suliareqqitassanngortitsissutip nalunaarutigineqarnerani unnerluutigineqartumi sapinngisamik paasiniarneqartassaaq taassuma eqqartuussut suliareqqitassanngortinneraa, aamma piumasaqaat suna nunatta eqqartuussisuuneqarfianut piumasaqaatigineraa, ilanngullugu oqaatigineqarluni unnerluutigineqartup pisuuneranut uppernarsaatnik naliliiffiginninnissaq piumasaqaammut ilaandersoq. Tamakku pillugit paassisutisiisoqarpal nalunaarutiginnittup tamakku suliareqqitassanngortitsissummut ingerlaannaq allassavai. Aamma nalunaarutiginninnerni ilitsersuisoqassaaq § 596, imm. 2 malillugu suliareqqitassanngortitsinissamut periarfissaq tamatumunngalu piffissarititaasoq pillugit.

§ 541. Unnerluutigineqartup eqqartuussut, unnerluussisussaatitaasunit suliareqqitassanngortinnejareersimasoq, suliareqqitassanngortippagu tamannalu pippat suliareqqitassanngortitsinerup nalunaarutigineqareernerata kingorna, tak. § 540, unnerluussisussaatitaasut suliareqqitassanngortitsissummut ilassuteqaammik sapinngisamik piaernerpaamik sanassapput, unnerluutigineqartumut nassiunneqartussamik. Ilassuteqaat imaqassaaq unnerluutigineqartup nunatta eqqartuussisuuneqarfianut suliareqqitassanngortitsinera piumasaqaataalu pillugit paassisutissanik, ilanngullugu oqaatigineqarluni piumasaqaammut ilaandersoq unnerluutigineqartup pisuuneranut uppernarsaatnik naliliiffiginninnissaq. § 539, imm. 3 aamma 4 taamatulli atortuutinnejassapput.

Suliareqqitassanngortitsineq kingusinaartoq

§ 542. Suliareqqitassanngortitsineq, suliareqqitassanngortitsinissamut piffissarititaasup qaangiutereerneratigut pisoq, nunatta eqqartuussisuuneqarfianit itigartitsissutigineqassaaq, taamaattoq tak. § 537.

Imm. 2. Taamaattorli suliareqqitassanngortitsinissaq nunatta eqqartuussisuuneqarfianit akuerineqarsinnaavoq,

- 1) suliareqqitassanngortitsisup ilimanarnerulersippagu pineqartoq pissutsinik suliareqqitassanngortitsinermut tapersiutaasunik aatsaat kingusinnerusukkut ilisimatinneqarsimasoq, imaluunniit

2) piffissarititamik qaangiineq pissutsinik pineqartup pisuussutiginngisaanik pissuteqarsimatillugu.

Imm. 3. Imm. 2-mi taaneqartutut pisoqartillugu suliareqqitassangortitsineq aallarnerneqartassaaq, suliareqqitassangortitsisup suliareqqitassangortitsinermut pissutaasumik ilisimannilerneraniit, imaluunniit pissutsit piffissarititamik qaangisitsisimasut atuukkunnaernerannit, ullut 14-it qaangiutsinnagit. Suliareqqitassangortitsinerup aallarnernerani piffissamik qaangiinermut pissutaasoq paasissutissutigineqassaaq.

Suliareqqitassangortitsinermik itigartitsinerit allat

§ 543. Unnerluutigineqartup suliareqqitassangortitsinera nunatta eqqartuussisuuneqarfiaita itigartitsissutigisinhaavaa suliareqqitassangortitsissut pissutsit unnerluutigineqartup atugaasa nassatarisaannik nalinginnaasumik taassumunnga nalunaarutigineqarsinnaasimanngippat.

Imm. 2. Nunatta Eqqartuussisuuneqarfia unnerluutigineqartumit noqqaavigineqarnikkut aalajangersinnaavoq suliareqqitassangortitsinermik, imm. 1 malillugu itigartitsissutaasimasumik, suliarinninneq nanginnejassasoq, unnerluutigineqartup uppernarsarpagu nalinginnaasumik nalunaarutiginnissinnaannginneq pissutsinik, unnerluutigineqartumut tutsinneqarsinnaanngitsunik, pissuteqartoq. Unnerluutigineqartup tamatuminnga noqqaassutaa saqqummiunneqassaaq suliareqqitassangortitsinerup itigartitsissutaanissaanik nunatta eqqartuussisuuneqarfiaita aalajangiineraniit kingusinnerpaamik ullut 14-it qaangiutsinnagit. Taamaattorli § 542, imm. 2 taamatulli atortuutinnejassaaq suliareqqitassangortitsinissamik noqqaassutinut, piffissap tamatuma kingornatigut tiguneqartussanut. Suliareqqitassangortitsineq itigartinneqarpat tamatuminnga apeqput Immikkut Ittumik Eqqartuussivimmur Maalaaruteqarfingeqarsinnaasumut saqqummiunneqarsinnaavoq aalajangeqqitassangortitsisarneq pillugu malittarisassat malillugit. Immikkut Ittumik Eqqartuussiviup Maalaaruteqarfingeqarsinnaasup aalajangiinera inaaruutaasumik aalajangiineruvoq suliareqqitassangortinnejassaaq.

§ 544. Nunatta Eqqartuussisuuneqarfiaita noqqaavigineqarnermigut imaluunniit nammineerluni sulissuteqarnermigut suliassaq, suliareqqitassangortitsineqarsimasoq, tamakkiisumik ilaannakuusumilluunniit itigartitsissutigisinhaavaa tunngavilersuutigalugu,

1) piffissaritat imaluunnniit periaatsit, suliareqqitassangortitsinissamut aalajangersarneqarsimasut, eqqortinnejassimanngitsut, imaluunniit

2) suliareqqitassangortitsisoq suliareqqitassangortitsinissaminut piginnaatitaanngitsoq.

Imm. 2. Eqqartuussut pinngitsuutitsusuosoq unnerluussisussaatitaasunit suliareqqitassangortinnejarpat nunatta eqqartuussisuuneqarfiaita noqqaavigineqarnermigut imaluunniit nammineerluni sulissuteqarnermigut suliassaq suliareqqitassangortinnejassimasoq tamakkiisumik ilaannakortumilluunniit itigartitsissutigisinhaavaa tunngavilersuutigalugu,

1) suliassaq pisortatigoortumik unnerluussutaasussaanngitsoq,

2) pisimasoq, unnerluutiginnissutaasoq, pinerlunnerunngitsoq, imaluunniit

3) pinerluttulerineremi inatsisitigut akisussaatitsinissaq pisoqalisoornikkut atorunnaarsimasoq.

Imm. 3. Imm. 1 aamma 2 malillugit itigartitsineq pissaaq suliareqqitassangortitsisoq oqaatsitigut allakkatigulluunniit oqaaseqarsinnaatitaareerpat. Aalajangiineq tunngavilersukkamik aalajangiinerussaaq.

Kinguartitsissutaasinnaasutut sunniutissat

§ 545. Sulireqqitassangortitsisoqarpat, sulireqqitassangortitsinissamut piffissarititaasoq qaangiutsinnagu, eqqartuussut eqqartuussamut suliareqqitassangortitsinermi pineqartumut naammassinninnianeqarsinnaanngilaq.

Imm. 2. Sulireqqitassangortitsisoqarpat sulireqqitassangortitsinissamut piffissarititaasup qaangiutereerneratigut, tak. § 503, nunatta eqqartuussisuuneqarfiaita noqqaavigineqarnermigut

aalajangersinnaavaa naamassinniniaaneq kinguartikkallarneqassasoq imaluunniit unitsinneqassasoq. Taamaattoqartassaarli suliareqqitassanngortitsineq § 542 malillugu akuerineqarpat.

Pinngitsaaliinikut akuliunnernik ingerlatiinnarnissaq

§ 546. Eqqartuussivik siullermeeriffiusumik eqqartuussinermi eqqartuussuteqarnermut peqatigitillugu aalajangiisimappat unnerluutigineqartoq tigummigallagaaginnassasoq imaluunniit § 361 malillugu periarfissiissutinik allanik malitassinneqassasoq, nunatta eqqartuussisuuneqarfiata suliassiissummik tigusaqaruni piaernerpaamik isummerfigissavaa periarfissiissutissimaneq suliassiissutip suliarineqarnerani ingerlatiinnarneqassanersoq, tak. § 368, imm. 3. Tamatumma ingerlatiinnarnissaanik aalajangiineq sukkulluunniit allanngortinnejarsinnaavoq.

Nunatta eqqartuussisuuneqarfiata misiliinissaata annertussusissaa il.il.

§ 547. Unnerluutigineqartup pisuuneranut uppernarsaatit naliliiffigineqarnissaat suliareqqitassanngortitsinermut ilaasutut isumaqarfingineqartarpooq, suliareqqitassanngortitsissummit allanik saqqummersoqanngippat.

§ 548. Unnerluutigineqartup pisuuneranut uppernarsaatit naliliiffigineqarnissaat suliareqqitassanngortitsinermut ilaappat nunatta eqqartuussisuuneqarfiani nutaarluinnarmik suliariinnittooqassaaq.

Imm. 2. Pissutsinik imm. 1-imi taaneqartut avataanniittunik pisoqartillugu misiliinissaq illuatungerit piumasaqaataannut killilerneqartassaaq. Taamaakkaluartoq nunatta eqqartuussisuuneqarfiata nammineerluni misissortassavaa,

- 1) inatsit unnerluutigineqartumut ajoqsiisumik equnngitsumik atorneqarsimanersoq,
- 2) pineqaatissiisutaasimasoq naleqqutinngitsumik sakkortussuseqarnersoq,
- 3) suliassap suliarineqarneranut malittarisassaq pingaarutilik, unnerluutigineqartup illorsorneqarnissaanik siunertaqartoq, sumiginnarneqarsimanersoq ima sunniutilimmik, eqqartuussutaasimasup eqqortuunera qularutigineqartutut isagineqartariaqalerluni,
- 4) unnerluutigineqartup pisuuneranut uppernarsaatinik naliliiffiginninnermi qularutissaanngitsumik kukkuluttortoqarsimanersoq ima sunniutilimmik, eqqartuussutaasimasup eqqortuunera qularutigineqartutut isagineqartariaqalerluni.

§ 549. Eqqartuussut, unnerluutigineqartunut arlalinnut tunngasoq imaluunniit unioqqutitsinernut arlalinnut unnerluutigineqartumit ataatsimit piliarineqarsimasunut tunngasoq, unnerluutigineqartumut ataasiinnarmut arlalialunnnulluunniit imaluunniit inatsisinik unioqqutitsinerit ilaannaannut tunngatillugu suliareqqitassanngortinnejarpas, nunatta eqqartuussisuuneqarfiata pisimasut suliareqqitassanngortitsinermi pineqartut unnerluutigineqartumut pineqartumut iluaqsiiniutit isiginiarsinnaavai, aamma suliassap ilaata suliareqqitassanngortinnejansup suliarineqarnerani.

§ 550. Unnerluutigineqartoq kisimi suliareqqitassanngortitsisimappat pineqaatissiisoqarsinnaanngilaq siullermeeriffiusumik eqqartuussinermi pineqaatissiisutaasimasumit sakkortunerusumik.

Pasisap illorsorneqarnera

§ 551. Pasisaq taassumalu illorsorneqarnissaas pilligit kapitali 32-mi malittarisassat atortuutinnejassapput.

Pinerlineqartup inatsisitigut inissisimanera

§ 552. Pinerlineqartup inatsisitigut inissisimaneranut tunngatillugu kapitali 33-mi malittarisassat atortuutinnejassappat.

Suliassamik suliareqqitassanngortinnejarsimak piareersaaneq

§ 553. Suliareqqitassanngortitsinermik nalunaarut unnerluutigineqartumut nalunaarutigineqareerpat unnerluussisussaatitaasut suliareqqitassanngortitsinermik nalunaarut nunatta eqqartuussisuuneqarfianut tunniutissavaat, matumunnga ilanggullugit suliassami allakkiat tamakkualuunniit assilineqarneri kiisalu ilisimannittut, suliassap suliarineqarnerani sassartinnejartussat, allattorsimaffiat uppermarsaatitullu atugassat aamma patsisiginiarneqartussat.

Imm. 2. Uppernarsaatit allattorsimaffiat taassumaluunniit assilineqarnera oqaatsinut unnerluutigineqartup paasisinnaasaanut allanneqarsimassaaq.

§ 554. Unnerluutigineqartoq illersuisumik sinniiseqarpat politiit suliareqqitassanngortitsinermik nalunaarut, uppermarsaatissat allattorsimaffiat suliassamilu allagaatit assilineqarneri illersuisumut nassiutiutigalugit nunatta eqqartuussisuuneqarfianut nassiutissavaat. Illersuisoq nunatta eqqartuussisuuneqarfianit suliareqqitassanngortitsinermik nalunaarutip il.il. tiguneqarnerani aatsaat invertinneqarpat, nunatta eqqartuussisuuneqarfiata allakkiat pineqartut illersuisumut nassiutissavai.

Illuatungeriit najuunnissaat

§ 555. Unnerluutigineqartoq eqqartuussinermi peqataasinnaatitaavoq.

§ 556. Pisuni, unnerluutigineqartup kisimi suliareqqitassanngortitsivigisaani, aamma suliareqqitassanngortitsineq unnerluutigineqartup pisuuneranut uppermarsaatinik naliliiffigninnissamut tunngasuutillugu, nunatta eqqartuussisuuneqarfiata suliareqqitassanngortitsineq itigartitsissutigisinnaavaa, unnerluutigineqartoq aggeqqusissumik nalunaarfingineqarlaruarluni pissutissaqavilluni ornigutinngitsoornissamik nalunaaran takkutinngitsoorpat suliарlu unnerluutigineqartoq najuutsinnagu iluaquatasumik suliarineqarsinnaasorineqanngippat.

Imm. 2. Nunatta Eqqartuussisuuneqarfiata suliareqqitassanngortitsineq imm. 1-im i taaneqartutut itigartitsissutigisinnaavaatbaar, unnerluutigineqartumik aggeqqusineq unnerluutigineqartup atugarisaasa nassatarisaannik pisarnertut taassumunnga nalunaarutigineqarsinnaasimannngippat.

Imm. 3. Nunatta Eqqartuussisuuneqarfia unnerluutigineqartumit noqqaavigineqarnikkut aalajangersinnaavoq suliareqqitassanngortitsinerup, imm. 1 malillugu itigartitsissutaasup, suliarineqarnera nanginneqassasoq, unnerluutigineqartup uppermarsarpagu takkutinngitsoorneq pissutissaqavissumik pisimasoq, unnerluutigineqartup sioqqutsilluni nunatta eqqartuussisuuneqarfianut kalerriutigisinnaasimannngissaanik imaluunniit aggeqqusissut unnerluutigineqartumut piffissaalluartillugu ilisimatitsissutaasimannngimmat. § 543, imm. 2-mi oqaaseqatigii aappaanniit sisamaannut taamatulli atortuutinnejassappat.

Imm. 4. Nunatta Eqqartuussisuuneqarfia unnerluutigineqartumit noqqaavigineqarnikkut aalajangersinnaavoq suliareqqitassanngortitsinermik, imm. 2 malillugu itigartitsissutaasimasumik, suliariinnineq nanginneqassasoq, unnerluutigineqartup uppermarsarpagu pissutsit, unnerluutigineqartup pisuussutiginngisai, pissutaallutik pisarnertut nalunaarutiginnittoqarsinnaasimannngitsoq. § 543, imm. 2-mi oqaaseqatigii aappaanniit sisamaannut taamatulli atortuutinnejassappat.

§ 557. Unnerluutigineqartup pisuuneranut uppermarsaatit naliliiffignineqarnissaat suliareqqitassanngortitsinermut ilaanngippat, unnerluutigineqartoq najuutinngikkaluartoq suliassaq suliarineqarsinnaavoq

Uppernarsaatissanik saqqummiussineq

§ 558. Nunatta Eqqartuussisuuneqarfiani killisiuinernut allatigullu uppernarsaatnik saqqummiussinernut §§ 456-469 taamatullu atortuutinnejassapput.

Imm. 2. Tamatuma saniatigut ilisimannittut aamma misissuisartut naliliisartullu suliassap siullermeersumik suliarineqarnerani nassuaataannik eqqartuussisut suliaannik allassimaffimmi issuakkat uppernarsaatitut atorneqarsinnaapput, illuatungerit arlaannaalluunniit killisueqqittoqarnissaanik eqqartuussutissaq isumaqatigiinniutigineqalersinnagu noqqaassuteqarsimanngippat.

Eqqartuussummik atorunnaarsitsineq

§ 559. Suliassamik suliarinninnermi malittarisassanik sumiginnaaneq imaluunniit kukkusumik atuineq eqqartuussutip suliareqqittassanngortinnejartup atorunnaarsinnejarneranik kinguneqartussaanngilaq, isumaqartoqartariaqanngippat malittarisassamik pineqartumik malinnineq suliassap allatut inerneqarneranik kinguneqarsinnaasimagaluartoq.

Imm. 2. Suliassamik suliarinninnermi malittarisassanik, unnerluutigineqartoq piinnarlugu aalajangersagaasunik, sumiginnaaneq imaluunniit kukkusumik atuineq eqqartuussutip suliareqqitassanngortitap unnerluutigineqartumut ajoqsiisussamik allanguuteqarnissaanik kinguneqarsinnaanngilaq.

§ 560. Nunatta Eqqartuussisuuneqarfia isumaqarpal aalajangiineq suliareqqitassanngortinnejarsimasoq allangortinnejassasoq, nunattali eqqartuussisuuneqarfiaita piviusut tunngavigalugit eqqartuussinissaanut piumasaqaatit atuunnatik, nunatta eqqartuussisuuneqarfiaita eqqartuussut atorunnaarsissavaa. Atorunnaarsitsinermut tunngavigisaq suliamic suliarinninnermik, eqqartuussumi tunngavigineqartumik, tamakkiisumik ilaannakuusumilluunniit eqquippat nunatta eqqartuussisuuneqarfiaita suliarinnissimaneq taanna tamakkiisumik ilaannakuusumilluunniit atorunnaarsissavaattaaq. Nunatta Eqqartuussisuuneqarfiaita suliassaq eqqartuussivimmuit siullermeiffiusumik suliarinniffiusumut suliarineqartussanngorlugu utertissavaa. Pisariaqassappat nunatta eqqartuussisuuneqarfiaita eqqartuussutaanit ersersinneqassaaq suliamic suliarinneqqinneeq immikkoortumit sorlermit aallarnerneqassanersoq.

Imm. 2. Nunatta Eqqartuussisuuneqarfia suliassamik utertitsismappat unnerluussisussaatitaasut, unnerluussutertik tunuartissimanngikkuniku, piaarnerpaamik siullermeiffiusumik eqqartuussinermi eqqartuussisunut saqqummiuteqqissavaat. Eqqartuussiviup siullermeiffiusumik eqqartuussisimasup pisariaqarsoriguniku aalajangersinnaavaat suliarinninneq immikkoortumiit nunatta eqqartuussisuuneqarfiaita eqqartuussutaani taaneqartumiit siusinnerusumiit nangineqassasoq. Nutaamik eqqartuussuteqartoqalersinnagu illuatungeriit oqaaseqaateqarnissamut periarfissinneqassapput. Unnerluutigineqartoq kisimi suliareqqitassanngortitsisimappat siusinnerusukkut eqqartuussutaasumiit sakkortunerumik pineqaatissiisoqarsinnaanngilaq, § 580 malillugu nangitsinissamut piumasaqaatit naammassineqarsimassanngippata.

Suliassamik suliareqqitassanngortinnejarsimasumik suliarinnittarneq pillugu aalajangersakkat allat

§ 561. Aamma pinerlunnernik suliassanik suliarinnittarneq pillugu immikkoortoq V taamatulli nunatta eqqartuussisuuneqarfiani atortuutinnejassaaq allangguutitalerlugu, kapitalimi matumani aalajangersarneqartunik, imaluunniit pissutsit assiginnginnerisa nassatarisaamnik.

Ingerlatitseqqitassanngortitsisarneq pillugu ilitsersuineq

§ 562. Illersuisoq, suliassap suliareqqitassanngortinnejarsimasup ingerlanneqarnerani unnerluutigineqartumut ikuuussimasoq, pisussaavoq unnerluutigineqartoq ilitsersussallugu

eqqartuussivimmut qullinerusumut suliareqqitassanngortitsinissamut akuerineqarnissamik qinnuteqartariaqarnersoq, tak. § 564, aammalu unnerluutigineqartoq tamatuminnga ikuussallugu.

Suliassamut aningasartuutit

§ 563. Suliassap suliarineqarnerani aningasartuutit akilerneqartarnerannut tunngatillugu § 480 taamatulli nunatta eqqartuussisuuneqarfiani atortuutinnejassaaq.

Imm. 2. Nunatta eqqartuussisuuneqarfia misiliineranut ilaassapput aningasartuutit pillugit aalajangiinerit, siullermeeriffiusumik suliariinninnermi aalajangiiffigineqarsimasut, aalajangiineq suliareqqitassanngortitsineq pillugu suliassap inernissaanut qanoq apeqqutaatiginera naapertorlugu imaluunniit suliareqqitassanngortitsinermi immikkut ilanngunneqarsimappat.

Eqqartuussiviit Qullersaannut suliareqqitassanngortitsineq

§ 564. Eqqartuussutit, Kalaallit Nunaata Eqqartuussisuuneqarfianit eqqartuussutaasimasut, suliareqqitassanngortinnejarsinnaangillat. Taamaattorli Suliareqqitassanngortitsinissamik Aalajangiisartut, tak. danskit eqqartuussisarnermik inatsisaanni kapitali 1 a, Eqqartuussiviit Qullersaannut suliareqqitassanngortitsisoqarnissaanik akuersisinnaapput, suliassaq apeqqutinut tunngavissiisumik pingaarutilinnut tunngassuteqarpat imaluunniit tamanna pissutsinit immikkut ittunit tapserneqarpat.

Imm. 2. Suliareqqitassanngortitsinissamut akuerineqarnissamik qinnuteqaat eqqartuussutip nalunaarutigineqarneraniit sapaatit akunneri sisamat qaangiutsinnagit Kalaallit Nunaanni eqqartuussisuunermut tunniunneqartassaaq, taassuma qinnuteqaat oqaaseqaateqarfigissavaa Suliareqqitassanngortitsinissamillu Aalajangiisartunut ingerlateqqillugu. Eqqartuussutip nalunaarutigineqassappat eqqartuunneqartumut tunngatillugu piffissaritaasoq eqqartuussutip nalunaarutigineqarneraniit naatsorsorneqartassaaq. Qinnuteqaat aamma Suliareqqitassanngortitsinissamik Aalajangiisartunut toqqaannartumik nassiunneqarsinnaavoq, taamaassappat taakkua suliassaq pillugu eqqartuussisuunermut oqaaseqaammik piniassapput. Aalajangiisartut qaqutigoortumik akuersisinnaapput qinnuteqaat piffissaliussatut taaneqartumiit kingusinnerusukkut, kingusinnerpaamilli eqqartuussutip nalunaarutigineqarneraniit ukioq ataaseq qaangiutsinnagu, nassiunneqassasoq.

Imm. 3. Politikkikkut peqatigiiffinnik atorunnaarsitsineq pillugu suliassat tamatigut Eqqartuussiviit Qullersaannut suliassanngortinnejarsinnaapput.

§ 565. Suliassap suliareqqitassanngortitap Eqqartuussiviit Qullersaanni suliarineqarneranut tunngatillugu atutissapputtaaq danskit eqqartuussisarnermik inatsisaanni malittarisassat, pissutsit assiginnginnerisa nassatarisaannik allannguutitalerlugit.

Aalajangeqqitassanngortitsineq

§ 566. Aalajangiinerit, najukkami eqqartuussivimmit imaluunniit Kalaallit Nunaanni Eqqartuussivimmit aalajangiinerusut, Kalaallit Nunaata Eqqartuussisuuneqarfianit aalajangeqqitassanngortinnejarsinnaapput, inatsisikkut allamik immikkut aalajangiisoqarsimanngippat.

Imm. 2. Aalajangeqqitassanngortitsineq aallarnerneqarsinnaavoq kikkunnit tamanit, aalajangiinerup imarisani pineqartunit. Tamatuma saniatigut inuit, § 145-mi pineqartut, matut matuneqarnissaannik aalajangiinernik, issuaaqquaannginnernik aternillu taaseqqusinnginnernik aalajangiinerit pillugit aalajangeqqitassanngortitsisinnapput. Taamaattorli matut matuneqarnissaannik aalajangiinerit aatsaat aalajangeqqitassanngortinnejarsinnaapput aalajangeqqitassanngortitsisoq eqqartuussinermi, eqqartuussisut apeqqummik suliariinniffigisaanni, najuussimappat imaluunniit oqaaseqatigiit aappaanni taaneqartutut inummik allamik tusagassiutiniit taakkorpianiit sinniseqarsimappat.

Imm. 3. Aalajangiinerit, eqqartuussutip isumaqtigiainniutigineqarnerani imaluunniit taassuminnga piareersaanermi aalajangiinerusut, aalajangeqqitassanngortinnejarsinnaanngillat, taamaattoqarsinnaallunili

- 1) aalajangeqqitassanngortitsineq inatsimmi immikkut ittumik tunngavissaqarpat,
- 2) aalajangiineq suliassamik kinguartitsigallarnermut, itigartitsinermut imaluunniit atorunnaarsitsinermut tunngassuteqarpat,
- 3) aalajangiineq tigummigallagassanngortitsinissamut imaluunniit periarfissiissutinut, tamatumunnga taarsiullugu atortinneqartussanut, arsaarinnikkallarnissamut, upernarsaatissanik ujarlerfiginninnissamut imaluunniit pinngitsaalinnikkut akuliunnernut assingusunut tunngasuuppat,
- 4) aalajangiineq suliassami aningaasartutinik akiliisussangortitsippat imaluunniit eqqartuussivimmipissusilorsornerlunnermut akileeqqusissumvik akiliisussangortitsippat,
- 5) aalajangiineq suliassami illuatungiuunngitsumut aalajangiineruppat,
- 6) aalajangiineq eqqartuussutissap isumaqtigiainniutigineqarneranut toqqaannartumik attuumassuteqanngippat, imaluunniit
- 7) aalajangiineq apeqqummut, suliassap suliarineqarneranut aalajangiisuusumik pingaarutilimmut, tunngasuuppat imaluunniit annertuumik tunngavissiisumik pingaaruteqarpat.

Imm. 4. Suliassami eqqartuussuteqartoqarnerata kingorna aalajangiinerit, suliassap suliarineqarnerani aalajangiinerusut, illuatungiusumit aalajangeqqitassanngortinnejarsinnaanngillat.

Imm. 5. Nunatta Eqqartuussisuuneqarfiaita suliareqqitassanngortitsineq aallarneriigaq atorunnaarsissinnaavaa, apeqqut aalajangiinermi pineqartoq suliassap kingusinnerusukkut suliareqqitassanngortinnejarsinnaappat.

Aalajangeqqitassanngortitsinissamut piffissarititaasoq

§ 567. Aalajangeqqitassamik suliassiinissamut piffissarititaasoq ullormiit aalajangiiffiusumiit ullunik 14-inik sivisussuseqassaaq.

Imm. 2. Aalajangiisoqarsimappat, aalajangeqqitassanngortitsisoq najuutinngitsoq, pineqartorlu piffissaliussamik aalajangiiffiusussamik sioqqutsilluni ilisimatinneqarsimanani, piffissarititaasoq naatsorsorneqassaaq ulloq, aalajangiineq pillugu nalunaarutip pineqartumut annuffiatut ilimagineqartoq, aallarnerfigalugu.

Aalajangeqqitassanngortitsinermik aallarniineq

§ 568. Aalajangeqqitassanngortitsisoqartassaaq eqqartuussivimmut aalajangeqqitassanngortitamik aalajangiisimasumut, tamatumunnga piffissarititaasoq qaangiutsinnagu oqaatsitigut noqqaassuteqarnikkut imaluunniit allakkiamik aalajangeqqitassanngortitsisumvik ataatsimik assilinertalimmik tunniussaqarnikkut.

Imm. 2. Allakkiap aalajangeqqitassanngortitsissutip imarissavai aalajangeqqitassanngortitsup piumasaqaataa pisariaqassappallu piumasaqaammut tungavigisaq. Aalajangeqqitassanngortitsineq oqaatsitigut saqqummiunneqarpat paassisutissat tamakku eqqartuussisut suliaannik alassimaffimmut allanneqassapput.

Imm. 3. Aalajangiineq allanngortinnejarsinnaanngippat, tak. § 110 aamma § 150, imm. 2, eqqartuussiviup suliassaq nunatta eqqartuussisuuneqarfianut erniinnaq nassitissavaa. Nassiunneqartunut ilanngunneqassapput:

- 1) eqqartuussisut suliaannik alassimaffik aalajangeqqitassanngortitsinermut oqaatsitigut saqqummiunneqartumut imaluunniit allaganngorlugu tunniussamut tunngasoq,
- 2) aalajangiinerup, aalajangeqqitassanngortitap, allassimaffiata assilineqarnera, aamma
- 3) suliassap pappiarartai (immaqa assilineqarneri) allat, aalajangeqqitassanngortitsinermut pingaaruteqarnerat naapertorlugu annertussusilerlugin.

Imm. 4. Eqqartuussivik aalajangeqqitassanngortitsineq pillugu nalunaarummik ilanngussisinnaavoq.

§ 569. Pasisap tungaaniit aamma aalajangeqqitassanngortitsisoqarsinnaavoq, piffissarititaasoq qaangiutsinnagu tamatuminnga noqqaassummiik saqqummiussinikkut imaluunniit allakkiamik aalajangeqqitassanngortitsisummiik tunniussaqarnikkut, assilineqarnera ataaseq politiit imaluunniit kommunefogedip pissaa ilanngullugu. § 568, imm. 2-mi oqaaseqatigiit siullit tamatumani taamatulli atortuutinneqassapput. Aalajangeqqitassanngortitsineq oqaatsitigut saqqummiunneqarpat, tiguneqarnera pillugu nalunaarsummiik sanasoqassaaq, matumunnga ilanngullugit aalajangeqqitassanngortitsisup piumasaqaataa pisariaqassappallu piumasaqaammut tunngavigisaq. Tigusaqartoqarnerata kingorna allakkiaq aalajangeqqitassanngortitsissut imaluunniit nalunaarsusiaq eqqartuussivimmut aalajangiisuusimasunut erniinnaq nassiunneqassaaq. § 568, imm. 3 aamma 4 tamatuma kingorna taamatulli atortuutinneqassapput.

Aalajangeqqitassanngortitsineq kingusinaartoq

§ 570. Aalajangeqqitassanngortitsineq, piffissarititaasup qaangiutereerneratigut pisoq, nunatta eqqartuussisuuneqarfianit itigartitsissutigineqassaaq.

Imm. 2. Taamaattorli nunatta eqqartuussisuuneqarfiata aalajangeqqitassanngortitsinissaq akuerisinnaavaa piumasaqaatit § 542, imm. 2-miittut naammassineqarsimappata. § 542, imm. 3-mi aalajangersagaq taamatulli atortuutinneqassaaq.

Kinguartitsissutitut sunniuteqarneq

§ 571. Aalajangeqqitassanngortitsineq kinguartitsigallarnermik sunniuteqassanngilaq, inatsimmi allatut aalajangiisoqarsimanngippat, imaluunniit tamanna eqqartuussivimmit, aalajangiinera aalajangeqqitassanngortinneqartumit, imaluunniit nunatta eqqartuussisuuneqarfianit aalajangerneqanngippat.

§ 572. Aalajangiinernik aalajangeqqitassanngortitsineq, taamaaliornermi nalunaarutinik isertuussisussaanermi akuliuttarneq pillugu, tak. § 396, imaluunniit paassisutissaatit taamatut akuliunnikut pissarsiaasut suujunnaarsinneqartarnissaat pillugu nalunaaruteqartussaalluni, tak. § 398, kinguartitsigallarnermik sunniuteqartassapput.

Suliassap aalajangeqqitassanngortitap allatigut suliarineqarnera

§ 573. Nunatta Eqqartuussisuuneqarfiata illuatungeriit nalunaarfigissavai suliassaq aalajangeqqitassanngortinneqartoq tiguneqarsimasoq aamma eqqartuussiviup § 568, imm. 4 malillugu nalunaarutaata imarisai pillugit.

§ 574. Nunatta Eqqartuussisuuneqarfiata aalajangeqqitassanngortitsissut ingerlaannaq itigartitsissutiginngippagu illuatungeriit nunatta eqqartuussisuuneqarfianut allakkatigut oqaaseqaatinik nassiussaqarsinnaatitaapput.

Imm. 2. Nunatta Eqqartuussisuuneqarfiata aalajangersinnaavaa pasisaq allaluunniit aalajangeqqitassanngortitsisummi peqataasoq, suliassami allakkatigut oqaasertalersuisinnaasorineqanngitsoq, eqqartuussivimmut, nalequnnerpaasorineqartumut, aggersarneqassasoq oqaaseqaatissaminik oqaatsitigut saqqummiussiartorluni.

Imm. 3. Nunatta Eqqartuussisuuneqarfiata suliassami illuatungeriit imaluunniit eqqartuussivik, aalajangiisuusimasoq, paassisutissanik imaluunniit nalunaarutinik amerlanernik piniarfigisinnaavaa. Nunatta Eqqartuussisuuneqarfiata taamaaliornermi aalajangiiffigisinnaavaa upternarsaatinik suliassami aalajangeqqitassami atugassanik saqqummiussisoqassasoq.

§ 575. Nunatta Eqqartuussisuuneqarfia allakkatigut paassisutissat tiguneqarsimasut tunngavigalugit aalajangiissaq, matumunnga ilanngullugit eqqartuussisut suliaannik allassimaffit assilineqarneri illuatungeriit imaluunniit ilisimannittut aalajangeqqitassatut suliassamut atugassatut nassuaatigisimasinnaasaannik il.il. imallit. Aalajangiineq tunngavilersorneqarsimassaaq.

Imm. 2. Immikkut ittunik pissutissaqartoqartillugu nunatta eqqartuussisuuneqarfia aalajangersinnaavaa suliassaq oqaatsitigut suliarineqassasoq.

§ 576. Aalajangeqqitassanngortitsinerup suliarineqarnerani aamma atortuutinneqassapput suliareqqitassanngortitsineq pillugu malittarisassat, pissutsit assigiinnginnerisa nassatarisaannik allannguutitalerlugit.

Eqqartuussiviit Qullersaannut aalajangeqqitassanngortitsineq

§ 577. Aalajangiinerit, Kalaallit Nunaata Eqqartuussisuuneqarfianit aalajangiinerusut, aalajangeqqitassanngortinnejarsinnaanngillat. Taamaattorli Sulireqqitassanngortitsinissamik Aalajangiisartut, tak. danskit eqqartuussisarnermik inatsisaanni kapitali 1 a, Eqqartuussiviit Qullersaannut aalajangeqqitassanngortitsinissaq akuersissutigisinnaavaat, aalajangeqqitassanngortitsissut apeqqutinut tunngavissiisumik pingaarutilinnut tunngassuuppat imaluunniit taamaaliornissamut immikkut ittunik pissutissaqarpat.

Imm. 2. Imm. 1 malillugu aalajangeqqitassanngortitsinissamut akuerineqarnissamik qinnuteqaat nunap eqqartuussisuuneranut aalajangiisoqareerneraniit kingusinnerpaamik sapaatit akunneri sisamat qaangiutsinnagit nassiunneqassaaq, taanna qinnuteqaat pillugu oqaaseqaateqarlunilu qinnuteqaat Sulireqqitassanngortitsinissamik Aalajangiisartunut ingerlateqqissavaa. Qinnuteqaateqartoq najuuttsinnagu aalajangiisoqarsimappat, pineqartorlu aalajangiinissamut piffissarititaasoq pillugu sioqqutsisumik nalunaarfigineqarani, piffissarititaasoq naatsorsorneqassaaq ulloq, aalajangiinerup pineqartumut annguffigisimasaatut ilimagineqarsinnaasoq, aallarnerfigalugu. Qinnuteqaat aamma Sulireqqitassanngortitsinissamik Aalajangiisartunut toqqaannartumik nassiunneqarsinnaavoq, taamaassappat taakkua nunap eqqartuussisuunera suliassami oqaaseqaammik piniarfigissavaat. Aalajangiisartut qaqtigoortumik akuersissuteqartarsinnaapput qinnuteqaat piffissaliussatut taaneqartumiit kingusinnerusukkut, kisiannili aalajangeereernermiit ukioq ataaseq qaangiutsinnagu, nassiunneqarsimappat.

§ 578. Aalajangeqqitassanngortitsissutip Eqqartuussiviit Qullersaanni suliarineqarneranut tunngatillugu aamma danskit eqqartuussisarnermik inatsisaanni malittarisassat atortuutinneqassapput, pissutsit assigiinnginnerisa nassatarisaattut allannguutitalerlugit.

Nangeeqqiineq

§ 579. Nangeeqqiitsisoqarsinnaanngilaq suliareqqitassanngortitsinissamut periarfissat tamakkerneqareersimatinnagit, imaluunniit sulireqqitassanngortitsineq naammassineqareersinnagu.

Imm. 2. Eqqartuussutip naammassineqarsimanera nangeeqqiinissamut akornutaanngilaq.

§ 580. Suliassaq eqqartuussuteqarfiusimasoq, unnerluutigineqartup pinngitsuutaaffigisimasa, unnerluussisussaatitaasut noqqaassuteqarnerisigut nangitinneqarsinnaavoq

1) unnerluutigineqartoq kingusinnerusukkut nassuerpat, tamatuma kingorna isumaqartoqartariaqarluni unnerluutigineqartoq pinerlussimasoq

2) upternarsaatnik allanik saqqummertoqarsimappat, tamatuma kingorna isumaqartoqartariaqarluni unnerluutigineqartoq pinerlussimasoq,

- 3) ilisimannittoq imaluunniit misissuisartoq imaluunniit naliliisartoq suliassap suliarineqarnerani ilumuunngitsumik nassuaateqarsimappat imaluunniit nalunaaruteqarsimappat, pissutsillu malillugit pissutissaqavissorineqarpat tamanna pinngitsuutitsinermut pissutaqaataasimasoq,
- 4) allakkiat upternarsaatissat peqquserluutit imaluunniit peqquserlunnikkut allangortitikkat suliassap suliarineqarnerani atorneqarsimappata, pissutsillu malillugit pissutissaqavissorineqarpat tamanna pinngitsuutitsinermut pissutaqaataasimasoq,
- 5) unnerluutigineqartoq inuilluunniit, atorfik imaluunniit pisortatigoortumik suliassaqtitaaneq naapertorlugu suliassap suliarineqarnerani peqataasimasut, suliassap qanoq inerneqarnissaa sunniviginiarlugu
pinerluuteqarsimappata, pissutsillu malillugit pissutissaqavissorineqarpat tamanna pinngitsuutitsinermut pissutaqaataasimasoq.

§ 581. Unnerluutigineqartoq eqqartuussutaasimasumiit annertunerujussuarmik
pinerluuteqarsimaneragaappat unnerluussisussaatitaasuniit noqqaavigineqarnikkut
nangitsisoqarsinnaavoq piumasaqaatit § 580-imi taaneqartutut assingi tunngavigalugit..

- § 582.** Eqqartuussivikkut malersuineq unnerluussissuteqartoqarnerata kingorna taamaatinneqarpat, suliassamilu eqqartuussuteqartoqarani, aatsaat unnerluussissuteqartoqarsinnaavoq,
- 1) piumasaqaatit § 580-imiittut naammassineqarsimappata,
 - 2) upternarsaatissanik nutaanik pingaarutilinnik kingusinnerusukkut saqqummersoqarpat, imaluunniit
 - 3) piumasaqaatit § 315, imm. 1-imiittut naammassineqarsimappata.

- § 583.** Suliassaq eqqartuussuteqarfigisimasaq, unnerluutigineqartup pisuutinneqarfigisimasaq, eqqartuussaasimasumit imaluunniit unnerluussisussaatitaasumit noqqaavigineqarnikkut nanginneqarsinnaavoq,
- 1) paasissutissanik nutaanik pissarsisoqarpat, suliassap suliarineqarnerani pigineqarsimasiugunik pinngitsuutitsinermik imaluunniit sakkukinnerujussuarmik sunniuteqartumik pineqaatissiinermik kinguneqarsimasiinnaasorineqartunik.
 - 2) pissutsinik § 580, nr. 3-5-imi taaneqartutut ittunik atuuttoqarpat, pissutsillu naapertorlugit pissutissaqavissappat isumaqassalluni tamanna eqqartuussaanermut pissutaqaataasimasinnaasoq, imaluunniit
 - 3) pissutsinik immikkut ittunik atuuttoqarpat, unnerluutigineqartup pisuuneranut upternarsaatit eqqunngitsumik naliliivigineqarsimanerannik ilimanarnerulersitsisunik.

Imm. 2. Aalajangersakkat § 535, imm 1-imi 2-milu oqaaseqatigiinnilu siullerniittut taamatulli atortuutinneqassapput nangitassanngortitsinissaq pillugu noqqaassuteqarsinnaatitaanermi.

- § 584.** Eqqartuussisut imaluunniit unnerluussisussaatitaasut pissutsinik, eqqartuussaasimasumut allanulluunniit eqqartuussaasimasoq sinnerlugu nangitsinissamik noqqaassuteqarnissamut pissutissaqalersitsisorineqarsinnaasunik, ilisimasaqalerunik eqqartuussisut imaluunniit unnerluussisussaatitaasut pineqartoq tamatuminnga ilisimatittariaqarpaat.

§ 585. Nangitassanngortitsinissamik apeqput Immikkut Ittumik Eqqartuussivimmek Maalaaruteqarfingineqarsinnaasumit aalajangiiffingineqassaaq, tak. danskit eqqartuussisarnermik inatsisaanni § 1 a.

Imm. 2. Nangitsinissamik noqqaassuteqartoqartassaaq allakkatigut qinnuteqaatikkut, nunap eqqartuussisuuneranut tunniunneqartussakkut. Eqqartuussiuneq noqqaassut pillugu oqaaseqaateqassaaq qinnuteqaallu Immikkut Ittumik Eqqartuussivimmek Maalaaruteqarfingineqarsinnaasumut ingerlateqquillugu. Qinnuteqaat aamma toqqaannartumik nassiunneqarsinnaavoq, taamaassappat Maalaaruteqartarfik eqqartuussisuunermut suliassaq pillugu oqaaseqaammik piniassaaq.

Imm. 3. Qinnuteqaammi taaneqassapput eqqartuussut nangitinniagaq aamma pissutsit, qinnuteqaammut tapersiutaasut, aamma uppermarsaatit, suliassap allatut inerneqarsimasariaqarluarneranik kinguneqartitsisinnaasorineqartut.

Imm. 4. Eqqartuussaasimasoq inuillu, § 583, imm. 2 malillugu nangititsinissamik noqqaassuteqarsinnaasut, qinnuteqaatip sananeqarnerani nunami maani eqqartuussivimmit sumiluunniit imaluunniit politiinit kommunefogedimilluunniit noqqaassuteqarneq naapertorlugu ikiorserneqarsinnaatitaapput.

§ 586. Pissutsini, § 583, imm. 1, nr. 3-mi pineqartuni, nangititsinissamik qinnuteqaat saqqummiunneqareersimassaq eqqartuussuteqartoqarneraniit kingusinnerpaamik ukiut tallimat qaangiutsinnagit. Eqqartuussaasimasoq eqqartuussutip nassatarisaatut kiffaanngissusiagaasimappat, nangititsinissamik qinnuteqaat tamatigut saqqummiunneqarsinnaavoq iperagaanermiit ukiut marluk tikillugit.

§ 587. Nangititsinissamik qinnuteqaateqarneq eqqartuussutip naammassinninniarneqarnerata kinguartinneqarneranik imaluunniit kipitinneqarneranik nassataqassanngilaq, Immikkut Ittumik Eqqartuussiviup Maalaaruteqarfingeqarsinnaasup tamanna aalajanginngippagu. Taamaattoqassaartaaq §§ 580-581 malillugit nangititsinissamik aalajangiisoqaraangat. § 583 malillugu nangititsinissamik aalajangiisoqarpat naammassisitsiniaaneq kinguartinneqassaaq imaluunniit kipineqassaaq, eqqartuussaasimasoq tamatuminnga noqqaassuteqarpat.

§ 588. Immikkut Ittumik Eqqartuussivik Maalaaruteqarfingeqarsinnaasoq aalajangiisinhaavoq nangititsinissamik qinnuteqaat ingerlaannaq itigartitsissutigineqanngippat, 1) § 586 malillugu piffissarititaasoq eqqortinneqanngippat,

2) qinnuteqaammi nangititsinissamut inatsit malillugu tunngaviginiagaq taaneqarsimannngippat, imaluunniit

3) pissutsit uppermarsaatissalluunniit patsisiginiakkat erseqqissumik pingaaruteqanngippata.

§ 589. Nangititsinissaq § 588 malillugu ingerlaannaq itigartitsissutigineqanngippat Immikkut Ittumik Eqqartuussiviup Maalaaruteqarfingeqarsinnaasup illuatungiusoq noqqaassummik ilisimatissavaa, taamatuttaaq illuatungiusoq pisariaqarneratut annertutigisumik periarfissinneqassaaq allakkatigut imaluunniit oqaatsitigut oqaaseqaaateqarnissamut.

Imm. 2. Immikkut Ittumik Eqqartuussivik Maalaaruteqarfingeqarsinnaasoq aalajangiisinhaavoq paasisutissanik amerlanerusunik suliassamut atugassanik piniartoqassasoq. Uppernarsaasiineq pisinnaavoq, matumunnga ilanngunneqarluni unnerluutigisamik imaluunniit eqqartuunneqarsimasumik immaqalu ilisimannittunik killisiuineq, Immikkut Ittumik Eqqartuussivimmi Maalaaruteqarfingeqarsinnaasumi imaluunniit eqqartuussivimmi naleqqunnerpaasorineqartumi allami. Aamma pinerlunnernik suliassanik paasiniaasarneq paasisutissiisarnerlu pillugit malittarisassat nalinginnaasut taamatulli atortuutinneqassapput.

Imm. 3. Immikkut Ittumik Eqqartuussivik Maalaaruteqarfingeqarsinnaasoq illersuisumik ivertitsisinhaavoq unnerluutigineqartup imaluunniit eqqartuussaasimasup ikiortissaanik. Suliassaq oqaatsitigut isumaqtiginiutigineqarpat illersuisumik tamatigut ivertitsisoqartassaaq.

§ 590. Immikkut Ittumik Eqqartuussivik Maalaaruteqarfingeqarsinnaasoq aalajangiinikkut, tunngavilersorneqartussakkut, aalajangiisassaaq nangititsinissamik noqqaassut akuersaarneqassanersoq. Noqqaassut akuersaarneqarpat aalajangiinerup imarissani taaneqassaaq eqqartuussutissaq isumaqtiginiutigineqaqqissasoq.

Imm. 2. Eqqartuussaasimasoq toqusimappat Immikkut Ittumik Eqqartuussiviup Maalaaruteqarfingeqarsinnaasup eqqartuussutissamik isumaqtiginiuteqartoqaqqitsinnagu

nangititsinissamik noqqaassut tunuartissavaa imaluunniit eqqartuussuteqassaaq, eqqartuussummik pineqartumik atorunnaarsitsisumik.

§ 591. Immikkut Ittumik Eqqartuussiviup Maalaaruteqarfingineqarsinnaasup aalajangiineri inaarutaasumik aalajangiinerupput suliareqqitassangortinneqarsinnaanatillu.

§ 592. Eqqartuussutissamik isumaqatigiinniuteqaqqinnej pissaq eqqartuussivimmi, suliassami siornatigut eqqartuussuteqarsimasumi. Suliariinninnermi atutissapput eqqartuussivimmi pineqartumi suliassamik suliariinnitarneq pillugu malittarisassat nalinginnaasut.

Imm. 2. Eqqartuussisoq imaluunniit eqqartusseqataasartoq kinaluunniit, suliassap siornatigut suliarineqarnerani peqataasimasoq, suliassap aammaarluni suliarineqarnerani peqataaqqussaanngilaq.

Imm. 3. Nangititsinissaq § 583 naapertorlugu aalajangiunneqarpat eqqartuussut nutaaq eqqartuussummiit siullermiit allaanerussuteqassangilaq eqqartuussasimasumut ajoqtaasussamik. Nangititsinissaq § 580 imaluunniit § 581 naapertorlugu aalajangiunneqarsimappat immikkoortunut, nangititsinissamut tunngavilersuutinut ilaasunut, taamaallaat tunngatillugu unnerluutigineqartumut imaluunniit eqqartuussasimasumut ajoqtaasinnaasumik allaanerussuteqartitsisoqarsinnaavoq.

Immikkoortoq VII

Pinerlunnernik suliassani eqqartuussutinik naammassinninneq

Kapitali 45

Pinerlunnernik suliassani eqqartuussutinik naammassinninneq

Naammassinninnerit aallarnerneqartarnerat il.il.

§ 593. Pinerlunnernik suliassani eqqartuussutinik aamma akiliisitsissutissanik akuersissutigisanik imaluunniit arsaarinninnernik naammassinninnissaq politiinit isumagineqassaaq.

Imm. 2. Akiliisitsissutit aningaasallu, arsaarinnissutaasut, kiisalu suliassamut aningaasartuutit, § 480, imm. 2 malillugu eqqartuussamut akiligassanngortitaasut, akilersinniarneqarsinnaapput qularnaveeqqutit sillimmasiussinikkut aamma akissarsianik allatigullu aningaasanik pisassanik ilanngaasarnertigut, tak. kapitali 46-48.

Imm. 3. Politiit ajoquserneqartumut noqqaassuteqartoqarneratigut ikuuttassapput taarsiissutissanik, pinerlunnermik suliassaq tunngavigalugu pisassangortitanik, akileeqqusillutik akiliisitsiniaallutilu.

Pinngitsaaliissutit akiliisitsissutit

§ 594. Eqqartuussutini, pisortanut pisussaaffimmik eqquutsitsisussatut eqqartuussaasoqarfiusimasuni, eqqartuussisut akiliisitsissutissanik pinngitsaaliissutit ingerlaavartumik akilertagassanik aalajangersaasinhaapput (pinngitsaaliissutit akiliisitsissutit). Pinngitsaaliissutit akiliisitsissutit akilersinniarneqartassapput malittarisassat akiliisitsinernut atuuttut assingi malillugit, tak. § 593, imm. 2.

Imm. 2. Pinngitsaaliissutit akiliisitsissutit naalagaaffiup karsiata pisassarai, inatsisini allani allatut aalajangiisoqarsimanngippat.

Eqqartuussutit qanoq paasineqartarnerat

§ 595. Eqqartuussutip qanoq paasineqarsinnaanera politiit eqqartunneqartullu isumaqatigiinngissutigilerpassuk, taamaattoq tak. pinerluttulerinermi inatsimmi § 246, imm. 1, nr. 2,

tamatuminnga apeqqut eqqartuussaasimasup noqqaassuteqarneratigut saqqummiunneqartassaaq eqqartuussivimmut, siullermeeriffiusumik suliariinninnermi eqqartuussuteqartuusimasumut. Suliassamik eqqartuussivimmut saqqummiussineq kinguartitsigallarnermik sunniuteqartussaanngilaq, politit imaluunniit eqqartuussivik allatut aalajangiisimanngippata.

Imm. 2. Isumaqtigiinngissutaappat inuk, politit pineqaatissiisummik naammassinninnialersaarfisaat, ilumut tassaanersoq eqqartuussaassimasoq, suliassaq tamanut ammasumik eqqartuussinermi, pineqartup najuuffigisaani, suliarineqassaaq. Aalajangiineq eqqartuussutikut aalajangiinerussaaq, kapitali 44-mi malittarisassat malillugit suliareqqitassanngortinnejarsinnaasoq.

Imm. 3. Pisuni allani eqqartuussiviup aalajangertassavaa suliassaq oqaatsitigut imaluunniit allakkatigut suliarineqassanersoq. Eqqartuussivik aalajangiilersinnagu illuatungeriit oqaatsitigut imaluunniit allakkatigut oqaaseqaateqarnissaminnut periarfissaqartinnejassapput. Aalajangiineq tunngavilersukkatut aalajangiinerussaaq. Aalajangiineq kapitali 44-mi malittarisassat malillugit aalajangeqqitassanngortinnejarsinnaavoq.

Naammassinninnissamut piffissarititaq

§ 596. Pinerlunnermik suliassami eqqartuussut naammassinninniarneqarsinnaanngilaq suliareqqitassanngortitsisarneq pillugu piffissarititaq qaangiutereertinnagu, imaluuniit eqqartuussaq politillu suliareqqitassanngortitsinissamik taamaatitsereersinnagit. Eqqartuussut suliareqqitassanngortitaq ingerlaannaq naammassinninniarneqarsinnaavoq.

Imm. 2. Eqqartuussaasimasoq eqqartuussuteqarnerup kingorna tigummigallagaappat, tak. § 368, eqqartuussut naammassinninniarneqalissaq paasineqarniariarpal eqqartuussut inaarutaasuusoq.

Imm. 3. Pinerlunneq pillugu eqqatuussummik suliareqqitassanngortitsinissamut piffissarititaq qaangiutereersoq suliareqqitassanngortitsinissamut Kalaallit Nunaata Eqqartuussisuuneqarfia akuersissappat, tak. § 542, eqqartuussummik naammassinninniaasinnaneq atorunnaassaaq. Naammassinninniaaneq aallartereersimappat kipitinnejassaaq.

Immikkortoq VIII

Pinngitsaaliinikkut naammassinninneq

Kapitali 46

Eqqartuussutinik naammassinninniaasussaatitaasut

§ 597. Eqqartuussivik inuinnat aningasatigut piumasaqataannik naammassinninniaasuussaaq, taamaattoq tak. imm. 2, aamma pigisanik nuunnejarsinnaasunik pinngitsaaliinikkut tuniniaasuussaaq.

Imm. 2. Kalaallit Nunaanni Naalakkersuisut eqqartuussutinik naammassinninniaasartussanik aalajangersimasumik amerlassusilinnik invertissapput piumasaqatinik § 598, imm. 2-mi aamma imm. 3-mi pineqartunik akiliisitsiniaasartussanik.

Imm. 3. Politit akiliisitsissutinik arsaarinninnissamillu piumasaqatinik kiisalu piumasaqatinik allanik aningasaanngitsunik naammassinninniaasussaapput, tak. §§ 628-633.

Imm. 4. Kalaallit Nunaanni Eqqartuussiviup pigisanik arsaarinnissuteqarallarneq, inerteqqutit aammalu atorneqarsinnaasunik qularnaveeqqusiiarneq pillugit suliassat suliarisassavai aammalu illuutinik, umiarsuarnik nalunaarsukkanik, silaannakkoorutinik nalunaarsukkanik, aalisarsinnaatitaanermut pisinnaatitaaffinnik kiisalu pappiaqqanik nalilinnik, tak. pappiaqqanik nalilinnik niuerneq pillugu inatsimmi § 2, pinngitsaaliinikkut tuniniaasuussassaaq.

Imm. 5. Politimesteri inunnik allanik politiitut atorfiliunngitsunik imm. 3 naapertorlugu eqqartuussutinik naammassinninniaasartussanik piginnaaniliisinnavaoq.

Kapitali 47

Pinngitsaaliinikkut naammassinniniaaneq

Pinngitsaaliinikkut naammassinniniaanermut tunngavissaq

§ 598. Pinngitsaaliinikkut naammassinniniaaneq pisinnaavoq makku tunngavigalugit

- 1) eqqartuussutit aalajangiinerillu Kalaallit Nunaanni eqqartuussiviit imaluunniit pisortat oqartussaatitaasa allat eqqartuussutigisimasaat imaluunniit aalajangiinerisimasaat, taakkualu aalajangiineri inatsit naapertorlugu naammassiniarneqarsinnaasut,
- 2) isumaqatigiisitsinerit pisortat oqartussaatitaannut nr. 1-imi taaneqartunut isumaqatigiissutaasimasut, aamma isumaqatigiisitsinerit aappariilertarneq aappariigunnaartarnerlu pillugit Kalaallit Nunaanni inatsit naapertorlugu atugassarititat isumaqatigiinniutaaneranni isumaqatigiissutigineqarsimasut,
- 3) eqqartuussutit, aalajangiissutit aalajangiinerillu eqqartuussivinnit imaluunniit pisortat oqartussaatitaannit naalagaaffiup ilaata sinneraniittunit eqqartuussutaasimasut imaluunniit aalajangiinerusimasut, aalajangiineri pinngitsaaliinikkut tassani naammassiniarneqarsinnaasut, aamma isumaqatigiinnerit pisortatut oqartussaatitaanut pineqartunut isumaqatigiissutaasimasut,
- 4) qularnaveeqqusilliuni taarsigassarsinermi allagartat, pigisanik qularnaveeqqusinermut aamma ajunaaruteqartitsinnginnissamik allagartanut tunngassuteqartillugit, taamaallaalli akiitsut annertussusaat aammalu piffissap akileerefissap atuutilersimanera akiitsulimmit nassuerutigineqarsimatillugu imaluunniit pissutsinit erseqqisumik takuneqarsinnaatillugu,
- 5) akiitsut akilerneqareertussat pillugit eqqartuussinertaqanngitsumik allaganngorlugit isumaqatigiisitsinerit, isumaqatigiissutaasumi erseqqisumik aalajangerneqarsimagaangat tamanna naammassinniniaanermut tunngaviutinnejqarsinnaasoq,
- 6) akiitsut allagartaat, nr. 5-imi pineqannngitsut, naammassinniniaanermut tunngaviutinnejqarsinnaasoq allagartami erseqqisumik aalajangerneqarsimagaangat,
- 7) akiitsukkanut uppermarsaatit, akiitsukkat pillugit inatsisitigut piumasaqaatinut tunngasuuppata, aammalu checkit, utertitseqqussutinut tunngasuuppata, aamma
- 8) eqqartuussivimmi aalajangiinerit, isumaqatigiissutit imaluunniit nunat tamalaat akornanni pisussaaffiit allat naapertorlugin naalagaaffiup ilaani allami naammassinniniarneqarsinnaasut.

Imm. 2. Pinngitsaaliinikkut naammassinniniaaneq aammattaaq pisinnaavoq aningaasatigut piumasaqaatinut makkununnga tunngatillugu:

- 1) taarsigassarsiat uterteqquneqartut imaluunniit illuummik pigisanilluunniit nuunneqarsinnaunik qularnaveeqqusissaqarluni pisortaniit taarsigassarsiat ernaat,
- 2) inik attartornermut akiliutissat aammalu kiassarnermut, sarfamut, imermut eqqaavilerinermullu akiliutissat pisortaniit akileqquneqartut
- 3) Inatsisartut inatsisaat imaluunniit Inatsisartut peqqussutaat naapertorlugu pisortanut akilerautissat akitsuusiussassallu,
- 4) pilersuutit akilersuutit, Kalaallit Nunaanni pisortaqrifimmit aalajangerneqarsimasut, akileqqusat,
- 5) Akilersuutinik akilersuinissamik piumasaqaatit, Danmarkimi statsforvaltningimit imaluunniit Savalimmiuni rigsombudsmandimit aalajangersakkat,
- 6) akilerautitigut akitsuusiussatigullu piumasaqaatit, naalagaaffiup ilaani allami pinngitsaaliinikkut naammassinniniarneqarsinnaasut,
- 7) § 627 malillugu aningaasat taarsiissutissat
- 8) piumasaqaatit, Kalaallit Nunaata avataani oqartussaasunit aalajangiinerit naapertorlugin pilersimasut, Namminersornerullutik Oqartussat nunami allami oqartussaasoq isumaqatigiissuteqarfialugu taamatut ikorsiinissamik pisussaaitaappata.

Imm. 3. Aningasatigut piumasaqaatit aammattaaq pinngitsaaliinikkut naammassiniarneqarsinnaapput, tamanna suliassaqarfiiit Namminersornerullutik Oqartussanut atasut pillugit inatsisartut inatsisaasigut imaluunniit inatsisartut peqqussutaasigut aalajangersarneqarsimappat.

Imm. 4. Aammattaaq piumasaqaatit, naalagaaffiup ilaani allami pilersinneqartut tassanilu inatsisit atuuttut naapertorlugit qularnaveeqqusiiissuteqarfiusinnaasut, pillugit qularnaveeqququtissatut arsaarinnitqarsinnaavoq.

Imm. 5. Aamma pinngitsaaliinikkut naammassinniniaaneq atortinneqarsinnaavoq kimulluunniit pisassaminut sallunaveeqqutaatilimmuit.

Imm. 6. Imm. 1, nr. 4-7-im i taaneqartunik pisoqartillugu kikkulluunniit, allakkiamut atsiornermikkut akiitsulittut, akiliussisussamaataasutut imaluunniit qularnaveeqqusiiisutut immiinut pisussangortissimasut, naammassinniniaavagineqarsinnaapput.

§ 599. Eqqartuussutit naammassinniniarneqarsinnaapput suliareqqitassanngortitsinissamut piffissaritaasoq, suliareqqitaassanngortitsisoqarani, qaangiussimappat, tak. § 496, taamaassananili eqqartuussivik eqqartuussuteqarsimasoq imaluunniit nunatta eqqartuussisuuneqarfia suliassami suliareqqitassanngortitami allatut aalajangiisimappat. Suliareqqitassanngortitsineq taamaasiornissamut piffissaritaasoq qaangiutereersoq akueritinniarneqarpas nunatta eqqartuussisuuneqarfia aalajangersinnaavaa naammassinniniaanissaq kinguartinneqassasoq.

Imm. 2. Aalajangiinerit ingerlaannaq naammassinniniarneqarsinnaapput, aalajangiinermi allatut aalajangiisoqarsimanngippat.

Imm. 3. Isumaqatigiisitsinikkut isumaqatigiissutit, § 598, imm. 1, nr. 2-mi taaneqartut, naammassinniniarneqarsinnaapput piumasaqaat akilerneqareersimasussaappat, taamaattoqassananili isumaqatigiisitsinikkut isumaqatigiissummi allatut aalajangiisoqarsimappat.

Imm. 4. Allakkiatigut uppernarsaatissat § 598, imm. 1, nr. 4-7-mi taaneqartut tunngavigalugit piffissaq naammassinniniaavissaq ullormiit, akiliutissamik akiliiffissaagaluumiit aallarnersumik ullunik 14-inik sivisussuseqassaaq, taamaassananili allagartani allatut aalajangiisoqarsimappat. Taamaattorli naammassinniniaanissamut piffissaritaasoq ulluinnarnik sisamanik sivikinnerusoq isumaqatigiissutigineqarsinnaanngilaq.

Imm. 5. Angajoqqaatut oqartussaassuseqarneq imaluunniit meeqqamik najorteqarsinnaatitaaneq pillugu aalajangersakkat, eqqartuussutikkut aalajangiivigisat imaluunniit eqqartuussivimmit imaluunniit statsforvaltingenimit imaluunniit rigsombudsmandimit akuerineqarsimasut, ingerlaannaq naammassinniniarneqarsinnaapput, taamaassananili aalajangiinermi naammassisinniarneqartumi allatut aalajangersaasoqarsimappat.

Imm. 6. Piumasaqaatit § 598, imm. 2 imaluunniit 3 naapertorlugit naammassinniniarneqarsinnaasut pillugit piffissaq naammassinniniaavissaq naammassinniniaanermik suliassamik ilisimatinneqareernermit ullunik arfineq-marlunnik sivisussuseqassaaq, tak. § 604.

§ 600. Pinngitsaaliinikkut naammassinniniaanissamik noqqaassut aatsaat tunniunneqarsinnaalissaq § 599-im i taaneqartutut piffissaritat qaangiutereernerisigut. Piumasaqaatinut § 599, imm. 6-im pineqartunut tunngatillugu noqqaassut siusinnerpaamik tunniunneqarsinnaalissaq ullup piffissaq eqqorlugu akiliiffissap kingulliup aqaguaniit.

Imm. 2. Taamaattorli eqqartuussutinik naammassinniniaasartup aalajangersinnaavaa piffissaritaasut suli naanngikkaluartut piumasaqaat naammassiniarneqassasoq, akiitsulik tamatumunnga isumaqataappat imaluunniit ilimagisariaqarpas taamaaliunngikkaanni piumasaqaatinut matussusiisitsisinnaneq ajorerujussuanngussasoq. Aamma taamaassaaq eqqartuussut suliareqqitassanngortinneqarsimappat. Piumasaqaat naammassinniniaanissamut piffissaritaasoq qaangiutsinnagu naammassinniniarneqassappat eqqartuussutinik naammassinniniaasartup allattaaviinut allanneqassaaq sooq taamaasiornissamut piumasaqaatit naammassineqarsorineqartut, taamaassangilarli akiitsulik tamatumunnga isumaqataappat. Naammassinniniaanissaq qularnaveeqqusiiisoqareersimanissamik piumasaqaatitalerneqarsinnaavoq.

Periaasissaq

§ 601. Pinngitsaaliinikkut naammassinninniaanissamik noqqaassut eqqartuussiveqarfiiit ukua arlaanni eqqartuussutinik naammassinninniaasartumut tunniunneqarsinnaavoq:

- 1) eqqartuussisoqarfimmuit akiitsullip najugaqarfisaanut, tak. §§ 203 aamma 208-210,
- 2) akiitsullip inuussutissarsiutigalugu sullivimmik ingerlatsiveqarfianut,
- 3) aningaasatigut piumasaqaatit, qularnaveeqqutissatut sillimmasiissuteqarfigeqqusat, qularnaveeqqusiissutaasa sumiiffiannut,
- 4) piumasaqaatinik aningaasaangitsunik allanik naammassinninniaanermi pigisap sumiiffigisaanut.

Imm. 2. Eqqartuussutinik naammassinninniaasartut arlaannaalluunniit imm. 1 malillugu piginnaaneqanngippat imaluunniit siusinnerusukkut naammassinninniaasimanermi piumasaqaat tamarmiusoq matussuserneqarsinnaasimanngippat, naammassinninniaanissamik noqqaassut eqqartuussisoqarfimmii, akiitsullip najorallagaani imaluunniit naapinneqarfigisinnaasaani imaluunniit pigisanik naliliuteqarfisaani, eqqartuussutinik naammassinninniaasartumut saqqummiunneqassaaq. Pinngitsaaliinikkut naammassinninniaanissamik noqqaassuteqarnermut atatillugu eqqartuussutinik naammassinninniaasartumi allami, noqqaassummik tunniussivigineqarsimanngitsumi, iliuuseqartoqassappat noqqaassummik nutaamik eqqartuussutinik naammassinninniaasartumut taassumunnga tunniussisoqassaaq.

Imm. 3. Noqqaassut eqqartuussutinik naammassinninniaasartumut allamut imm. 1-im i aamma 2-mi pineqanngitsumut saqqummiunneqarsinnaavoq naammassinninniaasinnaaneq annertuumik ajornerulissangippat.

Imm. 4. Pinngitsaaliinikkut naammassinninniaanissamik noqqaassummut ilanngunneqartassapput paassisutissat, suliassap suliarinissaanut pisariaqartinneqartut. Inissiaatileqatigiiffik pisortanit pigineqartoq imaluunniit qularnaveeqqusiissutitalinnik taarsigassarsisitsisarfik qularnaveeqqusiissutitut allagartaq naapertorlugu illuutip qularnaveeqqutitut sillimmasiunneqarnissaanik kissaateqarpat, piumasarisaq upernarsaaserneqarsinnaavoq akiligassaqarfigisamit akiliisitsiniummik akilerneqarsimanngitsumik kingullermik saqqummiinikkut. Pinngitsaaliinikkut naammassinninnissamik noqqaassut illup B-normuanik, sumiiffigisaanik suussusaanillu paassisutissanik imaqassaaq. Eqqartuussutinik naammassinninniaasartoq paassisutissat allakkiallu upernarsaatissat piumasarineqartut pissarsiarineqarnissaanut piffissamik aalajangersaasinnaavoq.

Imm. 5. Eqqartuussutinik naammassinninniaasartoq pinngitsaaliinikkut naammassinninniaasinnaavoq eqqartuussisoqarfiiup avataani, taamaasiornissamut immikkut ittunik pissutissaqarsorinarpas.

§ 602. Eqqartuussutinik naammassinninniaasartoq § 601, imm. 1-3-mi malittarisassat malillugit piginnaaneqanngikkuni imaluunniit pinngitsaaliinikkut naammassinninniaanissamut naammattunik tunngavissaqanngippat imaluunniit allakkiat upernarsaatissat paassisutissallu § 601, imm. 4-mi taaneqartut amigaataappata, eqqartuussutinik naammassinninniaasartup noqqaassut itigartitsissutigisinnaavaa noqqaassuteqartorlu tamatuminnga ilisimatillugu.

Imm. 2. Paassisutissanit pigineqartunit takuneqarsinnaappat eqqartuussutinik naammassinninniaasartoq kina piginnaaneqartoq, suliassaq tamatumunnga taarsiullugu naammassinninniaasartumut taassumunnga innersuussutigineqarsinnaavoq.

§ 603. Akiligassaqarfisaq, aningaasatigut piumasaqaatimi matussusernissaaanut naammattumik qularnaveeqqusiinikkut sillimmasiussivigineqarsimanngitsoq, naammassinninniaanermiit kingullermiit aatsaat qaammatit arfinillit qaangiunneranni pinngitsaaliinikkut naammassinninniaanissamik noqqaassuteqarsinnaavoq, qularnaveeqqutitut sillimmasiussinissaq siunertalaralugu (qularnaveeqqutitut sillimmasiussineq). Aamma eqqartuussutinik naammassinninniaasartup akiitsullip qularnaveeqqutissatut arsaarinniffigineqarnissaa itigartitsissutigisinnaavaa, nalunngereeruniuk qaammatit kingulliit arfinillit ingerlaneranni iluatsinngitsumik naammassinninniaasoqareersimasoq.

Imm. 2. Imm.1 atortutinnejassanngilaq piumasaqaatinut § 598, imm. 2-mi aamma 3-mi pineqartunut. Piumasaqaatinut allanut tunngatillugu imm. 1 atortutinnejassanngilaq, akiitsullip qularnaveeqqutitut sillimmasiunnejarsinnaasunik naliliuteqarnera naleqquttumik tunngavissalimmik ilimagineqarpat, imaluunniimmik taamatut iliuuseqarfinginnissamut pissutsinik immikkut ittunik atuttoqarpat.

§ 604. Eqqartuussutinik naammassinniniaasartoq naammassinniniaanerup qaugu sumilu pinissaannik aalajangersaasassaaq ajornanngippallu tamanna akiitsulimmut ilisimatitsissutigisassavaa. Eqqartuussutinik naammassinniniaanermik suliassaq naammassinniniaasartup allaffiata avataani ingerlannejassappat, nalunaaqutaq sumilu pinissaa ima aalajangerluarsimatigisumik oqaatigineqassapput taassuma sulinermink aaqqissuussineranut akornutaasussaajunnaarlugit. Ilisimatitsissuteqarneq pisinnaavoq eqqartuussutinik naammassinniniaanissamut aggeqqusissutikkut, tak. imm. 3.

Imm. 2. Ilisimatitsinngitsoortoqarsinnaavoq eqqartuussutinik naammassinniniaasartup akiliisitsiniaanissap akiitsulimmut nalunaaruteqaqqarani ingerlannejarnissaq eqqarsanartoqartinngippagu, imaluunniit ilimagisariaqarpat taamaasiunngikkaanni matussusiitsinissaq annertuumik ajorseriassasoq. Pisuni kingullertut taaneqartuni taamatut isumaqarnermut tunngavigisat eqqartuussutinik naammassinniniaasartup allattaaviinut allanneqartassapput, eqqartuussutinillu naammassinniniaasartup naammassinniniaanissaq qularnaveeqquseereernissamik piumasaqaatalersinnaavaa.

Imm. 3. Eqqartuussutinik naammassinniniaasartoq nammineq aalajangikkaminik piffissaliinikkut akiitsulimmiq aggersaasinnaavoq, tamanna eqqartuussisoqarfimmi, akiitsullip najugaqarfingisaani imaluunniit najorallagaani imaluunniit inuussutissarsiuutgalugu sullivimmik ingerlataqarfingisaani pissappat. Aggeqqusissummi akiitsulik peqquneqarsinnaavoq nammineerluni ornigutissasoq. Aggeqqusissut kalerriissummik takkutinngitsoornerullu kingunerisassai pillugit paasissutissanik imaqassaaq.

Imm. 4. Akiitsulik aggeqqusissummik inatsisinut naapertuuttumik nalunaarfingineqarluarluni takkutinngitsoorpat, pissuteqavissumik takkutinngitsoornini nalunaarutiginagu, ilisimannittunik pinngitsaaliisarneq pillugu § 150 taamatulli atortutinnejassaaq, taamaattoq tak. imm. 5. Aamma taamaassaaq akiitsulik nammineerluni orniguteqquusaagaluarluni takkutinngitsoorpat. Eqqartuussutinik naammassinniniaasartup tamatumunnga taarsiullugu suliassaq ulloq taanna imaluunniit aqaguani akiitsullip najugaani imaluunniit inuussutissarsummik ingerlatsiveqarfiani il.il. naammassiniarsinnaavaa.

Imm. 5. Eqqartuussutinik naammassinniniaasartup ilimageruguniuk naammassinniniaanermi piumasaqaatip tamakkiisumik ilaannakortumilluunniit matussuserneqarnissaq anguneqarsinnaanngitsoq, akiitsullip politiinit aggiunneqarnissaq (politiit sassartitsisarnerat), tak. § 150, imm. 1, nr. 2, nalinginnaasumik aalajangiiffinginiartariaqanngilaa. Aamma taamaassaaq taamatut iliuuseqarnissaq piumasaqaataasut annertussusaannut naleqqiullugu naapertuussorineqanngippat.

Imm. 6. Akiitsulik peqatigiiffiuppat, ingerlatsiviuppat assigisaattulluunniit ittuuppat, peqatigiiffiup ingerlatsiviulluunniit pisortaa imaluunniit ingerlatsisua imaluunniit, tamanna pisariaqassappat, siulersuisuni ilaasortaq aggersarneqassaaq siuliini taaneqartutut malittarisassat malillugit, pineqartoq eqqartuussisoqarfimmi najugaqarpat imaluunniit najorallagaqarpat imaluunniit peqatigiiffik ingerlatsivilluunniit tassani najugarisatut eqqartuussisoqarfinginat imaluunniit inuussutissarsiuutgalugu sullivimmik eqqartuussisoqarfimmiit tassanngaanniit ingerlataqarpat.

Imm. 7. Eqqartuussutinik naammassinniniaasartup akiligassaqarfingisap naammassinniniaanermi najuunnissaa pisariaqarsorippagu, taanna ataatsimiinnissamut aggersarneqarsinnaavoq. Aggeqqusissut takkutinngitsoornerup kingunerisassaanik paasissutissaqassaaq. Akiligassaqarfingisaq takkutinngitsoorpat suliassaq eqqartuussutinik naammassinniniaasartup itigartitsissutigisinnaavaa.

Imm. 8. Eqqartuussutinik naammassinniniaasartoq suliassaqarnermini ilisimannittumik najuutsitsisinnaavoq, naliliiniartoqassappat akiliisitsisarnermut eqqartuussivimmut ikuussinnaasumik.

Ilisimannittumut akissarsiarititassat naalagaaffiup karsianit akilerneqassapput malittarisassat Domstolsstyrelsimit aalajangersarneqartut malillugit.

§ 605. Eqqartuussutinik naammassinniniaanermi suliassaq ingerlanneqarsinnaavoq akiitsulik ornigutinngikkaluartoq imaluunniit naapinneqarsinnaanngikkaluartoq. Taamaattorli akiliisitsiniartartut allaffianni qularnaveeqquitissatut aatsaat arsaarinniniartoqarsinnaavoq suut arsaarinnissutaanissaat qularutiginagu aalajangersarneqarsinnaappat.

Imm. 2. Eqqartuussutinik naammassinniniaaneq akiitsullip orniguffigingisaanik imaluunniit napinneqarfigingisaanik pissappat, naammassinniniaasartup aappaasoq, apparisatut inooqataasoq inulluunniit 18-ileereersimasoq alla najuuttoq akiitsullillu atugarisaanik ilisimaarinittusorineqartoq kajumissaassavaa naammassinniniaanermi akiitsullip soqtigisaanik isumaginniniaaqquillugu.

Imm. 3. Eqqartuussutinik naammassinniniaasartut akiitsullip nammineq najuunnissaa kissaatiginartikkunikku suliassamik kinguartitsigallarsinnaapput.

§ 606. Pinngitsaaliinikkut naammassinniniaaneq ingerlanneqalersinnagu eqqartuussutinik naammassinniniaasartup akiitsulimmut imaluunniit taassuma soqtigisaanik isumaginnittumut kajumissaarutigisassavaa piumasaqaatit nammineq kajumissutsimik isumaqatigiissuteqarnikkut naammassiniarneqassasut.

Imm. 2. Akiligassaqarfigisap pisassami naafferartumik akilersorneqarnissaat itigartitsissutigisinnaanngilaa.

§ 607. Akiitsulik paassisutissanik, eqqartuussutinik naammassinniniaasartup naammassinniniaanissap ingerlanneqarnissaanut pisariaqartitaanik, paassisutissiisassaaq. Aningasatigut piumasaqaatinik naammassinniniaanermi akiitsullip nammineq inoqutimilu aningasatigut atugarisatik taamaalilluni paassisutissiissutigisassavai. Eqqartuussutinik naammassinniniaasartoq akiitsullip eqqortunik oqalunissaanik peqqussuteqartassaaq ilisimatitsissutigisassavaalu eqqunngitsunik nalunaaruteqarnermi pinerluttulerinermi inatsit malillugu akisussaaffiligaasoqarsinnaasoq. Akiitsulik piumasarineqartutut paassisutissiumangippat § 150 taamatulli atortuutinnejqassaaq. Tamatuminnga Kalaallit Nunaanni Eqqartuussivik aalajangiisuuussassaaq, eqqartuussutinik naammassinniniaasussatut piginnaatitaasimaguni, taamaanngippallu najukkami eqqartuussivik aalajangiisuuussaaq.

Imm. 2. Akiitsulik imaluunniit taassuma soqtigisaanik isumaginnittooq, tak. § 605, imm. 2, piginnaatitaassaaq pigisanik nalilinnik qularnaveeqquitissatut arsaarinnissutaasussanik toqqartuinissamut. Taamaattorli aningasaani tamatigut qularnaveeqquitissatut arsaarinnitoqarsinnaavoq. Piumasaqaatinut qularnaveeqquitikkut isumannaallisakkani qularnaveeqquisiussaaq tamatigut arsaarinnissutaasinnaavoq. Akiitsullip piumasarisinnaanngilaa pigisamik aalaakkaasumik (illumik), pigisanik nalilinnik akiitsortaqareersunik, pigisanik nalilinnik nalingi nalorninaatilinnik imaluunniit pigisanik nalilinnik toqqortariuminaatsunik tuniniaruminaatsunilluunniit qularnaveeqquitissatut arsaarinnitoqassasoq, allanik aammalu qularnaveeqquitissatut arsaarinnissutaanissamut piukkunnaateqarnerusunik naliliuteqarsimassaguni. Eqqartuussutinik naammassinniniaasartup aamma aalajangertassavaa pigisat nalillit suut qularnaveeqquitissatut arsaarinnissutaassanersut, tamatumanilu misisortassavaa akiitsullip taassumalunoquaasa pinngitsoorsinnaanerusaasa ajornanngippat kisimik arsaarinnissutaasinnaanissaat.

Imm. 3. Eqqartuussutinik naammassinniniaasartoq akiitsullip illuata initaanik toqqorsiviinillu kiisalu inuttaanik nammainermik misissuiffiginnissinnaavoq, taamatut misissuinissaq pinngitsoorneqarsinnaanngippat pinngitsaaliisummik nammassinnissaaq naammassiniarlugu. Akiliisitsiniaasartoq qularnaveeqquummik arsaarinniniarnermut atatillugu eqqartuussivimmit piginnaatitaatinnani akiitsullip inuttaa misissuiffigisinnaanngilaa. Akiliisitsiniaasartoq taamatut piginnaatitaanissamik eqqartuussivimmut qinnuteqarsinnaavoq qularnaveeqquititut sillimmasiussinissaq sioquillugu ingerlanneranilu. Eqqartuussutinik naammannininiaasartoq pinngitsaaliinikkut

naammassinnissaq anguniarlugu piginnaanermik pisariaqartumik atuisinnaavoq. Politiit tamatumani noqqaavagineqarnikkut eqqartuussutinik naammassinniniaasartutanut allanut ikuuttassapput.

Imm. 4. Eqqartuussutinik naammassinniniaasartup illuatungeriit, suliassamik ingerlatsinermi najuusimannngitsut, qanoq pisoqarneranik ilisimatittassavai.

Imm. 5. Eqqartuussutinik naammassinniniaasartoq illuatungiusup, eqqartuussissuserisumit ikiorserneqanngitsup, soqutigisaminik isumaginninnissaanut pisariaqartumik ilitsersuisassaaq.

§ 608. Eqqartuussutinik naammassinniniaasartoq suliassamik kinguartitsisinnaavoq,

1) eqqartuussutissaq, aalajangiiffiginissaq naammassinniniaanerup qanoq inerneqarnissaanut sunniuteqartussaq, eqqartuussivimmi imaluunniit allaffissornikkut pisortaqarfimmik suli ingerlanneqarpat, imaluunniit

2) pissutsinik immikkut ittunik allanik atuttoqarpat.

Imm. 2. Akiligassaqarfigisap naammassinniniarnissaq pissutigalugu eqqartuussutinik naammassinniniaanerup kinguartinneqarnissaq nangaanartoqartinneqarpat eqqartuussutinik naammassinniniaasartup tamatumunnga taarsiullugu qularnaveeqququtissanik arsaarinninniarnissaq piumasaqaatitalersinnaavaa akiligassaqarfigisaq qularnaveeqququtissasoq, imaluunniit aalajangersinnaavaa pigisanik nalilinnik, qularnaveeqququtitut sillimmasiunneqarsimasunik, pinngitsaaliinikkut tuniniaasoqarsinnaassanngitsoq, aalajangersimasumik aalajangiisoqareersinnagu imaluunniit piffissaliussaq naareertinnagu. Taamatut piffissaliussaq ajornanngippat sivitsorneqarsinnaavoq.

§ 609. Illuatungiusut arlaat imaluunniit inuk alla politiit imaluunniit eqqartuussutinik naammassinniniaasartup pinngitsaaliinikkut naammassinniniaaneranut akerliliissuteqarpat, imaalinnarlugu itigartitsissutaasinnaanngitsumik, eqqartuussutinik naammassinniniaasartup pingitsaaliissummik naammassinniniaanissamik noqqaassut itigartitsissutigissavaa suliarlu eqqartuussivimmut suliassiissutigalugu. Aamma taamaassaaq eqqartuussutinik naammassinniniaasartup pinngitsaaliinikkut naammassinniniaanissamut tunngavissaqarnera qularutigippagu. Suliassaq eqqartuussivimmut aamma suliassiissutigineqartassaaq eqqartuussutinik naammassinniniaasartoq akerliissummik itigartitsissuteqarsimagaluartorluunniit. Suliassaq suliarineqassaq saqitsaannernik suliassat pillugit malittarisassat malillugit, taamaassananili eqqartuussivik aalajangiippat eqqartuussutinik naammassinniniaaneq suliarineqassasoq immikkoortumi matumani malittarisassat malillugit.

Imm. 2. Naammassinniniaanissamut tunngavigisaq najukkami eqqartuussivimmi imaluunniit Kalaallit Nunaanni Eqqartuussivimmi akerliliissuteqarfigineqarpat aammal uppernarsaasiinerup, eqqartuussutinik naammassinniniaasartumut uppernarsaasiinerusinnaasup, kingorna, tak. imm. 3 aamma 4, pinngitsaaliinikkut naammassinniniaanissaq eqqarsarnartoqartinneqarpat akiligassaqarfigisap noqqaassutaa eqqartuussutinik naammassinniniaasartup malikkumassanngila.

Imm. 3. Eqqartuussutit aalajangiissutillu eqqortuunerannut akerliliissutit aamma eqqartuussivikoortumik isumaqtigiissutigitinnejarsimasanut akerliliissutit, eqqartuussut ingerlatsinerannut tunngassutillit, pinngitsaaliissutit naammassinniniaasoqarnerani atortuutinniarneqarsinnaanngillat.

Imm. 4. Akiitsut allagartaat checkillu pillugit akerliliissutit aatsaat atortuutinniarneqarsinnaapput,

1) pinngitsaaliinikkut naammassinniniaanissaq pillugu noqqaassuteqartoq tamatumani isumaqataappat,

2) akerliliissut akiitsut allagartaata imaluunniit checkip aaqqissugaaneranut imarisaaNULL tunngassuteqarpat imaluunniit akiitsut allagartaat checkillu pillugit inatsimmi piumasaqaatinut allanut tunngassuteqarpat akiitsut allagartaanik checkinillu atuisinnaatitaaneq atuutsinniarlugu,

3) akerliliissummi pineqarpat akiitsulik atsiorami nammineersinnaatitaasimanngitsoq imaluunniit niaqluarneq, matumunnga ilanggullugit puiguttorermik sakkortuumik nappaateqarneq imaluunniit tarnikkut amigaateqarneq, silaqassutsikkut qaangiuttartumik paatsiveeruttarneq assigisaattulluunniit piginnaasatigut amigaateqarneq pissutigalugu silatusaartumik iliorsinnaasimanngitsoqarsimasoq,

atsiorneq peqquserluutaasumik atsiorneruppat, akiitsukkanut uppernarsaatip checkillu atsiorneqarnerisa kingorna imarisaat peqquserlunnikkut allanngortinneqarsimappata imaluunniit akiitsut allagartaat checkiluunniit akiitsulik sinnerlugu naammaginartumik piginnaassusiliinertaqanngitsumik atsiorneqarsimappata, imaluunniit

4) akerliliissut pisisartumit saqqummiunneqarpat aammalu pineqartut tassaappata akiitsukkanut uppernarsaat pisinermi isumaqatigiissuteqarnermut atasumik atorneqarsimasoq, tak. atuisartunik isumaqatigiissut ilaat pillugit inatsimmi § 1, imm. 2-4, imaluunniit checki, atuisartunik isumaqatigiissuteqarnermut atatillugu akiligassarsinermi atorneqarsimasoq.

Imm. 5. Eqqartuussutinik naammassinniniaasartoq uppernarsatinik, annertussusaat suussusaallu naapertorlugit imaluunniit allat immikkut ittut tunngavigalugit saqitsaannermik suliassap nalinginnaasup suliarineqarnerani saqqummiunneqartariaqartunik, saqqummiusseqqusinngissinnaavoq.

Imm. 6. Eqqartuussutinik naammassinniniaasartup aalajangiinera noqqaassuteqarneq malillugu tunngavilersugaassaaq.

§ 610. Eqqartuussutinik naammassinniniaanermik suliassaq nangitinneqarsinnaavoq illuatungeriit tamanna pillugu isumaqatigiippata, imaluunniit eqqartuussutinik naammassinniniaasartup tamanna pisariaqarsorippagu, pingaartumik pissutigalugu

1) akiitsullip inuulluunniit allap noqqaassutigimmagu qularnaveeqqutitut sillimmasiusinissaq atorunnaarsinnejassasoq, tunngavilersuutilgalugu tamanna inuup allap pisinnaatitaaneranut akerliusoq,

2) qularnaveeqqutitut sillimmasiusanik pisussap noqqaassutigimmagu qularnaveeqqusiunneqartunik tunniussinissaq, toqqortarininnissaq imaluunniit aqutsivigininnissaq pillugu aalajangiisoqaqqittariaqartoq, tak. §§ 614, imm. 2, nr. 4, aamma 618, imm. 2-4,

3) qularnaveeqqutitut sillimmasiusanik pisussap piumasarismammagu pigisanik nalilinnik § 616-imi taaneqartunik sukumiisumik nalunaarsuisoqassasoq imaluunniit qularnaveeqqutitut sillimmassiuunneqartunik naliliisoqassasoq,

4) akiitsulik eqqartuussutinik naammassinniniaanermi najuussimanngimmat, taassumalu maanna noqqaassutigimmagu piginnaatitaaffiminik §§ 618, imm. 1, aamma 619-623 malillugit atuisinnaatitaassalluni, imaluunniit

5) akiitsullip aalajangersumik oqaatigeqqummagu qularnaveeqqutissatut sillimmasiusineq atorunnaarsinnejassasoq, pissutsit qularnaveeqqutissatut sillimmasiusisoqarnerata kingorna pisut nassatarisaannik, imaluunniit pinngitsaaliinikkut naammassinniniaanissamut tunngavigisaq eqqartuussutikkut atorunnaarsinnejassimammat imaluunniit atuussinnaassuseqanngitsutut nalunaarutigineqarsimammat.

§ 611. Kinaluunniit pisassanik imaluunniit piumasaqaatinik, tunngaveqanngitsutut paasisanik, pinngitsaaliinikkut naammassinniniaanissamik noqqaassuteqartoq illuatungerisap annaasaqaataanut taarsiissutinik narrujuummisitaanermullu taartisiannik akiliissaaq. Aamma akiligassaqarfigisaq taamatulli akisussaaffeqassaaq, eqqartuussutinik naammassinniniaasartoq pinngitsaaliinikkut naammassinniniaanissamut iliuuseqarsimappat taamaaliornissamut piumasaqaatit atuutinngitsut, tamannalu akiligassaqarfigisamut avoqqaarliutaasinjaappat. Eqqartuussutinik naammassinniniaasartoq illuatungiusumut pinngitsaaliinikkut iliuuseqarnissamik aalajangiisimappat taamaaliornissamut piumasaqaatit atuutinngitsut, imaluunniit naammassinniniaaneq kukkunikkut inummut allamut pisimappat pineqartoq taanna eqqartuussutinik naammassinniniaasartumiit taarsiivigineqarsinnaatitaavoq aamma taartisisinnejarsinnaatitaavoq oqaaseqatigiit siullit naapertorlugit annertussuseqartunik.

Imm. 2. Imm. 1 naapertorlugu piumasaqaatit najukkami eqqartuussivimmut saqqummiunneqartassapput piffissamiit pineqartup piumasaqaatiminik atuutsitsinialersinnaaneranit kingusinnerpaamik qaammatit marluk qaangiunneranni. Eqqartuussivik tunngavilersukkamik aalajangiissaaq. Najukkami eqqartuussiviup aalajangiinissaq Kalaallit Nunaanni Eqqartuussivimmut innersuussutigisinjaavaa, tak. § 56.

Imm. 3. Imm. 2 malillugu aalajangiinerit illuatungeriinnit aamma Domstolsstyrelsimit aalajangeqqitassanngortinneqarsinnaapput.

§ 612. Saqitsaannernik suliassat pillugit aalajangersakkat, matumunnga ilanngullugit innersuussisarneq, itigartitsisarneq, inuup pingatsiuttup suliassami ilanngussinnaatitaanera, eqqartuussissuserisumik aamma eqqartuussinermi sinniisitut pisinnaatitamik ivertitsisarneq kiisalu suliassamut aningaasartuutit, eqqartuussutinik naammanninniaanermik suliassani taamatulli atortuutinnejassapput, atortuutinnejassallutittaaq eqqartuussutinik naammassinnniaanermik suliassanik, akerliliissutinik imaluunniit illuatungerisamiit piumasaqaammik saqqummiussiviusunik, suliaqarnermi.

Imm. 2. Inatsiseqarnermut ministerimik isumaqtiginninniarnerup kingorna inatsisartut inatsisaatigut imaluunniit inatsisartut peqqussutaatigut aalajangersarneqarsinnaapput suliassani, Namminersornerullutik Oqartussanut ataaniittuni, pisasanik akiliisitsiniartarnermik ilassutitut aalajangersakkat pisariaqartut.

Qularnaveeqqutitut sillimmasiussineq

§ 613. Aningaasanik piumasaqaatit naammassiniarneqartassapput akiitsullip pisuussutaataanik ima annertutigisunik qularnaveeqqutitut sillimmasiussaqarnikkut, eqqartuussutinik naammassinnniaasartup naliliinera naapertorlugu piumasaqaatip kiisalu akiliisitsiniaanermi aamma pigisanik nalilinnik, qularnaveeqqutitut sillimmasiuneqarsimasunik, akitsorterussinissaq tikillugu toqqortarinninnermut aningaasartuutit matussuserneqarnissaannut pisariaqarsorineqartunik.

Imm. 2. Pinngitsaaliiikkut naammassinninnissamik noqqaassut piumasaqaatip ilaannaanut killilerneqarsinnaavoq, taamaattoqassananili eqqartuussutinik naammassinnniaasartoq isumaqarpat piumasaqaammik avitsinissaq akiitsullip soqutigisaanut akerliusoq.

Imm. 3. Eqqartuussutinik naammassinninniartartup qularnaveeqqutissatut sillimmasiussassat naliliiffigissavai, tamanna illuatungeriit arlaannit piumasarineqarpat imaluunniit naliliinissaq eqqartuussutinik naammassinnniaasartumit pisariaqarsorineqarpat.

Imm. 4. Naliliinissami immikkut paasisimasalimmik ikiorteqarnissaq pisariaqarpat eqqartuussutinik naammassinnniaasartup aalajangissavaa illuatungeriit arlaata kiap naliliinermi aningaasartuutissat akilerallasanerai imaluunniit inaarutaasumik akilissanerai. Naliliisitsinissaq piumasaqaatitalerneqarsinnaavoq aningaasartuutissanut tamanna sioqqullugu qularnaveeqquisisoqassasoq.

Imm. 5. Eqqartuussutinik naammassinnniaasartup allattaavimminut pigisat nalillit qularnaveeqqutitut sillimmasiunneqartussat allattortassavai. Naliliisoqarsimappat naliliinerup annertussusaa ilanngullugu taaneqassaaq.

§ 614. Eqqartuussutinik naammassinnniaasartup aningaasatigut piumasaqaatit naammassinnniarsinnaavai akiitsullip pisuussutaataanik qularnaveeqqutitut sillimmasiussinikkut, siunissamili pissarsiassai pinnagit. Qularnaveeqqutitut sillimmasiussisoqarsinnaavoq, naak pigisat nalillit akitsoqarfingeqareeraluartut.

Imm. 2. Eqqartuussutinik naammassinnniaasartup taamaalilluni

- 1) akiitsulik aningaasaataanik arsaarsinnaavaa taakkulu akiligassaqarfingisamut tunniullugit,
- 2) akiitsulik aningaasatigut pisassaanik, matumunnga ilanngullugit sulinikkut akissarsiassat, arsaarsinnaavaa taakkulu akiligassaqarfingisamut tunniullugit,
- 3) illu qularnaveeqqutitut sillimmasiussinnaavaa, pinngitsaaliinikkut tuniniaanissaq siunertaralugu,
- 4) pigisanik nuunneqarsinnaasunik pigisanillu nalilinnik allanik qularnaveeqqutitut sillimmasiussaqarsinnaavoq pinngitsaaliinikkut tuniniaanissaq siunertaralugu aammalu noqqaassuteqarneq naapertorlugu akiitsulik pigisanik nalilinnik tamakkuninnga

atuisinnaajunnaarsissinnaavaa. Tuniniaaneq siusinnerpaamik pisinnaavoq qularnaveeqqutitut sillimmasiusinermiit sapaatit akunnerisa sisamat qaangiunneranni.

Imm. 3. Piumasaqaatit arlaliusut pigisami nalilimmi ataatsimi qularnaveeqqutissartallit tulleriaarnerat qularnaveeqqutitut sillimmasiusinissamik noqqaassutip qanga tunniunneqarsimaneranit aalajangerneqartassaaq, taamaattoq tak. imm. 4, piumasaqaatit ilaata ataatsip arlallilluunniit salliuutinnejartussaatitaanerat allatut tulleriaarinissamut sunniuteqassanngippat. Noqqaassutili ullup ataatsip ingerlanerani takkussimasut naligissinnejassapput.

Imm. 4. Pigisaq nalilik ataaseq eqqartuussivimmit pinnani eqqartuussutinik naammassinnniaasartunit allanit qularnaveeqqutissatut sillimmasiunniarneqarpat, sillimmasiusinissap tulleriaarinermi inissinssaa naatsorsorneqartassaaq sillimmasiusinermiup qanga pinera tunngavigalugu.

Imm. 5. Imm. 3 aamma 4 atortuutinnejassanngillat pigisamik aalaakkaasumik (illumik), umiarsuarnik silaannakkoortaatinilluunniit nalunaarsukkanik kiisalu aningaasaateqarfimmik naliliutinik qularnaveeqqutissatut sillimmasiusinermi, tak. pappiaqqanik nalilinnik il.il. niuerneq pillugu inatsimmi § 59, imm. 2.

Imm. 6. Pigisanik nuunneqarsinnaasunik, taamaallaat pinnagit umiarsuit silaannakkoortaatillu nalunaarsukkat, qularnaveeqqutitut sillimmasiusineq atorunnaartassaaq qularnaveeqqusiussinermiit ukiup ataatsip qaangiunneratigut, taamaattoqassananili qularnaveeqqusiussamik pisassalik tamanna sioqqullugu piumasaqarsimappat pinngitsaaliinikkut tuniniaasoqassasoq imaluunniit suliareqqitassanngortitsinikkut, aalajangeqqitassanngortitsinikkut imaluunniit pingatsiuttup pisassaqarneratigut taamaaliornissaminut akornuserneqarsimappat. Taamaassappat akornutaasup atuukkunnaarneraniit sapaatit akunnerisa arfineq-pingasut qaangiunneranni qularnaveeqqusiussatut sillimmasiusineq atorunnaassaaq. Taamaassaattaaq aningaasaateqarfimmik naliliutinik, tak. pappiaqqanik nalilinnik niuerneq il.il. pillugit inatsimmi § 59, imm. 2, aammalu aningaasatigut pisassanik qularnaveeqqutitut sillimmasiusinermi, pisasanut tunngatillugu pigisat nuunneqarsinnaasut akiitsqarfigineqarnerinut uppernarsaammik allatulluunniit allakkiamik uppernarsaasiisoqarsimappat, taakku immikut ittuussusiisa nassatarisaannik akiitsulik pisassaqarnermut allagartaq naapertorlugu allagartamik piginnittup saniatigut allamut akiliinermigut akiliisussajunnaarsinneqassanani.

§ 615. Akiitsulik pigisanik nalilinnik qularnaveeqqutitut sillimmasiusaasunik atuisinnaatitaanngilaq, sillimmasiusanik pisassalimmut ajoquisiisinnaasumik. Eqqartuussutinik naammassnnniaasartup qularnaveeqqutissatut sillimmasiusinermiup inatsisitigut kingunerisassai akiitsulimmut ilisimatitsissutigisassavai, matumunnga ilanngullugu ilisimatitsissutigalugu oqaaseqatigiinnik siullernik unioqqutitsineq pinerluttulerinermi inatsisitigut akisussaatitaanermik nassataqarsinnaasoq. Akiitsulik najuutinngippat ilisimatitsissuteqarneq tamanna pisinnaavoq allakkatigut nalunaaruteqarnikkut imaluunniit akiitsulik sinnerlugu orniguttunut oqaatsitigut ilisimatitsissuteqarnikkut.

§ 616. Pigisamik aalaakkaasumik (illumik) qularnaveeqqutissatut arsaarinninnermi, pinngitsaaliinikkut naammassinnissamik noqqaassummi allatut allassimasoqartinnagu, pigisat nuunneqarsinnaasut illumut atasut ilaapputtaaq, tak. qularnaveeqqutitut pillugit inatsimmi § 2. Pisattanik ataasiakkaanik allattuinissaq aatsaat pisariaqartassaaq akiligassaqarfigisaq tamatuminnga noqqaassuteqarsimappat. Qularnaveeqqutitut sillimmasiussat atortunik ilaqpata aamma taama ittutigut pigisat nalillit, kingusinnerusukkut pigisamut ilanngunneqartussat, qularnaveeqqutitut sillimmasiusinermi ilaatinnejartassapput. Oqaaseqatigiit siullerniit pingajuinut taamatulli atortuutinnejassapput umiarsuarmik imaluunniit silaannakkoortaammik nalunaarsukkamik qularnaveeqqutissatut sillimmasiusinissami.

§ 617. Pisassat, pigisat nuunneqarsinnaasut akiitsqarfigineqarnerinut allagartanut attuumassuteqartut, akiligassaqarfigisamut tunniunneqartassapput, allagartaq taanna tunniullugu imaluunniit eqqartuussutinik naammassnnniaasartumut paarisassanngortillugu. Pisassannik allanik tunniussineq

pisassaaq, pisassat naapertorlugit tamakkiisumik ilaannaakortumilluunniit akiligassaqarfigisamut akiliinissamik akiitsulimmut ilisimatitsissuteqarnikkut.

§ 618. Qularnaveeqquitut sillimmasiussoqassanngilaq pigisanik nalilinnik, akiligassallip taassumalu inoquataasa pilimaniangitsumik angerlarsimaffeqarnissaannut inuuniarnermillu pilimaniangitsumik attassiinnarnissaannut pisariaqarsorineqartunik. Akiitsulik pigisani nalilinni taamaattuni qularnaveeqquitut sillimmasiusinissamik atuussinnaasumik akuersisinnaanngilaq.

Imm. 2. Pigisanik nuunneqarsinnaasunik qularnaveeqquitut sillimmasiusinermi eqqaartuuussutinik naammassinniniaasartup aalajangersinnaavaa akiitsulik pigisanik nalilinnik, qularnaveeqquitut sillimmasiunneqarsimasunik, arsaarneqassanngitsqo, taassuma eqqortittuarpagu naafferartumik akilersuinissaq pillugu aaqqiineq, eqqartuussutinik naammassinniniaasartumit aalajangersarneqarsimasoq akiitsulimmillu akuersissutigineqarsimasoq. Naafferartumik akilersuinissamik aaqqiineq ukioq ataaseq sinnerlugu sivissussulerneqarsinnaanngilaq, taamaassinnaallunili akiligassaqarfigisaq tamatumani isumaqataasimappat.

Imm. 3. Akiitsullip naafferartumik akilersuinissamik eqqartuussutinik naammassinniniaasartup aalajangersagaa akiitsullillu isumaqataaffigisimasaa eqqortittuarpagu eqqartuussutinik naammassinniniaasartup aalajangersinnaavaa illumik, akiitsulimmit taassumaluunniit inoquaanit inigineqartumik, qularnaveeqquitut sillimmasiusinissaq illumik pinngitsaaliiikkut tuniniaanissamut piginnaatitsissanngitsoq.

Imm. 4. Imm. 2 aamma 3 atortuitinneqassanngillat qularnaveeqqusiussaqarluni taarsigassarsinermi allagartaq pigisami nalilimmi pineqartumi qularnaveeqqusiissutitalik tunngavigalugu qularnaveeqquitut sillimmasiusinermi.

§ 619. Qularnaveeqquitut sillimmasiussoqarsinnaanngilaq aningaasani pisassani, pisassaqartup nammineq saniatigut allanut akileqquneqarsinnaanngitsuni.

Imm. 2. Qularnaveeqquitut sillimmasiussoqarsinnaanngilaq pilersuutitut akilersuutisiassanik piumasaqaatini, aappariinneq pillugu aamma meeqqat inatsiseqartitaanerat pillugu inatsiseqarneq naapertorlugu pisassarisaasuni.

Imm. 3. Qularnaveeqquitut sillimmasiussoqarsinnaanngilaq soraarnerussutisiassani imaluunniit ikorsiissutisiassani allatulluunniit pisortaniit imaluunniit aningaasaateqarfittut pilersutaniit allatulluunniit ikiiniutit suliffeqarfinniit pisassani, ullormiit aningaasanik tunniullugit akileeqqusiffiusinnaasumiit qaammatit pingasut qaangiutereersimannngippata. Inatsisini allani eqqartuussisutigut malersorneqarsinnaatitaannginneq pillugu malittarisassat tamatumani attorneqassanngillat.

Imm. 4. Qularnaveeqquitut sillimmasiussoqarsinnaanngilaq akissarsiassani suli tunniunneqanngitsuni allatulluunniit nammineerluni sulinikkut akissarsiatut akiliutaasussani, ullormiit piffissap akissarsiorfiusup imaluunniit akiliutaasussanik katersiffiusup naaffigisaaniit ulla arfineq-marlunnit amerlanerusut qaangiutereersimannngippata.

Imm. 5. Immikkoortumik qularnaveeqquitut sillimmasiussoqarsinnaanngilaq illumik attartornermi akiliutissanik piumasaqaatini, piumasaqaatip akilerneqarfissaa qaangiutereersimatinnagu.

§ 620. Innaruuteqarneq imaluunniit pilersuisigisamik annaasaqarneq pillugu taartisiassanik imaluunniit tamatumunnga atatillugu taartisiarititanik qularnaveeqquitut sillimmasiussoqarsinnaanngilaq, aningaasat ajoquserup imaluunniit inuup pilersuisigisaminik annaasaqarsimasup pisassarippagit. Aningaasalli tunniunneqareersimappata arsaarinnittooqarsinnaavoq, taamaattoqassananili aningaasat taakku aningaaserivimmi imaluunniit sparekarsimi kontomut immikkoortumut toqqornerisigut allatulluunniit iliirluni akiitsullip naliliutaaniit allaniit erseqqisumik immikkoortitaasimappata. Aamma taamaassaaq aningaasaatit erniaannut iluanaarutisiassartaannullu tunngatillugu.

Imm. 2. Aningaasaanngitsutigut ajoquserneqarnermut taartisiarititassatut piumasaqaatinik, imm. 1-

imi pineqanngitsunik, aatsaat qularnaveeqqutitut sillimmasiussoqarsinnaavoq aningasat tunniunneqareerpata.

Imm. 3. Sulinikkut iluanaarutissanik annaasaqarnermi taarsiivigineqarnissamik piumasaqaatinik qularnaveeqqutitut sillimmasiussoqarsinnaanngilaq ullormiit aningasat akileqquneqarsinnaaffigisaanniit ullut arfineq-marlunniit amerlanerusut qaangiuteriinngippata.

Imm. 4. Taamaattorli aningasat piumasarisallu imm. 1-imi aamma 2-mi taaneqartut qularnaveeqqutitut sillimmasiunneqarsinnaapput, piumasarisat taakkualu annertussusaat eqqartuussivinniit akuersissutigineqarnerisa imaluunniit annertussusilerneqarnerisa kingorna, akiitsulik taamaaliornissamut akiligassanik naammassisitsiniaasoqarnerani akuersisimappat, imaluunniit akiitsullip pigisaq nalilik piumasarisamut, qularnaveeqqutitut sillimmasioqqusanut, qularnaveeqqusiuussimanngippagu.

§ 621. Tunissutinik arsaarinnittoqarsinnaanngilaq, tunisisup tunissutinik tunniussisoqarnerani aalajangersimappagu tunnissutinik arsaarinnittoqarsinnaassanngitsoq. Aamma tunissutit taama ittut ernaliaattut iluanaaruasiassartaasigullu tigusanik ullormiit akilerneqarfigisaanniit qaammatit arfinillit qaangiutsinnagit qularnaveeqqutitut sillimmasiussoqarsinnaanngilaq.

Imm. 2. Pigisanik nalilinnik, akiitsullip piumasarisat imm. 1-imi taaneqartut tunngavigalugit pissarsiarisimasaanik, qularnaveeqqutitut sillimmasiussoqarsinnaanngilaq, pissarsineq piumasaqaatillu inuit amerlanersaanut tunngatillugu assigiimmik aaqqissuussinerup ilagippatigik aaqqissuussinermilu siunertarisanik pingaartitsinissaq qularnaveeqqutissatut arsaarinninnissamut pingaarutilimmik akerliussappat.

Imm. 3. Taamaattorli pigisanik nalilinnik imm. 1-imi aamma 2-mi taaneqartunik qularnaveeqqutitut sillimmasiussoqarsinnaavoq akiitsulik taakkuninnga akornuteqanngitsumik atuisinnaatitaappat, imaluunniit akiitsullip atuinera akornuserniarlugu iliuusissanik naammaginartunik aalajangersaasoqarsimannngippat.

Imm. 4. Tunissutisisup taakkuninnga atuisinnaatitaannginnera pillugu piumasaqaatit qularnaveeqqutitut sillimmasiussinermut ilaatinneqartutut isumaqarfingineqassapput, pissutsit pillugit allatut allassimasoqanngippat.

§ 622. Pigisat, akiitsulimmut inuttut imaluunniit akiitsullip inoqtaanut immikkut ittumik pingaarutillit, qularnaveeqqutitut sillimmasiunneqarsinnaanngillat, sillimmasiunneqarsinnaallutilli pigisat taakku ima naleqartigippata akiligassaqarfigisap piumasaqaataanik naammassinninniaanerup avataaniitinneqarnissaat naleqquttuusorineqarani.

Imm. 2. Atortunik ikiuutinik, timikkut amigaateqarneq nappaateqarnerluunniit pissutigalugu pinngitsoorneqarsinnaanngitsunik, qularnaveeqqutitut sillimmasiussoqarsinnaanngilaq.

§ 623. Aningasat, inunnut innuttaasut sinnerlugit suliassaqartitaasunut, ilisimannittunut imaluunniit misissuisartunut naliliisartunullu aningasartuutinut taartisiarititatut suliassarititaasumillu suliaqarnerup akornusersuutaaneranut taartisiarititatut tunniunneqareersut, qularnaveeqqutitut sillimmasiunneqarsinnaanngillat.

§ 624. Piumasarisat pisoqalisoornissaat kipitinneqarsinnaavoq qularnaveeqqutitut sillimmasiussinissaq pillugu noqqaassummik tunniussaqarnikkut, akiligassaqarfigisap tunngavissaqanngitsumik kinguarsaanani qularnaveeqqutitut sillimmasiussoqarnissaa qinnutigippagu.

Akissarsianik allatullu tunniullugit akilerneqartussanik ilanngartuineq

§ 625. Aningasat tunniunneqartussat, akiitsullip pisassai, uninngatinneqarnerisigut aningasatigut piumasarisanik pinngitsaaliiinikkut naammassinninniaasoqarsinnaavoq pisassanut § 598, imm. 2, nr. 1-imi, 2-mi 4-mi, 5-imi 6-imilu pineqartunut tunngatillugu kiisalu tamanna suliassani

Namminersornerullutik Oqartussat suliarisassaanni inatsisartut inatsisaasigut imaluunniit inatsisartut peqqussutaasigut aalajangersarneqarsimatillugu. Ilanngartuisoqarsinnaavoq aningaasani tunniinneqartussani tamani, matumunnga ilanngullugit sulinikkut akissarsiassat kiisalu tunisassianik tunisaqarnermi pissarsiassat. Oqaaseqatigii siilliit malillugit pinngitsaaliinikkut naammassinniniaaneq taamatuttaaq pisinnaavoq pinerluttulerinermi inatsimmi § 128-mi pineqartutut akiliisitsissutissatigut piumasarisanut tunngatillugu.

Imm. 2. Akiitsullip akileraarutit ilanngaatigereerlugit pisassaasa pingajorarterutaat sinnerlugit arlaannaatigullunniit ilanngaasoqarsinaanngilaq. Taamaattorli akissarsianik allatullu akilerlugit tunniinneqartussanik ilanngartuinissaq pillugu aalajangiinerni akiitsulik taassumalu inoquatai inuuniutissanik pisariaqartunik pissaqartinneqartassapput.

Imm. 3. Piumasararat arlaliusut pillugit ilanngartuisoqassappat aningaasat ilanngaatissat eqqartuussutinik naammassinniniaasartup erseqqinnerusumik aalajangigai malillugit agguataarneqassapput. Pilersuinermut akilersuutit inuit ataasiakkaat piumasarisaat siilliullugit naammassiniarneqassapput. Aamma agguataarinermi eqqartuussutinik naammassinniniaasartoq aalajangersinnaavoq piumasararat, akiitsulimmuit imaluunniit akiitsullip inoquaasa inuuniarnerannut aalajangiisuusumik pingaarutillit, siilliullugit naammassiniarneqartassasut..

Imm. 4. Kalaallit Nunaanni akileraarutitigut akitsuusiusatigullu piumasararat ilanngartuutiginissaat naammassiniarnissaallu pillugit atortuutinnejartassapput tamakku pillugit inatsisini immikkut ittuni aalajangersakkat.

§ 626. Pilersuinermut akilersuutinik ilanngartuinikkut akilersueqqusisinnaajunnaartoqassaaq, tamanna pillugu noqqaassut imaluunniit akilersuinissamut malittarisassat atuuttut malillugit akilersuutinik siuumoortumik akiliisarnissamik noqqaassut akilersuutit akilernneqareerfissaanniit ukioq ataaseq qaangiutsinnagu saqqummiunneqanngippat.

Imm. 2. Piumasarasanik ilanngartuisoqarsinaanngilaq akileerefissap ukiut tallimat qaangereersimappagit.

§ 627. Kinaluunniit, ilanngartuinissamik peqqusummik tigusaqarsimasoq, taarsiissuteqartussaatitaavoq, peqqussutaasoq malinnejanngippat. Taarsiissutissat akilersinniarneqarsinnaapput kapitalimi matumani malittarisassat malillugit, tak. § 598, imm. 2, nr. 7.

Aningaasatigut piumasaraniit allaanerusunik pinngitsaaliinikkut naammassinniniaaneq

§ 628. Pisussaaffilikkap illu qimassappagu imaluunniit taassuminnga atuisinnaatitaasumut tunniussappagu imaluunniit pisussaaffiligaq pigisamik aalajangersimasumik tunniussaqassappat, eqqartuussutinik naammassinniniaasartoq sapinngisamik pisussaaffiup naammassineqarnissaanik pinngitsaaliissuteqassaaq, pisussaaffiligaq illuanit anisillugu imaluunniit pisussaaffiligaq pigisamik arsaarlugu. Pisussaaffiligaq allakkiamik upternarsaammik tunniussaqassappat imaluunniit atsiuissappat, eqqartuussutinik naammassinniniaasartoq tamatuminnga isumaginnissinnaavoq, pisussaaffilikkap nammineq suliaatut atsiugaatulluunniit sunniuteqartussamik.

§ 629. Kinaluunniit aningaasaanngitsumik allamik akileeqquneqarpat eqqartuussutinillu naammassinniniaasartup piumasarineqartoq taanna § 628 malillugu naammassitissinnaanngikkuniuk suliassaq eqqartuussivimmut suliassanngortissavaa. Eqqartuussisut pisassallip naammassinninnissami soqutigisaa aningaasanngorlugu naliliiffigisinnaavaat imaluunniit akuerisinnaallugu pisassallip pisussaaffilikkap iliuusissai suliarissagai imaluunniit allanut suliaritissagai.

Imm. 2. Aningaasat, imm. 1 malillugu eqqartuussisut aalajangiinerat naapertorlugu pisassalimmuit pisassarititassat, qularnaveeqqutit sillimmasiussinikkut akilersinniarneqarsinnaapput.

§ 630. Pisussaaffiligaq arlaannik ilaginnagaqassappat taanna eqqartuussutinik naammassinniniaasartumit sabinngisamik unioqqutitsisinnaveersaarneqassaaq aamma pisassallip piginnaatitaaneranut akerliusutut iliuusaasut suujunnaarsinnejassappat.

§ 631. Angajoqqaatut oqartussaassuseqarneq aammalu meeqqamik najorteqarsinnaatitaaneq pillugit aalajangersakkat naammassiniarneqarsinnaapput pinngitsaaliiinkut akiliisitsissuteqartarnermik atuinikkut imaluunniimmik pissaanermik atuinikkut. Eqqartuussutinik naammassinniniaasartoq naammassinniniaanermi periaasissaminik toqqaaniarnermi piumasaqartup noqqaassutaanik pinngitsoorani malinnittussaanngilaq. Naammassinniniaaneq pisinnaassanngilaq meeqqap tarnimigut timimigulluuniit peqqissusaa tamatumuuna navianartorsiorujussuartinneqassappat. Nalornisooruteqarnerni eqqartuussutinik naammassinniniaasartoq naammassinniniaanermik kinguartitsisinnavaoq immikkut paasisimasallip nalunaarutaanik piniartoqareernissamat.

Imm. 2. Eqqartuussutinik naammassinniniaasartoq inummik nakerisarsiortuunngitsumik aggersaasinnaavoq, immaqa kommunip sinniisuutitaanik, suliassap suliarineqarnerani meeqqamut iluaquisiissutissanik isumaginnittussamik. Eqqartuussutinik naammassinniniaasartoq pissutsit naapertuutigalugit meeqqamik tunniussinissaq imaluunniit najorteqarsinnaatitaanermik ingerlassinissaq pillugu piffissami sivikinnerusumi kinguartitsigallarsinnaavoq.

Imm. 3. Pinngitsaaliiinkut akiliisitsisarneq atorneqassappat suliassaq najukkami eqqartuussivimmur saqqummiunneqassaaq, tassani ullormoortumik imaluunniit sapaatip akunneranoortumik akiliisitsissutinik, meeqqap tunniunneqarnissaq tikillugu akilerneqartartussanik, aalajangiiffiginnittoqassaaq. Meeqqamilli najorteqarsinnaatitaanermik ingerlatsinissaq pillugu aalajangersakkanik naammassinniniaanermi ataasiaannartumik akiliisitsissutissanik aalajangiisoqarsinnaavoq, piffissami erseqqinnerusumik taasami najorteqarsinnaatitaanermik atuinissaq pillugu aalajangersagaq malinnejanngippat akilerneqartussanngortussanik.

Erniinnaartumik naammassinniniaanerit

§ 632. § 628-mi taaneqartutut pigisatigut piumasarisaq eqqartuussutinik naammassinniniaasartumit pinngitsaaliiinkut naammassiniarneqarsinnaapput pisarnertut pinngitsaalineremi tunngavigisassanik atuinngikkaluarluni eqqartuussutinik naammassinniniaasartup sulissuteqarneratigut, pisassallip akiliisitsisarnermut eqqartuussivimmur uppernarsarsinnaappagu imaluunniit qularutissaajunnaarsippagu pisussaaffilimiit pisassaqrarluni.

Imm. 2. Imm. 1 taamatulli atortuitinneqassaaq eqqartuussutinik naammassinniniaasartup ikuunissaa pisariaqaleraangat angajoqqaatut oqartussaassutsimik sernissuisuusoqartitsinermillu atortitsiniarnermi kiisalu meeqqap najorallagassaanut tunngatillugu isumaginninnermi ataatsimiititaliap aalajangiinerinik atortitsiniaanermi. Naammassinniniaaneq pisassaaq § 631 malillugu.

§ 633. Pisassallip piumasaqataanut akerliliissutinik saqqummiussisoqarpal, pisassallillu pisassaqarnini allakkiatut uppernarsaatissatigut imaluunniit illuatungiusup nassuaateqarneratigut uppernarsaasersinnaanngippagu, eqqartuussutinik naammassinniniaasartoq noqqaassutip suliarinissaanik itigartitsissaaq. Pisassallip pisinnaatitaanini qularutissaajunnaarsissinnaappagu aammalu pisassallip naammassinniniaanissaa pillugu naammassinniniaanissap naammassillugu suliarineqarnissaata itigartitsissutigineqarnissaq eqqarsarnartoqartinnejqarpal, eqqartuussutinik naammassinniniaasartup suliassaq naammassisinnaavaa piumasaqatagalugu pisassalik qularnaveeqquisiissasoq, akiitsullip taamaasiornikkut ajoquserneqarsinnaaneranut. Qularnaveeqquisiissut tunniunneqassapput eqqartuussutinik naammassinniniaasartup piffissaliussaa qaangiutsinnagu suliassiisoqanngippat imaluunniit aalajangeqqitassanngortitsisoqanngippat.

Imm. 2. Eqqartuussutinik naammassinniniaasartup qaqtiguiissumik akuerisarsinnaavaa imm. 1- imi taaneqartuniit allaanerusumik uppernarsaatissanik saqqummiisoqassasoq.

Imm. 3. Eqqartuussutinik naammassinniniaasartup inissiamit attartukkamiit attartortumik anisitseqqusissut itigartitsissutigisinnaavaa, attartortut taassumaluunniit inoqutai tamatumuna inissaaruttussanngussappata aammalumi pissutsit anisitseqqusissutip naammassiniarnissaanut akerliuppata.

Kapitali 48

Pinngitsaaliinikkut tuniniaaneq

Aalajangersakkat nalinginnaat

Pinngitsaaliinikkut tuniniaanissami tunngavigisassat

§ 634. Kapitalimi matumani pineqarput

- 1) § 614, imm. 2, nr. 3 aamma 4 malillugit qularnaveeqqutitut sillimmasiussineq tunngavigalugu pinngitsaaliinikkut tuniniaanerit,
- 2) qularnaveeqqusiisarneq pillugu inatsimmi § 5 a malillugu pigisanik nalilinnik qularnaveeqqusiissanik pinngitsaaliinikkut tuniniaanerit, aamma
- 3) pigisanik nalilinnik, qularnaveeqqusiissanik toqusup qimataaneersunik imaluunniit akiliisinnaajunnaartup pigisaneersunik, tuniniaanerit.

Pinngitsaaliinikkut tuniniaanissamik noqqaassut

§ 635. Pinngitsaaliinikkut tuniniaanissamik noqqaassut tunniunneqartassaaq eqqartuussutinik naammassinniniaasartumut, tuniniaanermik ingerlatsisussamut, tak. § 597, imm. 1 aamma 4, aamma § 601. Noqqaassut allaganngorlugu suliaassaaq paassisutissartaqassaarlu suliassap suliarinissaanut pisariaqartinneqartunik, aammuq qularnaveeqqutitut sillimmasiussinerup suliarineqarnerata assilineqarneranik ilanggussisoqassaaq. Tuniniaanermi periaasissanik siunnersueteqartoqarsinnaavoq. Akiitsilik ingerlatsiviuppat aammattaaq ilangunneqassaaq ingerlatsivik sinnerlugu atsiorsinnaatitaanermut uppermarsaatip assilineqarnera Erhvervs- og Selskabsstyrelsenimeersoq.

Piffissaq pinngitsaaliinikkut tuniniaalerfissaq

§ 636. Eqqartuussutinik naammassinniniaasartup sianigissavaa qularnaveeqqutitut sillimmasiussineq pillugu aalajangiinermik piffissaq aalajangeqqitassanngortitsivissaq, tak. § 706, qaangiutereertinnagu tuniniaasoqannginnissaa. Qularnaveeqqutitut sillimmasiineq pillugu aalajangiinerup aalajangeqqitassanngortitaaneranit uppermarsaatissanik saqqummiussisoqarpat pinngitsaaliinikkut tuniniaanissaq aalajangeqqitassanngortitsissutip suliarineqarnerani unitsikkallarneqassaaq.

Imm. 2. Eqqartuussutinik naammassinniniaasartoq piffissami siusinnerusumi pinngitsaaliinikkut tuniniaanissamik aalajangiisinnavoq, qularnaveeqqutitut sillimmasiussasut asiujasuuappata imaluunniit piffissap aalajangeqqitassanngortitsivissap naanissaanut uninngatinneqarneqassaaq.

Kalerrriisarneq

§ 637. Pinngitsaaliinikkut tuniniaasitsisoqalersinnagu eqqartuussutinik naammassinniniaasartup pisassallit ilisimaneqartut tamaasa, pigisamut nalilimmut tunngatillugu pisinnaatitaanerat imaluunniit pisussaaffii tuniniaanermiit sunnerneqassasorineqartut, kalerrissavai.

Nalunaarut

§ 638. Eqqartuussutinik naammassinninniaasartoq §§ 646-mut, 647-mut aamma 660-imut naapertuuttumik pinngitsaaliinikkut tuniniaasitsinissap nalunaarutaanissaanik aalajangiiffiginnissaaq.

Aningaasartuutit

§ 639. Pinngitsaaliinikkut tuniniaanermi aningaasartuutit tuniniaaqqusisup akiligassarai. Taakku pinngitsaaliinikkut tuniniaanermi akissatut neqeroorutaasup avataatigut pisisumit inaarutaasumik akilerneqassapput – taamaattorli pinngitsaaliinikkut tuniniaanissaq pillugu piumasarisan aningaasat annerpaffissaattut taaneqartunut killilerlugit. Eqqartuussutinik naammassinninniaasartup aalajangersinnaavai tuniniaaqqusisup aningaasartuutaasussanut qularnaveeqqusiiressaa taakkualu annertussusissaat suussusissaallu.

Tuniniaanermut iluaqutaasussatut iliuusissat

§ 640. Eqqartuussutinik naammassinninniaasartoq tuniniaanermut iluaqutaasussanik sukkulluunniit aalajangersaasinnavaoq. Pinngitsaaliinikkut tunisaqarneq pisassaaq annerpaaamik akiliuumasumut.

Pinngitsaaliinikkut tuniniaanissami naammassisassat

§ 641. Eqqartuussutinik naammassinninniaasartup qularnaartassavaa pisiumallutik nalunaaruteqartut pinngitsaaliinikkut tuniniaanermut piumasaqaatinik ilisimatinneqartarnissaat.

Piginnaatitaanerit atorunnaarnerat

§ 642. Pinngitsaaliinikkut tuniniaaneq kapitalimut matumunnga naapertuuttumik pisimappat, piginnaatitaaffit ilisimaneqanngitsut, nalunaarsorneqanngitsut, pinngitsaaliinikkut tuniniaasoqalersinnagu atortinniarneqarsimangngitsut, eqqunngitsumik tunngavillit tamarmik atorunnaassapput, allap piginnittuusinnaanera eqqaassanngikkaanni.

Imm. 2. Pisisoq tuniniaanermi piumasaqaatinik naammassinnissimappat pigisaq nalilik pillugu piginnaatitaaffit matussuserneqanngitsut atorunnaassapput. Eqqartuussutinik naammassinninniaasartup isumagissavaa tamatuma eqqaamasassatut allanneqarnissaa, piginnaatitaaffit nalunaarsorneqarsimappata.

Inuttut piumasaqaatinik ikililerineq

§ 643. Qularnaveeqqusiusamik imaluunniit qularnaveeqqutit sillimmasiisummik pisassalik, pinngitsaaliinikkut tuniniaaneq aqqutigalugu pigisamik nalilimmik, pisassaminut tamakkiisumik matussusiinngitsumik akiilluni tigusaqarsimasoq piumasaqaatimi sinnerinik nammineq inuttut pisassamisut akiitsulimmut allanulluunniit akileeqqusippat, eqqartuussiviup pisassat ikilisissinnaavai, pigisap nalillip tunineqarnerani allatulluunniit iliornikkut kingusinnerusukkut uppernarsineqarpas tigusinermi akigititaq pigisap nalillip nalinganut piffissami pisiffiusumi naleqqussimangitsoq. Suliassaq suliassiissutaassaaq suliarineqassaarlu saqitsaannermik suliassanik suliarinninneq pillugu malittarisassat malillugit.

Pinngitsaaliinikkut tuniniaanermi akigititamik agguataarineq

§ 644. Pinngitsaaliinikkut tuniniaaneq naammassiniariarpas eqqartuussutinik naammassinninniaasartup sanassavaa pinngitsaaliinikkut tunisaqarnerani akigititap soqtiginnittut tamarmiusut akornanni agguataarneqarnissaanut missingersuut. Missingersuussiaq pisassalinnut nassiuunneqassaaq kajumissaarutigineqarluni akerliliissutissaqartoqaruni eqqartuussutinik

naammassinniniaasartup piffissaliussimasaq qaangiutsinnagu akerliliisummik
saqqummiussisoqassasoq. Piffissaliussaq qaangiutsinnagu missingersuussiamut
akerliliissuteqartoqanngippat pinngitsaaliinikkut tunisaqarnermi akigititaq tamanna naapertorlugu
agguaatareneaqassaaq, akiliutit takkusuunnerat naapertorlugu.

Imm. 2. Piffissaliussaq qaangiutsinnagu akerliliissutinik saqqummiussisoqarpat eqqartuussutinik
naammassinniniaasartoq soqutiginnittunik akerliliissuteqartunik ataatsimiigiaqqusissaq.
Eqqartuussutinik naammassinniniaasartup pinngitsaaliinikkut tunisaqarnermi akigititap
agguaatareneaqarnissa aalajangiinikkut, tunngavilersorneqartussakkut, aalajangiiffigissavaa.

Akerliliissutit

§ 645. Pinngitsaaliinikkut tuniniaanissamik suliassap suliarineqarnerani illuatungerioqqaartut
qularnaveeqquitut sillimmasiussinerup inatsisinut naapertuuttuunera pillugu imaluunniit tuniniaanissaq
sioqullugu isumaqtigiissut inatsisitigut pisussaaffiliisut inatsisinut naapertuuttuunerat pillugit
akerliliissuteqarsinnaanngillat.

Pigisanik nuunneqarsinnaasunik pinngitsaaliinikkut tuniniaaneq

Nalunaaruteqarneq

§ 646. Pigisanik nuunneqarsinnaasunik pinngitsaaliinikkut tuniniaanissaq minnerpaamik sapaatip
akunnera ataaseq sioqullugu nalunaarutigineqartassaaq, qularnaveeqquummik pisassalinnut
pisassalinnullu allanut ilisimaneqartunut allagaqarnikkut kiisalu najugarisami atuagassiaq
siammaannerpaasartoq kiisalu aviisi nuna tamakkerlugu saqqummersartoq minnerpaamik ataaseq
aqqutigalugu allagarsiinikkut. Najugarisami piukkunnartumik atuagassiaqanngippat nalunaarut
komminip allagarsiifarfiagut tamanit takuneqarsinnaanngorlugu nalunaarutigineqassaaq.
Eqqartuussutinik naammassinniniaasartoq naliliippat pigisap nuunneqarsinnaasup
qularnaveeqquisunneqarsimasup nalinga aviisimi nuna tamakkerlugu saqqummersartumi
nalunaaruteqarnermi aningaasartuutinut naleqqutinngitsuusoq, aviisikkut nalunaaruteqarnissamik
piumasqaat tessani pinngitsoorneqarsinnaavoq.

Imm. 2. Pigisaq nuunneqarsinnaasoq asiujasuuuppat, naleerutiasuuuppat imaluunniit toqqortarineranut
atasumik aningaasartuutissat naleqqutissanngippata eqqartuussutinik naammassinniniaasartoq
sivikinnerusumik piffissaliilluni pinngitsaaliinikkut tuniniaasitsisinnaavoq.

§ 647. Nalunaarummi erseqqissumik eqqorluartumillu taaneqassapput piffissaq sumiiffillu
pinngitsaaliinikkut tuniniaavissaq kiisalu pigisat tuniniarneqartussat nalinginnaasumik taaguutaat
allanneqassaaq, pigisat immikkut naleqarnerit erseqqissarlugit.

Pinngitsaaliinikkut tuniniaanissamut naammassisassatut piumasqaatit

§ 648. Akiligassaqarfigisaq, pinngitsaaliinikkut tuniniaanissamik noqqaassuteqarsimasoq, tuniniaaneq
pillugu piumasqaatiliussaaq, taassuma ilaatigut imarissavai tuniniaanermi periaasissaq,
akisussaaffiginnineq, pisinermi akigititap akilerneqarnissaa immaqalu minnerpaatut akeq, taakkulu
eqqartuussutinik naammassinniniaasartumut akuersissutigisassanngorlugin nassiutissavai.
Eqqartuussutinik naammassinniniaasartup misissortassavaa pinngitsaaliinikkut tuniniaanermut
naammassisassatut piumasqaatit pigisap nalillip nalinganut tunineqarsinnaaneranullu naleqqiullugit
naleqquttuunersut.

Akigungasamik allakkatigut neqerooruteqarneq

§ 649. Allakkatigut neqerooruteqarnermi eqqartuussutinik naammassinniniaasartup akiitsulik kajumissaassavaa neqeroorutaasunik ammarterinermi najuuteqqullugu.

Tamanut ammasumik akitsorterussineq

§ 650. Tamanut ammasumik akitsorterussinikkut eqqartuussutinik naammassinniniaasartoq pigisanik ataasiakkaanik tuniniaassaaq. Eqqartuussutinik naammassinniniaasartoq naliliiguni akitsorterusseqqinnikkut annertunerujussuarnik neqerooruteqartoqarnissaq anguneqarsinnaasoq, aalajangiisinnavaoq aappassaaneersumik naggataarutaasumillu akitsorterussisoqassasoq.

Imm. 2. Akiitsulik aningaasartuutissanut qularnaveeqquitissanik ingerlaannaq akiliinermigut akitsorterussineq pillugu ataatsimiinnermi akitsorterusseqqittoqarnissaanik piumasaqarsinnaavoq, aningaasartuutissat taakku annertunerusumik neqerooruteqartoqarneratigut matussuserneqassanngippata. Taamatorpiaq iliorsinnaavoq pisassalik kinaluunniit, akiliutissatut neqerooruteqarnikkut tamakkiisumik matussusiivigineqanngitsoq.

Illumik, umiarsuarmik silaannakkoortaatinillu pinngitsaaliinikkut tuniniaaneq

Akiligassalimmik ilitsersuineq

§ 651. Eqqartuussutinik naammassinniniaasartoq allakkatigut ilitsersuusiamik akiitsulimmut nassiuississaaq. Ilitsersuusiap imarissavai eqqartuussinermi sinniisitut pisinnaatitamik ivertitsivigineqarnissamut periafissaqarneranik aamma illup nammineq kajumissutsimik tuniniarneqarsinnaaneranik paassisutissat. Akiitsulik eqqartuussutinik naammassinniniaasartumut imaluunniit eqqartuussivimmut saaffiginnissinnaavoq ilitsersuusiap erseqqinnerusumik itisileriffigineqarnissaq pillugu. Illu akiitsulimmit taassumaluunniit ilaquaanit najugarineqarpat eqqartuussutinik naammassinniniaasartup communalbestyrelsi pinngitsaaliinikkut tuniniaanissamik noqqaassut pillugu ilisimatissavaa.

Eqqartuussinermi nammineq sinnerluni pisinissaatitamik ivertitsineq

§ 652. Eqqartuussutinik naammassinniniaasartoq pinngitsaaliinikkut tuniniaanissap suliarineqarnerani sukkulluunniit akiitsulik eqqartuussivimmi sinniisitut pisinnaatitassaanik ivertitsivigisinnavaa. Akiitsullip inuttut atugarisai pissutigalugit eqqartuussinermi sinniisimik ivertitsinissaq pisariaqartinneqassappat ivertitsinermi aningaasartuutit eqqartuussutinik naammassinniniaasartup erseqqinnerusumik aalajangiinera malillugu tamakkiisumik ilaannakuusumilluunniit naalagaaffiup karsianit inaarutaasumik akilerneqarsinnaapput. Pisuni allani eqqartuussutinik naammassinniniaasartup akiitsulik imaluunniit pinngitsaaliinikkut tuniniaaneq naammassineqassappat taamatut tuniniaanermi pisisoq pisinermi akiusup saniatigut naalagaaffiup karsiata aningaasartuutanut taarsiissuteqartussanngortissavaa. Eqqartuussinermi sinniisitut pisinnaatitap akissarsiassai aningaasartuutinullu taartisiassai pillugit nammineq aningaasartuutiginngisamik eqqartuussisulersuussisarnermi malittarisassat assingi atortinneqassapput, tak. kapitali 21.

Piareersaataasumik ataatsimiinneq

§ 653. Eqqartuussutinik naammassinniniaasartup akiitsulik pisassallillu tamaasa piareersaataasumik ataatsimiinissamut aallaaviusumik aggersassavai, oqaloqatigiissutissanngorlugu illup tuniniarnerani periaassisaaq piumasaqaatillu. Isumaqtigiiqinnermi eqqartuussutinik naammassinniniaasartup tuniniaariaassisaaq aalajangiiffigissavaa. Eqqartuussutinik naammassinniniaasartup misissussavaa illu isumannaatsumik naliliiffigineqarsimanersoq. Akitsorterussisoqassappat tamatuma qaqugu pinissaa piareersaataasumik ataatsimiinnerup naammassilernerani sapinngisamik aalajangerniarneqartassaaq.

Imm. 2. Tuniniaasartup tuniniaareernissaanut imaluunniit akiitsullip nammineq tuniniaareernissaanut kinguartitsigallartoqassappat, tak. §§ 654 aamma 655, orniguttut tuniniaasartup tuniniaanissaanut piffissaritaasup qaangiuffissaa imaluunniit nammineerluni tuniniaanissamut piffissaritaasoq pillugu ilisimatinneqassapput, tamannalu ilutigalugu aalajangiiffiusumik ataatsimiinnissamut aggersarneqarsinnaapput, tak. 656.

Tuniniaasartumik ikiorteqarluni tuniniaaneq

§ 654. Pisuni immikkut ittuni eqqartuussutinik naammassinninniaasartup aalajangersinnaavaa piffissami erseqqinnerusumik aalajangerneqartumi tuniniaasartutut piginnaatitaasoq tuniniaassasoq, ilanngullugu aalajangersinnaallugu neqerooruteqartoq neqeroorutiminit qanoq sivisutigisumik pituttorsimaneqassasoq. Tuniniaasartumut akissarsiirititassat eqqartuussutinik naammassinninniaasartumit annertussusilerneqassapput. Taakku akiitsulimmit akilerneqassapput imaluunniit pinngitsaaliinikkut tuniniaaneq naammassineqarpat pisisumit pisinermi akigititamit siumoortumik akilerneqassapput.

Nammineq tuniniaaneq

§ 655. Eqqartuussutinik naammassinninniaasartup pisuni immikkut ittuni akiitsulik pinngitsaaliinikkut tuniniaanissap pinngitsoortinniarnissaanut sapaatip akunneri sisamat tikillugit piffissaliivigisinnaavaa. Pissutsit immikkut ittut tamatumunnga tunngavissaqartitsippata eqqartuussutinik naammassinninniaasartoq piffissaliussamik sivitsuisinnaavoq.

Imm. 2. Eqqartuussutinik naammassinninniaasartup pinngitsaaliinikkut tuniniaanissaq kinguartissinnaavaa akiitsullip, akiligassaqaarfigisap pinngitsaaliinikkut tuniniaanissamik noqqaassuteqartup imaluunniit qularnaveeqquummik pisassallip, illumut neqerooruteqartitsiniarnissaq kissaatigissappagu.

Aalajangiiffiusumik ataatsimiinneq

§ 656. Aalajangiiffiusumik ataatsimiinnermi eqqartuussutinik naammassinninniaasartup neqeroorutit takkussimasut akuersarsinnaavai imaluunniit aalajangiisinnaavoq akitsorterussinissaq qaqgu sumilu pissasoq. Eqqartuussutinik naammassinninniaasartup neqeroorutit akiitsullip akuersaarumanngisai imaluunniit neqeroorutit akiligassanut tamarmiusunut matussusiihinnaanngitsut akuersarsinnaanngilai.

Akiligassalimmik illumit qimagutsitsisarneq

§ 657. Eqqartuussutinik naammassinninniaasartup aalajangiiffigissavaa akiitsulik qaqgu illumit nuussasoq. Eqqartuussutinik naammassinninniaasartup attartornermi akiiliutissaq akiitsullip akiligassaa annertussusilissavaa.

Imm. 2. Pinngitsaaliinikkut tuniniaanissaq pillugu noqqaassut pineqaraangat akiitsulik immaqalu atuisut illumit pisiumallutik soqtiginnittunut qimerluuataarisinnaatisssapput.

Illumi atortulersuutit

§ 658. Pinngitsaaliinikkut tuniniaanissamik noqqaassummi pigisat nuunneqarsinnaasut illumut atasut ilanngunneqarsimanngippata imaluunniit taakku ilaannaat ilanngunneqarsimappata § 637 malillugu ilisimatissut tamanna pillugu paassisutissanik imaqqassaaq aamma qularnaveeqquummik aamma qularnaveeqquuttatut arsaarinnissutaasunik pisassallip pinngitsaaliinikkut tuniniaanerup tamakkuninnga ilaqaartitaanissaanik piumasaqaateqarsinnaanera pillugu paassisutissanik. Atortulersuutit allattorsimaffiat

eqqartuussutinik naammassinniniaasartumut tunniunneqassaaq illullu pinngitsaaliinikkut tuniniagaaneranut ilanngullugit nalunaarutigineqassaaq.

Tamanut ammasumik akitsorterussineq

§ 659. Pinngitsaaliinikkut tuniniaanissaq tamanut ammasumik akitsorterussinikkut pissappat akitsorterussineq ingerlanneqassaaq piumasaqaatit, Kalaallit Nunaanni Eqqartuussivimmi eqqartuussisup aalajangersarsimasai, sapinngisamik tunngavigalugit, tak. § 668. Tuniniaanissamik noqqaassuteqartoq isumasioqatigalugu aammalu tuniniaanerup sapinngisamik pitsaanerpaamik angusaqarfiunissaq pissutigalugu eqqartuussutinik naammassinniniaasartoq aalajangiisinhaavoq piumasaqaatit sanioqqunneqassasut.

Akitsorterussinissap nalunaarutigineqarnera

§ 660. Akitsorterussinissaq eqqartuussutinik naammassinniniaasartup erseqqinnerusumik aalajangiinera malillugu nalunaarutigineqassaaq. Nalunaarutip imarissavaa allakkatigut neqerooruteqarnissamik oqaatsitigut annertusisinneqarsinnaasumik kajummiissaarut. Allakkatigut neqeroorut eqqartuussutinik naammassinniniaasartumit tiguneqareersimassaaq kingusinnerpaamik pinngitsaaliinikkut tuniniaanissamut sap. akunnerani ulloq suliffusoq kingulleq.

Pinngitsaaliinikkut tuniniaanissamik noqqaassummik utertitsineq

§ 661. Akiligassaqarfigisap, pinngitsaaliinikkut tuniniaanissamik noqqaassuteqarsimasup, noqqaassutini tunuartissavaa akiitsullip pinngitsaaliinikkut tuniniaasoqalersinnagu akilerpagit piumasaqaataasut tamaasa, akiligassaqarfigisap illumi qularnaveeqquteqarneratigut qularnaarneqarsimasut kiisalu pinngitsaaliinikkut tuniniaanissap suliarineqarnerani aningaasartuutit.

Assigiinngiaartunik akiitsqarneq

§ 662. Illu pisataalu assigiinngitsunik akiitsortaqaarpata, eqqartuussutinik naammassinniniaasartup aalajangersinnaavaa taakku pinngitsaaliinikkut tuniniaanermi ataatsimoortillugit tuniniarneqassasut, imaluunniit illu immikkoortillugu tuniniarneqassasoq, qularnaveeqqusiusat ilaasa assigiinngitsunik akiitsortaqaarnerat pissutigalugu.

Imm. 2. Pinngitsaaliinikkut tuniniaaneq akitsorterussinikkut pissappat, qularnaveeqquuit ilai assigiinngitsunik akiitsortallit immikkuutaarlugit tuniniarlugit suaarutigineqqaassapput tamannalu pereerpat ataatsimoortillugit. Annerpaamik neqeroorutilik eqqartuussutinik naammassinniniaasartup akuerissavaa. Ataatsimoortunut neqeroorutaasut immikkoortillugit suaarutigineqartunit annertuneruppata imaluunnit naligiippata ataatsimoortumik neqeroorutaasut akuerineqassapput.

Imm. 3. Ataatsimoortitatut pinngitsaaliinikkut tunisoqassappat, pinngitsaaliinikkut tuniniaanermi akiusoq agguataarneqassaaq qularnaveeqqusiusap ilaasa assigiinngitsunik akiitsortallit nalingi naapeertorlugit, eqqartuussutinik naammassinniniaasartup naliliinera aqqtigalugu annertussusilerneqarsimasut.

Pisussaaffit illumut tunngasut

§ 663. Illu piginnittumut immikkut piumasaqaatitaqaarpat, atuinissamut piginnaatitsissutitaqaarpat, soraarnerussutisiatigut inuunerlu naallugu tuniuttakkatigut assigisaasigulluunniit pisussaaffeqarpat, illup tuniniarnerani nalinganut sunniutilinnik, eqqartuussutinik naammassinniniaasartup aalajangersinnaavaa illu pinngitsaaliinikkut tuniniaanikkut tunineqassasoq, siuliinisut taaneqartutut nammagassatigut pisussaaffittaqaqtinnagu.

Imm. 2. Pinngitsaaliinikkut tuniniaaneq akitsorterussinikut pissappat, illu siulliullugu suaarutigineqassaaq nanertuusiusap tigunissaanut pisussaaffittalerlugu. Tamanna sioqqullugu piumasaqaatinut salliusussaatitanut matussusiisinhaasunik neqerooruteqartoqanngippat illu taamatut pisussaaffittalernagu suaarutigineqassaaq.

Imm. 3. Illu imm. 1-imni taaneqartutut nanertuussiussaq ilanngunnagu tunineqassappat, taakku aningaasanngortinnejassapput inatsisini malittarisassat nalinginnaasut malillugit imaluunniit eqqartuussutinik naammassinninniaasartup naliliinera malillugu.

Imm. 4. Pisassalik pisassalinnit kingullinngortitanit salliuillugu pinngitsaaliinikkut tuniniaanermi akigititamit matussusiivigineqarsinnaatitaavoq, taakku naammannerisa annertussusaat naapertorlugu. Aningaasat pinngitsaaliinikkut tuniniaanermi iluanaarutisianit akilerneqassapput, tak. § 644, aammalu suliassiinermut ernialiunneqartartunik qaqugukkulluunniit atuuttunik ernialersorneqassapput piffissamiit pinngitsaaliinikkut tuniniaaviusumiit akiliisoqarnissaa tikillugu.

Neqeroorummik akuersissutiginninneq

§ 664. Neqeroorutigineqartup akuersaarneqarsinnaanera eqqartuussutinik naammassinninniaasartup aalajangiiffigissavaa.

Imm. 2. Ataatsimiinerup imaluunniit pinngitsaaliinikkut tuniniaanerup ingerlanerani neqerooruteqartoqarp, eqqartuussutinik naammassinninniaasartup akueriumasaanik, ataatsimiinermilu peqataasut akerliliissuteqanngippata, akuersaarneq kingusinnerusukkut akerlilerneqarsinnaanngilaq.

Imm. 3. Neqeroorutaasumut akerliliissummik saqqummiussisoqarpornigussimasut piginnaatitaassapput sapaatit akunneri sisamat qaangiutsinnagit pitsaanerusumik neqerooruteqarnissamut. Pitsaanerusumik neqerooruteqartoqanngippat eqqartuussutinik naammassinninniaasartup atuuttussanngortitsinera kingusinnerusukkut assortorneqarsinnaanngilaq.

Pinngitsaaliinikkut tuniniaaqqinneaq

§ 665. Pinngitsaaliinikkut tuniniaanissaq pillugu ataatsimiinnermi imaluunniit pingitsaaliinikkut akitsorterussinermi neqerooruteqartoqanngippat, akiitoqarfinnut tamanut matussusiisinhaasunik, imaluunniit neqeroorutaasoq akiitsulimmit akuersaarneqarsinnaanngippat, aammalu pisassallit § 664, imm. 3 malillugu pitsaanerusumik neqeroortitsinissamik noqqaassuteqanngippata tamanut ammasumik akitsorterussinikkut pinngitsaaliisummik tuniniaaqqinnissaq ullut 14-it qaangiutsinnagit noqqaassutigineqarsinnaavoq. Akiitsulik imaluunniit qularnaveeqquummik pisassalik taamatut akitsorterussinissamik noqqaassuteqartoq taamaaliornermi aningaasartutissanut ingerlaannaq qularnaveeqquisissaaq.

Imm. 2. Eqqartuussutinik naammassinninniaasartup imm. 1 malillugu pinngitsaaliinikkut tuniniaaqqinnissaq annertunerujussuarnik neqerooruteqarfiusinnaasoriguniuk aalajangersinnaavaa, pinngitsaaliinikkut tuniniaaqqinnermi aningaasartutissat naalagaaffiup karsiata akilissagai.

Imm. 3. Imm. 1 malillugu pinngitsaaliinikkut akitsorterussineq eqqartuussutinik naammassinninniaasartup aalajangiinera malillugu nalunaarutigineqassaaq, tak. § 660.

Akitsorterussinerni piginnittuunermut uppernarsaammik allagartaliuussisarneq

§ 666. Pinngitsaaliinikkut tuniniaanermi pisisoq piumasaqaatinik naammassinnissimappat eqqartuussutinik naammassinninniaasartooq pinngitsaaliinikkut tuniniaanermi pisisup piginnittuuneranut allagartamik pisisumut inummulluunniit taama ittumik pissarsisinnatitaasumut tunniussaqassaaq. Eqqartuussutinik naammassinninniaasartup isumagissavaa pinngitsaaliinikkut tuniniaanermi piginnittuulersup piginnittuunermut allagartaata nalunaarsorneqarnissaa, tak. § 642. Nalunaarsuisoqareerpat piginnittuunermut allagartaq Akileraartarnermut Pisortaqarfimmur nassunneqassaaq.

Isumaqtigiinnginneq

§ 667. Pinngitsaaliinikkut tuniniaanissamut atasumik isumaqtigiinngitqalerpat tamatuminnga apeqqut eqqartuussutinik naammassinninniaasartumit aalajangiiffigineqassaaq, tunngavilersorneqartussamik.

Malitassiatut naammassisassat

§ 668. Kalaallit Nunaanni Eqqartuussivimmi eqqartuussisoq pinngitsaaliinikkut tuniniaasarneq pillugu malitassiatut naammassisassanik aalajangersaasinnaavoq.

Umiarsuit aamma silaannakkoortaatit

§ 669. Umiarsuarnik silaannakkoortaatinillu nalunaarsukkanik kiisalu aalisarsinnaatitsissutinik umiarsuarmik tunisinermut atatillugu tuniniarneqartunut pinngitsaaliissummik tuniniaanermi §§ 651-668 taamatulli atortuutinnejassapput.

Kapitali 49

Qularnaveeqqusiuissaq atorneqarsinnaasoq

§ 670. Akiitsullip akiliisarnini sumiginarpagu imaluunniit illup qularnaveeqqusiuunneranut allagartaq naapertorlugu allatigut annertuumik sumiginnaappat, qularnaveeqqusiuussamik pisassalik eqqartuussutinik naammassinninniaasartup sulissuteqarneragut illumik atuisussanngortitaasinnaavoq, illumik ingerlatinskikkut isertitat aqqutigalugit piumasaqaatimi matussuserneqarnissaa siunertaralugu.

Imm. 2. Qularnaveeqquummik pisassallip pisinnaatitaanera piginnittusuup qularnaveeqqusiuinermut allagartaataanit imaluunniit ajunaaruteqartitsinnginnissaq pillugu allagartaataanit taperserneqarpat, akiitsut annertussusaat, akilerneqarnissaannullu piffissaliussaq akiitsulimmit upternarsarneqassapput imaluunniit pissutsinit erseqqisumik takuneqarsinnaassallutik.

Imm. 3. Akiliutissanik sumiginnaanerup nassatarisaanik qularnaveeqqusiuussamik atuilersinnaaneq pisinnaanngilaq qularnaveeqquummik pisassallip qularnaveeqqusiuisumut sumiginnaaneq pissutigalugu illumik atuisinnaalernermit allakkatigut nalunaaruteqareerneraniit sapaatip akunneri marluk qaangittereersinnagit.

§ 671. Qularnaveeqquummik pisassallip noqqaassutaanit takuneqarsinnaassaaq illu tamakkerlugu immaqalu aamma illumut atortulersuutit, qularnaveeqqusuisarneq pillugu inatsimmi § 2, imm. 2-mi taaneqartut, noqqaassummut ilaatinneqarnersut. Eqqartuussutinik naammassinninniaasartup pigisat nalillit, qularnaveeqquummik pisassalimmut atugassanngortitassat nalunaarsussavai.

Imm. 2. Qularnaveeqquummik pisassallip, illumik atuilernissamik noqqaassuteqartup, illumik qularnaveeqqutinik pisassalit allat kommunilu, illup inissisimaffigisaa, illumik atuisussatut tigusinerminik kalerrissavai. Qularnaveeqquummik pisassallip, eqqartuussummic naammassinninniaanermiit kingusinnerpaamik ullut 14-it qaangiunneranni, eqqartuussutinik naammassinninniaasartumut nassutiissavaa kikkut kalerrineqarsimanerannut allattorsimaffik.

Imm. 3. Suliassanik suliarinnitarneq pillugu aamma §§ 632-mi aamma 633-mi aningaasaanngitsutigut piumasaqaatinik allanik pinngitsaaliinikkut naammassinninniaasarneq pillugu malittarisassat taamatulli atortuutinnejassapput. Qularnaveeqqusisoq illumik atuilernissaq siunertaralugu tigusinermit ilisimatinneqartassaaq imaluunniit eqqartuussutinik naammassinninniaanissamut aggersarneqassalluni, eqqartuussutinik naammassinninniaasartup pingaarutiltsigut sianigisassat pissutigalugit suliassaq taamatut nalunaaruteqarani suliarineqartariaqarsorissanngippagu. Qularnaveeqqusiuisumut ilisimatitsineq

imaluunniit aggersaaneq nalinginnaasumik pisassaaq, pisussaq sivikinnerpaamik ullunik arfineq-marlunnik sioqqullugu, tamannalu qularnaveeqqusiisumut nalunaarutigineqartassaaq. Qularnaveeqqusiisoq taamatut nalunaarfingineqanngippat, qularnaveeqqummik pisassallip sapinngisamik piaernerpaamik suliassap naammassinninniaavigineqarnissaa qularnaveeqqusiisumut ilisimatitsissutigissavaa, tak. imm. 2, oqaaseqatigiit aappaat.

§ 672. Suliassaq suliarineqalersinnagu qularnaveeqqummik pisassalik qularnaveeqqutip sulissutiginerata nassatarisinnaasaatut taarsiissutissatigut piumasaqaataasinnaasunut qularnaveeqqusiisaaq. Eqqartuussutinik naammassinninniaasartup qularnaveeqqusiussassat annertussusissaat suussusissaallu aalajangiiffigissavai.

Imm. 2. Qularnaveeqqusiussat eqqartuussutinik naammassinninniaasartumit atorneqarsinnaalersinneqassapput, eqqartuussutinik naammassinninniaasartoq imaluunniit pigisanik agguassisarnermut eqqartuussivik illumilu qularnaveeqqummik pisassallit allat naatsorsuutinik tigusaqarneranniit sapaatit akunneri arfineq-pingasut qaangiukkaangata, tak. § 676, imm. 1, taarsiivigineqarnissamik piumasaqaammik eqqartuussutinik naammassinninniaasartumut saqqummiussisoqaranilu, imaluunniit akiitsulik imaluunniit pigisanik agguassisarnermut eqqartuussivik qularnaveeqqummillu pisassallit allat tamatumani isumaqataappata. Eqqartuussutinik naammassinninniaasartoq taarsiissutissat pillugit aalajangiissaq, tunngavilersorneqartussamik.

Imm. 3. Eqqartuussutinik naammassinninniaasartup suliassamik suliarinninnissaq piumasaqaatitalersinnaavaa qularnaveeqqummik pisassalik innersuussuteqaqqullugu inummik, pigisamik nalilimmik qularnaveeqqusiunneqarsimasumik inuussutissarsiornerup tungaatigut ingerlatsinissamut pisariaqartunik piginnaassusilimmik.

§ 673. Qularnaveeqqummik pisassalik piumasaqarsinnaanngilaq illup ilaaniq, qularnaveeqqusiisumit taassumaluuniit inoquaanit najugarineqartumik, piginnittunngortitaanissamik. Eqqartuussutinik naammassinninniaasartulli qularnaveeqqusiisup taassumaluuniit inoquaasa najugarisaminiiginnarsinnaanerat piumasaqaatitalerlugu taakkua qularnaveeqqummik pisassalimmut aningaasanik akiiluteqartaqqusinnaavai, annertussusissaat piffissarlu akilerneqartarfissaat inissiani taamatulli ittuni attartornermut piumasaqaatit atuuttut tunngavigalugit eqqartuussutinik naammassinninniaasartumit aalajangersarneqartussanik.

Imm. 2. Atortulersuutinut qularnaveeqqusiisarneq pillugu inatsimmi § 2, imm. 2-mi eqqartorneqartunut tunngatillugu § 618 aamma § 622 taamatulli atortuutinnejassapput.

§ 674. Qularnaveeqqummik pisassalik illumik atuigallartilluni piginnaatitaassaaq illup isertittagai pissallugit. Qularnaveeqqummik pisassalik piginnaatitaassaaq atortulersuutinik qularnaveeqqusiisarnermik inatsimmi § 2, imm. 2-mi eqqartorneqartunik tunisaqarnissamut allatigullu illumut tunngatillugu iliuuseqarnissamut, tamanna illumik ingerlatsinerup ilaatuat aalajangersimasumik pisartutut naatsorsuunneqarsinnaasutut isigineqarsinnaappat.

Imm. 2. Qularnaveeqqummik pisassallip pisussaaffigaa illumik atortulersuutaanillu isumannaatsuutitsinissaq aammalu naleqquttumik sillimasiinissaq kiisalu illumut tunngasutut akileraarutinik akitsuusiussanillu, illup atorneqarnerani akiligassanngortartussanik, akiliisarnissaq. Qularnaveeqqummik pisassallip pisussaaffigaa illup sarfamik, gassimik, imermik, kiassarnermik assigisaannillu pilersugaaneranut akiliisarnissaq, qularnaveeqqummik atuisinnaatitaaneq atuutsillugu. Qaammammi qaangiuttumi illumik ingerlatsinkkut angusat qaammatip naaneraniit ullut 14-it qaangiutsinnagit qularnaveeqqummik pisassallip eqqartuussutinik naammassinninniaasartumut qularnaveeqqusiisumullu ilisimatitsissutigisassavai.

Imm. 3. Illu qularnaveeqqusiissaq attartortinnejarpat qularnaveeqqummik pisassalik, qularnaveeqqummik atuisinnaatitaanermi pissutsit atuukkallartillugit, attartortitsisutut piginnaatitaaffeqalissaq pisussaaffeqalissallunilu attartornermik inatsimmut naapertuuttumik..

Imm. 4. Qularnaveeqqummik atuisinnaatitaanermi pissutsit atuukkallartillugit qularnaveeqqummik pisassalittut atuisinnaatitaasup pisussaaffigaa pisortaniit illumut tunngatillugu peqqussutaasunik illumik piginnituusup peqquneqarneratulli malinninnissaq.

§ 675. Qularnaveeqqummik pisassallip illumik atuisinnaatitaanera atorunnaartassaaq qularnaveeqqusiisup sumiginnaanera atuukkunnaaraangat, qularnaveeqqummik pisassalik salliutitaanerusussaq imaluunniit naligisatut salliutitassaq illumik atulernissamik noqqaassuteqaraangat, imaluunniit qularnaveeqqusiisumit allamilluunniit illumik pisassalimmit upternarsarneqarneqaraangat qularnaveeqqummik pisassalik § 674 malillugu pisussaaffimminik sumiginnaaasoq.

Imm. 2. Qularnaveeqqummik pisassalik piginnaatitaassaaq pisassalinnut salliutitaanerusussanut imaluunniit naligiimmik salliutitassanut aningaasanik akilerneqartussanngorsimasunik akiliinissamat.

Imm. 3. Qularnaveeqqummik pisassaqtitaaneq atorunnaassaaq illu pinngitsaaliinikkut tunineqarpat imaluunniit piginnituusoq akiliisinnaajunnaartutut nalunaarutigineqarpat, imaluunniit piginnituusup toquneratigut pigisai akiitsunik akuerinnikkumannginnertut pisortatigoortumik suliarineqartussanngorpata.

§ 676. Qularnaveeqqummik pisassalittut atuisinnaatitaanermut tunngasut atuukkunnaarpata imaluunniit atorunnaarpata qularnaveeqqummik pisassalik qularnaveeqqummik atuinini pillugu naatsorsuutinik eqqartuussutinik naammassinniniaasartumut, qularnaveeqqusiisumut aammalu illumi qularnaveeqqummik pisassalinnut tamanut piaernerpaamik saqqummiussissaq. Qularnaveeqqummik atuisinnaatitaanermut tunngasut akiliisinnaajunnaarnerup imaluunniit piginnituusup toquneratigut pigisaasa akiitsunik akuerinnikkumannginnertut suliarineqarnerisa nassatarisaattut atorunnaarpata, naatsorsuutit pigisanik agguassisarnermut eqqartuussivimmut saqqummiunneqassapput. Naatsorsuutit kingusinnerpaamik saqqummiunneqassapput pinngitsaaliinikkut tuniniaanissaq ilisimatitsissutigineqaraangat.

Imm. 2. Naatsorsuutit qularnaveeqqummik pisassallip atuisinnaatitaasup isertitai aningaasartuutaalu tamaasa pillugit paassisutissanik imaqassapput. Aningaasartuutit, tamakkiisumik ilisimatitsissutaasinnaanngitsut, aatsaat ilanngunneqarsinnaapput suussusaat missangikkatullu annertussusaat naatsorsuutinik saqqummiussinermi ilisimatitsissutigineqaraangata.

Imm. 3. Qularnaveeqqummik pisassalittut atuisinnaatitaasoq nammineq sulisorisamilu illumik ingerlatsinermut atatillugu sulinerminnut akissarsiassaannik naleqquttunik naatsorsuisinnaavoq.

Imm. 4. Qularnaveeqqummik pisassalittut atuisinnaatitaaneq pinngitsaaliinikkut akitsorterussinerup nassatarisaatut atorunnaassappat aammalu qularnaveeqqummik atuisinnaatitaasup naatsorsuutai sinneqartooreqarfiusappata, qularnaveeqqummik pisassallip taakku qularnaveeqqusiisumut taassumaluunniit pigisaanik pisassalimmut akilissavai.

Imm. 5. Naatsorsuutit pillugit isumaqatigiinngissuteqarneq eqqartuussutinik naammassinniniaasartumut aalajangiiffiqeqassaaq, tunngavilersorneqartussamik.

§ 677. §§ 670-676 aamma atortuutinneqassapput aalisarsinnaatisissutinut, umiarsuarnut silaannakkoortaatinullu nalunaarsukkanut qularnaveeqqusiunneqarsimasunut.

Kapitali 50

Pigisanik arsaarinnikkallartarneq

§ 678. Eqqartuussutinik naammassinniniaasartoq aningaasatigut piumasaqaatinut qularnaveeqquqtiissatut pigisanik arsaarinnikkallarsinnaavoq,

1) piumasaqaammut qularnaveeqqutitut sillimmasiussisoqarsinnaanngippat aamma

2) isumaqartoqartariaqarpat kingusinnerusukkut matussusiivigineqarsinnaaneq assut ajorseriassasoq.

Imm. 2. Pigisanik arsaarinnikkallartoqarsinnaanngilaq piumasaqaat tunngavissaqanngitsutut isumaqarfingineqarpat.

Imm. 3. Silaannakkoortaatnik, naalagaaffit takornartat umiarsuaannik umiarsuillu usiinik naalagaaffinnit takornartanit pigineqartunik aatsaat arsaarinnikkallartoqarsinnaavoq inatsisini allani tamanna pillugu malittarisassat malillugit.

Imm. 4. Imaatigut angallannermi inatsisitigut piginnaatitaaneq tunngavigalugu piumasaqaatit isumannaarneqarnissaat siunertaralugu umiarsuarmik arsaarinnikkallartarneq pillugu suliassat umiarsuup aallarnissaanik inerteqqutitallit imarsiorneq pillugu inatsimmi kapitali 4 malillugu suliarineqartassapput.

§ 679. Pigisanik arsaarinnikkallarnissaq sulissutigineqalersinnagu imaluunniit arsaarinnikkallarnissaq sioqqullugu eqqartuussutinik naammassinniniaasartup aalajangersinnaavaa akiligassaqarfingisaq arsaarinnikkallarnermut piumasaqaatitut akiitsullip arsaarinnikkallarnermi ajoquserneqarnissaanut akornuserneqarnissaanullu qularnaveeqqusiissasoq. Eqqartuussutinik naammassinniniaasartup qularnaveeqqusiissutissat suunissaat annertussusissaallu aalajangiiffigissavaa.

§ 680. Pigisanik arsaarinnikkallarnissaq pinngitsoortinnejqarsinnaavoq imaluunniit atorunnaarsinneqarsinnaavoq akiitsulik eqqartuussutinik naammassinniniaasartup isumaa malillugu akiligassaqarfingisap piumasaanut naammaginartunik qularnaveeqqusiippat, ernianik ernialiussaareersunik ernialiussassatullu missangikkanik kiisalu arsaarinnikkallarnermik, suliassap sulissutigineranut, piumasaqaatillu pillugit suliassap suliarineranut atasumik aningaasartututissatut ilimagisanik ilasanik.

§ 681. Pigisanik arsaarinnikkallarnissamik noqqaassut allakkatigut Kalaallit Nunaanni Eqqartuussivimmuit tunniunneqartassaaq. Noqqaassut paassisutissartaqassaaq pissusiviusunik, akiligassaqarfingisap patsisiginiaaganik, aammalu paassisutissanik suliassap suliarinissaani pisariaqartunik. Noqqaassummut ilanngunneqassapput allakkatigut uppermarsaatissat patsisiginiarneqartut. Eqqartuussisut paassisutissanik allakkatigullu uppermarsaatissanik pissarsiniarnissamut piffissaliisonnaapput.

Imm. 2. Suliassamik suliarinnineq pillugu taamatulli atortuutinnejqassapput pinngitsaaliinikkut naammassinniniaasarneq pillugu malittarisassat suliassat assigiinngissutaasa nassatarisaannik allanguutitalerlugit.

§ 682. Eqqartuussutinik naammassinniniaasartup pigisat nalillit arsaarinnissutaagallartut uppermarsarlugit akiitsulimmuit nalunaarutigissavai taannalu ilitsersussavaa arsaarinnikkallarnerup inatsisitigut kingunerisassaanik, matumunnga ilanngullugu akiligassaqarfingisap piginnaatitaaffiinut akerliusumik pigisanik nalilinnik atuinissap pinerluttulerinermi inatsit malillugu akisussaatinneqarnermik nassataqarsinnaaneranik.

Imm. 2. Eqqartuussutinik naammassinniniaasartup aalajangersinnaavaa akiitsulik pigisanik nuunneqarsinnaasunik arsaarinnissutigineqarallarsimasunik arsaarneqassasoq, ilimagineqartariaqarpat taamaaliunngikkaanni piumasaqaatit matussuserneqarnissaat ajornarnerulissasoq. Pigisat nuunneqarsinnaasut eqqartuussutinik naammassinniniaasartumit imaluunniit allamit taassuma tamatumunnga piginnaatitaanit toqqortarineqassapput, akiligassaqarfingisap akiligassaanik. Aningaasaannarnik aammalu pigisat nuunneqarsinnaasut akiitsoqarfinginerinut allagartanik arsaarinnittoqarallarnerani aningasat akiitsulluunniit allagartaat eqqartuussutinik naammassinniniaasartumit paarineqassapput. Aningaasatigut pisassanik arsaarinnittoqarallanermi pisassat eqqartuussutinik naammassinniniaasartumut akilerneqassapput.

§ 683. Akiligassaqarfingisaq arsaarinnittoqarallarneraniit sapaatip akunnera ataaseq qaangiutsinnagu eqqartuussisunut suliassiissuteqassaaq piumasaqaatit arsaarinnissutigineqarallartussanngortinnejqartut

pillugit, akiitsulik arsaarinnittooqarallarnerani imaluunniit tamatuma kingorna malersugassaajunnaarsitsisimanngippat. Suliassap tamatuma suliarinerani akiligassaqarfigisaq aammattaaq immikkoortumik piumasaqarsinnaavoq arsaarinnikkallarnissap atortuulersinneqarnissaa pillugu.

Imm. 2. Piumasaqaatit pineqartut pillugit eqqartuussisutigut suliassiissut siullermeeriffiusumik eqqartuussinermi ingerlanneqarpat akiligassaqarfigisaq arsaarinnikkallartussanngortitsinermiit sapaatip akunnera ataaseq qaangiutsinnagu piumasaqaatimi unitsinneqarnissaannik aamma eqqartuussivimmum tassunga suliassiissuteqassaaq.

Imm. 3. Piumasaqaatit pineqartut pillugit siullermeeriffiusumik eqqartuussinermi eqqartuussuteqartoqarsimappat arsaarinnikkallarnissamik suliassaq eqqartuussivimmum eqqartuussuteqarsimasumut suliassiissutigineqassaaq. Eqqartuussisut suliareqqitassanngortitsisoqartillugu arsaarinikkallarneq pillugu suliassap suliarineqarnissaanik tamakkiisumik ilaannaakuusumilluunniit kinguartitsigallarsinnaapput.

Imm. 4. Piumasaqaatit arsaarinnikkallarnissamut tunngassutillit pillugit eqqartuussisulersuussinissaq nunani allani eqartuussivikkut suliassiissutaassappat suliassaq arsaarinnikkallagassanngortitsinermiit sapaatit akunneri marluk qaangiutsinnagit suliassiissutigineqassaaq. Piffissaliussaq aamma taamatut sivisutigisoq qaangiutsinnagu Kalaallit Nunaanni suliassiisoqartassaaq.

Imm. 5. Piumasaqaat pineqartoq pillugu eqqartuussivikkut suliassamik nunami allami eqqartuussivimmi, aalajangiinissa Kalaallit Nunaanni pinngitsoorani malitassatut kinguneqartussatut isumaqafisariaqartumi, ingerlasoqarpat, imm. 1 malillugu suliassiissutaasup aalajangiiffiginissa kinguartinneqassaaq nunami allami suliassap inatsisit naapertorlugit malitassatut aalajangiiffigineqarnissaa tikillugu. Taamaattorli eqqartuussisut arsaarinnikkallartussanngortitsinerup ilumut atortuulersinneqarsinnaaneranik apeqquut aalajangiiffigisinhaavaat.

Imm. 6. Imm. 1-5 taamatulli atortuutinneqartassapput arsaarinnikkallartussanngortitsineq qularnaveeqquissuteqarnikkut pinngitsoortinneqarsimagaangat.

§ 684. Akiligassaqarfigisap eqqartuussisutigut suliassiinissamut pisussaanera atorunnaassaaq akiitsulik arsaarinnikkallartussanngortitsisoqarnikkut akiilsinnaajunnaarpat imaluunniit toquppat, toqusullu pigisai kingornussisusanut akiitsutigut akisussaaffittaqanngitsumik pisortatigoortumik pigisanik aguaassisartunit suliarineqarpata.

Imm. 2. Akiligassaqarfigisap qularnaveeqquissai uninngatinneqarunnaassapput arsaarinnikkallartussanngortitsinermiit imaluunniit arsaarinnikkallartussanngortitsineq pillugu suliassap atorunnaareerneraniit qaammatit pingasut qaangiuppata, pigisallu tunngaanniit taarsiivigineqarnissaq pillugu eqqartuussisutigut suliassiisoqanngippat.

§ 685. Pigisanik arsaarinnikkallartussanngortitsineq pillugu suliassap suliarineqarnerani aalajangiiffigineqartassaaq arsaarinnikkallartussanngortitsineq inatsisinut naapertuuttumik pisimanersoq. Akiitsulik arsaarinnikkallartussanngortitsineq pillugu suliassap suliarineqarnerani arsaarinnikkallartussanngortitsinerup inatsisinut naapertuutunera pillugu akerliliissutinik tamanik saqqummiussisinnaavoq. Piumasaqaat pineqartoq pillugu apeqquut immikkoortillugu suliarineqassappat piumasaqaatip eqqortuuneranut akerliliissutit suliassap tamatuma suliarineqarnerani saqqummiunneqassapput.

§ 686. Arsaarinnikkallartussanngortitsineq atorunnaarsinneqarsinnaavoq arsaarinnikkallartussanngortitsineq pillugu suliassami eqqartuussutikkut imaluunniit piumasaqaatit pillugit eqqartuussutikkut. Arsaarinnikkallartussanngortitsineq atorunnaartassaaq piffissaq suliareqqitassanngortitsivissaq naagaangat, suliareqqitassanngortitsisoqarsimannngippat allatulluunniit aalajangiisoqarsimannngippat.

§ 687. Pigisanik arsaarinnikkallartussanngortitsineq eqqartuussutinik naammassinniniaasartumit atorunnaarseqquneqarsinnaavoq akiligassaqarfigisaq arsaarinnikkallartussanngortitsineq pillugu suliassiissuteqanngippat imaluuniit piumasaqaatinut tunngatillugu piffissaliussat § 683-imi taaneqartut qaangi-

utsinnagit suliassiissuteqanngitsoorpat, imaluunniit suliassat taakkua arlaat itigartitsissutigineqarpat imaluunniit atorunnaarsinnejqarpat.

Imm. 2. Pigisanik arsaarinnikkallartussanngortitsineq tamakkiisumik ilaannakuusumilluunniit atorunnaarsinnejqarsinnaavoq pissutsit, arsaarinnikkallartussanngortitsinerup kingorna pisut, tunngavigalugit.

Imm. 3. Pigisanik arsaarinnikkallartussanngortitsineq atorunnaarsinnejqalersinnagu eqqartuussutinik naammassinniniaasartup akiligassaqarfigisaq oqaaseqaateqarnissaanut sapinngisamik periarfississavaa.

§ 688. Eqqartuussutinik naammassinniniaasartup aalajangiineri tunngavilersugaassapput.

Kapitali 51

Inerteqquteqarneq

§ 689. Kalaallit Nunaanni Eqqartuussivik inerteqquteqarnermigut inuinnaat aamma naalagaaffimmuit kommunimullu sinniisuitat, inuinnaat eqqartuussisulersuussineranni illuatungiliuttuusut, peqqusin-naavai pisassallip piginnaatitaneranut akerliusumik iliuuseqarnaveersaaqqulugit.

Imm. 2. Eqqartuussutinik naammassinniniaasartup inerteqquteqarnermut atatillugu kinaluunniit inerteqqummi pineqartoq (pisussaaffiligaq) inerteqqutikkut pinaveersaarisisatinniqarneq qularnaarniar-lugu ataasiakkaatigut iliuuseqarniaqqusinnaavaa.

Imm. 3. Silaannakkoortaatit, naalagaaffiit takornartat umiarsuaat umiarsuillu usii, naalagaaffinnit takornartanit pigneqartut, pillugit inerteqqummik aatsaat atuisoqarsinnaavoq inatsisini allani tamatumin-nga malittarisassat malillugit.

§ 690. Inerteqqut peqqussutigineqarsinnaavoq uppermarsineqarpat imaluunniit ilimanarsisinnejqarpat

- 1) iliuutsit inerteqqutigitinniarneqartut pisassallip piginnaatitaaffiinut akerliusut,
- 2) pisussaaffiligaq inerteqqutiginiarneqartunik iliuuseqassamaartoq, aamma
- 3) siunertarisat maangaannartussaasut, pisassalik nalinginnaasumik eqqartuussisutigoortitsinikkut pigin-naatitaanerminik atuisinniarneqarpat

§ 691. Inerteqquteqarnissaq piumasaqtigineqarsinnaanngilaq nalilerneqarpat pinerluttulerinermi inatsisitigut akisussaatitaaneq taarsiissuteqartarnerlu pillugit inatsimmi malittarisassat nalinginnaasut immaqalu pisussaaffilikamit qularnaveeqqusiusassatut neqeroorutit pisassalimmuit naammattumik illersuutaassasut.

Imm. 2. Eqqartuussutinik naammassinniniaasartup inerteqquteqarnissaq itigartitsissutigisinnavaa, tamanna pisussaaffiligaasumut ajoqsiissappat imaluunniit akornusersuutaassappat, pisassallip inerteqquteqartoqarnissaanik soqutiginninneranut ersarissumik naleqqutinngitsumik.

§ 692. Eqqartuussutinik naammassinniniaasartoq inerteqquteqarnissamut piumasaqaatitut aalajang-ersinnaavoq pisassalik pisussaaffillip inerteqqutikkut ajoquserneqarsinnaaneranut akornusersorn-eqarsinnaaneranullu qularnaveeqqusiasiisoqareerpat. Eqqartuussutinik naammassinniniaasartup qularnave-eqquissat suussusissaat annertussusissaallu aalajangissavaa.

Imm. 2. Eqqartuussutinik naammassinniniaasartoq qularnaveeqquseeqqusisimappat inerteqqut aatsaat nalunaarutaassaaq piumasarineqartutut qularnaveeqqusiasiisoqareerpat. Eqqartuussutinik naammassinniniaasartup illuatungeriit nalunaarfigissavai piffissamik inerteqqutip atuutilerfissaanik, piffissaq taanna eqqartuussinermi nalunaarutaareersimassanngippat, tak. § 132.

§ 693. Eqqartuussutinik naammassinniniaasartoq noqqaavigineqarnikkut inerteqqutip atuutsiinnarn-eqarnissaanut pisassalik ikiussavaa, matumunnga ilanggullugu inerteqqummik unioqqutitsaaluiinermi-gut kiisalu suulluunniit inerteqqummut akerliusumik iliuusaasut suujunnaarsittarnerisigut.

Imm. 2. Eqqartuussutinik naammassinniniaasartoq sunilluunniit arsaarinnissuteqarsinnaavoq, tamakku atorneqassappata atorneqarsimappataluunniit inerteqqummik unioqqutitsinermi imaluunniit aalajangersimasutigut tunngavissaqarpat ilimagissallugu siunertanut taama ittunut atorneqassamaartut.

Imm. 3. Pigisat arsaarinnissutigineqarallartut eqqartuussutinik naammassinniniaasartumit imaluunniit allamit taassuma tamatumunnga piginnaatitaanit toqqortarineqassapput pisassallip akiligaanik.

Imm. 4. Eqqartuussutinik naammassinniniaasartup arsaarinnissuteqarallarnissaq piumasaqaatital-ersinnaavaa pisassalik imm. 3-mi taaneqartutut aningaasartuutissanut qularnaveeqqusissasoq. Arsaarin-nikkallartussanngortitsineq aamma piumasaqaatitalerneqarsinnaavoq qularnaveeqquiissutit § 692 naapertorlugu aalajangersakkat gaffanneqassasut.

§ 694. Suliassamik suliariinninnermi pinngitsaaliinikkut naammassinniniaasarneq pillugu malit-tarisassat taamatulli atortuutinnejqassapput suliassat assigiinnginnerisa nassatarisaannik allannguutitaler-lugit.

§ 695. Eqqartuussutinik naammassinniniaasartup uppernarsaatissanik saqqummiinissaq, suliassap sukkasuumik suliarineqarnissaanut naapertuutinngitsuusorineqartoq, pinngitsoortissinnaavaa.

Imm. 2. Eqqartuussutinik naammassisitsiniaasartup sulissuteqarnerani pisassalik noqqaassumminik tunuartitsippat, imaluunniit inerteqqut atortinniarneqanngitsoorpat, imaluunnit inerteqqut pilersitaq ato-runnaarsinneqarpat noqqaavigineqarneq malillugu suliassamut aningaasartuutit pillugit aalajangiisoqas-saaq. §§ 243-253-imi aalajangersakkat taamatulli atortuutinnejqassapput.

§ 696. §§ 683-687 taamatulli atortuutinnejqassapput. Taamaattorli Kalaallit Nunaanni eqqartuussivik-kut suliassaq Kalaallit Nunaanni Eqqartuussivimmut suliassiissutigineqassaaq, aammalu § 683, imm. 1-imi suliassiissuteqarnissamut piffissarititaq sapaatit akunnerinik marlunniq sivissussuseqassaaq.

Imm. 2. Eqqartuussutinik naammassinniniaasartup pisussaaffiligaq ilitsersuutissavaa inerteqqutip inatsisitigut sunniutai pillugit, matumunnga ilanngullugu ilitsersuutigalugu inerteqqummik unioqqutitsineq § 699, imm. 1 malillugu pinerluttulerinermi inatsisitigut akisussatinneqarnermik nassataqarsin-naasoq.

§ 697. Inerteqqut pillugu suliassap eqqartuussutitaani imaluunniit § 699 naapertorlugu suliassiissutip eqqartuussutitaani aalajangersarneqassaaq pigisat arsaarinnissutigineqarallartut pillugit qanoq il-iuuseqartoqassasoq. Taamaattumik § 696, tak. § 687, naapertorlugu inerteqqummik atorunnaarsitsinermi aalajangiinermik taamaattumik aalajangiisoqarsinnaavortaaq. Aalajangiinermi arsaarinnissutaagallarsi-masut pisussaaffilikamut utertinnejqarsinnaapput imaluunniit arsaarinnissutaasinnaapput. Arsaarinnit-toqassappat arsaarinnissutaasut noqqaavigineqarnikkut atorneqassapput pisassallip taarsiivigineqarnis-samik piumasaqaataanut matussirutit.

§ 698. Eqqartuussutinik naammassinniniaasartup aalajangiineri tunngavilersugaassapput.

§ 699. Kinaluunniit eqqartuussutinik naammassinniniaasartup inerteqqutaanik piaaraluni unioqqutitsisoq pisassallip suliassiissutaata suliarineqarnerani akiliisitassanngortinnejqarsinnaavoq, tamatu-munngalu atatillugu taarsiissutissanik akiliisussanngortitaasinnaalluni.

Imm. 2. Imm. 1 taamatulli atortuutinnejqassaaq kimulluunniit eqqartuussutinik naammassinniniaasartup inerteqqutaanik unioqqutitsiniarnermi pisussaaffilikamut piaaraluni ikuuttumut.

Imm. 3. Akiliisitsinissamik imaluunniit taarsiissuteqartitsinissamik apeqqut kinguartikkallarneqarsin-naavoq inerteqqut pillugu suliassap aalajangiiffigineqarnissaanut.

Imm. 4. Ingerlatsiviit il.il. (inuit inatsisitigut pisinnaatitaasut pisussaatitaasullu) akisussatinneqarsin-naapput pinerluttulerinermi inatsimmi kapitali 5-imi aalajangersakkat malillugit.

§ 700. Arsaarinnissuteqarallarnissaq pillugu malittarisassat atorneqassapput piumasaqaatit akilerlugit tunniunneqannginnissaannik, umiarsuup aallatsaaliorneqarnissaanik imaluunniit pigisap suulluunniit nuunneqannginnissaannik allatulluunniit pigisamik taassuminnga atuinnginnissamik noqqaassummiq saqqummiussisoqarpal, tamatumuunalu siunertarineqarpal aningasatigut piumasaqaatinik naammass- inninnissaq pillugu qularnaariniarneq.

Kapitali 52

Aningaasaanngitsutigut piginnaatitaaffinnik il.il.ajoqsiinerni uppernarsaatissatigut qularnaarisarneq

§ 701. Piginnaatitaaffimmik piginnittumiit imaluunniit allamiit, tigussaanngitsumik piginnaatitaanermik akornuserneqarneq imaluunniit imm. 2-mi taaneqartutut unioqqutitsisoqarnera pillugu unnerluus-suteqarnissamut pisinnaatitaasumiit (suliassamik saqqummiussisoq), noqqaavagineqarnikkut Kalaallit Nunaanni Eqqartuussivik ajoqsiinermut imaluunniit unioqqutitsinermut tamatumalu annertussusaanut uppernarsaatissatigut qularnaarinissaq siunertaralugu aalajangiisinnavaoq, allami (suliassami pineqartoq) misissusoqassasoq,

- 1) ilimanaateqalersinneqarpal inuk suliassami pineqartoq inuussutissarsiutitut ingerlataqarnerup ilaatuut imaluunniit aamma annikigisassaanngitsumik imm. 2-mi taaneqartutut ajoqsiisimasoq imaluunniit unioqqutitsisimasoq, aamma
- 2) tunngavissaqarpal isumaqassalluni ajoqsiinermut imaluunniit unioqqutitsinermut tamatumalu anner-tussusaanut uppernarsaatissat inini ujaasiffigeqquasaasuni nassaassaasut.

Imm. 2. Kapitalimi matumani malittarisassat atortuutinnejqassapput makku pillugit uppernarsaatissa-tigut qularnaariniarnermi

- 1) pilersitseqqaartutut pisinnaatitaanermik tamatumunngaluunniit assingusunik pisinnaatitaaffinnik ajo-qusiineq, tak. pilersitseqqaartutut pisinnaatitaaneq pillugu inatsimmi §§ 2, 3, 45, 46, 48, 49 aamma 55-immi oqaaseqatigiit pingajui,
- 2) pilersitseqqaartutut pisinnaatitaaneq pillugu inatsimmi § 26-mi oqaaseqatigiit aappaannik pingajuinillu aamma §§ 51-imik aamma 52-imik unioqqutitsineq,
- 3) ilisserutinik ajoqsiineq,
- 4) nioqqusiat ilisarnaataannik ilisarnaatinillu kattussanik ajoqsiineq,
- 5) sulliviit taaguutaannik ajoqsiineq,
- 6) nutaatut nioqqusianik illersugassanik ajoqsiineq,
- 7) atuisartunut siunnersuisoqatigiit, tuniniaaneq, nalunaaqutsersuineq, akit aamma tunisassianik unio-qutitsinikkut issuaaniartoqartillugu atuisartut maalaaruteqartarfiat pillugit inatsisartut inatsisaanni § 9-mik unioqqutitsineq.

Imm. 3. Misissuinermut ilanngunneqarsinnaapput atortut tamarmik, imm. 2-mi taaneqartutut ilumut qanorlu annertutigisumik ajoqsiisoqarsimaneranik imaluunniit unioqqutitsisoqarsimaneranik paasi-saqarnissamut pingaaruteqartuusorineqartut, misissorneqassallutittaaq suulluunniit tuniniaanermut atu-gassat, maskiinat tunisassiornermilu atortut allat, naatsorsuuserinermi atortut, tunisatigut akiligassat allassimaffii, inniminnikkat allassimaffii, ussassaarinermi atortut allatigullu allakkiat, qarasaasiatigut paassisutissaatit, qarasaasianiitit aammalu tamakkunatigut toqqorterinermi atortut. Taamaattorli misis-suosoqarsinnaanngilaq paasiniarlugu tunisassioratsit imaluunniit maskiinat kiisalu tunisassiornermi atortut allat nutaatut nioqqusianik illersugassanik ajoqsiisimanersut.

Imm. 4. Eqqartuussisut misissusoqarnissaanik noqqaassut tamakkiisumik ilaannakuusumilluunniit itigartitsissutigisassavaat ilimagisariaqarpal misissuineq misissuiffigeqquneqartup ajoqsiisinaasoq imaluunniit akornusersuutaalersinnaasoq, misissuinerup ingerlannerani pisassallip soqtigisaanut naleqqutingngitsunik.

Imm. 5. Misissuinermi pineqassanngillat atortut, pissutsinik, misissuiffigeqquneqartup § 142, § 143 imaluunniit § 145 naapertorlugit ilisimannittutut nassuaateqarfigisinnaanngisaanik, paassisutissartallit.

§ 702. Misissuisoqarnissaanik noqqaassut Kalaallit Nunaanni Eqqartuussivimmut tunniunneqartasaq. Noqqaassut allagaassaaq paasissutissartaqassaarlu misissueqqusisup noqqaassummut tapersiutitut patsisiginiaaganik, aammalu paasissutissanik suliassap suliarinissaani pisariaqartinneqartussanik.

Imm. 2. Eqqartuussisut aalajangissavaat suliassaq qaqgu sumilu ingerlanneqassasoq tamatuminngalu suliassiissuteqartoq aammalu suliassami sammineqartussaq nalunaarfugalugu. Suliassami sammineqartussaq sioqqutsilluni ilisimatinneqanngitsoorsinnaavoq, aarlerinartortaqarpat ilisimatitsineq atortut, allakkiat, qarasaasiani paasissutissaatit allalluunniit misissuiffigeqquneqartut, piiarneqarnerannik, suujunnaarsinnejarnerannik imaluunniit allanngortinneqarnerannik kinguneqassasorineqartariaqartoq.

Imm. 3. Kinaluunniit suliassami sammineqartussaq sioqqutsisumik ilisimatinneqarsimanngikkaluarluni piginnaatitaassaaq misissuinissamik noqqaassut eqqartuussisunit aalajangiiffiginiarneqalersinnagu oqaaseqaateqarnissamut, taamaattoq tak. imm. 4.

Imm. 4. Misissueqqusineq sulissutigineqalersinnaavoq suliassami sammineqartussaq ornigutinngikkaluartoq imaluunniit naapinneqarsinnaanngikkaluartoq. Taamaassappat eqqartuussisut inunnut allanut, 18-inik ukioqalereersimasunut najuuttunut aammalu misissuiffigineqartussami pissutsinik ilisimaarinnitutut isumaqarfigisanut, kajumissaarissapput suliassap ingerlanneqarnerani suliassami pineqartup soqutigisaanik isumaginninniaqqullugit. Suliassami sammineqartussaq misissuisoqarnissaanik sioqqutsilluni ilisimatinneqarsimanngippat, sumiiffimilu soqutigisaanik isumaginnissinnaasunik najuuttoqanngippat misissuinissaq kinguartinneqassaaq, pissutsinik immikkut ittunik atuuttoqanngippat.

Imm. 5. Suliassami sammineqartussaq misissuisoqarnissaanik sioqqutsilluni ilisimatinneqarsimanngippat taanna allaluunniit taassuma soqutigisaanik isumaginnittussaaq, tak. imm. 4, eqqartuussissuserisumik aggersaanissamut piginnaatitaassaaq. Misissuiffigineqartussap taassumaluunniit sinnisaata piginnaatitaanermik tamatuminnga atuinissaq kissaatigippagu, misissuinissaq eqqartuussissuserisup takkunnissaanut kinguartinneqassaaq. Taamaassanngilarli misissuiniarnermik kinguartitsineq pisariaqanngitsumik kinguarsaanerussappat imaluunniit imm. 2-mi oqaaseqatigiit aappaanni taaneqartut pisoqarnissaa aarleqqutigineqassappat.

Imm. 6. Misissuinerup ingerlanneqarnissaanik aalajangiinissamut piumasaqaataavoq misissuinissamik noqqaassuteqartoq misissuiffigineqartup ajoquserneqarsinnaaneranut imaluunniit akornusersorneqarsinnaaneranut qularnaveeqqusiissasoq, eqqartuussisut qaqtigoortumik allatut aalajangiinngippata. Eqqartuussisut qularnaveeqqusiussassat suussusissaat annertussusissaallu aalajangissavaat.

Imm. 7. Suliassami sammineqartussaq najuussimanngippat eqqartuussisut pisariaqanngitsumik kinguarsaratik taassumunnga susoqarsimaneranik ilisimatitsissapput. Taamaassappat suliassami sammineqartussaq ilisimatitsissummik tigusaqareernerminiit sapaatip akunnera ataaseq qaangiutsinnagu piumasaqarsinnaavoq suliassamik ingerlatsisimaneq nanginneqaqqullugu. Misissuinermiit pissarsiat misissueqqusisumut tunniunneqarsinnaassanngillat piffissarititaq taanna qaangiutereertinnagu. Suliassami sammineqartup suliassap nanginneqarnissa piumasarippagu paasissutissarsiat aatsaat tunniunneqarsinnaalissapput eqqartuussisut suliassami aalajangiiffigineqgereerpata.

Imm. 8. Eqqartuussisut aalajangiineri tunngavilersugaassapput.

Imm. 9. Eqqartuussisut uppernarsaatissanik saqqummiinissamik pinngitsoortitsisinnaapput tamanna suliassanik ingerlatsinissamut naleqqussorinanngippat.

§ 703. Misissuineq eqqartuussisut sulissuteqarneratigut ingerlanneqartassaaq. Uppernarsaatissanik qularnaarinissaq siunertalarugu eqqartuussisut pigisanik allakkianilluunniit pisariaqarsorisatut annertutigisunik arsaarinnikkallarsinnaapput, soorluttaaq eqqartuussisut allalluunniit, taamaaliornissamut eqqartuussisunit piginnaatitaasut, allakkianik, qarasaasiatigut paasissutissanik, qarasaasianut immiussanik paasissutissanillu allanik assiliisinnaassasut, filmiliarinnissinmaasut kiisalu nuutsitsisinaassasut.

Imm. 2. Eqqartuussisut immikkut paasisimasalimmik nakerisarsiortunngitsumik ataatsimik arlalinnilluunniit toqqaasinnaappput misissuinerup ingerlannerani ikuuttussananik.

Imm. 3. Inuk, noqqaassumvik saqqummiussimasoq, taassumaluunniit sinnisaat piumasaqaatit eqqartuussisunit aalajangersarneqarsimasinnaasut tunngavigalugit misissuisoqarnerani najuussinnaatitaavoq, taamaallaalli siunertalarugu paasissutissatigut, tunisassianik assigisaannillu suussusersiniaanermi eqqar-

tuussisunut ikiuunnissaq. Taamaattorli eqqartuussisut aalajangersinnaavaat inuk noqqaassummik saqqummiussisimasoq taassumaluunniit sinnisaaj najuutissanngitsoq.

Imm. 4. Eqqartuussisut misissuinerit ingerlannerini maluginiakkanik pisariaqarnerattut annertutigis-unik eqqartuussisut suliaannik allassimaffimmuit allattuisassapput, soorlutaaq atortut imaluunniit allakkiat uppersaatissat arsaarinissutigineqarallarsimasut nuutsitsinerillu il.il. eqqartuussisunit allattorneqartassasut. Atortut tamakku eqqartuussisunit imaluunniit allamit eqqartuussisut taamaasiornissamut pigin-naatitaannit toqqortarineqassapput. Eqqartuussisut allatut aalajangiisimatinnagit atortutigut pissarsiat tamakku illuatungeriinnit takuneqarsinnaatitaassapput, eqqartuussisullu pisariaqarneratut annertutigis-unik paasissutissarsianik tamakkualuunniit nuutsinneqarnerenik illuatungeriinnut tunniussaqartarsin-naapput. Immikkut paasisimasalimmik nakerisarsioruntuunngitsumik peqataasoqarsimappat, taanna eqqartuussisut piffissaliussaat qaangiutsinnagu misissuineq tamatumani angusat pillugit nassuaasiussaaq. Nassuaasiap nuutsinneqarnera eqqartuussisunit illuatungeriinnut nassiuunneqassaaq.

Imm. 5. Immikkut paasisimasalimmik ikiorteqarnermi aammalu atortunik il.il. arsaarinissutaagallar-tunik toqqortarininnermi aningaasartuutit kiisalu allatigut immikkut ittumik aningaasartuutit misissu-inissamik noqqaassuteqarsimsumit akilerneqarallassapput. Eqqartuussisut aalajangersinnaavaat inuk, noqqaassummik saqqummiussisimasoq, aningaasartuutit akilernissaannut qularnaveeqqusiiqasooq.

Imm. 6. Eqqartuussisut misissuuffigineqartup iniutaanut toqqorsiviinullu pisariaqarsorisaminut misis-suinerup ingerlanniarnerani isersinnaatitaassapput. Eqqartuussisut tamanna siunertalarugu pissaanermik pisariaqartumik atuisinnaassapput. Politiit noqqaavagineqarnikkut tamatumani eqqartuussisunut ikiut-tassapput.

§ 704. Inuk, noqqaassummik saqqummiussaqarsimasoq, misissuinerup naammassineranik eqqartuus-sisut nalunaarutaannik tigusaqareernermit sapaatip akunneri sisamat qaangiutsinnagit ajoqsiinerit imaluunniit unioqqutitsinerit misissueqqusisummi tunngavagineqartut pillugit eqqartuussivimmut suli-assiissuteqartassaaq, suliassami sammineqartup malersuinissaq taamaatiinnangippagu. Eqqartuussivik-koortitsineq Kalaallit Nunaanni Eqqartuussivimmut suliassiissutaassaaq. Suliassiissutigineqartup eqqar-tuussivikkut malersuinissaq taamaatiinnarsimanngippagu eqqartuussivikkullu suliassiineq piffissarititaq eqqorlugu pisimanngippat, eqqartuussisut noqqaassuteqartullu pigisat tigummisassatut arsaarinissutaa-gallarsimasut allakkiallu uppernarsaatissat, nuutsitat allatigullu uppernarsaatissatut pissarsiat utertillugit tunniutissavaat, misissuisoqarneranilu saqqummersut ajoqsiinermut imaluunniit unioqqutitsinernut uppernarsaatitut atorneqarsinnaassanngillat.

Imm. 2. Misissuunissaq pillugu aalajangiineq misissuereernerup kingorna atorunnaarsinnejarpat imm. 1-imi oqaaseqatigiit pingajui taamatulli atortutinnejassapput.

Imm. 3. Paasinarsippat noqqaassuteqartup pisassatut patsisiginiagai tunngavissaqanngitsut imaluunniit noqqaassutigisaa atuutsinniarneqarsinnaanngitsoq inuk suliassami pineqartoq annaasaqaatinut narru-juummisitaanermullu taarsiivigineqarsinnaatitaavoq. Aamma taamaassaaq uppernarsarneqarsinnaan-ngippat suliassami pineqartoq ajoqsiinernut imaluunniit unioqqutitsinernut, misissuunissamik noqqaas-summi pineqartunut, pisuusoq.

Imm. 4. Imm. 3 naapertorlugu taarsiivigeqqusissut illuatungaaniit piumasaqaatitut atuutsinniar-neqarsinnaavoq eqqartuussivikkut suliassap, noqqaassuteqartup suliassiissutigisimasaata, suliarineqarner-ata nalaani imaluunniit nammineerluni immikkut suliassiissuteqarnikkut. Inuk, noqqaassummik saqqummiussisimasoq, imm. 1-imi oqaaseqatigiinnut siullernut naapertuuttumik eqqartuussivikkut suli-assiissuteqanngippat suliassami pineqartoq taarsiivigineqarnissaq pillugu immikkoortumik suliassiissuteqassaaq, siulliulluni noqqaassuteqarsimasup suliassiisinhaaneranut piffissarititaasup qaangi-utereerneranit qaammatit pingasut qaangiutsinnagit. Misissuunissamik aalajangiineq suliassap nangit-neqarnerata kingorna, tak. § 702, imm. 7, oqaaseqatigiit aappaat, imaluunniit aalajangeqqitassanngorti-sissutip suliarineqarnerata nalaani, atorunnaarsinnejarpat tamanna pillugu aalajangiisuteqarnermi inuk, suliassiissutigineqartoq, imm. 3 malillugu taarsiivigineqartussanngortinnejarsinnaavoq.

§ 705. Suliassamik suliaqarneq pillugu §§ 218, 604, imm. 7, 605, imm. 3, 607, imm. 5, aamma 606, imm. 1, nr. 1 aamma 2 taamatulli atortutinnejassapput.

Kapitali 53

Ingerlatitseqqitassanngortitsineq

§ 706. Pinngitsaaliinikkut naammassinniniaanissaq pillugu aalajangiinerit, eqqartuussivinnit aamma Kalaallit Nunaanni Eqqartuussivimmit aalajangiinerusut, saqtsaannermik suliassanik aalajangeqqitas- sanngortitsisarneq pillugu malittarisassanut naapertuuttumik Kalaallit Nunaata Eqqartuussisuuneqarfianut aalajangeqqitassangortinnejarsinnaapput. Malittarisassat taakku aammattaaq atortutinnejassapput Kalaallit Nunaata Eqqartuussisuuneqarfia aalajangiinerinik aalajangeqqitassanngortitsinissaq pillugu akuersisitsinnaanermi.

Imm. 2. Aalajangiinernik, akitsorterussinissaq pillugu suliassani akitsorterussinerup naammassinerani aalajangiinerusunik, aalajangeqqitassanngortitsineq kinguartitsigallarnermik sunniuteqartussaavoq. Aalajangiinernik, akitsorterussinerup naammassinnginnerani aalajangiinerusunik, aalajangeqqitas- sanngortitsinerni kinguartitsigallarnissamik aalajangersagaq piumasaqaatitalerneqarsinnaavoq aala- jangeqqitassanngortitsisoq akitsorterusseqqinnissaq pillugu ataatsimiinnermi aningaasartutissanut qu- larnaveeqqusiissasoq.

Imm. 3. Pigisanik arsaarinnikkallarnissamik imaluunniit inerteqqummik eqqartuussutinik naammass- inniniaasartup atorunnaarsitsinerata atuutilernissaa aalajangeqqitassanngortitsinikkut akornusern- eqarsinnaanngilaq.

Immikkoortoq IX

Aalajangersakkat allat

Kapitali 54

Eqqartuussivikkut killisiuisarneq

§ 707. Pisortat oqartussaatitaannit noqqaavagineqarnikkut eqqartuussivikkut killisiuisussanngortitsisoq- qarsinnaavoq, pissutsinik inatsisitigut pingaarutilinnik misissuinissaq paassisutissarsinissarlu siunertara- lugu. Eqqartuussivikkut killisiueq eqqartuussisooqataasut peqataafffiginngisaannik najukkami eqqar- tuussisumit ingerlannejartassaaq.

Immikkoortoq X

Eqqartuussivimmut akitsuut

Kapitali 55

Innuttaasut eqqartuussivikkut suliassiissutaasa siullermeeriffiusumik suliarineqarneranni akitsuutit

Innuttaasut eqqartuussivikkut suliassiissutaat

§ 708. Innuttaasut eqqartuussivikkut suliassiissutaannut siullermeeriffiusumik suliarineqartunut akit- suuit 500 koruunit akilerneqartassapput.

§ 709. Suliassiissummi piumasaqaatit arlallit, § 708-imi pineqartunut atasut, pineqarpata akitsuut ataa-seq akilerneqartassaaq, aamma suliassamik suliassiissuteqartut arlaliutillugit imaluunniit suliassanngor-titaasut arlaliutillugit.

§ 710. § 189 malillugu suliassiissummi allamik peqataasussanngortitsineq aammalu suliassiissummi akuliuttoqarneq pillugu apeqqutit suliassiissutitut immikkoortutut isigineqassapput. § 192 malillugu suliassani akuliunnernut akitsuutinik akiliisitsisoqassanngilaq.

§ 711. Suliassangortitap immikkoortitamik eqqartuussuteqartoqarnissaa piumasarippagu, piumasari-saq taama ittoq immikkoortumik suliassiissutitut isigineqassaaq.

Imm. 2. Tamannali atortuutinnejassanngilaq, nioqqusiamik nutaamik illersuiniarneq pillugu akuliun-nermi suliassanngortitaq piumasaqaateqarpat nioqqusiap nutaap illersorneqarnera atuukkunnaartillugu aalajangiisoqassasoq.

§ 712. Eqqartuussisut suliassamik sularinnissinnaannginnerat pissutigalugu suliassaq itigartitsissuti-gineqarpat akitsuutinik akileeqqittoqassanngilaq, suliassaq itigartitsinermit qaammatit pingasut qaangiutsinnagit suliassiissutigineqaqqissappat. Aamma taamaassaaq tamatuminngattaaq pissuteqartumik imaluunniit suliassami illuatungeriit tamarmik takkutinngitsoornerat pissutigalugu suliassaq unitsin-neqarpat. Taamaassappat piffissarititaasoq naatsorsorneqassaaq ullormiit suliassap kingullermik piffissa-liivigneqarsimaneranit aallartittumik.

§ 713. Suliassami nangitassanngortitami akitsuutinik akiliisoqassanngilaq. Aamma taamaassaaq su-liassaq kinguartikkallarneqareerluni aammalu Kalaallit Nunaanni Atuisartunut Maalaaruteqartarfimmumt suliassanngortillugu nassiuinneqareerluni eqqartuussivimmut saqqummiuteqqinnejqarpat.

Imm. 2. Suliassiisup suliassaq maalaaruteqartarfimmumt imm. 1-imi oqaaseqatigiit aappaanni taaneqar-tumut nassiuinneqareerneragut unitsippagu akitsuutit akilikkat utertillugit akilerneqarnissaat piumasari-neqarsinnaavoq.

§ 714. Suliassaq eqqartuussivimmi alliunerusumi suliareqqinnejqartussanngorlugu utertinnejqarpat, sularinnejqqiinissamut akitsuutinik akiliisoqassanngilaq.

§ 715. Akitsuutinik akiliisussaaneq atuutilertassaaq

- 1) suliassanngortitsissutinut suliassamilu allakkianut allanut akitsuuteqartussanik imaqartunut: tunnus-sisoqarnerani,
- 2) suliassami allakkiat akitsuuteqartussanik imallit eqqartuussisunut saqqummiunneqartut: saqqum-miunnerini,
- 3) piumasaqaatit akitsuuteqartussanik imallit, eqqartuussivimmi oqaatsitigut saqqummiunneqartut: saq-qummiunneqaraangata.

§ 716. Akitsuuserneqassanngillat suliassat makkununnga tunngasut:

- 1) Folketingimut, Inatsisartunut kommunalbestyrelsinullu kiisalu piffinni kommunit aggornerisa avataa-niittuni innuttaasut siunnersuisoqatigiivinut qinigaasinnaatitaanermut itigartitsinerit,
- 2) qitornavissiartaarneq,
- 3) appariinneq imaluunniit angajoqqaatut oqartussaassuseqarneq,
- 4) ataatassarsiuiteq,
- 5) angajoqqaatut sinniisutitaaffit,
- 6) kiffaanngissusiiyanernik allaffissornikkut aalajangikkanik misiliineq, aamma
- 7) qularnaveeqqutitut arsaarinnikkallarnerit imaluunniit inerteqquatinik atortussanngortitsineq, pingaa-nerut suliassaq suliassiissutaasimatillugu.

§ 717. Akitsutinik makkua akiliisassangillat:

- 1) naalagaaffimmia torfilittut tjenestemandit, peqquneqarnikkut suliassiissuteqartut, aamma
- 2) illuatungiusoq nammineq aningaasartuutiginnigisamik eqqartuussisulersuussisinnaasooq.

Imm. 2. Illuatungiusoq suliassami aningaasartuutinik akileeeqquneqarpat imm. 1, nr. 1-imni taaneqartutut pisuni akitsutinik akiliisussangortitaassaaq malittarisassat siuliini taaneqartut malillugit, taamaasanili pissutsit immikkut ittut tamatumunnga akerliussappata. Akitsutinik akiliisussaaneq atuutilertassaaq eqqartuussisut aalajangiigaangata.

Uppernarsaatissanik ilanngussisarneq il.il.

§ 718. Uppernarsaatissanik ilanngussinermi, matumunnga ilanngullugit misissuinissanik naliliinissallu ilanngussineq, uppernarsaatissanik ilanngussinissaq Kalaallit Nunaanni imaluunniit nunami allami pissagaluarpalluunniit, akitsuutit 400 koruunit akiliutigineqassapput, tamanna Kalaallit Nunaanni eqqartuussinerup nalaani imaluunniit eqqartuussinermi atugassatut pissanngippat. Akitsuutit aamma taakku akilerneqartassapput isumaqatigiissitsiniaaneq pillugu inatsimmi §§ 3, 4 aamma 6 malillugit noqqaassutinik suliaqarnermi.

Imm. 2. Imarsiornermi killisiuinerit akitsuuteqassangillat.

§ 719. §§ 709-717-mi malittarisassat taamatulli atortuutinnejqassapput pisariaqarneratut oqilisaatitalerlugit.

Kapitali 56

Naammassinninniaanernut aamma pinngitsaaliinikkut tuniniaanernut akitsuutit

Naammassinninniaanerit

§ 720. Makkuningga suliassaqarnermi akitsuutit 300 koruunit akilerneqartassapput:

- 1) qularnaveeqqutissatut arsaarinninnermi,
- 2) usinik arsaarinnikkallarnermi
- 3) akiligassarsilluni pisisarneq pillugu inatsimmi § 27, imm. 3 malillugu qularnaveeqqutitut arsaarinninnerni, akiligassaqarfigisamit utertitsinissamut atasumik piaarnerpaamik pisussatut noqqaassutigineqartuni,
- 4) eqqartuussutinik aningaasanut tunngassuteqanngitsunik naammassinninniaanerni,
- 5) isertertisinerit anisitsinerillu eqqartuussummik naammassinninnermik ilequusutut tunngavissaqann-gitsut.
- 6) inerteqquteqarnissaq pillugu suliaqarnerit,
- 7) piginnaatitaaffinnik tigussaanngitsunik il.il. ajoqsiinerni uppernarsaatissanik qularnaarinissaq pillugu suliaqarnermi,

Imm. 2. Akiligassaqarfigisap akiitsulimmit ataasiusumit piumasaqaatit arlaliusut pillugit qularnaveeq-qusiissutaasumik pisassaqarneq tunngavigalugu qularnaveeqqutitut sillimmasiussinissaq noqqaassutigippagu akitsuut ataaseq akilerneqassaaq.

Imm. 3. Akiligassaqarfigisap akiitsulinnit arlalinnit piumasaqaatit assigiit pillugit qularnaveeqqutitut sillimmasiussinissaq imaluunniit arsaarinnikkallarnissaq noqqaassutigippagu, akiitsullit tamarmik immikkut akitsutinik akiliunneqassapput. Tamannali atuutissanngilaq akiitsullit aappariittut inooqati-giuppata imaluunniit noqqaassut illumut, akiitsulinnit peqatigiinnikkut pigineqartumut, tunngasuuppat.

Imm. 4. Akitsutinik akiliisussaaneq atorunnaassaaq eqqartuussutinik naammassinninniaasartup qu-larnaveeqqutitut sillimmasiussinissaq § 603, imm. 1 malillugu itigartitsissutigippagu, imaluunniit suliasaq akiliisinnaajunnaarneq pillugu inatsimmi §§ 16-16 a, § 31, § 171 aamma § 207, imm. 1 malillugit itigartitsissutigineqarpat.

§ 721. Akitsutinik akiliisussaatitaaneq suliassani § 720-mi pineqartuni atuutissaaq, eqqartuussutinik naammassinninniaasartumut piumasaqaat pillugu siullermeersumik noqqaassuteqartoqaraangat.

§ 722. Qularnaveeqquusiussamik pisassaqarneq tunngavigalugu qularnaveeqquutissatut sillimmasiussierniit allaanerusumik naammassinninniaanerni akitsutinik nutaanik akiliisoqartassaaq, taamaattoqasananili akiligassaqarfigisaq akitsutinik akiliisussaanerup atuutilereerneraniit qaammatit pingasut sinerlugit qaangiunnerisigut eqqartuussisunut taakkusuunut imaluunniit eqqartuussisoqarfimmi allami eqqartuussisunut piumasaqaatit pillugit noqqaassuteqarpat.

§ 723. Eqqartuussutinik naammassinninniaanerit makku akitsuuserneqartassanngillat

- 1) pinerlunnernik suliassani akiliisitsissutit, naliliutit arsaarinnissutaasimasut suliassamilu aningaasarutuit, pisortanit akilersinniarneqartut,
- 2) akitsuutit aamma suliassami aningaasartuutit, eqqartuussiviit akilersinniagassaat,
- 3) piumasaqaatit illuatungiusumit, nammineq aningaasartuutigingisamik eqqartuussisulersuussisumit, pisassat,
- 4) piumasaqaatit naalagaaffimmi atorfilitut tjenestemandimit peqquneqarnikkut taassuma suliassiissataata suliarineqarnerani pisassanngortitat,
- 5) innuttaasut piumasaqaataat pinerlunnernik suliassap pisortatigoortumik suliarineqarnerani aalajangerneqartut,
- 6) angajoqqaatut oqartussaassuseqarneq qitornamillu najorteqarsinnaatitaaneq, aamma
- 7) pinngitsaaliinikkut tuniniaanermi piginnittuulersumut allagartaliuussineq.

§ 724. §§ 720-723-mi aalajangersakkat atortuutinnejassanngillat eqqartuussutinik naammassinninniaanernut, politiinit imaluunniit akiliisitsiniaasartunit ingerlanneqartunut, taamaallaat pinnagit isertertsinianerit anisitsiniaanerillu politiinit suliarineqartartut.

Imm. 2. §§ 720-723-mi aalajangersakkat atortuutinnejassanngillat eqqartuussutinik naammassinninniaanerit politiinit imaluunniit akiliisitsiniaasartunit ingerlanneqarsimasut, eqqartuussisunut § 609, imm. 1 malillugu saqqummiunneqarsimasut.

Pinngitsaaliinikkut tuniniaaneq

§ 725. Pinngitsaaliinikkut tuniniaanernut, eqqartuussivimmit ingerlanneqartunut, akitsutinik akiliisoqartassaaq §§ 726-727-mi aamma § 728-mi malittarisassat naapertorlugu.

§ 726. Illu, umiarsuaq imaluunniit silaannakkoortaat nalunaarsugaq, atortui nuunneqarsinnaasut ilannegullugit, pillugu pinngitsaaliinikkut tuniniaanissamik noqqaassummik suliaqarnermut akitsuutit 500 koruunit akilerneqartassapput. Taamaattorli § 665, imm. 1 naapertorlugu pinngitsaaliinikkut tuniniaaq-qinnissamik noqqaassut pillugu akitsutinik akiliisoqartassanngilaq.

Imm. 2. Paarsinerlunneq tunngavigalugu pinngitsaaliinikkut tuniniaanerni imm. 1-imu malittarisassat taamatulli atortuutinnejassapput.

§ 727. Piginneqataassutit, akiitsut allagartaat pisassallu allat pillugit pinngitsaaliinikkut tuniniaanissamik noqqaassummik suliaqarnermi akitsuutit 300 koruunit akilerneqartassapput.

§ 728. § 717, imm. 1, nr. 2-mi malittarisassaaq taamatulli atortuutinnejassapput akitsutinut § 726, imm. 1-imu aamma § 727-imu eqqartorneqartunut, pinngitsaaliinikkut tuniniaanissamut nammineq aningaasartuutigingisamik eqqartuussisulersuussinissaq akuerineqarsimatillugu.

Ingerlatitseqqittassanngortitsinermut akitsuutit

Suliareqqitassanngortitsineq

§ 729. Inuttaasunik eqqartuussisarnertut ilusilimmik nunatta eqqartuussisuuneqarfianut suliareqqitassanngortitsinermi akitsuutit 750 koruunit akilerneqartassapput. Eqqartuussiviit Qullersannut suliareqqitassanngortitsinerni akitsuutit 1.500 koruunit akilerneqartassapput.

§730. Suliassanik § 716, imm. 1, nr. 1-6-im ieqqartorneqartunik suliareqqitassanngortitsinermi akitsuutsinik akiliisoqartassanngilaq.

Imm. 2. § 717-mi malitarisassat atortuutinnejassapput imm. 1, nr. 2-mi pineqartunik suliareqqitassanngortitsinerni, aatsaalli illuatungiusoq suliareqqitassanngortitsinikkut suliassami nammineq aningaasartutigingisaminik eqqartuussisulersuussisinnaatitaappat.

Aalajangeqqitassanngortitsineq

§ 731. Nunatta Eqqartuussisuuneqarfianut aalajangeqqitassanngortitsinermi akitsuutit 400 koruunit akilerneqartassapput, aammalu Eqqartuussiviit Qullersannut aalajangeqqitassanngortitsinermi akitsuutit 750 koruunit akilerneqartassallutik.

§ 732. Aalajangeqqitassanngortitsineq ukunannga aallarnerneqartoq akitsuuserneqartassanngilaq
1) suliassami § 716, nr. 1-6 naapertorlugit akitsuuserneqartussaanngitsumi illuatungeriinnit,
2) illuatungeriinnit, § 717, imm. 1, naapertorlugu akitsuutinik akiliisussaatitaanngitsunit,
3) pineqaatissiissuteqartitsilluni suliassani pisortatigoortuni unnerluussisussaatitaasumit aamma pasisamit,
4) illersuisunit aamma eqqartuussissuserisunit ivertinneqarsimasunit, akissarsiassat pillugit apeqqummut tunngatillugu.

§ 733. Eqqartuussiviup pineqartup aalajangiineq aalajangeqqitassanngortitaq allanngortippagu, aalajangeqqitassanngortitsinermi akitsuutit akilerneqartut utertillugit akilerneqassapput. Aalajangeqqitassanngortitsissutip aalajangiiffigineqarnerani suliassiissuteqartoq tamakkiisumik ilaannakuusumilluunniit isumaqatigineqarpat aalajangeqqitassanngortitsinermi akitsuutit akilikkat taamatuttaaq utertillugit akilerneqassapput.

Aammaarlugu suliariinninneq aamma immikkut ittumik suliareqqitassanngortitsineq

§ 734. Suliassap aammaarlugu suliarineqarnissaanik imaluunniit eqqartuussisarnermik inatsimmi §§ 528 aamma 532 naapertorlugit eqqartuussummik immikkut ittumik suliareqqitassanngortitsinissamik qinnuteqaatinik suliaqarnermi akitsuutit 1.500 koruunit akilerneqartassapput. Taamaattorli akitsuutit akilerneqassangillat illuatungiusoq nangitsinissamik qinnuteqaammik saqqummiussinissamut nammineq aningaasartutigingisamik eqqartuussisulersuussisinnaatitaappat. Akitsuutit utertillugit akilerneqassapput qinnuteqaat malitassanngortitaappat. Suliassap aammaarlugu suliariinissaani imaluunniit naammagittaalliuutaanerani akitsuutinik akiliisoqartassanngilaq.

§ 735. Kalaallit Nunaanni Eqqartuussivik akitsutinik aalajangersaallunilu tigusaqarsinnaatitaavoq. Taamaattorli Kalaallit Nunaanni politimesteri isertertsinissanik anisitsinissanillu naammassinninniaanerni, politiinit § 724, imm. 1, malillugu ingerlanneqartussani, akitsutinik aalajangersaallunilu tigusaqarsinnaatitaavoq.

§ 736. Akitsutinik akiliisussaatitaaneq atuutilersinneqartassaaq, allatut aalajangiisoqarsimatinngagu, eqqartuussisutigoortitsinissamik noqqaassummik saqqummiussisoqaraangat.

Imm. 2. Allatut aalajangiisoqarsimatinngagu akitsutinik akiliisussaq tassaassaaq noqqaassummik saqqummiussisoq. Piginnaatisssut naapertorlugu noqqaassut saqqummiunneqarpat aamma piginnaatitaasoq akitsutinik akiliisussanngussaaq, taakku noqqaassutip saqqummiunneqarnerani aalajangersarneqassappata.

§ 737. Eqqartuussisulersuussinermut akitsuut eqqartuussisulersuussinissamik noqqaassutip saqqummiunneqarnerani aalajangersarneqarsinnaappat akitsuutit noqqaassuteqarnermut peqatigitillugit akileqquneqarsinnaapput. Piumasaasut malillugit akitsuutit akilerneqanngippata eqqartuussisut akitsutinik akiliinissamut piffissaliisinnnaapput. Piffissaliussaq qaangiutsinnagu akiliisoqanngippat noqqaassut atorunnaartutut naatsorsuunneqassaaq. Taamaassappat aamma akitsuutit atorunnaassapput.

Imm. 2. Noqqaassutip saqqummiunneqarnerani akitsuutit aalajangersarneqarsinnaanngippata piumasaqaateqarnerup kingorna akitsuutit akilerneqassapput. Noqqaassutip saqqummiunneqarnerani akitsuutit akilernissaannut qularnaveeqquisiinissaq piumasarineqarsinnaavoq, eqqartuussisut namminneerlutik eqqartuussisulersuussinngippata. Tamatumani imm. 1-imi oqaaseqatigiit aappaannit sisamaannut aalajangersakkat taamatulli atortuutinneqassapput.

§ 738. Immikkoortoq taanna malillugu akitsuutit naalagaaffiup karsiata pisassarissavai.

Akitsutinik aalajangersaanermik maalaaruteqarneq

§ 739. Akitsutinik akiliisussamiit akitsutinik naatsorsuineq pillugu akerliliissuteqarneq pisassaaq maalaarummik Kalaallit Nunaanni Eqqartuussivimmuit tunniussaqarnikkut. Maalaarut akitsutinik akiliisussap aalajangersaanermik ilisimannlerneraniit kingusinnerpaamik sapaatit akunneri arfinillit qaangiutsinnagit tunniunneqartassaaq.

Imm. 2. Kalaallit Nunaanni Eqqartuussiviup qaammatinik arfinilinnik piffissarititamik qaangiinissaq naatsorsuutigingitsoorsinnaavaa qaangiineq pissutsinik immikkut ittunik utoqqatsissutissaqarpat.

Imm. 3. Maalaarut taperserneqarpat akitsutinik tamatumunnga naapertuutumik aalajangersaasoqaqqissaq.

Imm. 4. Akitsutinik aalajangersaaneq imm. 3 naapertorlugu allanngortinneqassanngippat tunngavilersukkamik aalajangiisoqassaaq. Aalajangiineq Kalaallit Nunaanni Eqqartuussiviup aalajangiinerissavaa.

Imm. 5. Eqqartuussisut namminneerlutik naliliinertik malillugu maalaaruteqartumiit paassisutissarsiniarsinnaapput imaluunniit uppermarsaatissarsiorsinnaallutik. Aalajangiinerup akitsutinik aalajangersaaneq atortussangortissinnaavaa imaluunniit allanngortissinnaallugu iluaquisiisumik imaluunniit ajoqtaasumik.

Imm. 6. Aalajangiineq sapaatit akunneri marluk qaangiutsinnagit saqitsaannernik eqqartuussisulersuussisarnertut ilusilimmik aalajangeqqitassanngortinneqarsinnaavoq. Imm. 5-imi aalajangersagaq taamatulli atortuutinneqassaaq.

§ 740. Kalaallit Nunaanni Eqqartuussivik nammineerluni aalajangersaanermik allannguuteqartitsisinnaavoq akitsutinik akiliisussamut iluaquisiisussamik.

Imm. 2. § 739, imm. 5-imi aamma 6-imi eqqartorneqartutut pisut eqqaassanngikkaanni akitsuutinut ikinaarlugit aalajangersakkanut ilassutissanik akiliinissaq piumasarineqarsinnaanngilaq, akitsuutinik akiliisussaasup aalajangersaanermik ilisimannilerneraniit sapaatit akunneri arfinillit qaangiutereersimappata.

Imm. 3. Taamaattorli ilassutitut akiliutissat akileqquneqarsinnaapput aalajangersaaneq akitsuutinik akiliusussap imaluunniit taassuma piginnaatitaata eqqunngitsumik, amigartumik imaluunniit allatut iliorluni paatsiveerussaataasumik paassisutissiineranik tunngaveqarpat. Ilassutitut akileeeqqusineq pillugu maalaaruteqartoqarnerani § 739-mi malittarisassat taamatulli atortuutinneqassapput.

Kapitali 59

Akitsuutinik atulersitsineq pillugu aalangersakkat nalinginnaat

§ 741. Inatsiseqarnermut ministeri illugiilluni pissuseqarnissaq naatsorsuutigalugu piginnaatitaavoq uppernarsaatissanik ilangussinermut akitsuusiinnginnissamut, nunani allani pisortatut oqartussaasut noqqaassuteqarsimatillugit.

Imm. 2. Naalagaaffinnut takornartanut isumalioqatigiissutini aalajangersaasoqarsinnaavoq immikkoortumi matumani aalajangersakkat naapertorlugit akitsuusiisoqassanngitsoq.

Immikkoortoq XI

Isumalioqatigiissitat

Kapitali 60

Kalaallit Nunaanni Eqqartuussiveqarneq pillugu Isumalioqatigiissitat

§ 742. Pilersinneqassapput Kalaallit Nunaanni Eqqartuussiveqarneq pillugu Isumalioqatigiissitat, Kalaallit Nunaanni Namminersornerullutik Oqartussat naalagaaffimmilu oqartussaatitat akornanni pinerluttulerinermi- aamma eqqartuussisarnermik inatsisit pillugit ataqtigiaasaarinermit suliaqartussat, ilangullugit suliarissallugit inatsisitigut tunngavissanik tamakkunatigut siuarsaaneq, tamatumunnga atasumik ilisimatusarnermik aallarnisaaneq kiisalu eqqartuussivinni oqartussaatitaasut ataasiakkaat sulinerinik aamma ilinniagaqarnissamik pisariaqartitsinerinik malinnaaviginneq.

§ 743. Kalaallit Nunaanni Eqqartuussiveqarneq pillugu Isumalioqatigiissitat 13-inik ilaasortaqaqassapput, tassaasunik Kalaallit Nunaanni eqqartuussisuuneq, Kalaallit Nunaanni Eqqartuussivimmek eqqartuussisoq, Kalaallit Nunaanni politimesteri, Kalaallit Nunaanni Pinerluuteqarsimasunik Isumaginnittoqarfimmi pisortaq, Kanukoka, eqqartuussissuserisoq ataaseq, illersuisoq ataaseq, ilisimatusarfimmi ilinniartitsisoq ataaseq, Kalaallit Nunaanni Namminersornerullutik Oqartussaniit sinniisutitat marluk kiisalu Inatsiseqarnermut Ministereqarfimmiit, Domstolsstyrelsimit aamma Pinerluuteqarsimasunik Isumaginnittoqarfimmut Pisortaqarfimmiit sinniisutitat.

Imm. 2. Eqqartuussissuserisoq inatsiseqarnermut ministerimit toqqarneqassaaq Eqqartuussissuserisut Isumalioqatigiissitat innersuussutaat malillugu, illersuisorlu toqqarneqassaaq Kalaallit Nunaanni Illersuisut Peqatigiiffiata innersuussutaa naapertorlugu. Ilisimatusarfimmi ilinniartitsisoq Inatsiseqarnermut ministerimit toqqarneqassaaq.

Imm. 3. Inatsiseqarnermut ministeri aamma Namminersornerullutik Oqartussat peqatigiinnikkut siulittaasussamik, isumalioqatigiissitan ilaasortaasinnaasumik, toqqassapput.

Imm. 4. Inatsiseqarnermut ministerip Namminersornerullutik Oqartussat isumasioqatigereerlugit aalajangersassavai isumalioqatigiissitat sulinissaannut malittarisassat erseqqinnerusut, aamma isumalioqatigiissitat allattoqarfeqarnissaasa isumaginssaa.

Kapitali 61

Kalaallit Nunaanni Pinerluttaalisitsiniarneq pillugu Isumalioqatigiissitat

§ 744. Pilersinneqassapput Kalaallit Nunaanni Pinerluttaalisitsiniarneq pillugu Isumalioqatigiissitat, inatsisit atuuttut naapertorlugit pinerluttaalisitsiniartartussat, ilanngullugit suliarisassallugit isumannaatsuutitsinissap tungaatigut siuarsaaniutit, qaammarsaanerit aamma misilitakkatigut paarlaaqatigiitsineq kiisalu najugarisami SSPK-ip ataatsimiititaliaanik siunnersuineq.

§ 745. Kalaallit Nunaanni Pinerluttaalisitsiniarneq pillugu Isumalioqatigiissitat arfineq-pingasunik ilaasortaqassapput tassaasunik Kalaallit Nunaanni politimesterimiit, Kalaallit Nunaanni Pinerluuteqarsimasunik Isumaginnittoqarfimmuit, Isumaginninnermut Pisortaqarfimmuit, Peqqissutsimut Pisortaqarfimmuit, Kanukokamiit kiisalu Kalaallit Nunaanni nammineq kajumissutsimik suliniaqatigiiffinniit, sulisitsisut kattuffiiniit aamma sulisartut kattuffiiniit sinniisuitat. Nammineq kajumissutsimik suliniaqatigiiffinniit kiisalu sulisitsisut sulisartullu kattuffiiniit sinniisuitat. Nammineq inatsiseqarnermut ministerimit toqqarneqassapput Kultureqarnermut Pisortaqarfimmuit, Kalaallit Nunaanni Sulisitsisut Peqatigiiffianniit kiisalu Sulinermik Inuuussutissarsiuqartut Kattuffianniit (SIK) innersuussutit malillugit.

Imm. 2. Inatsiseqarnermut ministerip Namminersornerullutik Oqartussat isumasioqatigereerlugit aalajangersassavai isumalioqatigiissitat sulinissaannut malittarisassat erseqqinnerusut, siulittaasussamik qinersinissaq ilanngullugu. Isumalioqatigiissitat allatseqarnikkut suliassaat Kalaallit Nunaanni politimesterimit isumagineqassapput.

Immikkoortoq XII

Atortuulersitsissutitut aalajangersakkat

§ 746. Inatsit atortuulersinneqarpoq ulloq 1.januar 2010.

Imm. 2. Taamaattorli §§ 742-745 ulloq 1. juli 2008 attortuulissapput.

Immikkoortoq XIII

Ikaarsaariarnermi aalajangersakkat

§ 747. Inuit, najukkami eqqartuussisutut maannamut sulisimasut, aammalu § 12, imm. 1-imi piumasaqaatinik naammassinnittut, Kalaallit Nunaanni Eqqartuussivimmi eqqartuussisumit inatsisip atortuulersinneqarneraniit ukiut pingasut tikillugit najukkami eqqartuussisuugallartussatut invertinneqarsinnaapput.

Imm. 2. Ivertitsigallarneq atorunnaassaaq najukkami eqqartuussisoq § 12 malillugu aalajangersimasumik atorfinitsinneqarpat imaluunniit najukkami eqqartuussisutut piukkussaq atorfimmii § 16, imm. 3 malillugu invertinneqarpat. Taamaattorli Kalaallit Nunaanni Eqqartuussivimmi eqqartuussisoq ivertitsinerminik siusinnerusukkut tunuartitsisinnaavoq.

§ 748. Inuit, maannamut pinerlunnernik suliassani illersuisutut sulisimasut, aammalu § 66, imm. 1-imi piumasaqaatinik naammassinnittut, Kalaallit Nunaanni Eqqartuussivimmi eqqartuussisumit inatsisip atortuulersinneqarneraniit ukiuni pingasuni piffissalerneqarsinnaapput § 67, imm. 2 malillugu illersuisutut ilinniagaqarnissamut. Piffissami tassani § 66, imm. 2 taamatulli atortuutinnejassaaq.

§ 749. Suliassat, inatsisip atortuulersinneqarnerani Kalaallit Nunaata Eqqartuussisuuneqarfianut suli saqqummiunneqarsimangitsut aammalu inatsit imaluunniit Inatsisartut peqqussutaat imaluunniit malittarisassat inatsit imaluunniit Inatsisartut peqqussutaat naapertorlugu suliaasut naapertorlugit Kalaallit Nunaata Eqqartuussisuuneqarfiani siullermeeriffiusumik suliarisassatut uninngasut, Kalaallit Nunaanni Eqqartuussivimmut siullermeeriffiusumik suliarisassatut suliassanngortinnejassapput.

Christiansborgimi tunniunneqarpoq, ulloq 30. april 2008

Kunngiussutsitsinnik atsiorpugut naqissusiillatalu

MARGRETHE R.

/Lene Espersen